

MECA
NOV
ONE

G

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

EX LIBRIS

Co: Ludovici Pelleatti
e Portogruario.


BIBLIOTECA
SEMINARIO V.
PORDENONE

C


A

CAT g









CAUTION
 THE FOLLOWING
 PROPERTY

WAS ACCIDENTALLY
 OPENED BY
 THE FOLLOWING



WENTHROP LIBRARY
 BOSTON
 MASS.

CATVLLVS.
TIBVLLVS.
PROPERTIVS.

HIS ACCESSERVNT
CORN. GALLI
FRAGMENTA.



VIRTVTE DVCE,



COMITE FORTVNA.

VENETIIS, IOAN. GRYPHIUS
EXCVDEBAT,
1553.

CATVLLVS
TIBVLLVS
PROPERTIVS

THIS ACCESSION

WAS

CORR. GALE

FRAGMENTA



ALWAYS READ



VENETIIS, 1644. AD.
EXCVDEBAT

1223

6

I I I V T A D

C A T V L L I V I T A

EX PETRI CRINITI LI-
BRO SECVNDO DE PO-
ETIS LATINIS.



AIVS Valerius Catullus, Veronæ na-
tus, quo tempore Ter. Varro in urbe cla-
ruit, quidam Crispum Sallustium Catul-
lo supparem faciunt. A' Catulli autem
natalibus ad P. Vergilium paulominus
quam duo deinginti anni connumerantur, si quorundam
annales sequimur, quando & illud constat, carmen de
passere Lesbiæ ad Vergilium missum:

Sic forsan tener ausus est Catullus

Magno mittere passerem Maroni.

Caterum non humili loco aut obscuro natus est, siquidem
eius parens (autore Suetonio) Iulij Cæsaris hospitio usus
est. Val. autem Catullus primo traditur à Mallio Romam
deductus, cum adhuc in tenera ætate ageret, paulo mox
ingenij facilitate & doctrina adeò Romæ acceptus, atq;
cuius gratia, ut M. Tulij patrocinium meruerit: quod
ipsum eleganti epigrammate ingenuè testatus est, quo gra-
tias Ciceroni patrono egit:

Disertissime Romuli nepotum,

Quot sunt, quotq; fuere Marce Tulli,

Quotq; post alijs erunt in annis,

Gratias tibi maximas Catullus

Agit, pessimus omnium poeta,

Tanto pessimus omnium poeta,

Quanto tu optimus omnium patronus,
 Mallium uerò, & eius nuptias magno studio celebravit,
 cum quo se excusat parum sibi licere ueteres amores (ut
 antea) decantare, quoniam fratrem amiserit, ex quo stu-
 dium inquit suum scribēdi carminis se abieciſſe. Sic enim
 ad Mallium:

Sed tibi ne mea sint ignota incommoda Malli,

Neu me odiſſe putes hospitis officium,

Accipe quàm merſer fortunæ fluctibus ipſe,

Ne amplius à miſero dona beata petas.

Tempore quo primum uestis mihi tradita pura eſt,

lucundum cum ætas florida uer ageret,

Multa ſatis luſi, non eſt de a neſcio noſtri

Quæ dulcem curis miſcet amariciem.

Sed totum hoc ſtudium luctu fraterna mihi mors

Abſtulit, heu miſero frater adempte mihi,

Tum ea tu moriens fregi commoda frater,

Tecum una tota eſt noſtra ſepulta domus.

Inter ceteros amicos Furium, & Aurelium dilexit, Cina-
 nā quoque Cornificium, Fabullum, & Verannium, quem
 alicubi & Veranniolum blanditer appellat: puellā præ-
 terea Ipſithilā ciuem ſuam, & Clodiam amauit, quā ficto
 nomine Leſbiam dicit, ſicuti Medaurenſis Apuleius teſta-
 tur in oratione ad Cl. Maximū. Eruditorum conſenſu do-
 cti cognomē accepit, ita enim peculiari epitheto Catullus
 cenſetur. atque hunc quidē Ouidius Vergilianæ maiestati
 opponit, tantum nominis apud eruditos, ac laudis eſt con-
 ſequutus. Sed & uerſus ipſius, quāquam ut duriuſculi no-
 tātur, quod uterque Plinius aſſerit, ſectatores tamē in his
 habuit complures, ſicuti Pompeium Saturinum, & Sena-
 tium

tium augurem qui Catulli epigrammata ac Licinij, mira diligentia, & studiosunt æmulati ut aliàs diximus. Val. quoque Martialis Catullum sibi ipsi audacter præponit. Sic enim ad Macrum:

Nec multos mihi præferas poetas,

Vno sed tibi sim minor Catullo.

Opus suum ad Nepotem Cor. misit, uirum doctrina & rerum cognitione egregium. Diuiditur autē in libros. III. ut primus lyricos, secundus elegidia, tertius autem epigrammata contineat: ad hunc enim modum ordinem ferē meliorem custodiemus. Elegiā de coma Berenices ex poetā Callimacho in Latinos numeros conuertit: eamq; ad Ortalum amicum misit, quæ in elegiarum adhuc libro legitur. Idem Val. Catullus à Fabio Quintiliano, & Dione mede inter iambicos reponitur, ab alijs inter lyricos. In Atticis uero noctibus ut elegantissimus & mūdissimus à Gellio laudatur, qui eius quoque carmē, ut uenustissimū celebrat. Neque illud omittendū, fuisse ab ipso Catullo & alia composita: nā et à Latinis grāmaticis asserūtur uersiculi aliquot, quos in hoc opere haud inuenies, ex quo de prauatum adhuc, inuersumq; alicubi Catulli carmen est. Tum illud in primis, quo Agnatinis ineptijs illudit, quod ex ipsa lectione constare omnibus potest. C. autem Plinius libro hist. naturalis x x i x. ad Cæs. Vespasianum, cum de magia differit, amatorium de incantamentis carmen à Catullo editum refert. Hinc Theocriti inquit, apud Græcos, Catulli apud nos, proximeq; Vergilij incantamentorum amatoria imitatio. Sed & carmen Ithyphalicum scripsit ut est optimus testis Maurus Terentianus ad Nouatemū, qui hos Catulli uersiculos citat



Et ferme modus hic datur à plerisq; Priapo.
 Inter quos cecinit carmen quoq; tale Catullus.
 Hunc tibi lucum dedico, confecroq; Priape,
 Quà domus tua Lampsaci est, quaq; Priape.
 Nam te præcipue in suis urbibus colit ora
 Hellepontica ceteris ostreosior oris.
 Cæsarem maximè Iulium, Phormianum Mamurræ, &
 Nonium Strumæ, iambicis nominatim proscidit, ex ue
 terum consuetudine, ut C. Lucullus iambicorum autor,
 Luciliusq; , & Næuius. Dignumq; illud uideri potest,
 quòd ipse Cæsar cum perpetua sibi stigmata (ut ait Suet
 onius) imposita uideret ex Catulliano carmine de Mamur
 ræ, eadè tamen die poetam ipsum cœnæ adhibuit, simulq;
 hospitio suo non secus atq; antea, uti eum permisit. Mor
 tuus autem Romæ est iuuenili admodum ætate (& ut qui
 dam putarunt) annum circiter xxx. agens, quo tempo
 re P. Maro, uelut ex annalibus Eusebij colligitur, in ur
 be Cremona studijs operam daret. Vulgatum quoque de
 Val. Catullo illud:

Tantum parua suo debet Verona Catullo,

Quantum magna suo Mantua Vergilio.

7

C. VALERII
CATULLI VERONENSIS
AD CORN. NEPOTEM
LIBELLVS.



VI dono lepidum nouum li
bellum,
Arido modò pumice expo-
litum
Corneli? tibi: nanque tu so-
lebas
Meas esse aliquid putare
nugas
Iam tum, cum ausus es unus

Italorum

Omne æuū tribus explicare chartis,
Doctis * Iuppiter, & Laboriosis.
Quare habe tibi quicquid est libelli,
* Qualecunque quidem ora per uirorum
Plus uno maneat perenne seculo.

Ad passerem Lesbix.

Passer delitiæ meæ puella,
Qui cum ludere, quem in sinu tenere,
Cui primum digitum dare appetenti,
Et acris solet incitare morsus,
Cum desiderio meo nitenti,
Charum nescio quid lubet iocari,
Et solatiolum sui doloris,
Credo, ut tum grauis acquiescat ardor,

* & pari
ter lab.
* Quale-
cunq; qui-
dē patro-
na uirgo

Secum ludere, sicut ipse, possem,
 Et tristes animi leuare nuras:
 Tam gratum mihi, quàm ferunt puellæ
 Pernici aureolum fuisse malum,
 Quod zonam soluit diu ligatam,

De passere mortuo Lesbîæ.

Lugete ò Veneres, Cupidine sçq;
 Et quantum est hominum uenustiorum,
 Passer mortuus est meæ puellæ,
 Quem plus illa oculis suis amabat.
 Nam mellitus arat, suamq; norat
 Ipsam tan bene, quàm puella matrem:
 Nec sese à gremio illius mouebat:
 Sed circumsiliens modò huc, modò illuc,
 Ad solam dominam usque pipilabat.
 Qui nunc it per iter tenebricosum
 Illuc, unde negant redire quenquam.
 At uobis malè sit malæ tenebræ
 Orci, quæ omnia bella deuoratis,
 Tam bellum mihi passerem abstulistis.
 O' factum malè, ò misselle passer,

* Vestra
 nunc op.

* Tua nunc opera meæ puellæ
 Flendo turgiduli rubent ocelli.

De phaselo, quo in patriam
 reuectus est.

Phaselus ille quem uidetis hospites,
 Ait fuisse nauium celerrimum
 Neque ullius natantis impetum trabis
 Nequisse præterire, siue palmulis
 Opus foret uolare, siue linteis,

Et hoc negat minacis Adriatici
 Negare littus, insulas ue Cycladas,
 Rhodum ue nobilem, horidam ue Thraciam,
 Propontida, trucem ue ponticum sinum,
 Vbi iste post phaselus, antea fuit
 Comata sylua: nam Cythorio in iugo
 Loquente saepe sibilum edidit coma.
 Amastri Pontica, & Cythore buxifer
 Tibi hæc fuisse, & esse cognitissima
 Ait phaselus, ultima ex origine
 Tuo stetisse dicit in cacumine,
 Tuo imbuisse palmulas in æquore,
 Et inde tot per impotentia freta
 Herum tulisse, læua, siue dextera
 Vocaret aura, siue utrunque Iuppiter
 Simul secundus incidisset in pedem
 Neque ulla uota littoralibus dijs
 Sibi esse facta, cum ueniret à mari
 Nouissimo hunc ad usque limpidum lacum,
 Sed hæc prius fuere, nunc recondita
 Senet quiete, seq; dedicat tibi
 Gemelle Castor, & gemelle Castoris.

Ad Lesbiam.

Viuanus mea Lesbia, atque anemus,
 Rumoresq; scenum seueriorum
 Omneis unius æstimemus assis,
 Soles occidere, & redire possunt
 Nobis cum semel occidit breuis lux,
 Nox est perpetua una dormienda:
 Da mi basia mille, deinde centum,

Dein mille altera, da secunda centum,
Dein usque altera mille, deinde centum.
Dein cum millia multa fecerimus,
Conturbabimus illa, ne sciamus,
Aut ne quis malus invidere possit,
Cum tantum sciat esse basiorum.

Ad Flauium.

Flauī delitias tuas Catullo,
Nī sint illepide, atque inelegantes,
Velles dicere, nectacere posses:
Verum nescio quid febriculost
Scorti diligis, hoc pudet fateri.
Nam te non uiduas iacere noctes
Ne quicquam tacitum cubile clamat,
Sertis & Syrio flagrans oliuo:
Puluinusq; per aequē & hic, & illic
Attritus, tremuliq; cassa lecti
Argutatio, inambulatioq;
Nam nī praeualeat ista nil taceres.
Cur non tam latera ex fututa pandas.
Nī tu quid facias ineptiarum?
Quare quicquid habes boni, maliq;
Dic nobis, uolo te, ac tuos amores
Ad coelum lepidouocare uersu.

Ad Lesbiam.

Queris quot mihi bastiationes
Tuae Lesbia sint satis, superq;
Quam magnus numerus Libysse arenae
Laserpiciferis iacet Cyrenis
Oraclum Iouis inter aestuosi.

Et Batti ueteris sacrum sepulchrum,
 Aut quam sydera multa, cum tacet nox,
 Furtiuos hominum uident anores:
 Tam te basia multa bastare
 Vesano satis, & super Catullo est,
 Quæ nec pernumerare curiosi
 Possint nec mala fascinare lingua.

Ad seipsum.

Miser Catulle destinas ineptire,
 Et quod uides perijsse, perditum ducas.
 Fulsero quondam candidi tibi soles,
 Cum uentitabas, quò puella ducebat.
 Amata nobis, quantum amabitur nulla.
 Ibi illa multa tum iocosa siebant,
 Quæ tu uolebas, nec puella nolebat.
 Fulsero uerè candidi tibi soles.
 Nunc iam illa non uult, tu quoque impotens es: nec
 Quæ te fugit sectare, nec miser uiue,
 Sed obstinata mente perfer, obdura.
 Vale puella, iam Catullus obdurat,
 Nec te requiret, nec rogabit inuitam:
 At tu dolebis, cum rogaberis nulli.
 Scelestæ te ne? quæ tibi manet uita?
 Quis nunc te adibit? cui uideberis bella?
 Quem nunc amabis? cuius esse diceris?
 Quem bastabis? cui labella mordebis?
 At tu Catulle destinatus obdura.

Ad Veranium.

Veranni omnibus è meis amicis
 Antistes mihi millibus trecentis,

Venia

Venisti ne domum ad tuos penates?
 Fratresq; unanimes, tuamq; matrem?
 Venisti? o mihi nuntij beati,
 Visam te incolumem, audiamq; liberum
 Narrantem loca, facta, nationes,
 Ut mos est tuus: applicansq; collum
 Iucundum os, oculosq; suaviabor.
 O quantum est hominum beatiorum.
 Quid me letius est, beatius ue.

De Varri scorto.

Varrus me meus ad suos amores

Visum duxerat e foro otiosum:
 Scortillum, ut mihi tum repente uisum est,
 Non sanè illepidum, nec inuenustum.
 Huc ut uenimus, incidere nobis
 Sermones uarij. in quibus, quid esset
 Iam Bithynia, quomodo se haberet,
 Et *quonam mihi profuisset ere.
 Respondi, id quod erat, nihil neq; ipsi,
 Nec pratoribus esse, nec cohorti
 Cur quisquam caput unctius referret,
 Præsertim quibus esset irumator
 Prætor nec faceret pili cohortem.
 At certè tamen inquit, quod illic
 Natum dicitur, ere comparasti
 Ad lecticam homines, ego, ut puellæ
 Vnum me facerem beatiorum,
 Non inquam mihi tam fuit maligne,
 Ut prouincia quod mala incidisset,
 Non possem octo homines parare rectos.

At mi nullus erat neque hic, neque illic,
Fractum qui ueteris pedem grabati
In collo sibi collocare posset.
Hic illa ut decuit cinædiorem,
Quæso, inquit, mihi mi Catulle paulum
Istos commodita, uolo ad Serapin
Ferri mâne. mane, inquit puellæ,
Istud quod modo dixeram me habere,
Fugit me ratio: meus sodalis
Cinna est *grauis, is sibi parauit.
Verum utrum illius, an mei, quid ad me?
Vtor tam bene, quàm mihi parassem.
Sed tu insulsa, mala, & molesta uiuis,
Per quam non licet esse negligentem.

Ad Furium & Aurelium.

Furi, & Aureli comites Catulli,
Siue in extremos penetrarit Indos,
Longè ubi littus resonante Eoa
Tunditur unda,
Siue in Hircanos, Arabasq; molleis,
Seu Sacas, sagittiferosq; Parthos,
Siue qua septemgeminus colorat
Acquora Nilus,
Siue trans altas gradietur alpeis.
Cæsaris uisens monumenta magni
Gallicum Rhenum, horribiles & ,ulti
mosq; Britannos.
Omnia hæc, quæcunque feret uoluntas
Cœlitum, tentare simul parati,
Pauca nuntiate meæ puellæ

* Caius

Non

Non bona dicta:

Cum suis uiuat, ualeatq; mœchis,
Quos simul complexa tenet trecentos,
Nullum amans uere, sed identidem omnium

Iliarumpens:

Nec meum spectet, uelut ante, amorem,

Qui illius culpa cecidit, uelut prati

Vltimus flos, prætereunte postquam

Tactus aratro est.

In Asinium.

*al. incie
pit, Mar-
rucine Asi-
ni ma. si.

*Inter coenam Asini manu sinistra

Non belle uteris in loco, atque uino.

Tollis linthea negligentiorum

Hoc falsum esse putas? fugit te inepte,

Quamuis sordida res, & inuenusta est:

Non credis mihi? crede Pollioni

Fratri, qui tua furtiua uel talento

Mutari uelit: est enim lepōrum

Disertus puer, ac facietiarum.

Quare aut hendecasyllabos trecentos

Expecta, aut mihi lintheum remitte,

Quod me non mouet æstimatione,

Verum est *μυρμόουρον* mei sodalis.

Nam sudaria setaba ex Iberis

Miserunt mihi muneri Fabullus,

Et Verannius: hoc amem necesse est,

Vt Veranniolum meum, & Fabullum.

Ad Fabullum.

Coenabis bene mi Fabulle apud me

Paucis, si tibi dii fauent, diebus,

Si tecum attuleris bonam, atque magnam
 Coenam, non sine candida puella,
 Et uino, & sale, & omnibus cacinnis.
 Hæc si inquam attuleris Fabulle noster,
 Coenabis bene: nam tui Catulli
 Plenus sacculus est aranearum.
 Sed contrà accipies meos amores:
 Seu quid suauimus, elegantius'ue est.
 Nam unguentum dabo, quod mea puellæ
 Donarunt Veneres, Cupidinesq;
 Quod tu cum olfacies, deos rogabis,
 Totum te faciant Fabulle nasum.

Ad Caluum Licinium Oratorem.

Ni te plus oculis meis amarem
 Iucundissime Calue, munere isto
 Odissem te odio Vatiniæ.
 Nam quid feci ego, quid'ue sum locutus.
 Cur me tot malè perderes poetis?
 Isti dii mala multa dent clienti,
 Qui tantum tibi misit impiorum.
 Quod si (ut suspicor) hoc nouum ac repertum
 Munus dat tibi Sylla litterator,
 Non est mi malè, sed bene, ac beatè,
 Quod non dispareunt tui labores:
 Dii magni horribilem, & sacrum libellum,
 Quem tu scilicet ad tuum Catullum
 Misti, continuò ut die periret
 Saturnalibus optimo dierum
 Non, non hoc tibi falsè sic abibit:
 Nam si luxerit, ad librariorum

Curram scrinia, Castos, Aquinos,
 Suffenum, omnia colligam uenena,
 Ac te his supplicijs remunerabor,
 Vos hinc interea ualete, abite
 Illuc, unde malum pedem attulistis,
 Secli incommoda pessimi poetæ
 Legistis, malè me marem putastis,
 Si qui fortè mearum ineptiarum
 Lectores eritis, manusq; uestras
 Non horrebitis ad mouere nobis.

Ad Aurelium.

Commendo tibi me, ac meos amores
 Aureli, ueniam peto prudentem,
 Vt si quicquam animo tuo cupisti,
 Quod castum expeteres, & integellum,
 Conserues puerum mihi pudicè.
 Non dico à populo: nihil ueremur
 Istos qui in platea modo huc, modo illuc
 In re prætereunt sua occupati:
 Verum à te metuo, tuoq; pene
 Infesto pueris bonis, malisq;
 Quem tu, qua lubet, ut lubet moueto,
 Quantum uis, ubi erit foris, paratum,
 Hunc unum excipio, ut puto, pudenter.
 Quòd si te mala mens, furorq; uecors
 In tantam impulerit sceleste culpam,
 Vt nostrum insidijs caput laceffas,
 Ab tum te miserum, maliq; fati,
 Quem attractis pedibus patente porta
 Percurrent raphaniq; mugilesq;.

Ad Aurelium & Furium.

Pædicabo ego uos, & irrumabo
Aureli pathice, & cinæde Furi.
Qui me ex uersiculis meis putatis,
Quòd sint molliculi, parum pudicum.
Nam castum esse decet pium poetam
Ipsum uersiculos nihil necesse est:
Qui tum denique habent salem, ac lepòrem,
Si sunt molliculi, ac parum pudici,
Et quod pruriat incitare possunt,
Non dico pueris, sed ijs pilosis,
Qui duros nequeunt mouere lumbos.
Vos qui millia multa basiorum
Legistis, male me marem putastis.
Siqui forte mearum ineptiarum
Lectores eritis, manusq; uestras
Non horrebitis admouere nobis,
Pædicabo ego uos, & irrumabo.

Ad Coloniam.

O Colonia quem cupis ponte ledere longo,
En salire paratum habes, sed uereris inepta
Crura ponticuli, sub his totus irrediuius
Ne supinus eat, cauâq; in palude recumbat.
Si tibi bonus ex tua pons libidine fiat,
In quo uel salisubsulifacra suscipiantur,
Munus hoc mihi maximi da Colonia risus.
Quendam municipiem meum de tuo uolo ponte
Ire præcipitem in lutum per caputq; pedesq;,
Verum totius ut lacus putideq; paludis
Liuidissima, maximeq; est profunda uorago,

Insulissimus est homo, nec sapit pueri instar
 Bimuli tremula patris dormientis in ulna.
 Cui cum sit uiridissimo nupta flore puella,
 Ut puella tenellulo delicatior hœdo,
 Asseruanda nigerrimis diligentius uuis,
 Ludere hanc sinit, ut lubet, nec pili facit uni,
 Nec se subleuat ex sua parte, sed uelut alnus
 In fossa liguris iacet superata securi,
 Tantundem omnia sentiens, quàm si nulla sit usquam.
 Talis iste meos stupor nil uidet, nihil audit,
 Ipse quis sit, utrum sit, an non sit, id quoque nescit.
 Hunc ego uolo de tuo ponte mittere pronum,
 Si potest olidum repente excitare ueternum,
 Et supinum animum in graui derelinquere coeno.
 Ferream ut soleam tenaci in uoragine mula.

Ad Aurelium.

Aureli pater esuritionum,
 Non harum modò, sed quot aut fuerunt,
 Aut sunt, aut alijs erunt in annis,
 Pædicare cupis meos amores,
 Nec clàm. nam simul & iocaris unà,
 Hærens ad latus omnia experiris
 Frustra. nam insidias mihi instruentem
 Tangam te prius irrumatione.
 Atqui, si id faceres satur, tacerem.
 Nunc ipsum id doleo, quòd esurire
 Næ meus puer, & sstire discet.
 Quare desine, dum licet pudico.
 Nec finem facies, nisi irrumatus.

Ad Varum.

Suffenus iste Vare quem probè nosti,
Homo est uenustus, & dicax, & urbanus;
Idemq; longè plurimos facit uersus.
Puto esse ego illi millia aut decem, aut plura
Perscripta, nec sic, ut sit, in palimpsesto
Relata, chartæ regię, noui libri.
Noui umbilici, loræ rubra, membrana
Dissecta plumbo, & pumice omnia æquata.
Hæc cum legit, tum bellus ille, & urbanus
Suffenus unus. caprimulgus, aut fossor
Rursus uidetur, tantum abhorret, ac nutat.
Hoc quid putemus esse? qui modò scurra,
Aut siquid hac re tristius uidebatur,
Idem infaceto est infacetior rure,
Simul poemata attigit: neq; idem unquam
Aequè est beatus, ac poema cum scribit,
Tam gaudet in se, tamq; se ipse miratur.
Nimirum idem omnes fallimur, neque est quisquam,
Quem non in aliqua re uidere Suffenum
Possis. suus cuiq; attributus est error.
Sed non uidemus mantica quid in tergo est.

Ad Furium.

Furi, cui neq; seruus est, neque arca,
Nec cimex, nec araneus, nec ignis,
Verum est & pater, & nouerca, quorum
Dentes uel silicem comesse possunt,
Est pulchrè tibi cum tuo parente,
Et cum coniuge lignea parentis.
Ne mirum: bene nam ualetis omnes,
Pulchrè concoquitis, nihil timetis,

Non incendia, non grauels ruinas,
Non facta impia, non dolos ueneni,
Non casus alios periculorum.
At qui corpora sicciora cornu,
Aut si quid magis aridum est, habetis,
Sole, & frigore, & esuritione,
Quare non tibi sit bene, ac beate?
A te sudor abest, abest salina,
Muccusq; & mala pituita nasci.
Hanc ad munditiam adde mundio rem,
Quod culus tibi purior salillo est,
Nec toto decies cacas in anno:
Atque id durius est faba, & lapillis:
Quod tu si manibus teras, fricesq;,
Non unquam digitum inquinare posses.
Hæc tu commoda tam beata Furi
Noli spernere, nec putare parui:
Et sestertia quæ soles precari
Centum desine: nam sat es beatus:

Ad puerum.

O qui flosculus es iuuenulorum,*
Non horum modò, sed quot aut fuerunt,
Aut posthac alijs erunt in annis,
Mallem delicias mihi dedisses,
Quàm isti, cui neque seruus est, neque arca,
Quàm sic te sineres ab isto amari,
Cui nil est. homo bellus, in quies, est.
Sed bello huic, neque seruus est, neque arca.
Hæc tu quàm lubet obijce, elcuaq;,
Nec seruum tamen ille habet, neque arcam.

Ad Thallum.

Cinæde Thalle mollior cuniculi capillo,
Vel anseris medullula, uel hinnula tenella,
Vel pene languido senis, situq; araneoso.
Idemq; Thalle turbida rapacior procella,
Cum dira maris hyems aues ostendit oscitantes
Remitte pallium mihi meum, quod inuolasti,
Sudariumq; Setabum, catagraphosq; Thynos,
Inepte quæ palam soles habere tanquam auita,
Quæ, nunc tuis ab unguibus reglutina, & remitte,
Ne lancum latusculum, manusq; mollicellas
Inusta turpiter tibi flagella conscribillent,
Et insolenter æstues, uelut minuta magno
Deprensa naus in mari uesaniēte uento.

Ad Furium.

Furi uillula nostra non ad Austrī
Flatus opposita est, nec ad Fauoni,
Nec sæui Boreæ, aut Apeliotæ,
Verum ad millia quindecim, & ducenta.
Ouentum horribilem, atque pestilentem.

Ad puerum suum.

Minister uetuli puer falerni
Ingere mi calices amariores,
Vt lex posthumie iubet magistræ
Ebriosa acino ebriofloris.
At uos quò lubet hinc abite lymphæ
Vini pernicies, & ad seueros
Migrate, hic merus est Thyonianus.

Ad Veranium, & Fabullum.

Pisonis comites, cohors inanis,

Aptis sarcinulis, & expeditis
 Verani optime, tuq; mi Fabulle,
 Quid rerum geritis? satis ne cum isto
 Vappa frigoraq; , & famem tulistis?
 Ecquidnam in tabulis patet lucelli
 Expensum? ut mihi, qui meum secutus
 Prætozem refero datum lucello.

Ad Memmium.

O Memmi bene me, ac diu supinum,
 Tota ista trabe lentus irrumasti:
 Sed quantum uideo, pari fuisti
 Casu: nam nihilo minore uerpa
 Es fartus: pete nobiles amicos.
 At uobis mala multa dii, deæq;
 Dent opprobria Romuli, Remiq;. In Mamurræ.

Quis hoc potest uidere? quis potest pati,
 Nisi impudicus, & uorax, & aleo?
 Mamurræ habere, quod comata Gallia
 Habebat, & cuncta ultima Britannia.
 Cinæde Romule hoc uidebis, & feres?
 Es impudicus, & uorax, & aleo.
 Et ille nunc superbus, & superfluens
 Perambulabit omnium cubilia,
 Ut albulus columbulus Dionæus?
 Cinæde Romule hoc uidebis, & feres?
 Es impudicus, & uorax, & aleo.
 Eo'ne nomine imperator unice
 Fuiſti in ultima Occidentis insula,
 Ut ista uestra diffututa mentula
 Ducenties comesset, aut trecenties?

Quid est? an hæc sinistra liberalitas
 Parum expatrauit? an parum belluatus est
 Paterna primum lancinata sunt bona,
 Secunda præda Pontica inde tertia
 Hibera, quam scit amnis aurifer Tagus.
 Hunc Galliæ timent, timent Britannia.
 Quid hunc (malum fouetis) aut quid hic potest,
 Nisi uncta deuorare patrimonia?
 Eo ne nomine urbis opulentissimæ
 Socer, generq; perdidistis omnia?

Ad Alphenum.

Alphene immemor, atque unanimis false sodalibus,
 Iam te nil miseret dure tui dulcis amiculi.
 Iam me prodere, iam non dubitas fallere perfide.
 Nec facta impia fallacum hominum coelicolis placent
 Quæ tu negligis, ac me miserum deseris in malis.
 Heu quid faciant dico homines, cui ue habeant fidem?
 Certè tute iubebas animam trader inique, me
 Inducens in amorem, quasi tuta omnia mi forent:
 Idem nunc retrahis te, ac tua dicta omnia, factaq;
 Ventos irrita ferre ac nebulas aerias sinis.
 Si tu oblitus es, at dii meminerrunt, meminit fides,
 Quæ te ut peniteat postmodò facti faciet tui.

Ad Sirmionem peninsulam.

Peninsularum Sirmio insularumq;
 Ocelle, quascunque in linguentibus stagnis,
 Mariq; uasto fert uterque Neptunus,
 Quam te libenter, quamq; letus inuiso,
 Vix mi ipse credens Thyniam, atque Bithynos
 Liquisse campos, & uidere te in tuto.

O' quid solutis est beatus curis?
 Cum mens onus reponit, ac peregrino
 Labore fessi uenimus lacum ad nostrum,
 Desyderatoq; acquiescimus lecto:
 Hoc est, quod unum est pro laboribus tantis.
 Salue ò uenusta Sirmio atque hero gaude:
 Gaudete, uosq; Lydiæ lacus unde:
 Ridete quicquid est domi cachinnorum.

Ad Ipsithillam.

Amabò mea dulcis Ipsithilla,
 Meæ delitiæ, mei lepores,
 Iube ad te ueniam meridiatum:
 Quod si iusseris, illud adiuuato,
 Nequis liminis obferet tabellam,
 Neu tibi lubeat foras abire,
 Sed domi maneat, paresq; nobis
 Nouem continuas futuitiones.
 Verum siquid ages, statim iubeto.
 Nam pransus iaceo, & satur supinus
 Pertundo tunicamq; palliumq;
 In Vibennium, & Furium cinædum.

O' furum optime balneariorum
 Vibenni pater, & cinæde fili.
 Nam dextra pater inquinatio,
 Culo filius est uoratio.
 Cur non exilium, malasq; in oras
 Itis? quandoquidem patris rapinæ
 Notæ sunt psipulo, & nates pilosas
 Fili non potes asse uenditare.

Seculare carmen ad Dianam.

Dianæ sumus in fide

Puella, & pueri integri

Dianæ pueri integri

Puellaq; canamus,

O' Latonia maximi

Magna progenies Iouis

Quam mater propè Delians

Deposuit oliuam,

Montium domina ut fores,

Sylvarumq; uirentium,

Saltuumq; reconditorum,

Anniumq; sonantum:

Tu Lucina dolentibus,

Iuno dicta puerperis,

Tu potens Triuia, & notho es

Dicta lumine Luna.

Tu cursu dea menstruo

Metiens iter annum,

Rustica agricolæ bonis

Tecta frugibus explēs

Sis quocunque tibi placet

Sancta nomine, Romuliq;

Antiquam, ut solita es, bona

Sospites ope gentem.

Ad libellum.

Poetæ tenero meo sodali

Velim Cæcilio papyre dicas

Veronam Veniat Noui relinquens

Comi mœnia, Lariumq; littus.

Nam quasdam uolo cogitationes

Amici accipiat sui, meiq;
 Quare, si sapiet, uiam uorabit;
 Quamuis candida millies puella
 Euntē reuocet, manusq; collo
 Ambas iniiciens roget morari:
 Quæ nunc, si mihi uera nuntiantur,
 Illum deperit impotente amore.
 Nam quo tempore legit inchoatam
 Dindymi dominam, ex eo miscellæ
 Ignes interiorem edunt medullam.
 Ignosco tibi Sapphica puella
 Musa doctior: est enim uenuste
 Magna Cecilio inchoata mater.

In Annales Volusii.

Annales Volusi cacata charta

Votum soluite pro mea puella.
 Nam sanctæ Veneri, Cupidiniq;
 Vouit, si sibi restitutus essem,
 Desissemq; truces uibrare iambos,
 Electissima pessimi poetæ
 Scripta tardipedi deo daturam
 Infelicibus ustulanda lignis,
 Et hoc pessima se puella uidit
 Iocose, et lepidè uouere diuis.
 Nunc ò cæruleo creat a ponto,
 Quæ sanctum Idaliū, Vriosq; apertos,
 Quæq; Ancona, Cnidumq; arendinosam
 Colis, quæq; Amathunta, quæq; Colchos,
 Quæq; Dyrrhachium Adriæ tabernam,
 Acceptum face redditumq; uotum

Si non illepidum, neque inuenustum est.

At uos interea uenite in ignem

Pleni turis, & infacetiarum,

Annales Volusi cacata charta.

Ad contubernales.

Salax taberna, uosq; contubernales,

A pileatis nona fratribus pila,

Solis putatis esse mentulas uobis?

Solis licere, quicquid est puellarum

Consutuere, & putare ceteros hircos?

An continenter quod sedetis insulsi

Centum, aut ducenti, non putatis ausurum

Me una ducentos irramare scissores?

Atqui putate: nanque totius uobis

Frontem tabernæ suscipionibus scribam.

Puella nanque, quæ meo sinu fugit,

Amata tantum, quantum amabitur nulla,

Pro qua mihi sunt magna bella pugnata,

Consedit istic: hanc boni, beatiq;

Omnes amatis, & quidem, quod indignum est,

Omnes pusilli, & semitarij moechi.

Ad Cornificium.

Male est Cornifici tuo Catullo,

Male est, me hercule, & laboriose,

*Magisq; & magis in dies, & horas,**

*Quem tu, quod minimum, facillimumq; est,**

Qua solatus es allocutione?

Ira scor tibi, sic meos amores?

Paulum quidlibet allocutionis

Mœstius lacrymis Simonideis

In

In Egnatium.

Egnatius quòd candidos habet denteis,
 Renidet, usquequaque, seu ad rei uentum est
 Subsellium, cum orator excitat fletum,
 Renidet ille: seu pij ad rogem filij
 Lugetur, orba cum flet unicum mater,
 Renidet ille. quicquid est, ubicunque est,
 Quodcunque agit renidet, hunc habet morbum
 Neque elegantem (ut arbitror) neque urbanum.
 Quare monendus es mihi bone Egnati,
 Tu præter omneis une de capillatis
 Cuniculose Celtiberiæ fili
 Egnati, opaca quem bonum faciat barba,
 Et dens Hibera defricatus urina:
 Sturbanus esses, aut Sabinus, aut Tyburs,
 Aut parcus Umber, aut obesus Hetruscus,
 Aut Lanuuius ater, atque dentatus,
 Aut Transpadanus, ut meos quoque attingam,
 Aut quilibet, qui puriter lauit dentes,
 Tamen renidere usquequaque te nollem.
 Nam risu ineptores ineptior nulla est.
 Nunc Celtiberus Celtiberia in terra
 Quod quisque minxit, hoc sibi solet mane
 Dentem, atque rufam defricare gingiuam.
 Ut quo iste uester expolitior dens est,
 Hoc te amplius bibisse prædicet loti.

Ad Ravidum,

Quenam te mala mens miselle Rauide
 Agit præcipitem in meos iambos?
 Quis Deus tibi non bene aduocatus

Vecordem parat excitare rixam?
An'ne ut peruenias in ora uulgi?
Quid uis? qualubet esse notus optas?
Eris, quandoquidem meos amores
Cum longa uoluisti amare pœnas.

De Acme.

Acme an, illa puella defututa,
Tota millia me decem poposcit?
Ista turpiculo puella naso,
Decoctoris amica Formiani?
Propinqui, quibus est puella curæ,
Amicos medicosq; conuocate.
Non est sana puella. nec rogate
Qualis sit: solet hæc imaginofum.
Adeste hendecasyllabi, quot estis
Omnes undique, quotquot estis omnes
Iocum me putat esse mœcha turpis.
Et negat mihi uestra reddituram
Pugillaria, si pati potestis.
Persequamur eam, & reslagitemus.
Quæ sit queritis, illa quam uidetis
Turpe incedere, myrmicè, ac moleste
Ridentem catuli ore Gallicani.
Circumsistite eam, & reslagitate,
Mœcha putida redde codicillos,
Redde putida mœcha codicillos.
Non assis facis ò lutum lupanar,
Aut si perditius potest quid esse.
Sed non est tamen hoc satis putandum,
Quòd si non aliud potest ruborem

Ferreo canis exprimamus ore:
Conclamate iterum altiore uoce,
Mœcha putida redde codicillos;
Redde putida mœcha codicillos.
Sed nil proficimus, nihil mouetur,
Mutanda est ratio, modusq; uobis,
Si quid proficere amplius potestis,
Pudica, & proba redde codicillos.
In amicam Formiani.

Salue nec minimo puella naso,
Nec bello pede, nec nigris ocellis,
Nec longis digitis, nec ore sicco,
Nec sanè nimis elegante lingua,
Decoctoris amica Formiani:
Te'n'prouincia narrat esse bellam?
Tecum Lesbia nostra comparatur?
O' seclum insipiens & infacetum.
Ad fundum.

O' funde noster, seu Sabine, seu Tyburs:
Nam te esse Tyburtem autumant, quibus non est
Cordi Catullum ledere: at quibus cordi est,
Quouis Sabinum pignore esse contendunt.
Sed seu Sabine, siue uerius Tyburs,
Fui libenter in tua suburbana
Villa, malamq; pectore expuli rursim.
Non immerenti quàm mihi uertitur mens,
Dum sumptuosas appetq; dedit cœnas?
Nam sextianus dum uolo esse conuiua,
Orationem in Accium petito rem
Plenam ueneni, & pestilentie legit.

Hic me grauedo frigida, & frequens tussis
Quassauit, usquedum in tuum sinum fugi,
Et me recurui ocimoq; & urtica.
Quare refectus maximas tibi grates
Ago, meum quod non es ulta peccatum.
Nec deprecor iam, si nefaria scripta.
Sentire cesso, cum grauedinem, & tussim
Non mi, sed ipsi Sextio ferat frigus,
Qui tunc uocat me, cum malum legit librum.

De Acme & Septimio.

Acmen Septimius suos amores,
Tenens in gremio, mea inquit Acme,
Ni te perditè amo, atque amare porro
Omneis sum assidue paratus annos.
Quantum qui pote plurimum perire,
Solutus in Libya, Indiaq; tosta,
Casso ueniam obuius leoni.
Hoc ut dixit, amor, sinistra ut antè,
Dextra sternuit approbatione.
At Acme leuiter caput reflectens,
Et dulcis pueri ebrios ocellos,
Illo purpureo ore suauitata,
Sic inquit, mea uita Septimille,
Huic uni domino usque seruiamus.
Vt multo mihi maior, acriorq;
Ignis, mollibus ardet in medullis.
Hoc ut dixit, amor, sinistra ut antè,
Dextra strenuit approbatione.
Nunc ab auspicio bono profecti,
Mutuis animis amant, amantur.

Vnam Septimius misellus Acmen,
 Mauult, quàm Syrias, Britanniasq;
 Vno in Septimo fidelis Acme
 Facit delicias, libidinesq;
 Quis ullos homines beatiore
 Vidit? quis uenerem auspiciorem?

Ad seipsum de aduentu ueris.

Iam uer egelidos refert tepores
 Iam cœli furor æquinoctialis
 Iucundis Zephyri silescit auris
 Linquntur Phrygiæ Catulle campi,
 Niceæq; ager uber æstuosa,
 Ad claras Asiæ uolemus urbes,
 Iam mens prætrepidans auet uagari,
 Iam leti studio pedes uigescunt,
 O dulces comitum ualete coetus,
 Longè quos simul à domo profectos,
 Diuersos uariè uie reportant.

Ad Porcium, & Socrationem.

*famesq;
 mundi

Porei, & Socrati, duæ sinistræ
 Pisonis scabies, *famesq; Memmij,
 Vos Veraniolo meo, & Fabullo
 Verpus præposuit priapus ille.
 Vos conuiuia lauta sumptuose
 De die facitis: mei sodales
 Querunt in triuio uocationes.

Ad Iuencium.

Mellitos oculos tuos Iuenci,
 Si quis me sinat usque basiare,
 Vsq; ad millia bascem trecenta.

Nec unquam uidear satur futurus :
Non si densior aridis aristis
Sit nostræ seges osculationis .

Ad Marcum T . C .

Disertissime Romuli nepotum ,
Quot sunt , quotq; fuere Marce Tulli ,
Quotq; post alijs erunt in annis ,
Gratias tibi maximas Catullus
Agit : pessimus omnium poeta ,
Tanto pessimus omnium poeta ,
Quantò tu optimus omnium patrum .

Ad Licinium .

Hesternò Licini die otiosus
Multum lusimus in meis tabellis ,
Vt conuenerat esse delicatos .
Scribens uersiculos uterque nostrum ,
Ludebat numero modò hoc modò illhoc ,
Reddens mutua per iocum , atque uinum .
Atque illinc abij tuo lepore
Incensus Licini , facetijsq; ,
Vt nec me miserum cibus iuuaret ,
Nec somnus tegeret quiete ocellos ,
Sed toto indomitus furore lecto
Versarer , cupiens uidere lucem ,
Vt tecum loquerer , simulq; ut essem .
At defessa labore membra postquam
Semimortua lectulo iacebant ,
Hoc iucunde tibi poema feci :
Ex quo perspiceres meum dolorem .
Nunc audax caue sis , præcesq; nostras

Oramus caue despuas ocelle,
 Ne poenas Nemesis reposcat à te,
 Est uehemens dea, ledere hanc caueo.

Ad Lesbiam.

Ille mi par esse Deo uidetur
 Ille si fas est, superare diuos
 Qui sedens aduersus identidem te.

Spectat, & audit
 Dulcè ridentem, misero quod omneis
 Eripit sensus mihi: nam simul te
 Lesbia aspexi, nihil est super mi
 Quod loquar amens.

Lingua sed torpet, tenuis sub artus
 Flamma demanant, sonitu suo pte
 Tinniunt aures, geminata teguntur
 Lumina nocte.

Otium Catulle tibi molestum est,
 Otio exultas, nimiumq; gestis:
 Otium & reges prius, & beatas
 Perdidit urbes.

In Nonium & Vatinius.

Quid est Catulle, quid moraris emori?
 Sella in curuli Struma Nonius sedet.

Per consulatum peierat Vatinius,
 Quid est Catulle quid moraris emori?

De quodam, & Caluo.

Risi nescio quem modò in corona,
 Cui cum mirifice Vatini ana

Meus carmina Caluus explicasset,
 Admirans ait hæc, manusq; tollens,

*Dij magni Salaputium disertum,
 Othonis caput oppidò est pusillum,
 *Heri rustice semilauta crura,
 Subtile, & leue peditum Liboni est.*

* At ne
 rust.

Ad Cæsarem.

*Si non omnia displicere uellem
 Tibi, & Suffecio seni recocto,
 Irascere iterum meis iambis
 Immerentibus unice Imperator.*

In Camerium.

*Oro, si tibi fortè non molestum est,
 Demonstres ubi sint tuæ latebræ.
 Te quesuimus in minore campo,
 Te in circo, te & in omnibus tabernis,
 Te in templo superi Iouis sacrato:
 In Magni simul ambulatione.
 Foemellas omneis amice preendi,
 Quas uultu mage uidimus sereno,
 Has te sic tamen ipse flagitabam
 *Camerium mihi pessimæ puellæ
 Quædam, inquit, tibi nudulum reduce,
 En hîc in roscis latet papillis.
 Non custos si ego fingar ille Cretum,
 Non si Pegaseo ferar uolatu,
 Non lades ego, pennipes ue Perseus,
 Non Rhœsi niuæ citæq; bigæ.
 Adde huc plumipedas, uolatilesq;
 Ventorumq; simul require cursum,
 Quos iunctos Cameri mihi dicaris,
 Defessus tamen omnibus medullis,*

* Carme-
 rus

Et multis languoribus peresus
 Essem, te mihi amice quæritando.
 Sed ne quærere iam Herculis labos sit,
 Tanto te in fastu negas amice.
 Dic nobis ubi sis futurus, ede
 Audacter comit i hoc libenter ede,
 Num te lacteolæ tenent puellæ?
 Si linguam clauso tenes in ore,
 Fructus proijcies amoris omneis,
 Verbosa gaudet Venus loquela.
 Vel fluis licet obferes palatum,
 Dum uestri sim ego particeps amoris.

Ad M. Catonem Portium.

O rem ridiculam, Cato, & iocosam,
 Dignamq; auribus, & tuo cachinno.
 Ride *quicquid amas Cato Catullum,
 Res est ridicula, & nimis iocosa,
 Deprendi modo pupulum puellæ
 Trusantem, hunc ego si placet Dionæ,
 Pro telo rigida mea cecidi.

In Mamurram & Cæsarem.

Pulchrè conuenit improbis cinædis
 Mamurræ, pathicoq; Cæsariq;
 Nec mirum maculæ pares utrisque.
 Urbana altera, & illa Formiana,
 Impressæ resident, nec eluentur,
 Morbosi pariter, gemelli utrique
 Vno in lectulo erudituli ambo.
 Non hic, quàm ille magis uorax adulter,
 Riuales socij & puellularum,

Pulchrè

*siquid

Pulchrè conuenit improbis cinedis.

Ad Cælum de Lesbia.

Cæli Lesbia nostra, Lesbia illa,

Illa Lesbia, quam Catullus unam

Plus, quàm se, atque suos amauit omneis.

Nunc in quadriuijs, & angiportis,

Glubit magnanimos Remi nepotes.

De Rufa, & Rufulo.

Bononiensis Rufa* Rufulum fellat

Vxor Meneni, sæpe quam in sepulchretis

Vidistis, ipso rapere è rogo cœnam,

Cum deuolutum ex igne prosequens panem,

A semiraso tonderetur ustore.

Num te læna montibus Libyisinis,

Aut Scylla latrans infima inguinum parte,

Tam mente dura procreauit, ac tetra,

Vt supplicis uocem in nouissimo casu

Contemptam haberes? ah nimis fero corde.

I V L I A E E T M A L L I I E P I

T H A L A M I V M .

Collis ò Heliconij

Cultor, Vranie genus,

Qui rapis teneram aduirtuna

Virginem ò hymenæe hymen,

Hymen ò hymenæe

Cinge tempora floribus

Suaue olentis am.rici,

Flammeam cape, letus huc

Hoc ueni niueo gerens

Luteum pede soccum.

* me rura
sum fallit

Excitus

Excitusq; hilari die.

Nuptialia concinens

Voce carmina tinnula,

Pelle humum pedibus, manu

Pineam quate tedam.

Nanque Iulia Mallio,

Qualis Idaliū colens

Venit ad Phrygium Venus

Iudicem, bona cum bona

Nubit alite uirgo:

Floridis uelut enitens

*hagia

Myrtus*Asia ramulis,

Quos Hamadryades deæ

Ludicrum sibi rosido

*in odore

Nutrient*humore.

Quare age huc aditum ferens

Perge linquere Thespie

Rupis Aonios specus,

Lympha quos super irrigat

Frigerans Aganippe:

Ac domum dominam uoca.

Coniugis cupidam noui

Mentem amore reuinciens,

Vt tenax heder a hâc, & hâc

Arborem implicat errans.

Vos item simul integræ

Virgines quibus aduenit

Par dies, agite in modum

Dicite, ò hymenæe, hymen,

Hymen ò hymenæe:

Vt lubentius audiens,

Se citatier ad suum

Munus, huc aditum ferat

Dux bonæ Veneris, boni

Coniugator amoris.

Quis deus magis optimis

Expetentibus amantibus

Quem colant homines magis

Cœlitum? ò hymenæe hymen,

Hymen ò hymenæe.

Te suis temulus parens

Inuocat, tibi uirgines

Zonula soluunt sinus,

Te timens cupida nouos

Captat aure maritos.

Tu fero iuueni in manus

Floridam ipse puellulam

Matris è gremio sue

Dedis, ò hymenæe hymen,

Hymen ò hymenæe.

Nil potest sine te Venus.

Fama quod bona comprobet

Commodi capere: at potest

Te uolente, quis huic deo

Comparatier aufit?

Nulla quit sine te domus

Liberos dare, nec parens

Stirpe dicier: at potest

Te uolente, quis huic deo

Comparatier aufit?

Quæ tuis careat sacris

Non queat dare præfides

Terra finibus: at que at

Te uolente. quis huic deo

Comparier aufit?

Claustra pandite ianua.

Virgo adest, uide'n' ut faces

Splendidas quatiunt comas?

Sed moraris, abit dies

Prodeas noua nupta.

Tardat ingenuus pudor,

Quæ tamen magis audiens

Flet, quòd ire necesse sit

Sed moraris, abit dies,

Prodeas noua nupta.

Flere desine, non tibi

Herculeia periculum est,

Nequa fœmina pulchrior

Clarum ab oceano diem

Viderit uenientem.

Talis in uario solet

Diuitis domini hortulo

Stare flos hyacinthinus.

Sed moraris, abit dies,

Prodeas noua nupta,

Prodeas noua nupta, si

Iam uidetur, & audias

Nostra uerba. uide'n' ut faces

Aureas quatiunt comas?

Prodeas noua nupta.

Non tuus leuis in mala
Deditus uir adultera,
Probra turpia persequens,
A tuis teneris uolet
Secubare papillis.

Lenta quid uelut assitas
Vitis implicat arbores,
Implicabitur in tuum
Complexum. sed abit dies,
Prodeas noua nupta.

O'cubile quod homine
Candido pede lectulis
Quæ tibi ueniunt bona,
Gaudeas. sed abit dies,
Prodeas noua nupta.

Quæ tuo ueniunt hero,
Quanta gaudia, quæ uaga
Nocte, quæ medio die,
Gaudeas. sed abit dies,
Prodeas noua nupta.

Tollite ò pueri faces,
Flammeum uideor uidere,
Ite, concinite in modum,
Io hymen hymenæe io,
Io hymen ò hymenæe.

Ne diu taceat procax
Fescenina locutio,
Neu nuces pueris neget.
Desertum domini audiens
Concubinus amorem.

Da nuces pueris iners

Concubine: satis diu

Lusisti nucibus: lubet

Iam seruire Thalassio,

Concubine nuces da.

Sordebam tibi uillice

Concubine hodie, atque heri,

Nunc tuum cinerarius

Tondet os, miser ah miser,

Concubine nuces da.

Diceris male te à tuis

Vnguentate glabris marite

Abstinere, sed abstine.

Io hymen hymenæe io,

Io hymen ò hymenæe.

Scimus hæc tibi, quæ licent

Sola cognita, sed marito

Ista non eadem licent.

Io hymen hymenæe io,

Hymen ò hymenæe.

Nupta tu quoque, quæ tuus

Vir petet, caue ne neget.

Ne petitum aliunde eat

Io hymen hymenæe io,

Io hymen ò hymenæe.

Et tibi domus & potens,

Et beata uiri tui,

Fine quæ tibi sine seruiat.

Io hymen hymenæe io,

Hymen ò hymenæe.

Vsque dum tremulum mouens

Cana tempus anilitus

Omnia omnibus annuit.

Io hymen hymenæe io,

Io hymen ò hymenæe.

Transfer omine cum bono

Limen aureolos pedes,

Rasilemq; subforem.

Io hymen hymenæe io,

Io hymen ò hymenæe.

Aspice unus ut accubans

Vir tuus Tyrio in toro,

Totus immincat tibi.

Io hymen hymenæe io,

Io hymen ò hymenæe.

Ille non minus, atque tu

Pectore uritur intimo

Flamma, sed penitus magis.

Io hymen hymenæe io,

Io hymen ò hymenæe.

Mitte brachiolum teres

Prætextate puellule,

Iam cubile adeat uiri.

Io hymen hymenæe io,

Io hymen ò hymenæe.

Bine in ædibus unius

Cognitæ bene fœminæ

Collocate puellulam,

Io hymen hymenæe io,

Io hymen ò hymenæe.

Iam licet uenias marite,

Vxor in thalamo est tibi

Ore floridulo nitens,

Alba parthenice uelut,

Luteum ue papauer.

Non diu remoratus es,

Iam uenis : bona te Venus

Iuuerit, quoniam palam

Quod cupis, capis, & bonum

Non abscondis amorem.

At marita tuum tamen

Celites nihilo minus

(Pulchræ res) neque te Venus

Negligit. sed abit dies,

Perge, ne remorare.

Ille pulvis Erythræi,

Syderumq; micantium

Subducatur numerum prius,

Qui uestri numerare uult

Multa millia ludi.

Ludite, ut lubet, & breui

Liberos date, non decet

Tam uetus sine liberis

Nomen esse, sed indidem

Semper ingenerari.

Torquatus uolo paruulus

Matris e gremio suæ

Porrigens teneras manus

Dulce rideat ad patrem,

Sed * micante labello.

*bi ante

Sit suo similis patri

Mallio, & facile inscijs

Noscitetur ab omnibus,

Et pudicitiam suæ

Matris indicet ore.

Talis illius à bona

Matre laus genus approbet,

Qualis unica ab optima

Matre Telemacho manet

Fama Penelopæo.

Claudite hostia uirgines,

Lusimus satis: at boni

Coniuges bene uiuite, &

Munere assiduo ualentem

Exercete iuuentam.

C A R M E N N U P T I A L E.

Vesper adest iuuenes, consurgite, uesper Olympo
Expectata diu uix tandem lumina tollit.

Surgere iam tempus, iam pingueis linquere mensas

Iam ueniet uirgo, iam dicetur hymenæus.

Hymen ò hymenæe hymen ades ò hymenæe,

Cernitis innuptæ iuuenes? consurgite contrà,

Nimirum æthereos ostendit noctifer ignes:

Sic certè, uide'n' ut pernicious exiluire?

Non temere exiluire, canent quos uincere par est.

Hymen ò hymenæe hymen ades ò hymenæe.

Non facilis nobis æqualis palma parata est,

Aspicite, innuptæ secum ut meditata requirant.

Non frustra meditantur, habent memorabile quod sit

Nos aliò menteis, aliò diuissimus auris,

Iure igitur uincemur, amat uictoria curam.

Quare nunc animos saltem committite uestros,

Dicere iam incipient, iam respondere decebit.

Hymen ò hymenæe hymen ades ò hymenæe.

Hesperè, qui cœlo fertur crudelior ignis?

Qui natam possis complexu auellere matris,

Complexu matris retinentem auellere natam,

Et iuueni ardenti castam donare puellam.

quid faciunt hostes capta crudelius urbe?

Hymen ò hymenæe hymen ades ò hymenæe.

Hesperè, qui cœlo lucet iucundior ignis?

Qui desponsa tua firmes connubia flamma,

Quod pepigere uiri, pepigerunt ante parentes,

Nec iunxere prius, quam se tuus extulit ardor.

Quid datur à diuis felici optatius hora?

Hymen ò hymenæe hymen ades ò hymenæe.

*Hesperus à nobis æquales abstulit unam.

Nanque tuo aduentu uigilat custodia semper.

Nocte latent fures, quos idem sepe reuertens

Vespere mutato comprehendis nomine eosdem.

At lubet innuptis ficto te carpere questu,

Quid tum si carpunt tacita quod mente requirunt?

Hymen ò hymenæe hymen ades ò hymenæe.

Vt flos in septis secretus nascitur hortis,

Ignotus pecori, nullo contusus aratro,

Quem mulcent auræ, firmat sol, educat hyemè,

Multi illum pueri, multæ optauere puellæ,

Idem cum tenui carptus defloruit ungui,

Nulli illum pueri, nullæ optauere puellæ:

Sic uirgo, dum intacta manet, dum cara suis est,

* Hesperè,
quis nobis
æqualem
hanc abstu-
lit unam?

Cum castum amisit polluto corpore florem,
 Nec pueris iucunda manet, nec chara puellis.
 Hymen ò hymenæe hymen ades ò hymenæe.

Vt uidua in nudo uitis quæ nascitur aruo,
 Nunquam se extollit, nunquam mitem educat uiam,
 Sed tenerum prono deflectens pondere corpus,
 Iam iam contingit summum radice flagellum,
 Hanc nulli agricolæ nulli accolluere iuuenti,
 At si forte cadem est ulmo coniuncta marito,
 Multi illam agricolæ, multi accolluere iuuenti:
 Sic uirgo, dum intacta manet, dum inculta senescit,
 Cum par connubium maturo tempore adepta est,
 Chara uiro magis, et minus est inuisa parenti.

At tu ne pugna cum tali coniuge uirgo,
 Non æquum est pugnare, pater cui tradidit ipse,
 Ipse pater cum matre, quibus parere necesse est.
 Virginitas non tota tua est, ex parte parentum est,
 Tertia pars matri data, pars data tertia patri,
 Tertia sola tua est: noli pugnare duobus,
 Qui genero sua iura simul cum dote dederunt.
 Hymen ò hymenæe hymen ades ò hymenæe.

DE BERCYNTHIA, ET ATY.

SVper alta uectus Atys celeritate maria
 Phrygium ut nemus citato cupide pede tetigit,
 Adijtq; opaca syluis redimita loca deæ.
 Stimulatus ut furenti rabie uagus animi,
 *Diuellit lactes acuto sibi pondere filicis.

Itaque

*Deuoluit
 testes

Itaque ut relictâ sensit sibi membrum sine uiro,*
 Etiam recenti terræ sola sanguine maculans,
 Niueis citata cepit manibus leue tympanum:
 Tympanum, tubam, Cybele tua mater initia,
 Quatiensq; terga tauri teneris caua digitis,
 Canere hæc suis adorta est tremebunda comitibus,
 Agite ite ad alta gallæ Cybeles nemora simul,
 Simul ite Dindymenæ domine uaga pecora,
 Aliena quæ petentes uelut exules loca
 Sectam meam executæ duce me mihi comites
 Rapidum salum tulistis, truculentâq; pelagi.
 Et corpus cuirastis Veneris nimio odio.
 Hilarate ære concitatis erroribus animum,
 Mora tardamente cedat, simul ite, sequimini
 Phrygiam ad domum, Cybeles Phrygia ad nemora deæ,
 Vbi cymbalum sonat uox, ubi tympana reboant,
 Tibicen ubi canit Phryx curuo graue calamo,
 Vbi capita Menades ui iaciunt hederigeræ
 Vbi sacra sancta acutis ululatibus agitant,
 Vbi fœuit illa diuæ uolitare uaga cohors,
 Quò nos decet citatis celerare tripudijs.
 Simul hæc comitibus Atys cecinit *notha mulier,
 Thyasus repente linguis trepidantibus ululat,
 Leue tympanum remugit, caua cymbala recrepant,
 Viridem citus adit Idam properante pede chorus,
 Furibunda simul anhelans uaga uadit *animo egens,
 Comitata tympano Atys per opaca nemora dux,
 Veluti iuuenca uitans onus indomita iugi.
 Rapide ducem sequuntur Gallæ propero pede.
 Itaque, ut domum Cybeles tetigere lassule.

* noua

* Io ge=
mens

Nimio è labore somnum capiunt sine Cerere :
 Piger his labantem languore oculos sopor operit ,
 Abit inquiete molli rabidi furor animi .
 Sed ubi horis aureis sol radiantibus oculis
 Lustravit æthera album , sola dura , mare ferum ,
 Perpulitq; noctis umbras uegetis sonipedibus ,
 Ibi somnus excitum Atyn fugiens citus abiit ,
 Trepidantem cum recepit dea Pasithea sinu .
 Ita de quiete molli rapida sine rabie ,
 Simul ipsa pectore Atys sua facta recoluit .
 Liquidaq; mente uidit sine queis , ubiq; foret .
 Animo æstuante rursus reditum ad uada tetulit .
 Ibi maria uasta uisens lacrymantibus oculis ,
 Patriam allocuta est uoce mœstula miseriter :
 Patria ò mea creatrix , patria ò mea genitrix ,
 Ego quam miser relinquens , dominos ut heri fugæ
 Famuli solent , ad Idæ tetuli nemora pedem ,
 Vt apud niuem , & ferarum gelida stabula forem ,
 Et earum omnia adirem furibunda latibula .
 Vbi nam , aut quibus locis te positam patria reer ?
 Cupit ipsa pupula ad te suam dirigere aciem ,
 Rabie fera carens dum breue tempus animus est .
 Ego ne à mea remota hæc ferar in nemora domos ?
 Patria , bonis amicis , genitoribus abero ?
 Abero foro , palestra , stadio , & gymnasiis ?
 Miser , ah miser querendum est etiam , atque etiam anime ,
 Quod enim genus ? figura est ? ego nunquid abierim ?
 Ego mulier ? ego adolescens , ego ephebus , ego puer ,
 Ego gymnasii fui flos , ego eram decus olei :
 Mihi ianue frequentes , mihi limina tepida :

Mihi floridis corollis redimita domus erat,
 Linquendum ubi esset orto mihi sole cubiculum:
 Ego ne deum ministra, & Cybeles famula ferar?
 Ego meas, ego mei pars, ego uir sterilis ero?
 Ego uiridis algida Idæ niue amicta loca colam?
 Ego uitam agam sub altis Phrygiæ columinibus?
 Vbi cerua syluicultris, ubi aper nemoriuagus?
 Iam iam dolet, quod egi, iam iam quoque poenitet.
 Roseis ut hic labellis palam sonitus abiit,
 Geminas deorum ad aures noua nuntiare ferens,
 Ibi iuncta iuga resoluens Cybele leonibus,
 *Sæuum pecoris hostem stimulans ita loquitur,
 Agedum, inquit, age ferox, *hūc agedū aggredere furor.
 Face ut hic furoris ictu reditum in nemora ferat,
 Mea liberè nimis qui fugere imperia cupit,
 Age cede terga caudatua, uerbera pateant.
 Fac ut cuncta mugienti fremitu loca retonent.
 Rutilam ferox torosa ceruice quate iubam.
 Ait hæc minax Cybele, religatq; iuga manu.
 Ferus ipse sese adhortans rapidum incitat animum,
 Vadit, fremit, refringit uirgulata pede uago.
 At ubi *humida albicantis loca littoris adiit,
 Tenerumq; uidit Atyn prope marmora pelagi,
 Facit impetum: ille demens fugit in nemora fera,
 Ibi semper omne uitæ spatium famula fuit.
 Dea magna, dea Cybele, *dea Dindymi domina
 Procul a mea tuus sit furor omnis hera domo,
 Alios age incitatos, alios age rabidos.

P

ARGONAUTICA.

Eliaco quondam prognatæ uertice pinus

Dicunt

*Læuum
 *aliàs, eia
 agedum fa
 ce, ut hunc
 furor

*ultima

*aliàs, dea
 atrox Din
 dymi

Dicuntur liquidas Neptuni nasse per undas
 Phasidos ad flustus, & fines Acetæos,
 Cum lecti iuvenes Argivæ robora pubis
 Auratam optantes Colchis auertere pellem,
 Ausi sunt uada falsa cita decurrere puppi,
 Cerula uerrentes abiegnis æquora palmis,
 Diua quibus retinens in summis urbibus arces,
 Ipsa leui fecit uolitantem flamine currum,
 Pineæ coniungens inflexæ texta carinæ.
 Illa rudem cursu prima imbuit Amphitriten,
 Quæ simulac rostro uentosum proscidit æquor,
 Totaq; remigio spumis * incanuit unda:
 Emergere feri candenti è gurgite uultus
 Acquoræ monstrum Nereides admirantes,
 Illaq; atque alia uiderunt luce marinas
 Mortales oculi nudato corpore Nymphas
 * Iam crurum tenus extantes è gurgite cano.
 Tum Thetidis Peleus incensus fertur amore,
 Tum Thetis humanos non despexit hymenæos,
 Cum Thetidi pater ipse iugandum Peleæ sensit.
 O nimis optato seclorum tempore nati
 Heroes saluete, deum genus, ò bona mater,
 Vos ego sepe meo uos carmine compellabo,
 Teq; adeò eximie tediis felicibus aucte
 Thessaliæ columen Pelæu, cui Iuppiter ipse,
 Ipse suos diuū genitor concessit amores,
 Te ne Thetis tenuit pulcherrima Neptunine?
 Te ne suam Thetis concessit ducere neptem?
 Oceanusq; pater, totum qui amplectitur orbem?
 Quæ simul optatæ finito tempore lucet

* incan-
duit

* Umbli-
cum tenus

Aduenere, domum conuentu tota frequentat
Thessalia, oppletur letanti regia coetu,
Dona ferunt, prae se declarant gaudia uultu,
Deseritur Scyros, linguunt Phthiotica Tempe,
Graiu genasq; domos, ac moenia Larissæ,
Pharsaliam coeunt, Pharsalia tecta frequentant,
Rura colit nemo, mollescunt colla iuuenis.
Non humilis curuis purgatur uinea rastris:
Non glebam prono conuellit uomere taurus:
Non falx attenuat frondatorum arboris umbram,
Squalida desertis rubigo infertur aratris.
Ipsius at sedes, quacunque opulenta recessit
Regia, fulgenti splendent auro, atque argento,
Candet ebur solijs, collucent pocula mensæ,
Tota domus gaudet regali splendida gaza:
Puluinar uerò diuæ geniale locatur
Aedibus in medijs, Indo quod dente politum
Tincta tegit roseo conchylis purpura fuco.
Hæc uestis priscis hominum uariata figuris,
Heroum mira uirtutes indicat arte,
Nanque fluenti sono prospectans littore Diæ
Thesea cedentem celeri cum classe tuetur
Indomitos in corde gerens Ariadna furores,
Necdum etiam se seq; sui tum credidit esse,
Ut pote fallaci quæ tum primum excita somno
Desertam in sola miseram se cernit arena.
Immemor at iuuenis fugiens pellit uada remis,
Irrita uentosæ linquens promissa procelle,
Quem procul ex alga moestis Minois ocellis
Saxea ut effigies bacchantis prospicit Euoe,

Prospicit, & magnis curarum fluctuat undis,
Non flauo retinens subtilem uertice mitram
Non contacta leui uelatum pectus amictu,
Non tereti strophio lactanteis uincta papillas:
Omnia quæ toto delapsa è corpore passim
Ipsius ante pedes fluctus salis allidebant.
Sed neque tum mitræ, neque tum fluitantis amictus
Illa uicem curans, toto te ex pectore Theseu,
Toto animo, tota pendebat perdita mente.
Ah miseram, assiduis quam luctibus externauit
Spinosas Erycina serens in pectore curas.
Illa tempestate ferox, quo tempore Theseus
Egressus curulis è littoribus Pyrei
Attigit iniusti regis Gortynia tecta.
Nam perhibent olim crudeli peste coactam
Androgeoneæ pœnas exoluere cædis,
Electos iuuenes simul & decus inuuptarum
Cecropiam solitam esse dapem dare Minotauro:
Quis angusta malis cùm mœnia uexarentur,
Ipse suum Theseus pro charis corpus Athenis
Proijcere optauit potius, quàm talia Cretam
Funera Cecropiæ, nec funera, portarentur.
Atque ita naue leui nitens, ac lenibus auris,
Magnanimum ad Minoa uenit, sedesq; superbas.
Hunc simulac cupido conspexit lumine uirgo
Regia, quam suaueis expirans castus odores
Lectulus in molli complexu matris alebat,
Qualeis Eurotæ progignunt flumina myrtos,
Auræue distinctos educit uerna colores.
Non prius ex illo flagrantia declinauit

Lumina, quam toto concepit pectore flammam,
 Funditus, atque imis exarsint tota medullis.
 Heu misere exagitans immiti corde furores,
 Sancte puer, curis hominum qui gaudia misces,
 Quæq; regis Colchos, quæq; Idaliū frondosum,
 Qualibus incensam iactastis mente puellam
 Fluctibus, in flauo sæpe hospite suspirantem?
 Quantos illa tulit languenti corde timores?
 Quanto sæpe magis fulgore expalluit auri?
 Cum sæuū cupiens contra contendere monstrum,
 Aut mortem appeteret Theseus, aut præmia laudis,
 Non ingrata, tamen frustra, munuscula diuis
 Promittens, tacito suspendit uota labello.
 Nam uelut in summo quatientem brachia Tauro,
 Quercum, aut conigeram sudanti cortice pinum,
 Indomitus turbo contorquens flamine robur
 Eruit, illa procul radicibus *extirpata
 Prona cadit, lateq; & comminus omnia frangit:
 Sic domito sæuū prostrauit corpore Theseus
 Ne quicquam uanis iactantem cornua uentis
 Inde pedem uictor multa cum laude reflexit,
 Errabunda regens tenui uestigia filo,
 Ne Labyrinthis è flexibus egredientem
 Tecti frustraretur inobservabilis error.
 Sed quid ego à primo digressus carmine, plura
 Commemorem? ut linquens genitoris filia uultum,
 Ut consanguineæ complexum, ut denique matris.
 Quæ miseram gnatham fleret deperdita luctu,
 Omnibus his Thesei dulcem præferret amorem:
 Aut ut uecta ratis spumosa ad littora Dic,

* exturba
 ta

Aut ut eam dulci deuictam lumina somno
 Liquerit immemori discedens pectore coniux
 Sæpe illam perhibent ardenti corde furentem,
 Clarifonas imo fudisse è pectore uoces,
 Ac tum præruptos tristem conscendere montes.
 Vnde aciem in pelagi vastos protenderet æstus:
 Tum tremuli salis aduersas procurrere in undas
 Molliæ nudatæ tollentem tegmina suræ,
 Atque hæc extremis mœstam dixisse querelis,
 Frigidulos udo singultus ore cientem,
 Siccine me patrijs *abductam perfide ab oris,
 Perfide deserto liquisti in littore Theſeu?
 Siccine discedens neglecto numine diuûm
 Immemor? ab deuota domum periuria portas.
 Nulla ne res potuit crudelis flectere mentis
 Consilium? tibi nulla fuit clementia *prædo,
 Immite ut nostri uellet miserescere pectus?
 At non hæc quondam blanda promissa dedisti.
 Voce mihi: non hoc miseram sperare iubebas:
 Sed connubia læta, sed optatos hymeneos,
 Quæ cuncta aeri discerpunt irrita uenti.
 Nunc iam nulla uiro iuranti fecmina credat,
 Nulla uiri speret sermones esse fideles,
 Qui dum aliquid cupiens animus prægestit apiscî,
 Nil metuunt iurare nihil promittere parcunt.
 Sed simulac cupide mentis satiat a libido est,
 Dicta nihil metuere. nihil periuria curant.
 Certe ego te in medio uersantem turbine leti
 Eripui, & potius germanum amittere creui,
 Quàm tibi fallaci supremo in tempore deesse.

*auectam

*præsto

Pro quo dilaceranda feris dabor, alitibusq;
 Præda, nec iniecta tumultabor mortua terra.
 Quenam te genuit sola sub rupe læna?
 Quod mare conceptum spumantibus expuit undis?
 Quæ Syrtis, quæ Scylla uorax, quæ uasta Charybdis,
 Talia quid redis pro dulci præmia uita?
 Si tibi non cordi fuerant connubia nostra,
 Sæua quod horrebas prisci præcepta parentis,
 Attamen in uestras potuisti ducere sedes,
 Quæ tibi iucundo famularer serua labore,
 Candida permulcens liquidis uestigia lymphis,
 Purpurea uic tuam consternens ueste cubile.
 Sed quid ego ignaris nequicquam conqueror auris
 Externata malo, quæ nullis sensibus auctæ,
 Nec missas audire queunt, nec reddere uoces?
 Ille autem propè iam medijs uersatur in undis,
 Nec quisquam apparet uacua mortalis in alga:
 Sic nimis insultans extremo tempore sæua
 Fors etiam nostris inuidit quæstibus aures.
 Iuppiter omnipotens utinam nec tempore primo
 Gnosia Cecropiæ tetigissent littora puppes:
 Indomito nec dira ferens stipendia tauro
 Perfidus in Cretam religasset nauita funem:
 Nec malus hic celans dulci crudelia forma
 Consilia in nostris requiesset sedibus hospes.
 Nam quò me referam? quali spe perdit a nitar?
 *Idmoneos ne petam montes? à gurgite lato
 Discernens pontum truculentum ubi diuidit æquor?
 An patris auxilium sperem, quem næ ipsa reliqui,
 Respersum iuuenem fraterna cæde secuta?

*Idæos ne

Coniugis an fido consolet memet amore,
Qui refugit lentos incuruans gurgite remos?
Prætereo nullo littus, sola insula, tecto,
Nec patet egressus pelagi cingentibus undis:
Nulla fugæ ratio, nulla est spes, omnia muta,
Omnia sunt deserta, ostentant omnia letum.
Non tamen antè mihi languescent lumina morte.
Nec prius à fesso secedent corpore sensus,
Quàm iustam à diuis exposcam prodita multam,
Cœlestumq; fidem postrema comprecer hora.
Quare facta uirum multantes uindice pœna
Eumenides, quibus anguineo redimita capillo
Frons expirantis præportat pectoris iras,
Huc huc aduentate, meas audite querelas,
Quas ego nunc misera, extremis proferre medullis
Cogor inops, ardens, amenti cæca furore.
Quæ quoniam uerè nascuntur pectore ab imo,
Vos nolite pati nostrum uanescere luctum:
Sed quali solam Theseus me mente reliquit,
Tali mente, deæ, funestet seq; suosq;
Has postquam mœsto profudit pectore uoces,
Supplicium sæuis exposcens anxia factis,
Annuit inuictæ cœlestum numine rector,
Quo tunc & tellus, atque horrida contremuerunt
Aequora, concussitq; micantia sidera mundus.
Ipse autem cæca mentis caligine Theseus
Constitus oblito dimisit pectore cuncta,
Quæ mandata prius constanti mente tenebat:
Dulcia nec mœsto sustollens signa parenti,
Sospitem, & ereptum se ostendit uisere portum.

Nanque ferunt, olim clavis cüm mœnia diuæ
 Linqueret, & gnatum uentis concrederet Aegæus,
 Talia complexum iuueni mandata dedisse:
 Gnate mihi longa iucundior unice uita,
 Gnate, ego quem in dubios cogor dimittere casus,
 Reddite in extremæ nuper mihi sine senectæ,
 Quandoquidem fortuna mea, ac tua feruida uirtus
 Eripit inuito mihi te, cui languida nondum
 Lumina sunt gnati chara saturata figura,
 Non ego te gaudens letanti pectore mittam,
 Nec te ferre sinam fortunæ signa secunde,
 Sed primum multas expromam mente querelas,
 Canitiem terra, atque infuso puluere fœdans,
 Inde infecta uago suspendam lintea malo,
 Nostros ut luctus nostræq; incendia mentis
 Carbasus obscura dicat ferrugine Hibera
 Quod tibi si sancti concesserit incola Ithyni.
 Quæ nostrum genus, ac sedes defendere sueta,
 Annuat, ut tauri respergas sanguine dextram,
 Tum uerò facito, ut memori tibi condita corde
 Hæc uigeant mandata, nec ulla obliteret ætas
 Vt simulac nostros inuisent lumina colleis,
 Fugiestam antennæ deponant undique uestem,
 Candida q; intorti sustollant uela rudentes,
 Quàm primum cernens, ut læta gaudia mente
 Agnoscam, cum te re ducem sors prospera sistet.
 Hæc mandata prius constanti mente tenentem
 Thesea, cœu pulsæ uentorum flamine nubes.
 Aerium niuei montis liquere cacumen.
 At pater, ut summa prospectum ex arce petebat,

*concedēs
 incolæ Hy
 metti

Anxia in assiduos absumens lumina fletus,
Cum primum * inflati conspexit linthea ueli,
Præcipitem sese scopulorum è uertice iecit,
Amissum credens inmiti Thesea fato.
Sic funesta domus ingressus tecta paterna,
Morte ferox Theseus, qualem Minoidi luctum
Obtulerat mente immemori, talem ipse recepit.
Quæ tum prospectans cedentem mœsta carinam
Multiplices animo uoluebat saucia curas.
At parte ex alia florens uolitabat Iacchus,
Cum thyaso Satyrorum, & Nisigenis Silenis,
Te quærens Ariadna, tuoq; incensus amore,
Qui tum alacres passim lymphata mente furebant,
Euoe bacchantes, euoe capita insistentes.
Horum pars tecta quatiebant cuspide thyrsos,
Pars è diuulso iactabant membra iuuenco,
Pars sese tortis serpentibus incingebant,
Pars obscura cauis celebrabant orgia cistis,
Orgia quæ frustra cupiunt audire profani.
Plangebant alij proceris tympana palmis,
Aut tereti tenueris tinnitus ære ciebant.
Multaq; raucifonos efflabant cornua bombos,
Barbaraq; horribili stridebat tibia cantu.
Talibus amplifica uestis decorata figuris,
Puluinar complexa suo uelabat amictu
Quæ postquam cupidè spectando Theffala pubes
Expleta est, sanctis coepit decedere diuis.
Hic qualis flatu placidum mare matutino
Horrificans Zephyrus procliuas incitat undas,
Aurora exoriente uagi sub lumina solis,

*infecti

Quæ

Quæ tardè primum clementi flamine pulsæ
 Procedunt, leuiterq; sonant plangore cachiinni,
 Post uento crescente, magis magis increbrescunt,
 Purpureaq; procul nantes à luce refulgent,
 Sic tum uestibuli linquentes regia tecta,
 A se quisque uago passim pede discedebant.
 Quorum post abitum, princeps è uertice Pelij
 Aduenit Chiron portans syluestria dona.
 Nam quoscunque ferunt campi, quos Thessala magnis
 Montibus ora creat, quos propter fluminis undas
 Aura parit flores tepidi fœcunda fauoni,
 Hos indistinctis plexos tulit ipse corollis,
 Quæ is permulsa domus iucundo risit odore.
 Confestim Pencos adest uiridantia Tempe,
 Tempe, quæ syluæ cingunt super impendentes,
 Nessonidum liquens clavis celebranda choreis
 Non uacuus, inq; ille tulit radicitus altas
 Fagos acrepto proceras stipite laurus,
 Non sine nutanti platano, lentaq; sorore
 Flammati Phaëthontis, et aëria cyparisso.
 Hæc circum sedes latè contexta locauit,
 Vestibulum ut molli uelatum fronde uireret.
 Post hunc consequitur solerti corde Prometheus
 Extenuata gerens ueteris uestigia pœnæ,
 Quam quondam filici restrictus membra catena
 Persoluit, pendens è uerticibus præruptis.
 Inde pater diuûm sancta cum coniuge, natisq;
 Aduenit cælo, te solum Phœbe relinquens,
 Vnigenamq; simul cultricem montibus Idæ.
 Peleæ nam tecum pariter soror aspernata est,

* montis
 Itoni

Nec

Nec Thetidis tēdas uoluit celebrare iugaleis:

Qui postquā niueis flexerunt sedibus artus,

Large multiplici constructæ sunt dapemēse,

Cum interea infirmo quatientes corpora motu,

Veridicos Parcæ coeperunt edere cantus.

Hīs corpus tremulum, complectens undique * uestis

* quercus

Candida, purpurea talos incinxerat ora,

Et roscō niuē residebant uertice uittæ,

Aeternūq; manus carpebant rite laborem.

Laeva cū molli lana retinebat amictam,

Dextera tū leuiter deducens fila supinis

Formabat digitis: tū prono in pollice torquens

Libratum tereti uersabat turbine fūsum,

Atque ita decerpens æquabat semper opus dens,

Lanæq; aridulis hærebant morsa labellis,

Quæ prius in leui fuerant extantia filo.

Ante pedes autem candentis mollia lanæ

Vellera uirgati custodibant calathisci.

Hæ tū clarifona pellentes uellera uoce

Talia diuino fuderunt carmine fata,

* Carmine, perfidiæ quod post nulla arguet ætas.

* Crimine
perfid.

O' Decus eximium, & magnis uirtutibus augens,

Emathiæ cūmen Peleu, clarissimæ nato,

Accipe quod læta tibi pandunt luce sorores,

Veridicum oraculum: sed uos, quæ fata sequuntur,

Currite ducentes subtegmina, currite fusi.

Adueniet tibi iam portans optata maritis

Hesperus: adueniet fausto cum sydere coniux,

Quæ tibi flexo animo mentis perfundat amorem,

Languidosq; paret tecum coniungere somnos,

Leuia

Leuia substernens robusto brachia collo.
Currite ducentes subtegmina, currite fusi.

Nulla domus tales unquam contexit amores,
Nullus amor tali coniunxit foedere amanteis,
Qualis adest Thetidi, qualis concordia Pelei.
Currite ducentes subtegmina, currite fusi.

Nascetur uobis expers terroris Achilles,
Hostibus haud tergo, sed forti pectore notus,
Qui persepe uago uictor certamine cursus
Flammea peruertet celeris uestigia ceruæ.
Currite ducentes subtegmina, currite fusi.

Non illi quisquam bello se conferet heros,
Cum Phrygij Teucro manabunt sanguine riui,
Troicaq; obsidens longinquo moenia bello,
Periuri Pelopis uastabit tertias hæres.
Currite ducentes subtegmina, currite fusi.

Illius egregias uirtutes, claraq; facta
Sæpe fatebuntur gnatorum in funere matres,
Sæpe tremulo incanos soluent à uertice crines,
Putridaq; infirmis uariabunt pectora palmis.
Currite ducentes subtegmina, currite fusi.

Nanque uelut densas prosternens messor aristas,
Sole sub ardenti flauentia demetit arua,
Troiu genium infesto prosternet corpora ferro.
Currite ducentes subtegmina, currite fusi.

Testis erit magnis uirtutibus unda Scamandri,
Quæ passim rapido diffunditur Hellesponto:
Cuius iter cæsis angustans corporum acceruis
Alta tepefaciet permixta flumina cæde.
Currite ducentes subtegmina, currite fusi.

Denique

Denique testis erit morti quoque reddita præda,
Cum *teres excelso coaceruatum aggere bustum *terra
Excipiet niueos percussæ uirginis artus.

Currite ducentes subtegmina, currite fusi.

Nam simulac fessis dederit fors copiam Achiuis

Vrbis Dardaniæ Neptunia soluere uincla,

Alta Polyxenia madesiant cæde sepulchra,

Quæ uelut ancipiti succumbens uictima ferro,

Projiciet truncum submisso poplite corpus.

Currite ducentes subtegmina, currite fusi.

Quare agite optatos animi coniungite amores,

Accipiat coniux felici fœdere diuam,

Dedatur cupido iandudum nupta marito.

Currite ducentes subtegmina, currite fusi.

Non illam nutrix orienti luce reuiscens,

Hesternum collum poterit circundare filo.

Currite ducentes subtegmina, currite fusi.

Anxia nec mater discordis moesta puellæ

Secubitu, charos mittet sperare nepotes.

Currite ducentes subtegmina, currite fusi.

Talia præfantes quondam felicia Pelei

Carmina, diuino cecinerunt pectore Parcæ.

Præfantes namque ante domos inuisere castas

Sæpius, & sese mortali ostendere cœtu,

Cœlicolæ nondum spreta pietate solebant,

Sæpe pater diuûm templo in fulgente reuiscens,

Annua dum festis uenissent sacra diebus,

Conspexit terra centum procurrere currus.

Sæpe uagus Liber Parnassi è uertice summo

Thyadas effusis euanteis crinibus egit,

Cum

Cum Delphi tota certatim ex urbe ruentes
 Acciperent læti diuum fumantibus aris.
 Sæpe in letifero belli certamine Mauors,
 Aut rapidi Tritonis hera, aut Rhamnusia uirgo,
 Armatus hominum est præsens hortata cateruas:
 Sed postquam tellus scelere est imbuta nefando,
 Iustitiamq; omnes cupida de mente fugarunt,
 Perfudere manus fraterno sanguine fratres,
 Destitit extinctos natus lugere parenteis,
 Optauit genitor primæui funera nati,
 Liber ut innuptæ potiretur flore nouercæ,
 Ignaro mater substernens se impia nato,
 Impia non uerita est diuos scelerare penates.
 Omnia fanda, nefanda malo permista furore,
 Iustificam nobis mentem auertère deorum:
 Quare nec tales dignantur uisere coetus,
 Nec se contingi patiuntur lumine claro.

AD ORTALVM.

ET si me assiduo confectum cura dolore
 Seuocat à doctis Ortale uirginibus:
 Nec potis est dulcis Musarum expromere foetus
 Mens animi, tantis fluctuat ipsa malis
 (Nanque mei nuper Lethæo gurgite fratris,
 Pallidulum manans alluit unda pedem,
 Troia Rhœteo quem subter littore tellus,
 Ereptum nostris * obterit ex oculis.
 Alloquar? audiero nunquam tua uerba loquentem.
 Nunquam ego te uita frater amabilior

* obtegit

Aspiciam

Aspiciam posthac: at certè semper amabo,

Semper mœsta tua carmina morte canam:

Qualia sub densis ramorum concinit umbris

Daulias, assumpti fata gemens Ityli)

Sed tamen in tantis mœroribus Ortale mitto

Hæc expressa tibi carmina Batiade:

Ne tua dicta uagis nequicquam credita uentis

Effluxisse meo fortè putes animo,

Vt missum sponsi furtiuo munere malum

Procurrit casto uirginis è gremio,

Quod miserae oblita molli sub ueste locatum

Dum aduentu matris prosilit, excutitur,

Atque illud prono præceps agitur decursu,

Huic manat tristi conscius ore rubor.

De Coma Berenicis.

Omnia qui magni dispexit lumina mundi

Qui stellarum ortus comperit, atque obitus,

Flammeus ut rapidi solis nitor obscuretur,

Vt cedant certis sydera temporibus,

Vt triuiam furtim sub Latmia saxa relegans

Dulcis amor gyro deuocet aërio,

Idem me ille Conon cœlesti numine uidit

E' Beroniceo uertice cæsariem

Fulgentem clarè, quàm multis illa de arum

Leuia protendens brachia pollicita est:

Qua rex tempestate nouis auctus hymenæis,

Vastatum fines iuerat Assyrios,

Dulcia nocturnæ portans uestigia rixæ.

Quam de uirginis gesserat exuijs.

Est ne nouis nuptijs odio Venus? an ne parentum

nono ce=
des hyme=
neo

Frustrantur falsis gaudia lacrymulis,
Vbertim thalami quas intra lumina fundunt?

*Non, ita
me uerè dij
gemuere,
iuuent

*Non, ita me diui, uera gemunt, iuuerint.

Id mea me multis docuit regina querelis

Inuisente nouo praelia torua uiro.

At tu non orbum luxti deserta cubile,

Sed fratris chari flebile dissidium.

Cum penitus mœstas exedit cura medullas,

Vt tibi tunc pectore sollicitæ

Sensibus creptis mens excidit: ast ego certè

Cognoram à parua uirgine magnanimam.

An' ne bonum oblita es facinus, quòd regium adeptas

Coniugium, quòd non fortior auxit auis?

Sed tu mœsta uirum mittens, quæ uerba locuta es?

(Iuppiter) ut tersti lumina sepe manu

Quis te mutauit tantus deus? an quòd amanteis

Non longè à charo corpore abesse uolunt?

At quæ ibi præ cunctis, pro dulci coniuge, diuis

Non sine taurino sanguine pollicita es,

Si reditum tetulisset is, haud in tempore longo

Captam Asiam Aegypti finibus adijceret.

Queis ego pro factis coelesti reddita coetu,

Pristina uota nouo munere dissoluo.

Inuita ò regina tuo de uertice cessi,

Inuita adiuro teq; tuamq; caput.

Digna ferat, quod si quis inaniter adiurarit.

Sed qui se fero postulet esse parem?

Ille quoque euersus mons est, quem maxima in oris

Progenies Phthiæ clara superuehitur,

Cum Medi irrupere nouum mare, cumq; iuuentus

Per medium classi barbara nauit Athon.
 Quid facient crines, cum ferro talia cedant?
 Iuppiter ut χαλῦβων omne genus pereat:
 Et qui principio sub terra quærere uenas
 Institit, ac ferri frangere duriciem.
 Abiunctæ paulò antè comæ, meæ fata sorores
 Lugebant, cum se Memnonis Aethiopis
 Vnigena impellens nutantibus acra pennis
 Obtulit Arfinoes Chloridos ales equis:
 Hisq; per ætherias me tollens aduolat auras,
 Et Veneris casto collocat in gremio.
 Ipsa suum Zephyritis eò famulamq; legarat,
 Grata Canopeis incola littoribus:
 Scilicet in uario ne solum *limite cœli
 Ex Ariadnæis aurea temporibus
 Fixa corona foret: sed nos quoque fulgeremus
 Deuotæ flauis uerticis exuuiæ.
 Vuidulum à fletu cedentem ad templâ deûm, me
 Sydus in antiquis diua nouum posuit.
 Virginis, & seui contingens nanque Leonis
 Lumina, Calisto iuncta Lycaoniæ
 Vertor in occasum, tardum dux ante Booten,
 Qui uix sero alto mergitur Oceano.
 Sed quanquam me nocte premunt uestigia diuûm,
 Luce autem canæ Tethyi restitutor,
 (Pace tua fari hæc liceat Rhamnusia uirgo,
 Nanque ego non ullo uera timore tegam,
 Non si me infestis discerpant sydera dictis,
 Conditâ quin ueri pectoris euoluam)
 Non his tam letor rebus, quàm me abfore semper,

*lumine

Abfore me à dominæ uertice disfrucior.

Qui cum ego, dum uirgo quondam fuit omnibus expers

Vnguentis, unà millia multa bibi.

Nunc uos optato quas iunxit lumine tecta,

Non prius unanimis corpora coniugibus

Tradite nudantes reiecta ueste papillas,

Quàm iucunda mihi munera libet onyx.

Vester onyx, casto colitis quæ iura cubili:

Sed quæ se impuro dedit adulterio,

Ilius aura leuis bibat, & dona irrita puluis:

Nanque ego ab indignis præmia nulla peto:

Sed magis ò nuptæ semper concordia uestras

Semper amor sedes incolat assiduus.

Tu uerò regina tuens cùm sydera, diuam

Placauis festis luminibus Venerem

Sanguinis expertem: non uotis esset uan me,

Sed potius largis effice muneribus.

Sydera cur* iterent? utinam coma regia fiam,

Proximus Hydrochoi fulgeat Oarion.

Ad Ianuam.

O' dulci iucunda uiro, iucunda parenti,

Salue: teq; bona Iuppiter auctet ope

Ianua, quam Balbo dicunt seruisse benignè

Olim, cùm sedes ipse senex tenuit:

Quamq; serunt rursus uoto seruisse maligno

Postquàm es*proiecto facta marita sene.

Dic agè, dic nobis, quare mutata feraris.

In dominum ueterem deseruisse fidem.

Non (ita Cæcilio placeam cui credita nunc sum)

Culpa mea est, quanquam dicitur esse mea.

Nec

*retinent

* porre=
cto, aut
proiecto

Nec peccatum à me quisquam pote dicere quicquam,
Verum isthæc potius ianitor ipse facit.
Quin quacunque aliquid reperitur non bene factum,
Ad me omnes clamant, Ianua culpata est.
Non isthuc satis est uno te dicere uerbo,
Sed facere, ut quiuis sentiat, & uideat.
Quod possum, nemo querit, nec scire laborat,
Nos uolumus uobis dicere, ne dubita
Primum igitur uirgo quod fertur tradita nobis,
Falsum est: non illam uir prior attigerat,
Languidior tenera cui pendens Sicula beta
Nunquam se mediam sustulit ad tunicam:
Sed pater illius nati uiolasse cubile
Dicitur, & miseram conscelerasse domum,
Siue quod impia mens cæco flagrabat amore,
Seu quod iners sterili semine natus erat:
Ne querendum aliunde foret nervosius illud,
Quod posset zonam soluere uirginæam,
Egregium narras mira pietate parentem,
Qui ipse sui gnati minxerit in gremium,
Atqui non solum hunc se dicit cognitum habere
Brixia Chinæa supposita in specula,
Flauus quam molli per currit flumine Mela,
Brixia Veronæ mater amata mea,
Sed de Posthumij, & Corneli narrat amore,
Cum quibus illa malum fecit adulterium.
Dixerit hic aliquis, qui tu isthæc ianua nosti,
Cui nunquam domini limine abesse licet?
Nec populum auscultare: sed huic suffixa tiglio
Tantum operire soles, aut aperire domum?

u. del. antica
dicion. Verona
del. magi. p. 9.

Sæpe illam audiui furtiua uoce loquentem

*alij, cum
cilijs

Solan*consilij hęc sua flagitia,
Nomine dicentem, quos diximus utpote quæ mi
Speraret nec linguam esse, nec auriculam.

*ardebat

Præterea*addebat quendam, quem dicere nolo
Nomine, ne tollat rubra supercilia,

Longus homo est, magnas cui lites intulit olim

Falsum mendaci uentre puerperium.

Ad Mallium.

Quod mihi fortuna, casuq; oppressus acerbo,

Conscriptum hoc lacrymis mittis epistolium,

Naufragum ut eiectum spumantibus æquoris undis

Subleuem, & à mortis limine restituum:

Quem neque sancta Venus molli requiescere somno

Desertum in lecto cœlibe perpetitur:

Nec ueterum dulci scriptorum carmine musæ

Oblectant, cum mens anxia peruigilat:

Idgratum est mihi, me quoniam tibi ducis amicum,

Muneraq; , & Musarum hinc petis, & Veneris.

Sed tibi ne mea sint ignota incommoda Malli,

Neu me odisse putes hospitis officium,

Accipe queis merfer fortune fluctibus ipse,

Ne amplius à misero dona beata petas.

Tempore quo primum uestis mihi tradita pura est,

Iucundum cum ætas florida uer ageret,

Multa satis lusi, non est dea nescia nostri,

Quæ dulcem curis miscet amariciem:

Sed totum hoc studium luctu fraterna mihi mors

Abstulit, ò misero frater adempte mihi.

Tu mea tu moriens fregisti commoda frater.

Tecum

Tecum unà tota est nostra sepulta domus.
Omnia tecum unà perierunt gaudia nostra,
Quæ tuus in uita dulcis alebat amor:
Cuius ego interitu tota de mente fugavi
Hæc studia, atque omnes delitias animi.
Quare, quod scribis, Veronæ turpe Catullo
Esse, quod hic quisquis de meliore nota
Frigida deserto tepescit membra cubili,
Id Malli non est turpe, magis miserum est.
Ignoscas igitur, si, quæ mihi luctus ademit,
Hæc tibi non tribuo munera, cum nequeo.
Nam, quòd scriptorum non magna est copia apud me,
Hoc sit, quòd Romæ uiuimus: illa domus,
Illa mihi sedes, illhic mihi carpitur ætas:
Huc unà multis capsula me sequitur.
Quod cum ita sit, nolim statuas me mente maligna
Id facere, aut animo non satis ingenuo,
Quòd tibi non utriusque petiti copia facta est,
Vltro ego deferrem, copia siqua foret.
Non possum reticere, deæ, qua Mallius in re
Iuuerit, aut quantis iuuerit officijs,
Ne fugiens seclis obliuiscantibus ætas
Illius hoc cæca nocte teget studium.
Sed dicam uobis, uos porro dicite multis
Millibus, & facite hæc charta loquatur anus;
Omnibus inq; locis celebretur fama sepulti,
Notescatq; magis mortuus, atque magis,
Ne tenuem texens sublimis aranea telam,
Deserto in Malli nomine opus faciat.
Nam, mihi quam dederit duplex Amathuntia curam,

Scitis, & in quo me corruerit genere,
 Cum tantum arderem, quantum Trinachria rupes,
 Lymphæq; in Octæis Mallia Thermophylis,
 Mœsta nec assiduò tabescere lumina fletu
 Cessarent, tristiq; hymbre madere genæ,
 Qualis in aerij pellucens uertice montis
 Riuus muscoso profilit è lapide,
 Qui cùm de prona præces est ualle uolutus,
 Per medium densi transit iter populi,
 Dulci uiatori lasso in sudore leuamen,
 Cum grauis exustos æstus hiulcat agros.
 Ac uelut in nigro iactatis turbine nautis
 Lenius aspirans aura secunda uenit,
 Iam prece Pollucis, iam Castoris implorata:
 Tale fuit nobis Mallius auxilium
 Is clausum lato patefecit limite campum,
 Isq; domum nobis, isq; dedit dominam:
 Ad quam communes exerceremus amores,
 Quò mea se molli candida diua pede
 Intulit, & trito fulgentem in limine plantam
 Innixa, arguta *constitit in solea:
 Coniugis ut quondam flagrans aduenit amore
 Protasilæam Laodamia domum,
 *Incepta frustra nondum cum sanguine sacro
 Hostia, cœlestis conciliaffet heros.
 Nil mihi tam ualde placeat Rhamnusia uirgo,
 Quod temere inuitis suscipiatus heris.
 Quàm ieiuna pium desyderet ara cruorem,
 Docta est amisso Laodamia uiro,
 Coniugis antè coacta nouum dimittere collum,

* consti-
tuit solea

* Accepta

Quam ueniens una, atque altera rursus hyems,
Noctibus in longis auidum saturasset amorem,
Possset ut abrupto uiuere coniugio:

Quod scibant Parcae non longo tempore abesse,
Similes muros isset ad Iliacos.

Nam tum Helenæ raptu primores Argiuorum
Coeperat ad sese Troia ciere uiros,

Troia nefas, commune sepulchrum Europæ, Asiæq;

Troia uirum, & uirtutum omnium acerba cinis:

Quæ nempe & nostro letum miserabile fratri
Attulit, hei misero frater adempte mihi.

Hei misero fratri iucundum lumen ademptum,

Tecum unâ tota est nostra sepulta domus,

Omnia tecum unâ perierunt gaudia nostra,

Quæ tuus in uita dulcis alebat amor.

Quem nunc tam longè non inter nota sepulchra,

Nec prope cognatos compositum cineres:

Sed Troia obscæna Troia infelice sepulchrum

Detinet, à nostro terra aliena solo,

Ad quam tum properans fertur simul undique pubes

Græca penetraleis deseruisse focos,

Ne paris abducta gauisus libera mœcha

Otia pacato degeret in thalamo.

Quo tibi tum casu pulcherrima Laodamia

Ereptum est uita dulcius, atque anima

Coniugium, tanto te absorbens uortice amoris

Aestus in abruptum detulerat barathrum.

Quale ferunt Graiij Peneum * prope Cilleneiuna

Siccari emulsa pingue palude solum:

Quod quondam cæcis montis fodisse medullis

* propter
amœnium

Ausus falsiparens Amphitryonades
 Tempore quo certa Stymphalia monstra sagitta
 Perculit Imperio deterioris heri,
 Pluribus ut coeli tereretur ianua diuis,
 Hebe nec longa uirginitate foret.

* Qui te
 non domi
 tum ferre
 in.doc.

Sed tuus altus amor barathro fuit altior illo,
 * Quod diuū dominum ferre iugum docuit.
 Nam neque tam charum confecto etate parenti
 Vna caput feri nata nepotis alit:
 Qui tum diuitijs uix tandem inuentus auitis
 Nomen testatas intulit in tabulas,
 Impia derisi gentilis gaudia tollens,
 Suscitāt à cano uulturium capite:
 Nec tantum niueo gausa est ulla columbo
 Compar, seu quicquid dicitur improbius,
 Oscula mordenti semper decerpere rostro,
 Quantum præcipue multiuola est mulier.
 Sed tu horum magnos uicisti sola furores,
 Ut semel es flauo conciliata uiro.
 Aut nihil, aut paulum cui tu concedere digna,
 Lux mea se nostrum contulit in gremium:
 Quam circuncursans huc illhuc sæpe Cupido
 Fulgebat crocina candidus in tunica.
 Quæ tamen et si uno non est contenta Catullo,
 Rara uerecundæ furtæ feremus heræ
 Ne nimium simus stultorum more molesti:
 Sæpe etiam luno maxima coelicolū
 Coniugis in culpa flagrauit quottridiana,
 Noscens omniuoli plurima furtæ Iouis.
 Atqui nec diuis homines componier æquum est,

Ingratum tremuli tolle parentis onus,
Nec tamen illa mihi dextra deducta paterna

Fragantem Assyrio uenit odore domum:
Sed furtiua dedit nigra munuscula nocte,

Ipsius ex ipso adempta uiri gremio.
Quare illud satis est, si nobis id datur unis,

Quo lapide illa diem candidiore notet,
Hoc tibi, quod potui, confectum carmine munus

Pro multis alijs redditur officijs,
Ne nostrum scabra tangat rubigine nomen,

Hæc atque illa dies, atque alia, atque alia:
Huc addant diui quamplurima, quæ Themis olim

Antiquis solita munera ferre pijs.
Sitis felices & tu simul, & tua uita,

Et domus ipsa, in qua lustramus, & domina,
Et qui principio nobis ~~dominam~~ dedit, à quo

*terram

Sunt primo nobis omnia nata bona,
Et longè ante omneis mihi quæ me charior ipso est,

Lux mea, qua uiua uiuere dulce mihi est.

In Rufum.

Noli admirari quare tibi foemina nulla
Rufe uelit tenerum supposuisse femur

Non ullam raræ labefactes munere uestis,
Aut pelluciduli delitijs lapidis.

Læd it te quædam mala fabula, qua tibi fertur

Valle sub alarum trux habitare caper.
Hunc metuunt omnes, neque mirum, nam mala ualde est

Bestia, nec qui cum bella puella cubet.
Quare aut crudelem nasorium interfice pestem,

Aut admirari desine, cur fugiunt.

De

De inconstantia foeminei amoris.

Nulli se dicit mulier mea nubere malle,

Quàm mihi, non si se Iuppiter ipse petat.

Dicit, sed mulier cupido quod dicit amanti,

Inuento, & rapida scribere oportet aqua.

Ad Virronem.

Si cui, Virro, homini sacer alarum obstitit hircus,

Aut si quem merito tarda podagra fecat,

Aemulus iste tuus, qui uestrum exercet amorem,

Mirifice est * actu nactus utrunque malum.

Nam quoties futuit, toties ulciscitur ambos,

Illam affligit odore, ipse perit podagra.

Ad Lesbiam.

Dicebas quondam solum te nosse Catullum

Lesbia, nec prae me uelle tenere Iouem,

Dilexi tum te, non tantum ut uulgus amicam,

Sed pater ut gnatos diligit, & generos:

Nunc te cognoui, quare & si impensius uror

Multò, mi tamen es uilior, & leuior.

Qui potis est, inquis? quòd amantem iniuria talis

Cogat amare magis, sed bene uelle minus.

Odi, & amo: quare id faciam, fortasse requiris:

Nescio: sed fieri sentio, & excrucior.

In ingratum.

Desine de quoquam quicquam bene uelle mereri,

Aut aliquem fieri posse putare * tuum.

Omnia sunt ingrata nihil fecisse benigne?

Immo etiam tædet, * tædet, obestq; magis,

* Ut mihi, quem nemo grauius, nec acerbius urget,

Quàm modo, qui me unum, atq; unicum amicum habuit.

In

* à te

* pium

* uae mihi

In Gellium.

Gellius audierat patrum obiurgare solere,
Si quis delitias diceret, aut faceret.
 Hoc ne ipsi accideret, patrum perdespuit ipsam
 Vxorem, & patrum reddidit Harpocratem.
 Quod uoluit, fecit: nam quamuis irrumet ipsum
 Nunc patrum, uerbum non faciet patruus.

In Lesbiam.

Huc est mens deducta tua mea Lesbia culpa,
 Atque ita se officio perdidit ipsa suo,
 Ut iam nec bene uelle queam tibi, si optima fias,
 Nec desistere amare, omnia si facias.

Ad seipsum.

Siqua recordanti bene facta priora uoluptas
 Est homini, sciam se cogitat esse piū,
 Nec sanctam uiolasse fidem, nec fœdere in ullo
 Diuū ad fallendos numine abusum homines,
 Multa parata manent in longa etate Catulle
 Ex hoc ingrato gaudia amore tibi.
 Nam quæcūq; homines bene cuiquam aut dicere possūt,
 Aut facere, hæc à te dictaq; factaq; sunt,
 Omnia quæ ingrata perierunt credita menti:
 Quare te iam cur amplius excrucies
 Quin te animo affirmas, teq; instinctuq; reducis,
 Et dijs inuitis desinis esse miser?
 Difficile est longum subito deponere amorem.

Difficile est, * uerum hoc quæ lubet efficias.
 Vna salus hæc est, hoc est tibi peruincendum,

* uerum
 quod lubet
 ff.

Hoc facies, siue id non pote, siue pote.
 O dij, si uestrum est misereri, aut si quibus unquam

Extremam

Extremam iam ipsam in morte tulistis opem,
 Me miserum aspiciate, & si uitam puriter egi,
 Eripite hanc peste, perniciemq; mihi:
 Quæ mihi subrepens imos, ut torpor, in artus,
 Expulit ex omni pectore letitias.
 Non iam illud quero, contra ut me diligat illa,
 Aut, quod non potis est, esse pudica uelit:
 Ipse ualere opto, & tetrum hunc deponere morbum.
 O' dij reddite mi hoc pro pietate mea:

Ad Rufum.

*credite Rufe mihi frustra, ac nequicquam *cognite amice:
 Frustra? immo, magno cum pretio, atque malo.
 Siccine subrepisti, mi atque intestina perurens,
 Sic misero eripuisti omnia nostra bona?
 Eripuisti, heu heu nostræ crudele uenenum
 Vitæ, heu heu nostræ pestis amicitie.

De Gallo.

Gallus habet fratres, quorum est lepidissima coniunx
 Alterius, lepidus filius alterius.
 Gallus homo est bellus, nam dulcis ingit amores,
 Cum puero ut bello bella puella cubet.
 Gallus homo est stultus, nec se uidet esse maritum,
 Qui patruus patrui monstret adulterium.
 Sed nunc id doleo quod puræ impura puellæ
 Suauia coniunxit spurca saliuæ tua.
 Verum id non impune feres: nam te omnia secla
 Noscent, & qui sis, *fama loquetur anus.

De Lesbio.

Lesbius est pulcher, quid ni? quem Lesbia malit,
 Quam te cum tota gente Catulle tua.

*te, famu-
 losq; tuos

Sed tamen hic pulcher uendat cum gente Catullum,

Si tria*amatorum suauia reppererit.

*natorum

Ad Gellium.

Vis dicam Gelli, quare rosea ista labela

Hyberna fiant candidiora niue?

Mane domo cum exis, & cum te octaua quiete

E' molli longo suscitatur hora die,

Nescio quid certè est, an uerè fama susurrat,

Grandia te medijs tenta uorare uiri.

Sic certè est, clamant*Victoris rupta miselli

Ilia,*demulso labra notata sero.

* Virro-
nis
*et emul-
so

Ad Iuuentium.

Nemo'ne in tanto potuit populo esse Iuuenti

Bellus homo, quem tu diligere inciperes?

Præterquam iste tuus moribunda à sede Pisauri

Hospes, inaurata pallidior statua,

Qui tibi nunc cordi est, quem tu præponere nobis

Audes: at nescis quod facinus facias.

Ad Quintium.

Quinti si tibi uis oculos debere Catullum,

Aut aliud, si quid charius est oculis:

Eripere ei noli, multò quod Charius illi

Est oculis, seu quid charius est oculis.

De Mulo Lesbix marito.

Lesbia mi presente uiro mala plurima dicit,

Hoc illi fatuo maxima letitia est.

Mule nihil sentis. si nostri oblita taceret,

Sana esset: quòd nunc garrit, & obloquitur,

Non solum meminit, sed quæ multò acrior est res,

Irata est: hoc est, uritur, & loquitur.

De

De Arrio.

Chommoda dicebat, si quando commoda uellet

Dicere, & hinfidias Arrius infidias:

Et tum mirifice sperabat se esse locutum,

Cum quantum poterat dixerat hinfidias,

Credo sic mater, sic liber auunculus eius,

Sic maternus auus dixerat, atque auia.

Hoc misso in Syriam requierant omnibus aures,

Audibant eadem hæc leniter, & leuiter.

Nec sibi post illa metuebant talia uerba,

Cum subito affertur nuntius horribilis,

Ionios fluctus post, quam illuc Arrius isset,

Iam non Ionios esse, sed Hionios.

De amore suo.

Odi, & amo: quare id faciam fortasse requiris?

Nescio, sed fieri sentio, & excrucior.

De Quintia, & Lesbia.

Quintia formosa est multis, mihi candida, longa,

Recta est, hæc ego sic singula confiteor:

Tota illud formosa nego: nam nulla uenustas,

Nulla in tam magno est corpore mica salis.

Lesbia formosa est, quæ cum pulcherrima tota est,

Tum omnibus una omneis surripuit Veneres.

De suo in Lesbiam amore.

Nulla potest mulier tantum se dicere amatam

Verè, quantum à me Lesbia amata mea est.

Nulla fides ullo fuit unquam foedere tanta,

Quanta in amore suo ex parte reperta mea est.

In Gellium.

Quid facit is, Gelli, qui cum matre, atque sorore

Prurit,

Prurit, & abiectis peruigilat tunicis?

Quid facit is, patrium qui non sinit esse maritum,

Ecquid scis, quantum suscipiat sceleris?

Suscipit ò Gelli, quantum non ultima Tethys,

Non genitor Nympharum abluat Oceanus.

Nam nihil est quicquam sceleris, quo prodeat ultra,

Non si demisso se ipse uoret capite.

De Gellio.

Gellius est tenuis quidni? cui tam bona mater,

Tamq; ualens uiuat, tamq; uenusta soror,

Tamq; bonus patrius, tamq; omnia plena puellis

Cognatis, quare is destinat esse macer?

Qui ut nihil attingat, nisi quod fas tangere non est,

Quantum uis, quare sit macer, iuuenies.

Nascatur magus ex Gelli, matrisq; nefando

Coniugio, & discat Persicum aruspicium:

Nam magus ex matre, & gnato gignatur oportet,

Si uera est Persarum impia religio.

Natus ut accepto ueneretur carmine diuos,

Omentum in flamma pingue liquefaciens.

In Gellium.

Non ideo Gelli sperabam te mihi fidum

In misero hoc nostro perduto amore fore,

Quòd te cognossem bene constantemq; putarem,

Aut posse à turpi mentem inhibere probro:

Sed quòd nec matrem, nec germanam esse uidebam

Hanc tibi, cuius me magnus edebat amor.

Et quamuis tecum multo coniungerer usu,

Non satis id causæ credideram esse tibi.

Tu satis id duxti, tantum tibi gaudium in omni

f

Culpa

Culpa est, in quacunque est aliquid sceleris.

De Lesbia.

Lesbia mi dicit semper male, nec tacet unquam.

De me: dispeream me nisi Lesbia amat.

Quo signo? quasi eadem totidem mox deprecor illi

Afidue, uerum dispeream nisi amo.

In Cæsarem.

Nil nimium studeo Cæsar tibi uelle placere:

Nec scire utrum sis albus an ater homo.

Mentula mœchatur, mœchatur mentula certè:

Hoc est, quod dicunt, ipsa olera olla legit.

De Smyrna Cin-

næ poetæ.

Smyrna mei Cinnae nonam post denique messem

Quam coepta est, nonamq; edita post hyemem:

Millia cum interea quingenta Hortensius uno

In pede stans fixo carmina ructat hians:

Smyrna cauas Atracis penitus mittetur ad undas,

Smyrnam incana diu secula peruoluent.

At Volusi annales Paduam morientur ad ipsam,

Et laxas scombris sepe dabunt unicas.

Parua mei mihi sunt cordi monimenta sodalis,

At populus tumido gaudeat Antimacho.

Ad caluum de Quintilia.

Si quicquam mutis gratum acceptum ue sepulchris

Accidere à nostro Calue do lore potest.

Cum desyderio ueteres renouamus amores,

Atque olim missas flemus amicitias,

Certè non tanto mors immatura dolori est

Quintiliae, quantum gaudet amore tuo.

De Aemilio.

Non, ita me dii ament, quicquam referre putavi,

Vtrum os an culum olfacerem Aemilio

Nil immundius hoc, nihil est immundius illo,

Verum etiam culus mundior, & melior.

Nam sine dentibus est, hoc denteis sesquipedaleis,

Gingivas uero Ploxemi habet ueteris.

Prætere arictum, qualem defessus in æstu

Meientis mule cunnus habere solet.

Hic futuit multas, & se facit esse uenustum,

Et non pistrino traditur, atque asino?

Quem si qua attingit, non illam posse putemus

Aegroti culum lingere carnificis?

Ad Vectium.

In te, si in quenquam dici pote, putide Vecti

Id quod uerbosis dicitur, & fatuis,

Ista cum lingua, si usus ueniat tibi, possis

Culos, & crepidas lingere carpatinas.

Sinos omnino uis omneis perdere Vecti,

Dicas, omnino quod cupis, efficies.

Ad Luuentium.

Surripui tibi dum ludis mellite Iuuenti

Suauiolum dulci dulcius ambrosia,

Verum id non impune tuli: nanque amplius horam

Suffixum in summa me memini esse cruce.

Dum tibi me purgo, nec possum fletibus ullis

Tantulum uestre demere seuitie.

Nam simul id factum est, multis diluta labella

Abstersti guttis omnibus articulis,

Ne quicquam nostro contractum ex ore maneret,

Tanquam commistæ spurca saluæ lupæ.
 Præterea infesto miserum me tradere amorì
 Non cessasti, omniq; excruciare modo,
 Vt mi ex ambrosia mutatum iam foret illud
 Suauiolum, tristi tristius helleboro.

Quam quoniam pœnam misero proponis amorì,
 Nunquam iam posthac basta surripiam.

De Cælio, & Quintio.

Cælius Auphilenum, & Quintius Auphilenam
 Flos Veronensum depercuti iuuenum,
 Hic fratrem, ille sororem, hoc est, quod dicitur, illud
 Fraternum uerè dulce sodalitiū.

Cui faueam potius? Cæli tibi: non tua nobis
 Prospecta exigitur unica amicitia,
 Cùm uesana meas torreret flamma medullas
 Sis felix Cæli, sis in amore potens.

Inferiæ ad fratris tumulum.

Multas per gentes, & multa per æquora uectus
 Aduenio has miseras frater ad inferias,
 Vt te postremo donarem munere mortis,
 Et mutum nequicquam alloquerer cinerem,
 Quando quidem fortuna mihi tete abstulit ipsum,
 Heu miser indigne frater adempte mihi,
 Nunc tamen interea prisco quæ more parentum
 Tradita sunt tristes munera ad inferias,
 Accipe fraterno multum manantia fletu,
 Atque in perpetuum frater aue, atque uale.

Ad Cornelium.

Si quicquam tacite commissum est fido ab amico,
 Cuius sit penitus nota fides animi,

Me unum esse inuenies illorum iure sacratum
Corneli, & factum me esse puta Harpocratem.

Ad Sylonem.

Aut sodes mihi redde decem sestertia Sylo,

Deinde esto quamuis sæuus, & indomitus

Aut si te nummi delectant, desine queso

Leno esse atque idem sæuus, & indomitus.

Ad quendam de Lesbia.

Credis me potuisse meæ maladicere uitæ,

Ambobus mihi quæ charior est oculis:

Non potui, nec si possem, tam perditè amarem:

Sed tu cum caupone omnia monstra facis.

In mentulam.

Mentula conatur Pimpleum scandere montem,

Musæ furcillis præcipitem eijciunt.

De puero, & præcone.

Cum puero bello præconem qui uidet esse,

Quid credat? nisi se uendere discupere.

Ad Lesbiam.

Si quicquam cupidoq; optantiq; ob igit unquam, &

Insperanti, hoc est gratum animo proprie.

Quare hoc est gratum, nobis quoque charius auro,

Quod te restituis Lesbia mi cupido,

Restituis cupido, atque insperanti, ipsa refers te

Nobis: o lucem candidiore nota.

Quis me uno uiuit felicior? aut magis hac quid

Optandum uita, dicere quis poterit?

In Cominium.

Si Comini arbitrio populi tua cana senectus

Spurcata impuris moribus intereat,

Non equidem dubito, quin primum inimica bonorum
 Lingua execta audio sit data uulturio,
 Effossos oculos uoret atro gutture corus,
 Intestina canes, cætera membra lupi.

Ad Lesbiam.

Iucundum mea uita, mihi proponis amorem
 Hunc nostrum inter nos, perpetuumq; fore.
 Dij magni facite, ut uerè promittere possit,
 Atque id sincere dicat, & ex animo,
 Ut liceat nobis tota perducere uita
 Alternum hoc sanctæ fœdus amicitiae.

Ad Aufilenam.

Aufilena bonæ semper laudantur amicæ,
 Accipiunt pretium, quæ facere instituunt.
 Tu quod promisti mihi quod mentita, inimica es,
 Quod nec das, at adfers, sæpe facis facinus.
 Aut facere ingenuæ est, aut non promisse pudicæ
 Aufilena fuit, sed data corripere
 Fraudando, effecitur plusquam meretricis auaræ,
 Quæ sese toto corpore prostituit.

Ad eandem.

Aufilena uiro contentam uiuere solo
 Nuptarum laus est laudibus eximijs.
 Sed cuius quamuis potius succumbere fas est,
 Quam matrem fratres efficere ex patruo.

In Nasonem.

Multus homo es Naso, neque tecum multus homo, sed
 Descendis Naso, multus es, & pathicus.

In Cinnam.

Consule Pompeio primum duo, Cinna, sedant

Mœchilia, factò consule nunc iterum
Manserunt duo, sed creuerunt millia in unum
Singula: fœcundum semen adulterio.

In Firmanum.

Firmani saltus non falsò mentula diues
Fertur, qui tot res in se habet egregias,
Aucupium omne genus, pisces prata, arua, ferasq;
Nec quicquam fructus sumptibus exuperat.
Quare concedo sit diues, dum omnia desint,
Saltum laudemus, dum tamen ipse egeat.
Mentulam habet instar triginta iugera prati,
Quadraginta arui, cætera sunt maria.
Cur non diuitijs Cræsum superare potis sit,
Vno qui in saltu tot bona possideat?
Prata, arua, ingentes syluas, saltusq; paludesq;
Vsque ad Hyperboreos, & mare ad Oceanum.
Omnia magna hæc sunt tamen ut sint maxima, & ultra
Non homo, sed uerè mentula magna nimis.

Ad Gellium.

Sæpe tibi studioso animo uenante requiris
Carmina uti possem mitiere Battiade,
Queis te lentirem: nobis neu conarere
Infestum telis icere musca caput:
Hunc uideo mihi nunc frustra sumptum esse laborem,
Gelli nec nostras hinc ualuisse preces,
Contra nos tela ista tua cuit amicus amictu,
At fixus nostris tu dabis supplicium.

FINIS.

EX LIBRO III

DE POETIS LATINIS

PET. CRINITI.



ALBIUS Tibullus Romæ, ut creditur: natus, Hircio & Pansa Coss. qui annus etiam Nasonis Poetæ natalibus insignis fuit: nam uterq; Consul cū ad liberandū Brutum apud Mutinā mitteretur, fugato Antonio occisus est: parentes: habuit ex equestri ordine, bello & pace satis illustres: is autem Tibullus, quod ingenio facili, & egregia forma foret, nobiliores etiā ciuitatis sibi cōciliauit: in quorū numero fuit Messala Coruinus qui mira diligentia, & assiduis officijs poetam Tibullum fouit. Itaque sui studiosum uocat eum Tibullus, et insigni carmine laudes eiusdem ac uirtutem celebrauit. Neque illud ignoratur, cum in eiusdē Messalæ comitatu in prouinciam Phæacum pergeret, in aduersam eum ualitudinem incidisse: ex quo tali carmine fidem suam atque fortunam uoluit posteris commendari:

Hic iacet immiti consumptus morte Tibullus,

Messalam terra dum sequiturq; mari.

Horatium quoque Flaccum & Macrū poetā, qui de herbis libros conscripsit familiariter dilexit. Eūq; hortatur ut relictis castris, & militia, ad amores et Veneres redeat. Albius. n. Tibullus ī amoribus et delitijs (ut apparet) paulò procliuior fuit, ut qui Marathū, et Cherinthū pueros maximo affectu dilexerit, sicuti Deliā, Sulpitiā, Neram, & Nemesim, de cuius forma & moribus frequens

quens in ueterum libris mentio est, unde illud notum:

Vssit amatorem Nemescis lasciua Tibullum,

In tota iuuuit quem nihil esse domo.

Sed & L. Apuleius quo loco de amoribus differit apud Claudium maximum proconsulem, fictum Deliae nomen à poeta Tibullo refert, cum Plaucia uocaretur. Quinetiā Flaccus liberè illum hortatur amicitiae nomine, ut fortè animo & constanti, immitis Glyceræ fastum, & insolentiam præferat, tum aliorum exemplo discat, quāta sit in amore uarietas. In scribendo autē carmine, Cassio Parmensi eundem præponit, quo loco suorum sermonum iudicem facit, bonaq; animi & corporis illi ascribit.

Albi nostrorum sermonum candide iudex,

Non tu corpus eras sine pectore: dij tibi formam,

Dij tibi diuitias dederant, artemq; fruendi.

Quid uoueat dulci nutricula maius alumno,

Quam sapere, & fari possit quæ sentiat, & cui

Gratia, fama, uoletudo, contingat abunde,

Et mundus uictus non deficiente crumena.

Is uerò Tibullus in carmine ad Messalam, copiose ostendit, parum sibi licere in ocio uersari, quòd ipsa fortune iniquitas nimium illi obfuisse, & cum satis illi opes florent, conditione temporum factum, ut ad paupertatem redigeretur.

Cui fuerant flauidi antea ordine sulci,

Horrea fecundis indeficientia mensis:

Cuiq; pecus denso pascebant agmine colles,

Et domino satis, & nimium furiq; lupoq;

Nunc desiderium superest.

Libros quatuor Elegiarum siue Amorum composuit,

in quibus facile probatur quàm elegans, & candidum sit
 eius carmen, ut in eiusmodi caloribus describendis Lati-
 nos omnes uideatur superasse, tum affectibus exprimen-
 dis tū suauitate ingenij, qđ ipsum & Fab. Quintilianus
 ad Marcellum Victorium refert, cū poetam Tibullum
 & elegantem in primis, ac tersum existimaret. Obijt au-
 tem cum adhuc iunior esset, neque sine maximo mœrore
 Ouidij poetæ, quod ille testatus est longo carmine: in quo
 probatur quanta literarum iactura Tibullus occiderit,
 eoq; molestior fuit eius interitus, quo immaturior uisus
 est. In eius uerò funere & parens & soror pietatis offi-
 cium præstiterunt, quod & Nemesis & Delia pari ani-
 mo fecerunt sicuti ab Ouidio refertur. uulgatumq; illud
 est de elegantiâ, & carmine Tibulli:

Donec erunt ignes, arcusq; Cupidinis arma,
 Discentur numeri culte Tibulle tui.

ALB:

ALBII TI-

BULLI EQVITIS

ROMANI LIBER I.



IVITIAS alius fuluo
 sibi congerat auro,
 Et teneat culti iugera ma-
 gna soli,
 Quem labor assiduus uici-
 no terreat hoste,
 Martia cui somnos classica
 pulsa fugent:
 Me mea paupertas uite tra-
 ducat inerti,

Dum meus assiduo luceat igne focus.
 Ipse seram teneras maturo tempore uites
 Rusticus, & facili grandia poma manu.
 Nec spes destituat, sed frugum semper aceruos
 Præbeat, & pleno pinguiâ musta lacu.
 Nam ueneror, seu Sipes habet desertus in agris,
 Seu uetus in triuiu floridaserta lapis:
 Et quodcunque mihi pomum nouus educat annus,
 Libatum agricolæ ponitur ante Deos.
 Flaua Ceres tibi sit nostro de rure corona
 Spicea, quæ templi pendeat ante fores.
 Pomosis q; ruber custos ponatur in hortis,
 Tereat ut seua falce Priapus aues.
 Vos quoque felicitis quondam, nunc pauperis agri

Custo

Custodes fertis munera uestra lares,
 Tunc uitula innumeros lustrabat caesa iuuenkos,
 Nunc agna exigui est hostia parua soli.
 Agna cadet uobis, quam circum rustica pubes
 Clamet, iò messes, & bona uina date.
 Iam modo non possum contentus uiuere paruo,
 Nec semper longæ deditus esse uiæ,
 Sed Canis æstiuos ortus uitare sub umbra
 Arboris ad riuos prætereuntis aquæ.
 Nec tamen interdum pudeat tenuisse bidentem,
 Aut stimulo tardos increpuisse boues.
 Non agnam ue sinu pigeat, foetum ue capellæ
 Desertum oblita matre referre domum,
 At uos exiguo pecori furesq; lupiq;
 Parcite, de magno est præda petenda grege.
 Hic ego pastoremq; meum lustrare quot annis,
 Et placidam soleo spargere lacte Palem.
 Adsit is diui, nec uos è paupere mensa
 Dona nec è puris spernite fictilibus.
 Fictilia antiquus primum sibi fecit agrestis
 Pocula, de facili composuitq; luto.
 Non ego diuitias patrum, fructusq; requiro,
 Quos tulit antiqua condita messis auo.
 Parua seges satis est, satis est requiescere lecto,
 Scilicet & solito membra leuare toro.
 Quàm iuuat immites uentos audire cubantem,
 Et dominam tenero continuisse sinu:
 Aut gelidas hybernus aquas cum fuderit Auster:
 Securum somnos igne iuuante sequi.
 Hoc mihi contingat: sit diues iure, furorem

Qui maris, & tristes ferre potest pluuias.
O quantum est auri pereat, potiusq; smaragdi,
Quam fleat ob nostras ulla puella uias.
Te bellare decet terra Messala, mariq;
Ut Domus hostiles præferat exuias.
Meretinent uinctum formosæ uincla puellæ,
Et sedeo duras ianitor ante fores.
Non ego laudari cupio, mea Delia, tecum
Dummodo sim, quæso, segnis inersq; uocer.
Te spectem, suprema mihi cum uenerit hora,
Et teneam moriens deficiente manu.
Flebis, & arfuro positum me Delia lecto,
Tristibus & lacrymis oscula mista dabis,
Flebis; non tua sunt duro præcordia ferro
Vincta, nec in tenero stat tibi corde silex.
Illo non iuuenis poterit de funere quisquam
Lumina non uirgo sicca referre domum.
Tu manes ne læde meos, sed parce solutis
Crinibus, & teneris Delia parce genis.
Interea dum fata sinunt, iungamus amores:
Iam ueniet tenebris mors adoperta caput.
Iam subrepet iners ætas, nec amare decebit.
Dicere nec cano blanditias capiti.
Nunc leuis est tractanda Venus, dum frangere postes
Non pudet, & rixas inseruisse iuuat,
Hic ego dux, milesq; bonus, uos signa, tubæq;
Ite procul, cupidis uulnera ferte uiris.
Ferte & opes, ego composito securus aceruo
Dites despiciam, despiciamq; famem.

ELEGIA II.

ADde merum uinoq; graues compesce dolores.
Occupet ut fessi lumina uicta sopor:
Neu quisquam multo perfusum tempora Baccho
Excitet, infelix dum nequiescit amans.
Nam posita est nostræ custodia sæua puellæ,
Clauditur & dura ianua firma sera,
Ianua difficilis dominæ te uerberet hymber,
Te Iouis imperio fulmina missa petant.
Ianua iam pateas uni mihi uicta querelis,
Nec furtim uerso cardine aperta sones.
Et mala si qua tibi dixit dementia nostra,
Ignoscas, capiti sint precor illa meo.
Te meminisse decet, quæ plurima uoce peregi
Supplice, cum postea florida ferta darem.
Tu quoque ne timide custodes Delia falle,
Audendum est: fortes adiuuat ipsa Venus.
Illa fauet, seu quis iuuenis noua limina tentat,
Seu reserat fixo dente puella fores.
Illa docet furtim molli decedere lecto,
Illa pedem nullo ponere posse sono:
Illa uiro coram nutus conferre loquaces,
Blandaq; compositis addere uerba notis,
Nec decet hoc omnes, sed quos nec inertia tardat,
Nec uetat obscura surgere nocte timor.
En ego cum tenebris tota uagor anxius urbe,
Securum in tenebris me facit esse Venus:
Nec sinit occurrat quisquam, qui corpora ferro
Vulneret, aut raptæ præmia ueste petat.

Quisquis amore tenetur, eat tutusq; sacerq;
Qualibet: insidias non timuisse decet.
Non mihi pigra nocent hybernæ frigora noctis,
Non mihi cum multa dididit humber aqua.
Non labor hic lædit, referet modo Delia postes,
Et uocet ad digiti me taciturna sonum.
Parcite luminibus, seu uir, seu fœmina fias
Obuia, celari uult sua furta Venus:
Neu strepitu terrete pedum, neu querite nomen,
Neu propè fulgente lumina ferte face.
Siquis & imprudens aspexerit, occulat ille,
Perq; deos omneis se meminisse neget.
Nam fuerit quicumque loquax, is sanguine natum,
Is Venerem è rapido sentiet esse mari
Nec tamen huic credet coniunx tuus, ut mihi uerax
Pollicita est magico saga ministerio.
Hanc ego de cœlo ducentem sydera uidi,
Fulminis hæc rapidi carmine uertit iter.
Hæc cantu finditq; solum, manesq; sepulchris
Elicit, & tepido deuocat ossa rogo.
Iam ciet infernas magico stridore cateruas,
Iam iubet aspersas lacte referre pedem.
Cum libet, hæc tristi depellit nubila cœlo:
Cum libet, æstiuo conuocat orbe niues.
Sola tenere malas Medæ dicitur herbas,
Sola feros Hecates perdomuisse canes.
Hæc mihi composuit cantus, queis fallere posses,
Ter cane, ter dictis despue carminibus.
Ille nihil poterit de nobis credere quicquam,
Non sibi, si in molli uiderit esse sinu.

Tu tamen abstineas alijs: nam cætera cernet
Omnia: de me uno sentiet esse nihil.
Quid credam? nempe hæc cadem se dixit amores
Cantibus, aut herbis soluere posse meos,
Et me lustrauit tædis, & nocte serena
Concidit ad magicos hostia pulla deos:
Non ut totus abesset amor, sed mutuus esset
Orabam, nec te posse carere uelim.
Fereus ille fuit, qui te com posset habere,
Maluerit prædas stultus, & arma sequi:
Ille licet Cilicum uictas agat ante cæteruas,
Ponat & in capto Martia castra solo.
Totus & argento contextus, totus & auro
Insidet celeri conspiciendus equo.
Ipse boues, mea si tecum modo Delia possim
Iungere, & insolito pascere monte pecus.
Et te dum liceat teneris retinere lacertis,
Mollis, & inculta sit mihi somnus humo.
Quid Tyrio recubare toro sine amore secundo
Prodest, cum fletu nox uigilanda uenit?
Nam neque tum plumæ, nec stragula picta soporem,
Nec sonitus placida ducere posset aque.
Non ueneris magnæ uiolau numina uerbo,
Et mea nunc pœnas impia lingua luit.
Non feror incestus sedes adiisse deorum,
Sertaq; de sanctis diripuisse focis.
Non ego tellurem genibus perrepere supplex,
Et miserum sancto tundere poste caput.
Non ego si merui, dubitem procumbere templis,
Et dare sacratis oscula luminibus.

At tu, qui letus rides, mala nostra caueto,
 Mox tibi non uauus seniet ipse deus.
 Vidi ego qui iuuenum miseros lussisset amores,
 Post Veneris uinculis subdere colla senem:
 Et sibi blanditias tremula componere uoce,
 Et manibus canas fingere uelle comas.
 Stare nec ante fores puduit, charæ ue puella
 Ancillam medio detinuisse foro.
 Hunc puer, hunc iuuenis turba circumstetit arctâ:
 Despuit in molles & sibi quisque sinus.
 At mihi parce Venus, semper tibi dedita seruit
 Mens mea: quid messes uris acerba tuas?

AD MESSALAM ELEGIA III.

I Bitis Aegæas sine me Messala per undas,
 O' utinam memores ipse, cohorsq; mei.
 Me tenet ignotis ægrum Phæacia terris,
 Abstineas auidas mors precor atra manus!
 Abstineas mors atra precor, non hic mihi mater,
 Quæ legat in mœstos ossa perusta sinus,
 Non soror, assyrios cineri quæ dedat odores.
 Et fleat effusis ante sepulchra comis.
 Delia non usquam: quæ me cum mitteret urbe,
 Dicitur antè omnes consuluisse deos.
 Illa sacras pueri sortes ter sustulit, illi
 Rettulit è triuijs omnia certa puer:
 Cuncta dabant reditum: tamen est deterrita nunquam,
 Quin fleret nostras, respiceretq; uias.
 Ipse ego solator, cum iam mandata dedissem,

Querebam tardas anxius usque moras
Aut ego sum causatus, aues dant omina dira,
Saturni sacra me tenuisse diem.
O quoties ingressus iter, mihi tristia dixi
Offensum in porta signa dedisse pedem.
Audeat inuito nequis discedere amore,
Aut sciat egressum se prohibente deo.
Quid tua nunc Isis tibi Delia? quid mihi profunt
Illa tua toties æra repulsa manu?
Quid ue piè, dum sacra colis, pureq; lauari
Te memini, et puro succubuisse toro?
Nunc dea, nunc succurre mihi iam posse mederi
Picta docet templis multa tabella tuis,
Vt mea uotiuas persoluens Delia uoces
Ante sacras lino tecta fores sedeat:
Bisq; die resoluta comas tibi dicere laudes
Insignis turba debeat in Pharia.
At mihi contingat patrios celebrare penates
Reddereq; antiquo menstrua tura lari.
Q V A M bene Saturno uiuebant rege prius, quam
Tellus in longas est patefacta uias.
Nondum cæruleas pinus contempserat undas,
Effusum uentis præbueratq; sinum,
Nec uagus ignotis repetens compendia terris
Presserat externa nauita merce ratem.
Illo non ualidus subiit iuga tempore taurus,
Non domito frenos ore momordit equus.
Non domus ulla fores habuit, non fixur in agris
Qui regeret certis finibus arua lapis.
Ipse mella dabant quercus ultroq; ferebant

Obuia securis ubera lactis oues.
Non acies, non ira fuit, non bella, nec enses
Immiti seuus duxerat arte faber.
Nunc Ioue sub domino cades, & uulnera semper
Nunc mare, nunc leti mille repente uia.
Parce pater, timidum non me periuria terrent,
Non dicta in sanctos impia uerba deos.
Quod si fatales iam nunc expleuimus annos,
Fac lapis inscriptis stet super ossa notis:
Hic iacet immiti consumptus morte Tibullus,
Messalam terra, dum sequitur mari.
Sed mi, quod facilis tenero sum semper amori,
Ipsa Venus campos ducet in Elystos.
Hic choreæ, cantusq; uigent passimq; uagantes
Dulce sonant tenui gutture carmen aues.
Fer castam non culta seges, totosq; per agros
Floret adoratis terra benigna rosis.
Ac iuuenum series teneris immista puellis
Ludit, & assidue prælia miscet amor.
Illic est cuicunque rapax mors uenit amanti,
Et gerit insigni myrteaserta coma.
At scelerata iacet sedes in nocte profunda
Abdita, quam circum flumina nigra sonant.
Tisiphoneq; impexa feros pro crinibus angues
Seuit, & huc illuc impia turba fugit.
Tum niger in turba serpentem Cerberus ore
Stridet, & æreatas excubat ante fores.
Illic Iunonem tentare Ixionis ausi
Versatur celeri noxia membra rota
Porrectusq; nouem Tityus per iugera terræ,

Aſſiduus atro uiſcere paſcit aues.
Tantalus eſt illic, & circum ſtagna, ſed acrem
Iam iam poturi deſerit unda ſitim.
Et Danaï proles, Veneris quòd numina leſit,
In caua Lethæas dolia portat aquas.
Illhic ſit quicumque meos uiolauit amores,
Optauit lentas & mihi militias.
At tu caſta precor mancas, ſanctiq; pudoris
Aſſideat cuſtos ſedula ſemper anus.
Hæc tibi fabellas referat, poſitaq; lucerna
Deducat plena ſtamina longa colo.
Ac circà grauib; penſis affixa puella
Paulatim ſomno feſſa remittat opus.
Tunc ueniam ſubitò, nec quiſquam nuntiet antè,
Sed uidear cœlo miſſus adeſſe tibi.
Tunc mihi qualis eris longos turbata capillos,
Obuia nudato Delia curre pede.
Hoc precor hunc illum nobis aurora nitentem
Luciferum roſeis candida portet equis.

AD PRIAPVM ELEGIA IIII.

Hic umbroſa tibi contingant tecta Priape,
 Ne capiti ſoles, ne noceantq; niues.
 Que tua formoſos cepit ſolertia? certè
 Non tibi barba nitet, non tibi culta comæ eſt.
 Nudus, & hybernæ producis frigora brumæ,
 Nudus & æſtiui tempora ſicca canis.
 Sic ego, tum Bacchi reſpondit ruſtica proles
 Armatus curua ſic mihi falce Deus:

O'fuge te teneræ puerorum credere turbæ:
Nam causam iusti semper amoris habent.
Hic placet, angustis quòdequum compescit habenis,
Hic placidam niueo pectore pellit aquam.
Hic, quia fortis adest audacia, cepit: at illi
Virgineus teneras stat pudor ante genas.
Sed ne te capiant, primò si forte negabit,
Tædia, paulatim sub iuga colla dabit.
Longa dies homini docuit parere leones,
Longa dies molli sassa peredit aqua.
Annus in apricis maturat collibus uuas:
Annus agit certa lucida signa uice:
Nec iurare time, Veneris periuria uenti
Irrita per terras, & freta summa ferunt.
Gratia magna Ioui, uetuit pater ipse ualere,
Iurasset cupidè quicquid ineptus amor.
Perq; suas impune sinit Dictynna sagittas
Affirmes, crines perq; Minerua suos.
At si tardus eris, errabis, transiet ætas
Quàm citò, non segnis stat remeatq; dies:
Quàm citò purpureos deperdit terra colores,
Quàm citò formosas populus alta comas,
Quàm iacet, infirmæ uenère ubi facta senectæ
Qui prior Elæo est carcere missus equus.
Vidi iam iuuenem, premeret cùm serior ætas
Moerentem stultos præteriisse dies.
Crudeles diui, serpens nouus exiit annos,
Formæ non ullam fata dederè moram.
Solis æterna est Phœbo, Bacchoq; iuuenta:
Nam decet intonsus crinis utrunque Deum.

Tu puero quodcunque tuo tentare libebit

Cedas obsequio plurima uincit amor.

Neu comes ire neges, quamuis uia longa paretur,

Et Canis arrenti torreat arua siti.

Quamuis prætexens picta ferrugine cœlum

Venturam admittat hymbrifer Arcas aquam.

Vel si cæruleas puppi uolet ire per undas.

Ipsæ leuem remo per freta pelleratæ.

Nec te pœniteat duos subiisse labores,

Aut operi insuetas atteruisse manus.

*attenuas
se

Nec uelit insidijs altos si claudere ualles,

Dum placeas, humeri retia ferre negent.

Si uolet arma, leui tentabis ludere dextra,

Sæpe dabis nudum uincat ut ille latus.

Tunc tibi mitis erit rapias tum chara licebit

Oscula: pugnabit, sed tamen apta dabit.

Rapta dabit primo, post offeret ipse uolenti,

Post etiam collo se implicuisse uolet.

Heu, male nunc artes miseras hæc secula tractant,

Iam tener assueuit munera uelle puer.

Iam tu qui Venerem docuisti uendere primus,

Quisquis es, infelix urgeat ossa lapis.

Pieridas pueri, doctos & amate poetas,

Aurea nec superent munera Pieridas.

Carminibus purpurea est Nisi coma, carmina ni sint,

Ex humero Pelopis non nituisset ebur.

Quem referent Musæ, uiuet, dum robora tellus,

Dum cœlum stellæ, dum uehet amnis aquas.

At qui non audit Musas qui uendit amorem,

Ideæ currus ille sequatur opis:

Et tercentenas erroribus expleat urbes,

Et secet ad Phrygios uilia membra modos.

Blanditijs uult esse locum Venus ipsa querelis

Supplicibus, miseris flentibus illa fauet.

Hæc mihi, quæ canerem Tityo Deus edidit ore:

Sed Tityum coniunx hæc meminisse uetat.

Pareat ille suæ: uos me celebrate magistrum,

Quos male habet multa callidus arte puer,

Gloria cuique sua est, me, qui spernentur amantes,

Consultent cunctis ianua nostra patet.

Tempus erit, cum me Veneris præcepta ferentem

Deducat iuuenum sedula turba senem.

Eheu quam Marathus lento me torquet amore:

Deficiunt artes, deficiuntq; doli.

Parce puer quæso, ne turbis fabula fiam,

Cum mea uidebunt uana magisteria.

ELEGIA V.

A Sper eram, & bene disidium me ferre loquebar,
At mihi nunc longe gloria fortis abest.

Nanque agor, ut per plana citus sola uerbere turbo,

Quem celer assueta uersat ab arte puer.

Vre ferum, & torque, libeat ne dicere quicquam

Magnificum, posthac horrida uerba doma.

Parce tamen per te furtiui fœdera lecti,

Per Venerem quæso, compositumq; caput.

Ille ego, cum tristi morbo defessa iaceres,

Te dicor uotis eripuisse meis.

Ipseq; ter circum lustravi sulfure puro,

*Carminē cū magico praeinuiſſet anus.
Ipſe procurauī, ne poſſent ſcua nocere
Somnia ter, ſalfa de ueneranda mola.
Ipſe ego uelatus filo, tunicisq; ſolutis
Vota nouem Veneri nocte ſilente dedi.
Omnia perſolui, fruitur nunc alter amore,
Et precibus felix utitur ille meis.
At mihi felicem uitam, ſi ſalua fuiſſes,
Fingebam demens, ſed renuente Deo.
Rura colam, frugumq; aderit mea Delia cuſtos,
Area dum meſſes ſole cadente teret.
Aut mihi ſeruabit plenis in lyntribus uuas,
Preſſaq; ueloci candida muſta pede.
Conſueſcet numerare pecus, conſueſcet amantis
Garrulus in dominae ludere uerna ſinu.
Illa deo ſciēt agricolae prouitibus uuam,
Pro ſegete ſpicas pro grege ferre dapem.
Illa regat cunctos ſint omnia cura.
Et iuuēt in tota me nihil eſſe domo.
Huc ueniet meſſala meus cui dulcia poma
Delia ſelectis detrahēt arboribus.
Et tantum uenerata uirum, hunc ſedula curet,
Huic paret atque epulas ipſa miniſtra gerat.
Hæc mihi fingebam, quæ nunc Caurusq; Notusq;
Iactat odoratos uota per Armenios.
Sæpe ego tentauī curas depellere uino,
At dolor in lacrymas uerterat omne merum.
Sæpe aliam tenui, ſed iam cū gaudia adirem.
Admonuit dominae, deſeruitq; Venus.
Tunc me diſcedens deuotum foemina dixit,*

Et pudet, & narrat scire nefanda mea.
Non facit hoc uerbis, facie, tenerisq; lacertis
Deuouet, & flauis nostra puella comis.
Talis ad Aemonium Nereis Pelea quondam
Vecta est frenato cærule pisce Thetis
Hæc nocuere mihi, quod adest huic diues amator:
Venit in exitium callida lena meum.
Sanguineas edat illa dapes, atque ore cruento
Tristia cum multo pocula felle bibat.
Hanc uolitent animæ circum sua fata querentes
Semper, & è tectis strix uiolenta canat.
Ipsa fame stimulante furens, herbasq; sepulchris
Querat, & à seuis ossa relictæ lupis.
Currat & inguinibus nudis, ululetq; per urbes.
Post agat hanc triuijs aspera turba canum.
Eueniet, dat signa Deus, sunt numina amanti,
Sæuit & iniusta lege relictæ Venus.
At tu quam primum sagæ præcepta rapacis
Desere: nam donis uincitur omnis amor.
Pauper erit præstò tibi, præstò pauper adibit
Primus, & in tenero fixus erit latere.
Pauper in angusto fidus comes agmine turbæ,
Subijcietq; manus, efficietq; uiam.
Pauper ad occultos furtim deducet amicos,
Vinclaq; de nicco detrahet ipse pede.
Heu canimus frustra, nec uerbis uicta patefcit
Ianua, sed plena est percutienda manu.
At tu, qui potior nunc es, me a furta caueto:
Versatur celeri fors leuis orbe rotæ.
Non frustra quidam iam nunc in limine perstat



Sedulus, ac crebro prospicit, ac refugit.
Et simulat transire domum, mox deinde recurrit.
Solus, & ante ipsas excreat usque fores.
Nescio quid furtiuus amor parat, utere queso
Dum licet, in liquida nate tibi lynter aqua.

ELEGIA VI.

Semper ut iudicar, blando offers mihi uultus.
Post tamen es misero tristis, & asper amor.
Quid tibi seuitie mecum est? an gloria magna
Insidias homini composuisse deum?
Iam mihi tenduntur casses, iam Delia furtim
Nescio quem tacita callida nocte fouet.
Illa quidem tam multa negat se credere durum est,
Sic etiam de me pernegat usque uiro.
Ipse miser docui, quo posset ludere pacto
Custodes, cheu nunc premor arte mea:
Fingere tunc didicit causas, cur sola cubaret.
Cardine tunc tacito uertere posse fores.
Tunc succos, herbasq; dedi, queis liuor abiret.
Quem facit impresso mutua dente Venus.
At tu fallacis coniux incaute puellæ,
Me quoque seruato peccet ut illa nihil.
Neu iuuenes celebret multo sermone cauetō,
Né ue cubet laxo pectus aperta sinu.
Neu te decipiat nutu, digitoq; liquorem
Ne trahat, & mensæ ducat in orbe notas.
Exhibit quàm sepe time, seu uisere dicet
Sacra bonæ maribus non adeunda deæ.

At mihi si credas, illam sequar unus ad aras,
Tunc mihi non oculis sit timuisse meis.
Sæpe uelut gemmas eius, signumq; probarem,
Per causam memini me tetigisse manum.
Sæpe mero somnum perperi tibi, at ipse bibebam
Sobria supposita pocula uictor aqua.
Non ego te lesi prudens, ignosce fatenti,
Iussit amor: Contra quis ferat arma deos?
Ille ego sum, nec me iam dicere uera pudebit,
Instabat tota cui tua nocte canis.
Quid tenera tibi coniuge opus, tua si bona nescis
Seruare ab frustra clauis inest foribus.
Te tenet, absentes alios suspirat amores,
Et simulat subito condoluisse caput.
At mihi seruandam credas, non seua recuso
Verbera, detrecto non ego uincla pedum.
Tunc procul absitis, quisquis colit arte capillos,
Effluit effuso cui toga lapsa sinu.
Quisquis et occurret, ne possit crimen habere,
Stet procul, aut alia stet procul ante uia.
Sic fieri iubet ipse Deus, sic magna sacerdos
Est mihi diuino uaticinata sono.
Hæc ubi Bellonæ motu est agitata, nec acrem
Flammam, non amens uerbera torta timef.
Ipsa bipenne suos cedit uiolenta lacertos,
Sanguineq; effuso spargit inulta deam:
Statq; latus præfixa ueru. stat saucia pectus,
Et canit euentus, quos dea magna monet.
Parcite quam custodit amor, uiolare puellam,
Ne pigeat magno post didicisse malo.

Attigerit, labentur opes ut uulnere nostro
Sanguis, ut hic uentis diripiturq; cinis.
Et tibi nescio quas dixit mea Delia pœnas,
Si tamen admittas, sit precor illa leuis.
Non ego te propter parco tibi, sed tua mater
Me monet, atque iras auria uincit anus.
Hæc mihi te adducit tenebris, multoq; timore
Coniungit nostras clàm taciturna manus.
Hæc foribusq; manet noctu me affixa, proculq;
Cognoscit strepitus me ueniente pedum.
Viue diu mihi dulcis anus, proprios ego tecum,
Sit modò fas, annos contribuisse uelim.
Te semper natamq; tuam te propter amabo,
Quicquid agit, sanguis est tamen illa tuus.
Sit modo casta doce, quamuis non uitta ligatos
Impediat crines, nec stola longa pedes.
Et mihi sint duræ leges, laudare nec ullam
Possum, quin oculos appetat illa meos.
Et siquid peccasse putat, ducorq; capillis
Immeritò proprias proripiorq; uias.
Non ego te pulsare uelim, sed uenerit iste
Si furor, optarim non habuisse manus,
Nec sæuo sis casta metu, sed mente fideli
Mutuus absenti te mihi seruet amor.
Namque fida fuit nulli, post uicta senecta
Ducit inops tremula stamina torta manu,
Firmaq; conductis adnectit licia telis,
Tractaq; de niueo uellere dente putat
Hanc animo gaudente uident iuuenumq; cateruæ
Commemorant merito tot mala ferre senem.

Hanc Venus ex alto flentem sublimis Olympo
 Spectat, & *infidis quòd sit acerba monet.
 Hæc alijs maledicta cadant, nos Delia amoris
 Exemplum cana simus uterque coma.

* infelix
 cur sit, ac
 cerba mon
 net.

E L E G I A V I I .

H Vnc cecinere diem Parca fatalia nentes
 Stamina, non ulli dissoluenda Deo:
 Hunc fore Aquitanas posset qui fundere gentes,
 Quem tremeret forti milite uictus Atax.
 Euenere, nouos pubes Romana triumphos
 Vidit, & euinctos brachia capta duces.
 At te uictrices lauros Messala gerentem
 Portabat niueis currus eburnus equis
 Non sine me est tibi partus honos, tua bella Pyrene
 Testis, & Oceani littora Sanctonici.
 Testis Arar, Rodanusq; celer, magnusq; Garumna,
 Carnoti & flauī, cærulea lympha Liger,
 At te Cydne canam, tacitis qui leniter undis
 Cæruleus placidis per uada serpis aquis:
 Quantus & æthereo contingens uertice nubes
 Frigidus intonsos taurus arat Cilicas.
 Quid referam, ut uolitet crebras intacta per urbes
 Alba Palæstino sancta columba Syro?
 Utq; maris uastum prospectet turribus æquor
 Primaratem uentis credere docta Tyros?
 Qualis & arentes cum findit Sirius agros,
 Fertilis æstiuæ Nilus abundet aqua?
 Nile pater, quamnam possum te dicere causa,

Aut

Aut quibus in terris occuluisse caput?
Te propter nullos tellus tua postulat imbres:
Arida nec pluuio supplicat herba Ioui.
Te canit, atque suum proles miratur Osirim,
Barbara Memphitem plangere docta bouem.
Primus aratra manu solerti fecit Osiris,
Et teneram ferro sollicitauit humum.
Primus in expertæ commisit semina terræ,
Pomaq; non notis legit ab arboribus;
Hic docuit teneram palis adiungere uitem,
Hic uiridem dura cedere falce comam.
Illi iucundos primum matura saporos.
Expressa incultis uua dedit pedibus.
Ille liquor docuit uoces inflectere cantu,
Mouit & ad certos nescia membra modos.
Bacchus & agricolæ magno confecta labore
Pectora tristitiæ dissoluenda dedit.
Bacchus & afflictis requiem mortalibus affert,
Crura licet dura compede pulsa sonent.
Non tibi sunt tristes curæ, non luctus Osiri:
Sed chorus, & cantus lenis, & aptus amor.
Sed uarij flores, & frons redimita chorymbis,
Fusa sed ad teneros lutea palla pedes:
Et Tyriæ uestes & dulcis tibia cantu,
Et leuis occultis conscia cista sacris.
Huc ades, & centum ludos, geniumq; choreis
Concelebra, & multo tempora funde mero.
Illius è nitido stillent unguenta capillo.
Et capite, & collo mollia ferta gerat.
Sic uenias hodiernæ tibi, dum turis honores,

Liba & Mopsopio dulcia melle feram.
At tibi subcre scat proles, quæ facta parentis
Augeat, & circa stet ueneranda senem.
Non taceam monimenta uia, quæ Tuscula tellus,
Candida q; antiquo detinet Alba lare.
Nanque opibus congesta tuis hic glareæ dura
Sternitur, hic apta iungitur arte flex,
Te canit agricola, è magna cum uenerit urbe
Serus, inoffensum retulerit q; pedem.
At tu natalis multos celebrande per annos
Candidior semper, candidiorq; ueni.

ELEGIA VIII.

Non ego celarim, possit quid nutus amantis,
Quid ue ferant miti lenia uerba sono.
Nec mihi sunt sortes, nec conscia fibra deorum
Præcinit euentus nec mihi cantus aus:
Ipsa Venus magico religatum brachia nodo
Perdocuit multis non sine uerberibus.
Desine dissimulare, Deus crudelius urit,
Quos uidet inuitos succubuisse sibi.
Quid tibi nunc molles prodest coluisse capillos,
Sæpeq; mutatas disposuisse comas?
Quid fuco splendente comas ornare? quid ungues
Artificis docta subsecuisse manu?
Frustra iam uestes, frustra mutantur amictus,
Ansaq; compressos colligat arcta pedes.
Illa placet, quamuis inculto uenerit ore,
Nec nitidum tarda compserit arte caput,

Num te carminibus, num te pallentibus herbis,
Deuouit tacito tempore noctis anus?
Cantus uicinis fruges traducit ab agris,
Cantus & iratæ detinet anguis iter.
Cantus & è curru lunam deducere tentat,
Et faceret, si non æra repulsa sonent.
Quid queror heu misero carmen nocuisse? quid herbæ?
Forma nihil magicis utitur auxilijs.
Sed corpus tetigisse nocet, sed longa dedisse
Oscula, sed femori conseruisse femur.
Nec tu difficilis puero tamen esse memento,
Persequitur pœnis tristitia facta Venus.
Munera ne poscas, det munera canus amator:
Vt foueat molli frigida membra sinu.
Charior est auro iuuenis, cui leuia fulgent
Ora nec amplexus aspera barba terit.
Huic tu candentes humero suppone lacertos,
Et regnum magnæ despiciantur opes.
At Venus inuenit puero concumbere furtim,
Dum timet, & teneros conserit usque sinus,
Et dare anhelanti pugnantibus humida linguis
Oscula, & in collo figere dente notas.
Non lapis hanc gemmæq; iuuant, quæ frigore sola
Dormiat, & nulli sit cupienda uiro.
Heu serò reuocatur amor, seroq; iuuenta,
Cum uetus infecit cana senectæ caput.
Tum studium formæ est, comâ cum mutatur, ut annos
Disimulet uiridi cortice tincta nucis.
Tollere tunc cura est albos à stirpe capillos,
Et faciem dempta pelle referre nouam.

At tu dum primi floret tibi temporis ætas :

Vtere , non tardo labitur illa pede .

Heu Marathum torques , puero quæ gloria uicto est ?

In ueteres esto dura puella senes .

Parce precor tenero , non illi fontica causa est ,

Sed nimius luteo corpora tingit amor .

Vel miser absenti moestas quàm sæpe querelas

Conijcit , & lacrymis omnia plena madent .

Quid me spernis ? ait : poterat custodia falli :

Ipsè dedit cupidis fallere posse Deus .

Nota Venus furtiua mihi est , ut lenis agatur

Spiritus , ut nec dent oscula raptà sonum .

Et possum media quamuis obrepere nocte ,

Et strepitu nullo clàm reserare fores .

Quid profunt artes , miserum si spernit amantem ,

Et fugit ex ipso sacra puellatoro ?

Vel cum promittit subito , sed perfida fallit ,

Est mihi nox multis cuiusmodi modis .

Dum mihi uenturam fingo , quodcunque mouetur ,

Illius credo tunc sonuisse pedes .

Desistas lacrymare puer : non frangitur illa ,

Et tua iam fletu lumina fessa tument .

Oderunt Pholoes (monco) fastidia diui ,

Nec prodest sanctis thura dedisse focis .

Hic Marathus quondam miseros ludebat amantes ,

Nescius ultorem post caput esse deum .

Sæpe etiam lacrymis fertur risisse dolentis ,

Et cupidum ficta detinuisse mora .

Nunc omneis odit fastus , nunc displicet illi

Quæcunque opposita est ianua firma sera .

At te poena manet, nisi desinis esse superba,
Quàm cupies uotis hunc reuocare diem.

ELEGIA IX.

Q Vid mihi, si fueras miseros læsurus amores,
Fœdera per diuos clàm uiolanda dabas?
Ah miser, & siquis primo periuria celat,
Sera tamen tacitis poena uenit pedibus.
Parcite cœlestes, æquum est impune licere
Numina formosis lædere uestra semel.
Lucra petus habili tauros adiungit aratro,
Et durum terræ rusticus urget opus.
Lucra petituros parentia per freta uentis
Ducunt instabiles sydera certa rates.
Muneribus meus est captus puer, at Deus illa
In cinerem, & liquidas munera uertat aquas.
Iam mihi resoluet poenas, puluisq; decorum
Detrahet, & uentis horrida facta coma,
Vretur facies, urentur sole capilli,
Deteret inualidos & uia longa pedes.
Admonui quoties, auro ne pollue formam,
Sæpe solent auro multa subesse mala.
Diuitijs capus siquis uiolauit amorem,
Asperaq; est illi, difficilisq; Venus.
Vre meum potius flamma caput, & pete ferro
Corpus, & intorto uerberare terga seca.
Nec tibi celanti fas sit peccare, paranti
Sit Deus, occultos qui uetet esse dolos.
Ipse Deus tacito permisi lenè ministro,

Ederet ut multo libera uerba mero .
Ipse Deus somno domitos emittere uocem
Iussit , & inuitos facta tegenda loqui .
Hec ego dicebam , nunc me fleuisse loquentem ,
Nunc pudet ad teneros procubuisse pedes .
Tum mihi iurabas nullo te diuitis auri
Pondere , non gemmis uendere uelle fidem .
Non tibi si precium Campania terra deretur ,
Non tibi si Bacchi cura Falernus ager .
Illis eriperes uerbis mihi sydera cœli
Lucere , & puras fluminis esse uias .
Quin etiam flebas : at non ego fallere doctus
Tergebam humentes credulus usque genas .
Quid facerem ? nisi & ipse fores in amore puellæ ,
Sit precor exemplo sed leuis illa tuo .
O quoties uerbis ne quisquam conscius esset ,
Ipse comes multa lumina nocte tuli .
Sepe insperanti uenit tibi munere nostro ,
Sed latuit clausas post adoperta fores .
Tum miser interij stultè confisus amari :
Nam poteram ad laqueos cautior esse tuos .
Quin etiam attonita laudes tibi mente canebam ,
Et me nunc nostri , Pieridumq; pudet .
Illa uelim rapida Vulcanus carmina flamma
Torreat , & liquida deleat annis aqua .
Tu procul hinc absis , cui formam uendere curæ est ,
Et pretium plena grande referre manu ,
At te , qui puerum donis corrumpere es ausus ,
Rideat assiduus uxor inulta dolis ,
Et cum furtiuo iuuenem lassauerit usu .

Tecum interposita languida ueste cubet.
Sint externa tuo semper uestigia lecto,
Et pateat cupidis semper aperta domus.
Nec lasciua soror dicatur plura bibisse
Pocula, uel plures emeruisse uiros.
Illam saepe ferunt conuiuia ducere Baccho,
Dum rota luciferi prouocet orta diem.
Illa queat nullam melius consumere noctem,
Atque operum uarias disposuisse uices.
At tua perdidicit, nec tu stultissime sentis,
Cum tibi non solita corpus ab arte mouet.
Tu'ne putas illam pro te disponere crines?
Aut tenues denso pectere dente comas?
Ista haec persuadet facies, auroq; lacertos
Vinciat, & Tyrio prodeat apta sinu.
Non tibi, sed iuueni cuidam uult bella uideri,
Deuoueat pro quo remq; domumq; tuam.
Nec facit hoc uitio, sed corpora foeda podagra,
Et senis amplexus culta puella fugit.
Huic tamen accubuit noster puer, hunc ego credam
Cum trucibus Venerem iungere posse feris.
Blanditias'ne meas alij tu uendere es ausus?
Tu'ne alijs demens oscula ferre mea?
Tunc flebis, cum me uinctum puer alter habebit,
Et geret in gremio regna superba tuo.
At tua tum me poena iuuat, Veneriq; merenti
Fixa notet casus aurea palma meos.
Hanc tibi fallaci resolutus amore Tibullus
Dedicat, & grata sis dea mente, rogat.

ELEGIA X.

Q Vis fuit, horrendos primus qui protulit enses?
Quàm ferus, & uerè ferreus ille fuit.
Tunc cædes hominum, generi tunc præliata.
Tunc breuior diræ mortis aperta uia est.
At nihil ille miser meruit: nos ad mala nostra
Vertimus, in sæuas quod dedit ille feras.
Diuitis hoc uitium est auri, nec bella fuerunt,
Faginus astat cum scyphus ante dapes:
Non arces, non uallus erat, somnumq; petebat
Securus uarias dux gregis inter oues.
Tunc mihi uita foret, uulgi nec tristia noissem
Arma, nec audissem corde tremante tubam.
Nunc ad bella trahor, & iam quis forsitan hostis
Hæsuræ in nostro tela gerit latere.
Sed patrij seruate lares, aluistis & iidem,
Cursarem uestros cum tener ante pedes.
Neu pudeat prisco uos esse è stipite factos,
Sic ueteris sedes incoluistis aui.
Tunc melius tenuere fidem, cum paupere cultus
Stabat in exigua ligneus æde Deus.
Hic placatus erat, seu quis libauerat uuam,
Seu dederat sanctæ spicæ ferta comæ.
Atque aliquis uoti compos liba ipsa ferebat,
Postq; comes purum filia parua fauum.
At nobis ærata lares depellite tela,
Hostiaq; è plena rustica porcus hara:
Hanc pura cum ueste sequar, myrtoq; canistra
Vincta geram, myrto uinctus & ipse caput.

Sic placeam uobis, alius sit fortis in armis,
Sternat & aduersos Marte fauente duces.
Ut mihi potanti possit sua dicere facta
Miles, & in mensa pingere castra mero:
Quis furor est atram bellis accersere mortem?
Imminet, & tacito clam uenit illa pede.
Non seges est infra, non uinea culta, sed audax
Cerberus, & Stygiæ nauita puppis aquæ.
Illic percussisq; genis, ustoq; capillo
Errat ad obscuros pallida turba lacus.
Quàm potius laudandus hic est, quem prole parata
Occupat in parua pigra senectæ casa.
Ipse suas sectatur oues, at filius agnos,
Et calidam fesso comparat uxor aquam.
Sic ego sim, liceatq; caput candescere canis,
Temporis & prisci facta referre senem.
Interea pax arua colat: pax candida primum
Duxit araturos sub iuga curua boues.
Pax aluit uites, & succos condidit uuæ,
Funderet ut nato testa paterna merum.
Pace bidens, uomerq; uigent: at tristia duri
Militis in tenebris occupat arma situs.
Rusticus è lucoq; uehit male sobrius ipso
Vxorem plaustro, progeniemq; domum.
Sed Veneris tunc bella calent, scissosq; capillos
Fœmina, perfractas conqueriturq; fores.
Flet teneras subtusa genas, sed uictor & ipse
Flet sibi dementes tam ualuisse manus.
At lasciuus amor rixæ mala uerba ministrat.
Inter & iratum lentus utrunque sedet.

Ah lapis est, ferrumq; suam quicunque puellam
Verberat, è cœlo diripit ille Deos.

Sit satis è membris tenuem perscindere uestem,

Sit satis ornatas dissoluisse comas:

Sit lacrymas mouisse satis: quater ille beatus,

Quo tenera irato flere puella potest.

Sed manibus qui scæuus erit, scutumq; sudemq;

Is gerat, & miti sit procul à Venere.

At nobis pax alma ueni, spicamq; teneto,

Perfluat & pomis candidus antè sinus:

FINIS.

ALBII TIBULLI

ÆQUITIS ROMANI

LIBER II.



VISQVIS adest, ualeat, fruges lu-
stramus, & agros,
Ritus ut à prisco traditus extat auo.
Bacche ueni, dulcisq; tuis è cornibus
uua

Pendeat, & spicis tempora cinge Ceres
Luce sacra requiescat humus, requiescat arator,

Et graue suspensio uomere cesset opus.

Soluite uincla iugis, nunc ad præsepia debent

Plena coronato stare boues capite.

Omnia sint operata Deo, non audeat ulla

Lanificam pensis imposuisse manum.

Vos quoque abesse proc ul iubeo, discedat ab aris

Cui tulit externa gaudia nocte Venus.
Casta placent superis, pura cum ueste uenite.
Et manibus puris sumite fontis aquam.
Cernite fulgentes ut eat sacer agnus ad aras,
Vinctaq; post olea candida turba comas.
Dij patrij purgamus agros, purgamus agrestes.
Vos mala de nostris pellite limitibus.
Neu seges eludat messem fallacibus herbis,
Neu timeat celeres tardior agna lupos.
Tunc nitidus plenis confusus rusticus agris
Ingerat ardenti grandia ligna foco.
Turbaq; uernarum saturi bona signa coloni
Ludet, & ex uirgis extruet arte casas.
Euentura precor, uidē' ut felicibus extis
Significet placidos nuntia fibra Deos?
Nunc mihi fumosos ueteris proferte falernos
Consulis, & Chio soluite uincula cado.
Vina diem celebrent, non festa luce madere
Est rubor, errantes & male ferre pedes.
Sed bene Messalam sua quisque ad pocula dicat:
Nomen & absentis singula uerba sonent.
Gentis Aquitanæ celeberrimus Messala triumphis,
Et magna intonsis gloria uictor ades.
Huc ades, aspira; mihi dum carmine nostro
Redditur agricolis gratia cœlitibus,
Rura cano, rurisq; Deos, his uita magistris
Desucuit querna pellere glande famem.
Illi compositis primum docuere tigillis
Exiguam uiridi fronde operire domum.
Illi etiam tauros primi docuisse feruntur

Seruitium, & plastro supposuisse rotas.
Tunc uictus abiire feri, tunc consista pomus,
Tunc bibit irriguas fertilis hortus aquas.
Aurea tunc pressos pedibus dedit uua liquores,
Mistaq; securo est sobria lymphamero.
Rura ferunt messes, calidi cum syderis aestu
Deponi flauas annua terra comas.
Rure leuis uerno flores apis ingerit alueo,
Compleat ut dulci sedula melle fauos.
Agricola assiduo primum satiatus aratro
Cantauit certo rustica uerba pede:
Et satur arenti primum est modulatus auena
Carmen, ut ornatos duceret ante Deos.
Agricola & minio suffusus Bacche rubenti
Primus in experta duxit ab urbe choros.
Huic datus à pleno memorabile munus ouili
Dux pecoris hircus, auxerat hircus oues.
Rure puer uerno primum de flore coronam
Fecit & antiquis imposuit laribus.
Rure etiam teneris coram exhibitura puellis
Molle gerit tergo lucida uellus ouis,
Hinc & foemineus labor est, hinc pensa, colusq;
Fusus & appposito pollice uersat opus.
Atque aliqua assidue textrix operata Mineruam
Cantat, & appulso tela sonat latere.
Ipse quoque inter agros, interq; armenta Cupido
Natus, & indomitas dicitur inter equas.
Illic indocto primum se exercuit arcu.
Hei mihi quam doctas nunc habet ille manus
Nec pecudes uelut ante petit, fixisse puellas

Gestit, & audaces perdomuisse uiros.
 Hic iuueni detraxit opes, hic dicere iussit
 Limen ad irate uerba pudenda senem.
 Hoc duce custodes furtim transgressa iacentes
 Adiuenem tenebris sola puella uenit,
 Et pedibus prætentat iter suspensatimore.
 Explorat cæcas cui manus antè uias.
 Ah miseri, quos hic grauius Deus urget: at ille
 Felix, cui placidus leniter afflat amor.
 Sancte ueni dapibus festis, sed pone sagittas,
 Et procul ardentes hinc precor abde faces.
 Vos celebrem cantate Deum, pecoriq; uocate
 Voce Palem, pecori clàm sibi quisque uocet
 Aut etiam sibi quisque palàm: nam turba iocosa
 Obstrepit, & Phrygio tibia curua sono.
 Ludite, iam nox iungit equos, currumq; sequuntur
 Matris lasciuiosydera fulua choro.
 Postq; uenit tacitus fuluis circumdatus alis
 Somnus, & incerto somnia nigra pede.

ELEGIA II.

Dicamus bona uerba, uenit natalis ad aras,
 Quisquis ades, lingua uir, mulierq; faue.
 Vrantur pia tura focis, urantur odores,
 Quos tener à terra diuite mittit Arabs,
 Ipse suos genius adsit uisurus honores,
 Cui decorent sanctas florea sarta comas.
 Illius è puro distillent tempora nardo,
 Atque satur libo sit, madeatq; mero.

Annuat & Cherinthe tibi quodcunque rogabis.

En age quid cessas? annuit ille, roga.

Auguror, uxoris fidos optabis amores,

Iam reor hac ipsos edidicisse deos.

Nec tibi malueris, totum quæcunque per orbem

Fortis arat ualido rusticus arua boue:

Nec tibi gemmarum quicquid felicibus undis

Nascitur, Eoi quæ maris unda rubet.

Vota cadunt, utinam strepitantibus aduolet alis,

Flauaq; coniugio uincula portet Amor.

Vincula quæ maneant semper, dum tarda senectus

Inducat rugas, inficiatq; comas.

Huc ueniat natalis auis, prolemq; ministret,

Ludat & ante tuos turba nouella pedes.

ELEGIA III.

Rura tenent Cornute meam, uillæq; puellam:
Ferreus est heu quisquis in urbe manet.]

Ipsa Venus latos iam nunc migravit in agros,

Verbaq; aratoris rustica discit Amor,

O' ego cum dominam aspicerem, quam fortiter illie

Versarem ualido pingue bidente solum,

Agricolæq; modo curuum sectarer aratrum,

Dum subigunt steriles arua serenda boues.

Nec quererer quod sol graciles exureret artus,

Læderet aut teneras pustula rupta manus.

Pauit & Admeti tauros formosus Apollo,

Nec cithara, intonsæ profuerunt ue comæ.

Nec potuit curas sanare salubribus herbis:

Quica

Quicquid erat medicæ uicerat artis amor.
Ipse deus solitus stabulis expellere uaccas,
Et potum pastas ducere fluminibus,
Et miscere nouo docuisse coagula lacte,
Lacteus & mistus obriguisset liquor.
Tunc fiscella leui detexta est uimine iunci,
Raraq; per nexus est uia facta sero
Ah quoties illo uitulum gestante per agros
Dicitur occurrens erubuisse soror.
Ah quoties ausæ, caneret dum ualle sub alta,
Rumpere mugitu carmina docta boues.
Sæpe duces trepidis petiere oracula rebus,
Venit & à templis irrita turba domum.
Sæpe horrere sacros doluit Latona capillos,
Quos admirata est ipsa nouerca prius.
Quisquis inornatumq; caput, crinesq; solutos
Aspiceret, Phœbi quæreret ille comam.
Delos ubi nunc Phœbe tua est, ubi Delphica Pytho?
Nempe amor in parua te iubet esse casa.
Felices olim, Veneri cùm fertur aperte
Seruire æternos non puduisse Deos.
Fabula nunc ille est, sed cui sua cura puella:
Fabula sit, mauult, quàm sine amore Deus;
At tu quisquis is es, cui tristi fronte Cupido
Imperitat, nostra sint tua castra domo.
Fereæ non Venerem, sed prædam secula laudant,
Præda tamen multis est operata malis.
Præda feras acies cinxit discordibus armis,
Hinc cruor, hinc cædes, mors propiorq; uenit:
Præda uago iussit geminare pericula ponto,

Bellica cum dubijs rostra dedit ratibus .
Prædator cupit immensos obsidere campos ,
Ut multo innumeram iugere pascat ouem .
Cui lapis externus curæ est , urbisq; tumultus ,
Portatur ualidis multa columna iugis .
Claudit & indomitum moles mare , lentus ut intra
Negligat hybernas piscis adesse minas .
At tibi leta trahant Samiæ conuiuia testæ ,
Fictaq; Cumana lubrica terra rota .
Eheu diuitibus uideo gaudere puellas ,
Iam ueniant prædæ , si Venus optat opes .
Ut mea luxuria Nemesis fluat , utq; per urbem
Incedat donis conspicienda meis :
Illa gerat uestes tenues , quas fœmina Coa
Texuit , auratas disposuitq; uias .
Illi sint comites fusci , quos India torret ,
Solis & admotis inficit ignis equis .
Illi selectos certent præbere colores ,
Africa puniceum , purpureumq; Tyros .
Nota loquor , regnum ipse tenet , quò sæpe coegit
Barbara gypsatos ferre catasta pedes ,
At tibi dura seges , Nemesis quæ ducis ab urbe ,
Persoluat nulla semina terra fide .
Et tu Bacche tener iucundæ consitor uuæ ,
Tu quoque deuotos Bacche relinque lacus :
Haud impune licet formosas tristibus agris
Abdere , non tanti sunt tua musta pater .
O' ualeant fruges ne sint modò rure puellæ ,
Glans alat , & prisco more bibantur aquæ .
Glans aluit ueteres , & passim semper amarunt ,

Quid

Quid nocuit sulcos non habuisse satos ?
 Tum quibus aspirabat amor , præbebat apertè
 Mitis in umbrosa gaudia ualle Venus .
 Nullus erat custos , nulla exclusura dolentes
 Ianua , si fas est , mos precor ille redi .
 Ah pereant artes , et mollia iura colendi ,

*

O' utinam ueteri peragrantes more puellæ
 Horrida uillosa corpora ueste tegant .
 Nunc si clausa mea est , si copia rara uidendi ,
 Heu miserum laxam quid iuuat esse togam ?
 Ducite ad imperium dominæ , sulcabitur agros .
 Non ego me uinclis , uerberibusq; nego .

ELEGIA IIII.

Sic mihi seruitium uideo , dominamq; paratam .
 Iam mihi libertas illa paterna uale .
 Seruitium sed triste datur , teneorq; catenis ,
 Et nunquam misero uincula remittit amor .
 Et seu quid merui , seu quid peccauius , uror ,
 Vror , iò remoue seu a puella faces .
 O' ego ne possim tales sentire dolores ,
 Quàm mallet in gelidis montibus esse lapis ,
 Stare uel infans cautes obnoxia uentis ,
 Naufraga quam uasti tunderet unda maris .
 Nunc et amara dies , et noctis amarior umbra est ,
 Omnia nam tristi tempora felle madent .
 Nec profunt elegi , nec carminis autor Apollo ,
 Illa caua pretium flagitat usque manu .

Ite procul Musæ, si non prodestis amanti,
Non ego uos, ut sint bella canenda, colo.
Nec refero solisq; uias, & qualis, ut orbem
Compleuit, uersis luna recurat equis.
Ad dominam faciles aditus per carmina quero.
Ite procul Musæ, si nihil ista ualent.
At mihi per cædem, & facinus sunt dona paranda,
Ne iaceam clausam flebilis ante domum.
Aut rapiam suspensa sacris insignia fanis:
Sed Venus ante alias est uiolanda mihi.
Illa malum facinus suadet, dominamq; rapacem
Dat mihi, sacrilegas sentiat illa manus.
O pereat quicumque legit uiridesq; smaragdos,
Et niueam Tyrio murice tingit ouem.
Hic dat auaritiæ causas, & Coa puellis
Vestis, & è rubro lucida concha mari.
Hæc fecere malas, hinc clauem ianua sensit,
Et cœpit custos liminis esse canis.
Sed pretium si grande feras, custodia uista est,
Nec prohibent claues, & canis ipse tacet.
Heu quicumque dedit formam cœlestis auaræ,
Quale bonum multis attulit ipse malis.
Hinc fletus, rixæq; sonant, hæc denique causa
Fecit, ut infamis hic Deus esset amor
At tibi, quæ prelio uictos excludis amantes,
Eripiant partas uentus & ignis opes.
Quin tua tunc iuuenes spectent incendia læti,
Nec quisquam flammæ sedulus addat aquam,
Seu ueniet tibi mors, neque erit, qui lugeat ullus,
Nec qui det mœstas munus in exequias:

At

At bona, quæ nec avara fuit, centum licet annos
 Vixerit, ardentem flebitur ante rogam.
 Atque aliquis senior ueteres ueneratus amores,
 Annua constructo ferta dabit tumulo,
 Et bene, discedens dicet, placideq; quiescas,
 Terraq; securæ sit super ossa leuis.
 Vera quidem moneo, sed prosunt quid mihi uera?
 Illius est nobis lege colendus amor.
 Quin etiam sedes iubeat si uendere auitas,
 Ite sub imperium, sub titulumq; lares.
 Quicquid habet Circe, quicquid Medea ueneni,
 Quicquid et herbarum Thessala terra gerit,
 Et quod, ubi indomitis gregibus Venus afflata amores,
 Hippomanes cupide stillat ab inguine equæ,
 Si modò me placido uideat Nemesis mea uultu,
 Mille alias herbas misceat illa, bibam.

ELEGIA V.

Phoebe faue, nouus egreditur tua templa sacerdos,
 Huc agè cum cithara, carminibusq; ueni..
 Nunc te uocales impellere pollice chordas,
 Nunc precor ad laudes flectere uerba meas
 Ipse triumphali deuinctus tempora lauro,
 Dum cumulant aras, ad tua sacra ueni:
 Sed nitidus, pulcherq; ueni, nunc indue uestem
 Sepositam, longas nunc bene pectus comas:
 Qualem te memorant Saturno rege fugato
 Victori laudes concinuisse Ioui.
 Tu procul euentura uides, tibi deditus augur.

Scit bene quid fati prouida cantet auis.
Tuq; regis sortes, per te præsenti aruspex,
Lubrica signauit cum Deus exta notis.
Te duce Romanos nunquam frustrata Sibyllæst.
Abdita quæ senis fata canit pedibus.
Phœbe sacras Messalinum sine tangere chartas
Vatis, & ipse precor, quod canat illa, doce.
Hæc dedit Aeneæ sortes, postquam ille parentem
Dicitur, & captos sustinuisse lares
Hæc fore credebat Romam, cum moestus ab alto
Ilion, ardentes respiceretq; Deos,
Romulus æternæ nondum formauerat urbis
Mœnia, consorti non habitanda Remo.
Sed tunc pascebant herbosa palatia uaccæ,
Et stabant humiles in Iouis arce case.
Lacte madens illic suberat Pan ilicis umbræ,
Et facta agresti lignea falce Pales:
Pendebatq; uagi pastoris in arbore uotum
Garrula, syluestri fistula sacra Deo.
Fistula cui semper decrescit arundinis ordo:
Nam calamus cæra iungitur usque minor.
At quæ Velabri regio patet, ire solebat
Exiguus pulla per uada lynter aqua.
Illa sæpe gregis ditis placitura magistro
Adiuuenem festa est uecta puella die.
Cum qua foecundi redierunt munera ruris
Caseus, & niuæ candidus agnus ouis.
*

Impiger Aenea uoluit ant is frater Amoris,
Troica qui profugis sacra uehis ratibus,

Iam tibi Laurentes assignat Iuppiter agros,
Iam uocat errantes hospita terra lares.
Illic sanctus eris, cum te ueneranda Numici
Vnda Deum cœlo miserit indigetem.
Ecce super fessas uolitat uictoria puppes,
Tandem ad Troianos diua superba uenit.
Ecce mihi lucent Rutulis incendia castris.
Iam tibi prædico barbæ Turne necem.
Ante oculos Laurens castrum, murusq; Lauini est,
Albaq; ab Ascanio condita longa duce.
Te quoque iam uideo Marti placitura sacerdos
Ilia Vestales deseruisse focos:
Concubitusq; tuos furtim, uittasq; iacentes,
Et cupidi ad ripas arma relicta Dei.
Carpite nunc tauri de septem montibus herbas
Dum licet, hic magnæ iam locus urbis erit.
Roma tuum nomen terris fatale regendis,
Quâ sua de cœlo prospicit arua Ceres,
Quaq; patent ortus, & quâ fluitantibus undis
Solis anhelantes abluit amnis equos.
Troia quidem tunc se mirabitur, & sibi dicet,
Vos bene tam longam consuluisse uiam.
Vera cano, sic usque sacras innoxia lauros
Vescar, & æternum sit mihi uirginitas.
Hæc cecinit uates, & te sibi Phœbe uocauit,
Iactauit fusas & caput ante comas.
Quicquid Amalthea, quicquid Marpesta dixit,
Heryphile Phœbo grataq; quod monuit,
Quasq; Albana sacras Tyberis per flumina sortes
Portarit, sicco perlueritq; sinu.

Hæc fore dixerunt, belli mala signa cometen,
Mulus & in terras deplueritq; lapis
Atque tubas, atque arma ferunt strepitantia cœlo
Audita, & lucos præcuisse fugam.
Ipsam etiam solem defectum lumine uidit
Iungere pallentes nubilus annus equos,
Et simulachra Deum lacrymas fuisse tepentes
Fa taq; uocales præmonuisse boues.
Hæc fuerant olim, sed tu iam mitis Apollo
Prodigia indomitis merge sub æquoribus,
Ut succensa sacris crepitet bene laurea flammis
Omne quo felix, & sacer annus eat.
Laurus ubi bona signa dedit, gaudet e coloni,
Distendet spicis horrea plena Ceres.
Oblitus & musto feriet pede rusticus uuas,
Dolia dum magni deficiuntq; lacus
At madidus Baccho sua festa parilia pastor
Concinet, à stabulis tunc procul este lupi.
Ille leuis stipulae solenneis potus acervos
Accendet, flammis transilietq; sacras,
Et foetus matrona dabit, natusq; parenti
Oscula compressis auribus eripiet.
Nec tædebit auum paruo aduigilare nepoti,
Balbaq; cum puero dicere uerba senem.
Tunc operata Deo pubes discumbet in herba
Arboris antiquæ, quæ leuis umbra cadet.
Aut eueste sacris tendent umbracula fertis
Vincta coronatus stabit & ipse calix.
At sibi quisque dapes, & seßas extruet alte
Cespitibus mensas, cespitibusq; torum.

Ingeret hic potus iuuenis maledicta puellæ,
 Postmodò quæ uotis irrita facta uelit.
 Nam ferus illæ suæ plorabit sobrius idem,
 Et se iurabit mentè fuisse mala.
 Pace tua pereant arcus, pereantq; sagittæ
 Phœbe, modò in terris eret inermis Amor:
 Ars bonâ, sed postquàm sumpsit sibi tela Cupido,
 Hei mihi quàm multis ars dedit illa malum:
 Et mihi præcipue: taceo cùm saucius annum.
 Et faueo morbo, cùm iuuat ipse dolor.
 Vixq; cano Nemesein, sine qua uersus mihi nullus
 Verba potest, iustos aut reperire pedes.
 At tu (nam diuûm seruat tutela poetas?
 Præmonco, uati parce puella sacro:
 Vt Messalinum celebrem: cùm præmia belli
 Ante suos currus oppida uicta feret,
 Ipse gerens laurus, lauro deuinctus agresti
 Miles io magna uoce triumphæ canet.
 Tunc Messala meus pia det spectacula turbæ,
 Et plaudat curru prætereunte pater.
 Annue, sic tibi sint intonsi Phœbe capilli,
 Sic tua perpetuò sit tibi casta soror.

ELEGIA VII.

C Astra Macer sequitur, tenero quid fiet amorì
 Sit comes, & collo fortiter arma gerat.
 Et seu longa uirum terræ uia, seu uaga ducent
 Aequora cum telis ad latus ire uolet.
 Vre puer quæso tua qui ferus otia liquit,

Atque

Atque iterum errorem sub tua signa uoca.
Quod si militibus parces erit hic quoque miles
Ipse, leuem galea qui sibi, potet aquam.
Castra peto, ualeatq; Venus, ualeantq; puellæ:
Et mihi sunt uires, & mihi facta tuba est.
Magna loquor, sed magnifice mihi magna locuto
Excutiunt clausæ fortia uerba fores.
Iurauī quoties reditionem ad limina nunquam
Cum bene iurauī, pes tamen ipse credit,
Acer Amor fractas utinam tua tela sagittas
Scilicet extinctas aspiciamq; faces.
Tu miserrum torques, tu me mihi dira precari
Cogis, & insana mente nefanda loqui.
Iam mala finissem leto, sed credula uitam
Spes fouet, & melius cras fore semper ait.
Spes alit agricolas, spes sulcis credit aratis
Semina, quæ magno fœnore reddat ager.
Hæc laqueo uolucres, hæc captat arundine pisces,
Cum tenues hamos abdidit ante cibis.
Spes etiam ualida solatur compede uinctum,
Crura sonant fero, sed canit inter opus.
Spes facilem Nemesim spondet mihi, sed negat illa,
Hei mihi ne uincas dura puella deam.
Parce per immatura tuæ præcor ossa sororis,
Sic bene sub tenera parua quiescat humo.
Illa mihi sancta est, illius dona sepulchro,
Et madefacta meis ferta feram lacrymis.
Illius ad tumulum fugiam supplexq; sedebo,
Et mea cuncto muto fata querar cinere.
Non feret usque suum te propter fieri clientem,

Illius ut uerbis sis mihi dura ueto.
 Ne tibi neglecti mittant mala somnia manes,
 Mœstaq; sopitæ stet soror ante torum.
 Qualis ab excelsa præceps delapsa fenestra
 Venit ad infernos sanguinolenta lacus.
 Desino, ne domine luctus renouentur acerbi,
 Non ego sum tanti, ploret ut illa semel.
 Nec lacrymis oculos digna est foedare loquaces:
 Lena nocet nobis ipsa puella bona est.
 Lena uetat miserum Phryne, furtimq; tabellas
 Occulto portans itq; , reditq; sinu.
 Sæpe ego cum domine dulces à limite diro
 Agnosco uoces, hæc negat esse domi.
 Sæpe ubi nox promissa mihi est languere puellam
 Nuntiat, aut aliquas extimuisse minas.
 Tunc morior curis, tunc mens mea perdit a fingit
 Quis'ue meam teneat, quot teneat'ue modis.
 Tunc tibi lena precor diras, satis anxia uiuas,
 Mouerit è uotis pars quotacunque deos.

ALBII TIBVLLI
 EQVITIS ROMANI LIBER
 TERTIVS.



ARTIS Romani festæ uenere cae-
 lende,
 Exoriens nostris hic fuit annus auis
 Et uaga nunc certa discurrunt undique
 pompa,

Perq;

Perq; uias urbis munera, perq; domos.
 Dicite Pierides: quó nam donetur honore
 Seu mea, seu fallor, chara Neera tamen.
 Carmine formosæ, pretio capiuntur auaræ,
 Gaudeat ut digna est, uersibus illa meis.
 Lutea sed niueum inuoluat membrana libellum,
 Pumicet, & canas tondeat arte comas,
 Summaq; prætexat tenuis fastigia chartæ,
 Indicet ut nomen littera pactatum.
 Atque inter geminas pingantur cornua frontes,
 Sic etenim comptum mittere oportet opus.
 Per uos autores huius mihi carminis oro,
 Castalliamq; umbram, Pieriosq; lacus,
 Ite domum cultumq; illi donate libellum
 Sicut erit nullus defluat inde color.
 Illamibi referat, si nostri mutua cura est,
 An minor an toto pectore deciderim.
 Sed primum nimpham larga donate salute,
 Atque hæc submisso dicite uerba sono:
 Hæc tibi uir quondam, nunc frater casta Neera
 Mittit, & accipias munera parua, rogat,
 Teq; suis iurat charam magis esse medullis.
 Siue sibi coniux, siue futura soror.
 Sed potius coniux, huius spem nominis illi
 Auferet extincta pallida Ditis aqua.

ELEGIA II.

Q Vi primum charan iuueni, charumq; puellæ
 Eripuit iuuenem ferreus ille fuit.

Durus & ille fuit, qui tantum ferre dolorem,
Viueret & erepta coniuge qui potuit.
Non ego firmus in hoc, non hæc patientia nostro
Ingenio, frangit fortia corda dolor.
Nec mihi uera loqui pudor est, uitæq; fateri
Tot mala perpesse tot superesse meæ.
Ergo ego cum tenuem fuero mutatus in umbram,
Candidaq; ossa super nigra fauilla teget,
Ante meum ueniat longos incomperta capillos,
Et fleat ante meum mœsta Neæra rogem.
Sed ueniat charæ matris comitata dolore,
Mœreat hæc genero mœreat illa uiro,
Præfatæ ante meos manes, animamq; precatæ,
Perfusaq; piæ ante liquore manus
Pars quæ sola mei superabit corporis ossa
Incinctæ nigra candida ueste legant,
Et primum annoso spargent collecta Lyæo,
Mox etiam niueo fundere lacte parent.
Post hæc carbasseis humorem tollere uentis,
Atque in marmorea ponere sicca domo.
Illic quas mittit diues Panchaia merces,
Eoiq; Arabes, diues & Assyria,
Et nostri memores lacrymæ fundantur eodem,
Sic ego componi uersus in ossa uelim.
Sic tristem mortis demonstrat littera causam,
Atque, hæc in celebri carmina fronte notet:
Lygdamus hic situs est, dolor huic, & causa Neæra,
Coniugis ereptæ causa perire fuit.

ELEGIA III.

Quid prodest cœlum uotis impleſſe Neera?
 Blandaꝑ; cum multa tura dediſſe preceſ?
 Non ut marmorei prodirem è limine tecti
 Inſignis clara conſpicuusꝑ; domo,
 Aut ut multa mei renouarent iugera tauri
 Et magnas meſſes terra benigna daret.
 Sed tecum ut longæ ſociarem gaudia uitæ,
 Inꝑ; tuo caderet noſtra ſenecta ſinu,
 Tunc cum permeneſcæ deſunctus tempora lucis
 Nudus Lethæa cogerer ire rate.
 Nam graue quid prodeſt pondus mihi diuitis auri?
 Aruaꝑ; ſi fundant pingua mille boues?
 Quid ue domus prodeſt Phrygijs innixa columnis,
 Tenare ſiue tuis, ſiue Chariſte tuis?
 Et nemora in domibus ſacros imitantia lucos?
 Auratæꝑ; trabes, marmoreumꝑ; ſolum?
 Quid ue in Erythræo legitus quæ littore concha,
 Tinctaꝑ; Sydonio murice lana iuuat?
 Et quæ prætereà populus miratur in illis
 Inuida, quæ falſò plurima uulguſ amat.
 Non opibus mentes homini, curæꝑ; leuantur.
 Nam Fortuna ſua tempora lege gerit.
 Sit mihi paupertas tecum iucunda Neera,
 Et ſine te regum muna nulla uolo.
 O' niueam, quæ te poterit mihi reddere lucem,
 O' mihi felicem terꝑ;, quaterꝑ; diem.
 At ſi pro dolci reditu quæcunque uouentur
 Audiat auerſa non meus aure Deus,

Nec me regna iuuent, nec Lydius aurifer annis,
 Nec quas terrarum sustinet orbis opes.
 Hæc alij cupiant, liceat mihi paupere cultu
 Securo chara coniuge posse frui.
 Adsis, & timidis faueas Saturnia uotis,
 Et faueas concha Cypria uecta tua.
 Aut si fata negant reditum, tristesq; sorores
 Stamina quæ ducunt, quæq; futura neunt,
 Me uocet in uastos amnes nigramq; paludem
 Diues in ignaua luridus Orcus aqua.

ELEGIA IIII.

DI meliora ferant, nec sint insomnia uera.
 Quæ tulit hesternæ pessima nocte quies.
 Ite procul uani, falsumq; auertite uisum,
 Desinite in uotis quærere uelle fidem.
 Diui uera monent, uenturæ nuntia sortis.
 Vera monent Thuscis exta probata uiris.
 Somnia fallaci ludunt temeraria nocte
 Et pavidas mentes falsa timere iubent.
 Et uanum metuens hominum genus, omnia noctis
 Farre pio placant, & saliente sale.
 Et tamen, utcunque est, siue illi uera moneri,
 Mendaci somno credere siue uolent,
 Efficiat uanos noctis Lucine timores,
 Et frustra immeritum pertinuisse uelit,
 Si mea nec turpi mens est obnoxia facto,
 Nec læsit magnos impia lingua Deos,
 Iam nox ætherium nigris emersa quadrigis

Mundum cæruleo lauerat anne rotas.
Nec me sopierat menti Deus utilis agræ
Somnus, sollicitas deficit ante domos.
Tandem cum summo Phœbus prospexit ab ortu,
Pressit languentis lumina sera quies.
Hic iuuenis casta redimitus tempora lauro
Est uisus nostra ponere sede pedem.
Non illo quicquam formosius ulla priorum
Aetas, humanum nec uidet illud opus.
Intonsi crines longa ceruice fluebant,
Stillabat Tyrio myrtea rore coma.
Candor erat qualem præfert Latonia Luna,
Et color in niueo corpore purpureus:
Vt iuueni primum uirgo deducta marito.
Inficitur teneras ore rubente genas.
Vt cum contexunt amaranthis alba puellæ
Lilia, & autumno candida mala rubent.
Ima uidebatur talis illudere palla,
Nanque hæc in nitido corpore uestis erat.
Artis opus rare fulgens testudine, & auro
Pendebat leua garrula parte lyra.
Hanc primum ueniens plectro modulatus eburno
Felices cantus ore sonante dedit.
Sed postquàm fuerant digiti cum uoce locuti,
Edidit hæc tristi dulcia uerba modo:
Salue cura Deum, casto nam rite poeta
Phœbusq; & Bacchus, Pieridesq; fauent.
Sed proles Semeles Bacchus, doctæq; sorores
Dicere non norunt, quid ferat hora sequens
At mihi fatorum leges, cuiq; futuri

Euentura pater posse uidere dedit.
Quare ego quæ dico non fallax accipe uates,
Quodq; Deus uero Cynthus ore ferat.
Tantum chara tibi, quantum nec filia matri,
Quantum nec cupido bella puella uiro,
Pro qua sollicitas cœlestia numina uotis
Quæ tibi securos non sinit ire dies:
Et cum te fusco somnus uelauit amictu,
Vanum nocturnis fallit imaginibus.
Carminibus celebrata tuis formosa Neera
Alterius mauult esse puella uiri:
Diuersasq; suas agitât mens anxia curas,
Nec gaudet casta nupta Neera domo.
Ah crudele genus, nec fidum, fœmina nomen,
Ah pereat, didicit fallere siqua uirum.
Sed flecti poterit, mens est mutabilis illi.
Tu modò cum multa brachia tende fide
Seuus amor docuit dominæ fera uerba minantis,
Seuus amor docuit uerbera posse pati.
Me quondam Admeti niueas pauisse iuuencae
Non est in uanum fabula ficta iocum.
Tunc ego nec cithara poteram gaudere sonora,
Nec similes chordis reddere uoce sonos,
Sed perlucenti cantus meditabar auena,
Ille ego Latonæ filius, atque Iouis.
Nescis quid sit amor iuuenis, si fere recusas
Immitem dominam, coniugiumq; ferum.
Ergo ne dubita blandas adhibere querelas,
Vincuntur molli pectora dura prece.
Quòd si uera canunt sacris oracula templis,

Hæc illi nostro nomina dicta refer.
 Hoc tibi coniugium promittit Delius ipse
 Felix, ac alium desine uelle uirum.
 Dixit, & ignauus defluxit corpore somnus.
 Ah ego ne possim tanta uidere mala.
 Nec tibi crediderim uotis contraria nota,
 Nec tantum crimen pectore inesse tuo.
 Nam te nec uasti genuerunt æquora ponti,
 Nec flammam uoluens ore Chimæra fero,
 Nec canis anguinia redimitus terga caterua,
 Cui tres sunt linguæ, tergeminumq; caput,
 Scyllaq; uirginæam canibus submisit figuram,
 Nec te conceptam seuæ læna tulit
 Barbara nec Scythiæ tellus, horrendaue Syrtis,
 Sed culta, & uiris non habitanda domus,
 Et longe ante alias omnes mitissima mater,
 Isq; pater, quo non alter amabilior,
 Hæc Deus in melius crudelia somnia uertat,
 Et iubeat tepidos irrita fere Notos.

ELEGIA V.

NOSTENET Hetruscis manat quæ fontibus unda,
 Unda sub æstiuum non adeunda Canem
 Nunc autem sacris Baiarum maxima lymphis,
 Cum se purpureo uere remittit humus
 At mihi Persephone nigram denunciat horam
 Immerito iuueni parce nocere dea.
 Non ego tentavi nulli temeranda deorum
 Audax laudandæ sacra docuere deæ

Nec

Nec mea mortiferis infecit pocula succis.
 Dextera, nec cuiquam certa dedit,
 Nec nos sacrilegos templis adinuimus ignes,
 Nec cor sollicitant facta nefanda meum.
 Nec nos insane meditantur iurgia lingue
 Impia in aduersos soluimus ora Deos
 Et nondum cani nigros læsere capillos,
 Nec uenit tarda curua senecta pede.
 Natalem prima nostrum uidere parentes,
 Cum cecidit fato consul uterque pari.
 Quid fraudare iuuat uitam crescentibus uuis?
 Et modo nata mala uellere poma manus?
 Parcite, pallentes umbras quicunque tenetis,
 Duraq; sortiti tertia regna Dei.
 Elysios olim liceat cognoscere campos,
 Lethæamq; ratem, Cimeriosq; lacus,
 Cum mea rugosa pallebunt ora senecta,
 Et referam pueris tempora prisca senex.
 Atque utinam uano nequicquam terrear æstu,
 Languent ter quinos sed mea membra dies:
 Atque mihi Thucæ celebrantur numina lymphæ,
 Et facilis lenta pellitur unda manu.
 Viuite felices, memores & uiuite nostri.
 Siue erimus, seu nos fata fuisse uelint.
 Interea nigras pecudes promittite Diti,
 Et niuei lactis pocula mista mero.

ELEGIA VI.

Candide Liber ades, sic sit tibi mystica uitis,

Sic edera semper tempora uincta feras.
Aufer & ipse meum pariter medicando dolorem,
Sæpe tuo cecidit munere uictus amor.
Chære puer madeant generoso pocula Baccho,
Et nobis prona funde falerna manu.
Ite procul durum curæ genus, ite labores,
Fulserit hic niueis Delius alitibus.
Vos modò proposito dulces faueatis amici.
Ne ue neget quisquam me duce se comitem.
At si quis uini certamen mite recusat,
Fallat eum tecto chara puella dolo.
Ille facit dites animos deus, ille ferocem
Contudit, & dominæ misit in arbitrium.
Armenias tigres, & fuluas ille leænas
Vicit, & indomitis mollia corda dedit.
Hæc amor, & maiora uolet, sed poscite Bacchi
Munera, quem uestrum pocula sicca iuuant,
Conuenit ex æquo. nec toruus Liber in illos,
Qui se quique una uina iocosa colunt,
Iam uenit iratus nimium, nimiumque seuerus,
Qui timet irati numina magna bibat.
Quales his poenas deus hic quantumque minetur
Cadmeæ matris præda cruenta docet.
Sed procul à nobis hic sit timor, illaque, si qua est,
Quid ualeat læsi sentiat ira dei.
Quid precor ah demens? uenti temeraria uota,
Aeræ, & nubes diripienda ferant.
Quamuis nulla mei superest tibi cura Neera,
Sis felix, & sint candida fata tua.
At nos securæ reddamus tempora mense.

Venit

Venit post multos una serena dies.

ELEGIA VII.

HEi mihi difficile est imitari gaudia falsa.
Difficile est tristi fingere mente iocum.
Nec bene mendaci risus componitur ore,
Nec bene sollicitis ebria uerba sonant.
Quid queror infelix? turpes discedite curæ.
Odit Lenæus tristia uerba pater.
Gnoscia Thesæ quondam periuria lingue
Fleuisti ignoto sola relicta mari.
Sic cecinit pro te doctus Minoi Catullus
Ingrati referens impia facta uiri.
Vos ego nunc moneo felix, quicumque dolore
Alterius discas posse carere tuo.
Nec uos aut capiant pendentia brachia collo,
Aut fallat blanda sordida lingua fide.
Et si perq; suos fallax iurauit ocellos.
Iunonemq; suam, perq; suam Venerem,
Nulla fides inerit: periuria ridet amantum
Iuppiter, & uentos irrita ferre iubet.
Ergo quid toties fallacis uerba puellæ
Conqueror? ite à me seria uerba precor.
Quàm uellem longas tecum requiescere noctes
Et tecum longos peruigilare dies.
Perfida nec merito nobis inimica, merenti
Perfida sed quamuis perfida, chara tamen.
Naiada Bacchus amat, cessas ò lente minister:
Temperet aunosum Martia lympha merum.

Non

Non ego, si fugiat nostræ conuiuia mensæ

Ignotum cupiens uana puella torum,
Solicitus repetam tota suspiria nocte,

Tu puer & liquidum fortius adde merum.
Iamdudum Tyrio madefactas tempora nardo

Debueram fertis implicuisse comas.
Ne tibi sit mea lux æquæ tam feruida cura,

Vt uideo paucos ante fuisse dies.
Si quicquam tota commisi stulta iuuenta,

Cuius me fatear poenituisse magis,
Hesternæ quàm te solum quod nocte reliqui,
Ardorem cupiens dissimulare meum.

ALBII TIBULLI

EQUITIS ROMANI

LIBER IIII.



E Messalæ canam, quanquam mea co-
gnita uirtus.

Terret, ut infirmæ ualeant subsistere
uires,

Incipiam tamen à meritis, si carmina
laudes

Deficiant humiles, tantis sim conditor actis,

Netua te præter chartis intexere quisquam

Facta queat, dictis ut non maiora supersint,

Est nobis uoluisse satis, nec munera parua

Respueris, etiam Phœbo gratissima dona

Cres tulit, & cunctis Baccho iucundior hospes
Icarus, ut puro testantur sydera cœlo,
Erigoneq; Canisq; neget ne longior ætas.
Quin etiam Alcides Deus ascensurus Olympum
Leta Molorcheis posuit uestigia terris,
Paruaq; cœlestes pacauit mica: nec illis
Semper in aurato taurus cadit hostia cornu.
Hic quoque sit gratus paruus labor, ut tibi possim
Inde alios, aliosq; memor componere uersus.
Alter dicat opus magni mirabile mundi,
Qualis in immenso descenderit aere tellus,
Qualis & in curuum pontus confluxerit orbem,
Et uagus è terris quâ surgere nititur aer,
Huic & contextus passim fluat igneus æther,
Pendentiq; super claudantur ut omnia cœlo.
Ad quodcunque mea poterunt audere Camœne,
Seu tibi par poterunt, seu, quod spes abnuuit, ultra,
Siue minus, certeq; canent minus, omne mouemus
Hoc tibi, ne tanto careat mihi nomine charta.
Nam, quanquàm antiquæ gentis superent tibi laudes,
Non tua maiorum contenta est gloria fama,
Nec queris quid qua iudex sub imagine dicat,
Sed generis priscos contendis uincere honores
Quàm tibi maiores maius decus ipse futurus.
At tua non titulus capiet sub nomine facta,
Æterno sed erunt tibi magna uolumina uersu,
Conuenientq; tuas cupidi componere laudes
Vndiq; & quiq; canent uincto pede, quiq; soluto,
Queis potius certamen erit, si uictor in illis,
Ut nostrum tantis inscribam nomen in actis.

Quisque tibi maiora gerit castris'ue, foro'ue,
Nec tamen hinc, aut hinc, tibi laus maior'ue, minor'ue,
Iusta pari præmitur ueluti cum pondere libra
Prona, nec hac plus parte sedet, nec surgit ab illa.
Qualis, inæquatum si quando onus urget utrinque,
Instabilis natat alterno depressior orbe.
Nam seu diuersi fremat inconstantia uulgi,
Non alius sedare queat: seu iudicis ira
Sit placanda, tuis poterit nitescere uerbis.
Non Pylos, aut Itace tantum genuisse feruntur
Nestora, uel parua magnum decus urbis Vlysses
Vixerit ille senex quamuis, dum terna per orbem
Secula fertilibus Titan decurrerit horis,
Ille per ignotas audax decurrerit urbes,
Quam maris extremis tellus includitur undis,
Nam Cyconumq; manus aduersis reppulit armis,
Non ualuit Cyclos coeptos auertere cursus,
Cessit & Aetnae Neptunius incola rupis
Victa Maroneo foedatus lumina Baccho.
Vexit & Aeolios placidum per Nereauentos,
Incultos adiit Lestrygonas, Antiphatenq;
Nobilis Artacia gelidos quos irrigat unda.
Solum nec doctæ uerterunt pocula Circes,
Quamuis illa foret Solis genus, apta uel herbis,
Aptaq; uel cantu ueteres mutare figuras.
Cimerion etiam obscuras accessit ad oras,
Queis nunquam candente dies apparuit ortu,
Siue super terras Phœbus, seu curreret infra.
Vidit ut inferno Plutonis subditæ regno
Magna Deum proles leuibus discurreret umbris.

Præterijtq; cita Sirenum littora puppi.

*al. terge *Illum *tergeminæ nantem confinia *mortis*
mini *Nec Scyllæ sæuo conterruit impetus orbe,*

*al. mōtis *Cum canibus rapidas inter freta serperet undas:*

Nec uiolenta suo consumpsit more Charybdis,

Vel si sublimis fluctu consurgeret imo,

Vel si interrupto nudaret gurgite pontum.

Non uiolata uagi sileantur pascua Solis,

Non Amor, & fœcunda Atlantidos arua Calypsus,

Finis & errorum misero Phæacia tellus.

Atque hæc seu nostras inter sint cognita terras.

Fabula siue nouum dedit his erroribus orbem,

Sit labor illius, tua dum facundia maior.

Nam te non alius belli tenet aptius artes,

Quà deceat tutam castris deducere fossam,

Qualiter aduersos hosti defigere neruos,

Quem uel locum ducto melius sit claudere uallo,

Fontibus ut dulces erumpat terra liquores,

Vt facilisq; tuis aditus sit, & arduus hosti,

Laudis & assiduo uigeat certamine miles.

Quis tardam uel sudem melius, celerem uel sagittam

Iecerit, aut lento perfregerit obuia pilo?

Aut quis equum celerem uel arcto compescere freno

Possit, & effusas tardo permittere habenas,

Inq; uicem modò directo contendere cursu?

Seu libeat curuo melius contendere gyro.

Parma, seu quos dextra uelit, seu læua tueri,

Siue hâc, siue illac grandis uenit impetus hastæ

Amplior: aut signata cita loca tangere funda,

Iam simul audacis ueniunt certamina Martis,

Aduersisq; parant acies concurrere signis,
Tunc tibi non desit faciem componere pugnae,
Seu sit opus, quadratum acies consistat in agmen,
Rectus in æquatis decurrat frontibus ordo.
Seu libeat duplicem, seu iunctum cernere Martem,
Dextraq; ut læuam teneat, dextrumq; sinistra
Miles, sitq; duplex gemini uictoria casus.
At non per dubias errant mea carmina laudes.
Nam bellis experta cano, testis mihi uictæ
Fortis Iapygiæ miles, testis quoque fallax
Pannonius, gelidas passim disiectus in Alpes:
Testis Arupinus, & pauper natus in armis:
Quem si quis uideat uetus ut non fregerit ætas,
Terna minus Pylæ miretur secula fanæ:
Nanque senex longæ peragit dum secula uitæ,
Centum foecundos Titan renouauerit annos.
Ipse tamen uelox celerum super edere corpus
Audet equum, ualidisq; sedet moderator habenis.
Te duce non aliâs conuersus terga domator
Libera Romanæ subiecit colla catena.
Nectamen his contentus eris, maiora peractis
Instant compertum est ueracibus ut mihi signis,
Queis Amithæonius nequeat certare Melampus.
Nam modo fulgentem Tyrio subtegmine uestem
Indueras, oriente die duce fertilis anni,
Splendidior liquidis cum sol caput extulit undis,
Et freta discordes tenuerunt flamina uenti,
Curua nec assuetos egerunt flumina cursus,
Quin rapidum placidis etiam mare constitit undis,
Vlla nec aerias uolucris perlabitur auras,

Nec quadrupedes densas depascitur aspera sylvas,
 Quin largita tuis sunt multa silentia uotis:
 Iuppiter ipse leui uectus per inania curru
 Affuit, & cœlo uicinum liquit Olympum,
 Intentaq; tuis precibus se præbuit aure,
 Cunctaq; ueraci capite annuit additus aris.
 Latior eluxit structos super ignis acervos.
 Quin hortante Deo magnis insistere rebus
 Incipe, non iidem tibi sunt, alijsq; triumphis:
 Non te uicino remorabitur obuia Marte
 Gallia, nec latis audax Hispania terris.
 Nec fera Rethæo tellus obsessa colono.
 Nec quæ uel Nilus, uel regia lymphæ * Diaspes
 Profluit, aut rapidus Cyri dementia Gindes,
 Cretæis ardens aut unda Carystia campis:
 Nec quæ regna uago Tomyris finiuit Araxe,
 Impia nec seuis celebrans conuiuia mensis.
 Vltima uicinus Phœbo tenet arua Padeus,
 Quæq; Hebrus, Tanaisq; Getas rigat, atque Mosynos.
 Quid moror? Oceanus ponto quæ continet orbem,
 Nulla tibi aduersus regio sese offeret armis.
 Te manet inuictus Romano Marte Britannus,
 Teq; interiecto mundi pars altera sole.
 Nam circumfuso consistit in ære tellus,
 Et quinque in partes totos disponitur orbes
 Atque duæ gelido uastantur frigore semper,
 Illic & densa tellus absconditur umbra,
 Et nulla incepto perlabitur unda liquore,
 Sed durata riget densam in glaciemq; niuemq;
 Quippe ibi non unquam Titan super ingerit ortus,

*al. Choa
 spes

At media est Phœbi semper subiecta calori,
Seu propior terris æstiuum fertur in orbem,
Seu celer hybernas properat decurrere lucēs:
Non ergo pressa tellus consurgit aratro,
Nec frugem segetes præbent, nec pabula terræ,
Non illic colit arua Deus Baccus ue, Ceres ue,
Nulla nec exustas habitant animalia partes.
Fertilis hanc interposita est, interq; rigentes,
Nostraq; , & huic aduersa solo pars altera nostro,
Quas simileis utrinque tenens uicinia cœli
Temperat, alter & alterius uires negat aer.
Hinc placidus nobis per tempora labitur annus.
Hic & colla iugo didicit summittere Taurus,
Et lenta excelsos uitis conscendere ramos.
Tondeturq; seges maturos annua partus.
Et ferro tellus, pontus confinditur ære.
Quin etiam structis exurgunt oppida muris.
Ergo ubi præclaros poscent tua facta triumphos,
Solut utroque idem dicêris magnus in orbe.
Non ego sum satis ad tantæ præconia laudis,
Ipse mihi non si præscribat carmina Phœbus.
Est tibi qui possit magnis se accingere rebus
Valgius, æterno propior non alter Homero.
Languida non noster peragit labor otia, quamuis
Fortuna (ut mos est illi) me aduersa fatiget.
Nam mihi cùm magnis opibus domus alta niteret,
Cui fuerant flauī ditantes ordine sulci,
Horrea fœcundis indeficientia mensis,
Cuiq; pecus denso pascebant agmina colles,
Et domino satis, & nimium furiq; , lupoq; :

Nunc desyderium superest : nam cura nouatur ,
 Cum memor accitos semper dolor admouet annos :
 Sed licet asperiora cadant, spolierq; relictis,
 Non te deficient nostræ memorare Camœnæ.
 Nec solum tibi Pierij tribuentur honores,
 Pro te uel rapidas ausim maris ire per undas,
 Aduersis hyberna licet tumeant fræta uentis :
 Pro te uel solus densis obsistere turmis,
 Vel paruum Aetnæ corpus committere flammæ.
 Sum quodcunque tuum est: nostri sit paruula cura,
 Sit tibi quanta libet: si sit modò, non mihi regna
 Lydia, non magni potior sit fama Gylippi,
 Posse Meleteas nec mallem mittere chartas.
 Quòd tibi si uersus noster notus ue, minus ue
 Vel bene si notus, summo uel mœret in ore,
 Nulla mihi statuunt finem te fata canendi.
 Quin etiam mea tunc tumulus cum texerit ossa,
 Seu matura dies fato properat mihi mortem,
 Longa manet seu uita, tamen mutata figuram,
 Seu me finget equum rigidos percurrere campos
 Doctum, seu tardi pecoris sim gloria taurus,
 Siue ego per liquidum uolucris uehar aera pennis,
 In quecunque hominem me longa receperit ætas,
 Inceptis de te subtexam carmina chartis.

LAVS SVLPITIAE
 AD MARTEM.

Sulpitia est tibi culta tuis Mars magne calendis,
 Spectatum è coelo, si sapis, ipse ueni.

Hoc Venus ignoscet, at tu uolente caueto,
 Ne tibi miranti turpiter arma cadant.
 Illius ex oculis cum uult exurere diuos,
 Accendit geminas lampadas acer Amor.
 Illam quicquid agit, quoquò uestigia mouit,
 Componit furtim, subsequiturq; decor.
 Seu soluit crines, fustis decet esse capillis:
 Seu compsit, comptis est ueneranda comis.
 Vrit, seu Tyria uoluit procedere palla:
 Vrit, seu niuea candida ueste uenit.
 Talis in æterno felix Vertumnus Olympo,
 Mille habet ornatus, mille decenter habet.
 Sola puellarum digna est, cui mollia charis
 Vellera det succis bis madefacta Tyros,
 Possideatq; metit quicquid bene olentibus aruis
 Cultor odoratæ diues Arabs segetis,
 Et quascunque niger rubro de littore conchas
 Proximus eoïs colligit Indus aquis.
 Hanc uos Pierides festis cantate calendis,
 Et testudinea Phœbe superbe lyra.
 Hoc solenne sacrum multos celebretur in annos,
 Dignior est uestro nullo puella choro.

SVLPITIA AD CHE-
 RINTHVM.

Parce meo iuueni: seu quis bona pascua campi,
 Seu colis umbrosi deuia montis aper:
 Nec tibi sit duros acuisse in pectora dentes,
 Incolumem custos hunc mihi seruet amor.

Sed procul abducit uenandi Delia cura.

O pereant syluæ, deficientq; canes.

Quis furor est? quæ mens densos indagine colles

Claudentem, teneras ledere uelle manus?

Quid uel iuuat furtim latebras intrare ferarum?

Candidaq; hamatis crura notare rubis?

Sed tamen, ut tecum liceat Cherinthe uagari,

Ipsa ego per montes retia torta feram,

Ipsa ego uelocis quæram uestigia cerui,

Et demam celeri ferrea uincla cani.

Tunc mihi tunc placeant syluæ, si lux mea tecum

Arguar ante ipsas concubuisse plagas,

Tunc ueniat licet ad casses, illæsus abibit,

Ne Veneris cupide gaudia turbet aper.

Tunc sine me sit nulla Venus, sed lege Dianæ,

Caste puer casta retia tende manu.

Et quæcunque meo furtim subrepat amanti,

Incidat in seuas diripienda feras.

At tu uenandi studium concede parenti,

Et celer in nostros ipse recurre sinus.

AD PHOEBVM.

Huc ades, & teneræ morbos expelle puellæ,

Huc ades intonsa Phœbe superbe coma.

Crede mihi propera, nec te iam Phœbe pigebit

Formosæ medicas applicuisse manus.

Effice ne macies pallentes occupet artus,

Neu notet informis pallida membra color.

Et quodcunque mali est, & quicquid triste timemus,

In pelagus rapidis euehat ambis aquis.
 Sancte ueni, tecumq; feras quicumque saporés,
 Quicumque & cautus corpora fessa leuant.
 Neu iuuenem torque:metuit qui fata puella,
 Votaq; pro domina uix numeranda facit:
 Interdum uouet, interdum quòd langueat illa.
 Dicit in aternos aspera uerba Deos.
 Pone metum Cherinthe, Deus non lædit amantes.
 Tu modò semper ama, salua puella tibi est.
 Nil opus est fletu, lacrymis erit aptius uti,
 Siquando fuerit tristior illa tibi.
 At nunc tota tua est, te solum candida secum
 Cogitat & frustra credula turba sedet.
 Phœbe faue, laus magnatibi tribuctur, in uno
 Corpore seruato restituisse duos.
 Iam celeberr, iam lætus eris, cùm debita reddet
 Certatim sanctis lætus uterque focus.
 Tunc te felicem dicet pia turba deorum,
 Optabunt artes & sibi quisque tuas.

AD CHERINTHV M.

E St qui te Cherinthe dies dedit hic mihi sanctus,
 Atque inter festos semper habendus erit.
 Te nascente nouum Parcæ cecidere puellis
 Seruitium, & dederunt regna superba tibi.
 Vror ego ante alias, iuuat hoc Cherinthe quòd uror,
 Si tibi de nobis mutuus ignis adest.
 Mutuus adsit amor, tua per dulcissima furtâ,
 Perq; tuos oculos, per geniumq; rogo.

Mane

Mane geni cape tur a libens, uotisq; faueto,
 Si modò cum de me cogitat, ille ualet.
 Quòd si fortè alios iam nunc suspirat amores,
 Tunc præcor infidos sancte relinque focos.
 Nec sis nunc iniusta Venus, uel seruiat æquè
 Vincit uterque tibi, uel mea uincla leua.
 Sed potius ualida teneamur uterque catena,
 Nulla queat posthac quam soluisse dies.
 Optat idem iuuenis, quod nos, sed tutius optat,
 Nam pudet hæc illum dicere uerba palam.
 At tu natalis quoniam Deus omnia sentis,
 Annue, quid refert clam'ue, palam'ue roget?

AD IUNONEM.

Natalis Iuno sanctos cape turis acervos,
 Quos tibi dat tenera docta puella manu.
 Tota tibi est hodie, tibi se letissima compsit,
 Staret ut ante tuos conspicienda focos.
 Illa quidem ornandi causas tibi diua relegat,
 Est tamen occultè cui placuisse uelit.
 At tu sancta faue, ne nos diuellat amantes,
 Sed iuueni queso mutua uincla para.
 Sic bene compones, ulli non ille puellæ
 Seruire, aut cuiquam dignior illa uiro.
 Nec possit cupidus uigilans deprendere custos,
 Fallendiq; uias mille ministret amor.
 Annue, purpureaq; ueni perlucida palla,
 Ter tibi sit libo, ter dea casta mero.
 Precipit & nata mater studiosa, quod optat,

*Illa aliud tacita iam sua mente rogat,
Vritur, ut celeres urunt altaria flammæ,
Nec liceat quamuis sana fuisse uelit.
Sit iuueni grata, adueniet cum proximus annus,
Hic idem uotis iam uetus adsit amor.*

AD VENEREM.

TAndem uenit Amor, qualem texisse pudori,
Quàm nudasse alicui sit mihi fama magis.
Exorata meis illum Cytharea Camœnis
Attulit in nostrum, deposuitq; sinum.
Exoluit promissa Venus, mea gaudia narret,
Dicetur siquis non habuisse suam.
Non ego signatis quicquam mandare tabellis,
Ne legat id nemo quam meus antè, uelùm
Sed peccasse iuuat, uultus componere famæ
Tædet, cùm digno digna fuisse ferar.

AD MESSALAM.

Inuisus natalis adest, qui rure molesto,
Et sine Cherintho tristis agendus erit.
Dulcius urbe quid est? an uilla sit apta puellis,
Atque Aretino frigidus amnis agro?
Iam nimium Messala mei studiose quiescas,
Non tempestiuæ sæpe propinque uia.
Hic animum, sensusq; meos abducta relinquo,
Arbitrio, quamuis non sinis esse meo.

DE NATALIDIE.

Scis iter ex animo sublatum triste puellæ
 Natali Romæ non finit esse suo.
 Omnibus ille dies nobis natalis agatur,
 Qui nec opinanti nunc tibi fortè uenit.

AD SVLPITIAM.

Gratum est securus multum quòd iam mihi de me
 Permittis subito ne malè inepta cadam.
 Sit tibi cura togæ potior, pressumq; quasillo
 Scortum, quàm Serui filia Sulpitia.
 Solliciti sunt pro nobis, quibus illa dolori est,
 Nec credam ignoto maxima cura toro.

AD CHERINTHV M.

Est ne tibi Cherinthe tuæ placiture puellæ,
 Qui mea nunc uexat corpora fessa calor?
 Ah ego non aliter tristes euincere morbos
 Optarim, quàm te sic quoque uelle putem.
 Nam mihi quid prosit morbos euincere? quid tu
 Nostra potes læto pectore ferre mala?
 Ne tibi sit mea lux æquè tam feruida cura,
 Vt uideo paucos ante fuisse dies.
 Si quicquam tota commisi stulta iuuenta,
 Cuius me fateor pœnituisse magis,
 Hesternam quàm te solum quòd nocte reliqui,
 Ardorem cupiens dissimulare meum.

AD AMICAM.

N Vlla tuum titulis subducet foemina lectum.
Hoc primum iuncta est foedere nostra Venus.

Tu mihi sola places, nec iam te præter in urbe

Formosa est oculis ulla puella meis :

Atque utinam posses uni mihi bella uideri,

Displiceas alijs, sic ego tutus ero.

Nil opus inuidia est, procul absit gloria uulgi:

Qui sapit, in tacito gaudeat ille sinu.

Sic ego secretis possum bene iuuenere syluis,

Qua nulla humano sit uia trita pede.

Tu mihi curarum requies, tu nocte uel atra

Lumen, & in solis tu mihi turba locis.

Nunc licet è cælo mittatur amica Tibullo,

Mittetur frustra, deficietq; Venus.

Hæc per sanctæ tuæ Iunonis numina iuro.

Quæ sola ante alios est tibi magna deos.

Quid facio demens? heu cui mea pignora credo

Iuravi stulte, prodeat iste timor.

Nunc tu fortis eris, nunc tu me audacius ures,

Hoc peperit misero garrula lingua malum.

Iam faciam quodcunque uoles, tuus usque manebo,

Nec fugiam notæ seruitium dominæ.

Sed Veneris sanctæ confidam uinctus ad aras,

Hæc notat iniustos, supplicibusq; fauet.

DE INFAMIA SVÆ PVELLÆ.

R Vmor ait crebro nostram peccare puellam,
Nunc ego me surdis auribus esse uelim.

Crimina

Crimina non hæc sunt nostro sine facta dolore.

Quid miserum torques? rumor acerbe tace.

EPITAPHIVM TIBVLLI.

TE quoque Vergilio comitem non æqua Tibulle

Mors iuuenem campos misit ad Elysios;

Ne foret aut elegis molles qui fleret amores,

Aut caneret forti regia bella pede.

FINIS.

OVID. NASONIS

ELEGIA DE FLENS

TIBVLLI IMMATA

TVRAM MORTEM.

MEmnona si mater, pater ploravit Achillem,

Et tangunt magnas tristia fata deas,

Flebilis indignos elegia solue capillos,

Ah nimis ex uero nunc tibi nomen erit.

Ille tui uates operis, tua fama Tibullus

Ardet in extructo corpus inane rogo.

Ecce puer Veneris fert euersamq; pharetram,

Et fractos arcus, et sine luce facem.

Aspice, demissis ut eat miserabilis alis,

Pectoraq; infesta tundat aperta manu.

Excipiunt lacrymas sparsi per colla capilli,

Oraq; singultu concutiente sonant.

Fratris in Aeneæ sic illum funere dicunt

Egressum

Egressum castris pulcher Iule tuis.
 Nec minus est confusa Venus moriente Tibullo,
 Quam iuueni rupit cum ferus inguen aper
 At sacri uates, et diuū cura uocamur,
 Sunt etiam qui nos numen habere putent.
 Scilicet omne sacrum mos importuna profanat,
 Omnibus obscuras iniecit illa manus.
 Quid pater Ismario, quid mater profuit Orpheo?
 Carmine quid uictas obstupuisse feras?
 Et linum in syluis idem pater edidit altis,
 Dicitur inuicta concinuisse lyra
 Aspice Maoniden, à quo ceu fonte perenni
 Vatum pieris ora rigantur aquis.
 Hunc quoque summa dies nigro summersit Auerno,
 Effugiunt auidos carmina sola rogos.
 Durat opus uatum Troiani fama laboris,
 Tardaq; nocturno tela retexta dolo.
 Sic Nemesis longum, sic Delia nomen habebit,
 Altera cura recens, altera primus amor.
 Quid nos sacra iuuant? quid nos Aegyptia prosunt
 Sistra? quid in uacuo secubuisse toro?
 Dum rapiant malefacta bonos, ignoscite fasso,
 Solicitor nullos esse putare deos.
 Viue tamen moriture pius, cole sacra colentem,
 Mors grauis à templis in caua busta trahet.
 Carminibus confide bonis, iacet ecce Tibullus,
 Vix manet è toto parua quod urna capit.
 Te ne sacer uates flammæ rapuere rogales?
 Pectoribus pasci nec timuere tuis?
 Aurea sanctorum potuissent templa deorum

Vrere, quæ tantum sustinuerunt nefas.
 Auertit uultus, Erycis quæ possidet arces.
 Sunt quoque qui lacrymas continuisse negant.
 Sed tamen hoc melius, quam si Phæacia tellus
 Ignotum uili supposuisset humo.
 Hic certè manibus fugientes pressit ocellos
 Mater, & in cineres ultima dona tulit.
 Hic soror in partem misera cum matre doloris
 Venit inornatas dilaniata comas.
 Cumq; tuis sua iunxerunt Nemesisq; priorq;
 Oscula, nec solos destituere rogos.
 Delia discedens, felicius inquit amata
 Sum tibi, uixisti dum tuus ignis eram.
 Cui Nemesis, qui d' ais? tibi sunt mea damna dolori?
 Me tenuit moriens deficiente manu.
 Si tamen è nobis aliquid nisi nomen, & umbra
 Restat in Elysia ualle, Tibullus erit.
 Obuius huic uenies edera iuuenilia cinctus
 Tempora cum Caluo doctæ Catulle tuo.
 Tu quoque, si falsum est temerati crimen amici,
 Sanguinis, atque animæ prodige Galle tuæ.
 His comes umbra tua est, si qua est modò corporis umbra,
 Hausisti numeros culte Tibulle pios.
 Ossa quæta præcor tutæ requiescere in urna,
 Et sit humus cineri non onerosa tuo.

F I N I S.

VITA

VITA PROPERTII
EX LIBRO TERTIO
PETRI CRINITI DE
POETIS LATINIS.



EX. Aurelius Propertius ex Meuania oppido oriundus, quod in Umbria est: hoc enim & ipse autor alicubi testatur, sicuti cum ipsam Umbriam Romani Callimachi patriam uocat:

Vt nostris tumefacta superbiat Umbria libris,

Umbria Romani patria Callimachi.

Sunt qui scribant eius patrem equestri dignitate ornatum, ac Triumvirali potestate fuisse, tum inter eos connumeratum, qui L. Antonium secuti (Perusta capta) ex Octauij Caesaris autoritate ad aram diui Iulij perducti, Ibidem occisi fuerunt. Illud omnino constat, Aurelium hunc Propertium, magna ex parte amissis bonis, Romam se recipisse, cum patrem suum in tenera adhuc etate amississet, quod illis uersibus apparet,

Aspice me, cui parua domus, fortuna relicta est,

Nullus & antiquo Marte triumphus aui.

Et alibi clarius.

Ossaq; legisti, non illa etate legenda

Patris, & in tenues cogeris esse Lares.

Nam tua cum multi uersarent rura iuuenti,

Abstulit excultas pertica tristis opes.

Mox ubi bulla rudi demissa est aurea collo

Matris & ante deos libera sumpta toga,

Tum mihi pauca suo de carmine dictat Apollo,

Et uetat infano uerba tonare foro.

In urbe autem, breui nominis celebritatem adeptus est, cum ingenij comitate, tum elegantia carminum. Mecœnati & Cor. Gallo maximè acceptus fuit, quòd uterque poetæ studijs, & doctrinæ pro similitudine professionis fauerent. Ouidium quoque, Tibullum, & Bassum inter principes amicos coluit, ad quos de suis caloribus, & puellæ ingenio sæpius scripsit. C. uero Plinius in epistola ad Romanum Paulum refert Pascienum in scribēdis elegis eruditum habuisse inter suos maiores Propertium itaque id, inquit, Passieno gentile est, nam & ex eodem muticipio est quo Propertius: unde maximum studium Passieno fuit, calores Propertij, atque ingenium suo carmine exprimere cū in elegijs (ut inquit Plinius) foret egregius, atque præcipuus Propertius. Libros quatuor elegiarum composuit. In quibus ferè suos calores, & Hostiæ laudem, ac formam celebrat. Nam puellam Hostiam miro quidem affectu exarsit, quā mutato nomine (ut est autor L. Apuleius) Cynthiam appellare maluit: ex quo Sidos nius Apollinaris sic ad Hesperium scribit, Memineris inquit, quod sæpe uersum Corinacum suo nasone compleuit, Lesbia cum Catullo, Casennia cum Getulico, Argentaria cum Lucano, & Cynthia cum Propertio, Delia cum Tiballo Callimachum præcipuè, Cyreneum Minermum, & Philetam Græcos poetas in carmine secutus est quorum manibus comitè se profitetur: nam ut illi apud Græcos in Elegia consensu omnium præstiterunt, ita Propertius quidem apud latinos, eorum imitatione primas uidetur quorundam iudicio consecutus. Fab. autem Quintilianus

lianus censor in literis accerrimus, cū Tibullum maximē commendauerit, non deesse tamen, inquit: qui Propertium malint, cum sit Ouidius lasciuior, Gallus in elegia durior: Ouidius certē cum saepe de ipso Propertio agat, blādum, tenerum, ac dulcem appellant multumq; illius carmini semper concessit cum eundem poetam suos ignes recensentem audirent:

Saepe suos solitus recitare Propertius ignes,

Iure sodalitijs qui mihi iunctus erat.

Sed & Val. Martialis Propertij ingenio, & amoribus plurimum tribuit, tum eo maximē loco quo Galli Lycoridē, Tibulli Nemesim, & Lesbiam Catulli celebrat, nam & in Apophoretis sic de eodem:

Cynthia facundi carmen iuuenile properti

Accepit fanam, nec minus ipsa dedit.

De obitu eius parum compertum, Quidam scripserunt illū annos alterum & XL. natum perijisse. Alium uero Propertium fuisse Fulgentius ostendit, qui in lib. ad Calcidium de prisco sermone uerba haec ex Propertio refert, Catilla tagerisu adimonia publicum prostibulum.

SEX PRO:

PERTII AVRELII V M.

BRI ELEGIARVM

LIBER I.

AD TVLLVM.



CYNTHIA prima suis mi
serum me cepit ocellis
Contactum nullis antè cupi
dinibus.

Tum mihi cōstantis deiecit
lumina fastus,
Et caput impositis preßit
amor pedibus,

Donec me docuit castas odif
se puellas

Improbis, & nullo uiuere consilio:

Et mihi iam toto furor hic non deficit anno,

Cum tamen aduersos cogor habere deos.

Mimalion nullos fugiendo Tulle labores

Sæuitiam duræ contudit lasidos,

Nam modo Parthenijs amens errabat in antris,

Ibat & hirsutas ille uidere feras.

Ille etiam Psiles percussus uulnere rami

Saucius Arcadijs rupibus ingemuit,

Ergo uelocem potuit domuisse puellam,

Tantum in amore preces, & benefacta ualent.

In me tardus amor nonnullas cogitat artes,

Nec

Nec meminit notas (ut prius) ire uias.
 At uos deductæ quibus est fallacia Lunæ,
 Et labor in magicis sacra piare focis.
 Est agendum dominæ mentem conuertite nostræ,
 En facite illa meo pelleat ore magis.
 Tunc ego crediderim uobis, & sydera, & amnes
 Posse Citeinis ducere carminibus.
 Et uos qui serò lapsum reuocatis amici,
 Querite non sani pectoris auxilia.
 Fortiter & ferrum, seuos patiemur & ignes,
 Sit modò libertas quæ uelit ira loqui.
 Ferte per extremas gentes, & ferte per undas,
 Quà non ulla meum scemina norit iter.
 Vos remanete, quibus facili Deus annuet aure,
 Sitis & in tuto semper amore pares.
 In me nostra uenus noctes exercet amaras,
 Et nullo uacuius tempore desit Amor.
 Hoc moneo uitate malum sua quenque moretur
 Cura, neque assueto mutet amore locum.
 Quòd si quis monitis tardas aduerterit aures,
 Heu referet quanto uerba dolore mea.

AD CYNTHIAM.

Quid iuuat ornato procedere uita capillo,
 Et tenues Coa ueste mouere sinus?
 Aut quid Oröthea crines pfundere myrrhæ?
 Teq; peregrinis uendere muneribus?
 Naturæq; decus mercato perdere cultu,
 Nec sinere in proprijs membra nitere bonis?

Crede mihi non ulla tuae medicine figura est,
Nudus amor formæ non amat artificem
Aspice quos summitat humus formosa colores,
Et ueniant ederæ sponte sua melius,
Surgat & in solis formosius arbutus antris,
Et sciat indociles currere lymphæ uiæ.
Littora natiuis pellucet picta lapillis,
Et uolucres nulla dulcius arte canunt.
Non sic Leucippis succedit Castora Phœbe,
Pollucem cultu non Thelaira soror,
Non Idæ, & cupido quondam discordia Phœbo
Eueni patrijs filia littoribus,
Nec Phrygium falso traxit candore maritum
Auecta externis Hippodamia rotis:
Sed facies aderat nullis obnoxia gemmis,
Qualis Apelleis est color in tabulis.
Non illis studium uulgo conquirere amantes,
Illis ampla satis forma pudicitia.
Non ego nunc uereor ne sim tibi uilior istis,
Vni si qua placet, culta puella sat est.
Cum tibi præsertim Phœbus sua carmina donet,
Aoniamq; libens Calliopea lyram.
Vnica nec desit iucundis gratia uerbis,
Omnia quæq; Venus, quæq; Minerva probat.
His tu semper eris nostræ gratissima uitæ
Tædia dum misere sint tibi luxuriæ.

AD CYNTHIAM.

Q Valis Thesea iacuit cedente carina

Languida

Languida desertis Gnoſſia littoribus:
Qualis & accubitu primo Cepheia ſomno
Libera iam duris cōtibus Andromode,
Nec minus aſſiduis Aedonis feſſa choreis,
Qualis in herboſo concidit Appidano,
Taliſ uifa mihi mollem ſpirare quietem,
Cynthia non certis & nixa caput manibus,
Ebria cū multo traherem uestigia Baccho,
Et quaterent ſera nocte facem pueri.
Hanc ego nondum etiam ſenſus deperditus omnes
Molliter impreſſo conor adire toro
Et quamuis duplici correptum ardore iuberent
Hæc Amor, hæc liber, durus uterque Deus,
Subiecto leuiter poſitam tentare lacerto,
Oſculaq; admoto ſumere, & arma manu:
Non tamen auſus eram domine turbare quietem
Expertæ metuens iurgia ſeuitiæ,
Sed ſic intentis hærebam fixus ocellis,
Argus ut ignotis cornibus Inachidos.
Et modò ſoluebam noſtra de fronte corollas,
Ponebamq; tuis Cynthia temporibus
Et modò gaudebam lapſos formare capillos,
Nunc furtiua cauiſ poma dabam manibus:
Omniaq; ingrato largibar munera ſomno.
Munera de prono ſepe uoluta ſinu.
Et quoties raro duxti ſuſpiria motu,
Obſtupui uano credulus auſpicio,
Nequa tibi inſolitos portarent uiſa timores
Ne'ue quis inuitam cogeret eſſe ſuam,
Donec diuerſas percurrrens luna fenestrās,

Luna moraturis sedula luminibus,
 Compositos leuibus radijs patefecit ocellos,
 Sic ait in molli fixa toro cubitum,
 Tandem te nostro referens iniuria lecto
 Alterius clausis expulit è foribus:
 Nanque ubi longa meæ consumpsisti tempora noctis,
 Languidus exactis hei mihi syderibus,
 O' utinam tales producas improbe noctes,
 Me miseram quales semper habere iubes.
 Nam modo purpureo fallebam stamine somnum,
 Rursus & Orphææ carmine fessæ lyre,
 Interdum grauitèr mecum deserta querebar
 Externo longas sæpe in amore moras,
 Dum me iucundis lapsam sopor impulit alis,
 Illa fuit lacrymis ultima cura meis.

A D B A S S V M:

Quid mihi tam multas laudando Bassæ puellas
 Mutatum domina cogis abire mea?
 Quid me nō pateris uitæ quodcunq; sequetur
 Hoc magis asueto uiuere seruitio?
 Tu licet Antiopæ formam Nyctæidos, & tu
 Spartanæ referas laudibus Hermionæ,
 Et quasunque tulit formosi temporis ætas,
 Cynthia non illas nomen habere sinat,
 Nedum si leuibus fuerit collata figuris,
 Inferior duro iudice turpis eat.
 Hæc sed forma mei pars est extrema furoris,
 Sunt maiora, quibus Bassæ perire iuuat,

Ingenuus color, & multis decus artibus, & quæ

Gaudia sub tacita dicere ueste libet.

Quò magis & nostros contendis soluere amores

Hoc magis accepta fallit uterque fide.

Non impune feres, sciet hæc insana puella,

Et tibi non tacitis uocibus hostis erit,

Nec tibi me posthæc committet Cynthia, nec te

Queret, erit tanti criminis illa memor,

Et te circum omneis alias irata puellas

Deferet, heu nullo limine charus eris.

Nullas illa suis contemnet fletibus aras,

Et quicumque sacer, qualis ubique lapis.

Non ullo grauius tentatur Cynthia damno,

Quàm sibi cum rapto cessat amore Deus,

Præcipue nostri: maneat sic semper adoro,

Nec quicquam ex illa, quod querar, inueniam.

AD AEMVLVM SVVM
GALLVM.

INuide tu tandem uoces compeſce molestas,

Et sine nos cursu, quo sumus, ire pares.

Quid tibi uis insane meos sentire furores?

Infelix properas ultima nosse mala,

Et miser ignotos uestigia ferre per ignes.

Et bibere è tota toxica Theſſalia.

Non est illa uagis similis collata puellis,

Molliter irasci non solet illa tibi.

Quod si forte tuis non est contraria uotis,

At tibi curarum millia quanta dabit.

Non tibi iam somnos, non illa relinquet ocellos
 Illa feros animis alligat una uiros.
 Ab mea contemptus quoties ad limina cures
 Cum tibi singultu fortia uerba cadent,
 Et tremulis moestus orietur fletibus horror,
 Et timor informem ducet in ore notam.
 Et quaecunque uoles fugient tibi uerba querenti,
 Nec poteris qui sis, aut ubi nosse miser.
 Tum graue seruitium nostræ cogere puellæ
 Discere, & exclusum quid sit abire domum.
 Nec iam pallorem toties mirabere nostrum,
 Aut cur sim toto corpore nullus ego.
 Nec tibi nobilitas poterit succurrere amanti.
 Nescit amor priscis cedere imaginibus:
 Quod si parua tuæ dederis uestigia culpæ,
 Quam cito de tanto nomine rumor eris.
 Non ego tum potero solatia ferre roganti,
 Cum mihi nulla mei sit medicina mali,
 Sed pariter miseri socio cogemur amore
 Alter in alterius mutua flere sinu.
 Quare quid possit mea Cynthia, desine Galle
 Querere non impune illa rogata uenit.

A D T V L L V M.

Non ego nunc Hadriæ uereor mare noscere tecum
 Tulle, neque Aegeo ducere uela salo,
 Cum quo Riphæos possim conscendere montes,
 Vltcriusq; domos uadere Memnonias,
 Sed me complexæ remorantur uerba puellæ,

Mutatoq; graues sepe colore preces
Illa mihi totis argut at noctibus ignes,
Et queritur nullos esse relictos deos:
Illa meam mihi iam se denegat, illa minatur
Quae solet irato tristis amica uiro.
His ego non horam possum durare querelis.
Ah pereat, si quis lentus amare potest.
An mihi sit tanti doctas cognoscere Athenas
Atque Asiae ueteres cernere diuitias,
Vt mihi deducta faciat conuitia puppi
Cynthia, & infans ora notet manibus?
Osculaq; opposito dicat sibi debita uento,
Et nihil infido durius esse uiro?
Tu patrui meritis conare anteire secures
Et uetera oblitus iurare refer socijs.
Nam tua non aetas unquam seruiuit amori,
Semper at armata cura fuit patriae.
Et tibi non unquam nostros puer iste labores
Afferat, & lacrymis omnia nota meis.
Me sine, quem semper uoluit fortuna iacere,
Hanc animam extremæ reddere nequitiae.
Multi longinquo periere in amore libenter,
In quorum numero me quoque terra tegat.
Non ego sum laudi, non natus idoneus armis,
Hanc me militiam fata subire uolunt.
At tu seu mollis qua tendit Ionia, seu qua
Lydia Pactoli tingit aratra liquor,
Seu pedibus terras, seu pontum carpere remis
Ibis, & accepti pars eris imperii,
Tum tibi si qua mei ueniet non immemor hora,

Viuerē me duro sydere certus eris.

AD PONTICVM POETAM.

Cvm tibi Cadmeæ dicuntur Pontice Thebæ,
Armaq; fraternæ tristia militiæ,
Atque ita sim felix, primo contendis Homero,
Sint modò fata tuis mollia carminibus.
Nos, ut consueamus, nostros agitamus amores,
Atque aliquid duram quærimus in dominam:
Nec tantum ingenio, quantum seruire dolori
Cogor, & ætatis tempora dura queri.
Hic mihi conteritur uitæ modus, hæc mea fama est.
Hinc cupio nomen carminis ire mei.
Me laudent doctæ solum placuisse puellæ
Pontice, & iniustas sæpe tulisse minas.
Me legat assidue post hæc neglectus amator.
Et prosint illi cognita nostra mala.
Te quoque si certo puer hic concusserit arcu,
Quod nolim nostros euolasse Deos,
Longè castra tibi, longè miser agmina septem
Flebis in æterno surda iacere situ:
Et frustra cupiens mollem componere uersum,
Nec tibi subiciet carmina sæuus amor.
Tunc me non humilem mirabere sæpe poetam,
Tunc ego Romanis præfar ingenijs:
Nec poterunt iuuenes nostro reticere sepulchro,
Ardoris nostri magni poeta iaces.
Tu caue nostra tuo contemnas carmina fastu,
Sæpe uenit magno scœnore tardus amor,

AD CYNTHIAM.

TV'ne igitur demens? nec te mea cura moratur?

Ant tibi sum gelida uilior Illyria?

Et tibi iam tanti, quicumque est iste, uidetur,

Vt sine me uento quolibet ire uelis?

Tu'ne audire potes uestri murmura ponti?

Fortis & in dura naue iacere potes?

Tu pedibus teneris positas sulcare pruina?

Tu potes insolitas Cynthia ferre niues?

O' utinam hybernæ duplicentur tempora brumæ,

Et sit iners tardis nauita Vergilijs,

Nec tibi Tyrrenasoluatur funis arena,

Né ue inimica meas eleuet aurea preces:

Atque ego non uideam tales subsidere uentos,

Cum tibi prouectas auferet unda rates,

Et me defixum uacua patiaris arena

Crudelem infesta sæpe uocare manu.

Sed quocunque modo de me periura mereris,

Sit Galatea tuæ non aliena uie,

Vt te felici uectam per cæcula remo,

Accipiat placidis Oricos æquoribus.

Nam me non ullæ poterunt corrumpere tædæ,

Quin ego uicta tuo limine uerba querar.

Nec me definiet, nautas rogitare citatos,

Dicite quo portu clausa puella mea est:

Et dicam, Atracij licet hæc consadat in oris,

Et licet Eleis, illa futura mea est:

Hic erit, hic iurata manet, rumpantur iniqui,

Vicinus, assiduus non tulit illa preces.

Falsa licet cupidus deponat gaudia liuor,
 Destitit ire nouas Cynthia nostra uias.
 Illi charus ego, & per me charissima Roma
 Dicitur, & sine me dulcia regna negat:
 Illa uel angusto mecum requiescere lecto,
 Et quocunque modo maluit esse mea,
 Quam sibi dotatae regnum uetus Hippodamiae,
 Et quas Elis opes ante pararat equis:
 Quamuis magna daret, quamuis maiora daturus,
 Non tamen illa meos fugit auara sinus.
 Hanc ego non auro, non Indis flectere conchis,
 Sed potui blandi carminis obsequio.
 Sunt igitur Musae, neque amanti tardus Apollo,
 Quaeis ego fretus amo, Cynthia rara mea est.
 Nunc mihi summa licet contingere sidera plantis,
 Siue dies, seu nox uenerit, illa mea est.
 Nec mihi riualis certos subducet amores.
 Ista meam norit gloria caniciem.

AD PONTICVM SVVM.

Dicebam tibi uenturos irrisor amores,
 Nec tibi perpetuò libera uerba fore:
 Ecce iaces supplexq; uenis ad iura duellae,
 Et tibi nunc quaeuis imperat emptà modò
 Non me Chaoniae uincant in amore columbae.
 Dicere quos iuuenes quaeq; puella domet
 Me dolor, & lacrymae meritò fecere peritum,
 Atque utinam posito dicar amore rudis.
 Quid tibi nunc misero prodest graue dicere carmen?

Aut Amphionia moenia flere lyrae?
 Plus in amore ualet Minnermi uersus Homero:
 Carmina mansuetus lenia querit amor.
 Iqueso, & tristes istos deponere libellos,
 Et cane quod queuis nosse puella uelit.
 Quid si non esset facilis tibi copia? nunc tu
 Insanus medio sumine queris aquam.
 Necdum etiam palles, uero nec tangeris igni,
 Hæc est uenturi prima fauilla mali.
 Tum magis Armenias cupies accedere tigres,
 Et magis infernè uincula nosse rotæ,
 Quàm pueri toties arcum sentire medullis,
 Et nihil iratæ posse negare tuæ.
 Nullus amor quicquam facileis ita præbuit alas,
 Ut non alterna presserit ille manu.
 Nec te decipiat, quòd sit satis illa parata,
 Acrius illa subit Pontice signa tua est.
 Quippe ubi non liceat uacuos seducere ocellos,
 Nec uigilare alio nomine cedat amor.
 Qui non antè patet, donec manus attigit ossa,
 Quisquis es assiduus aufuge blanditias.
 Illis & silices, & possunt cedere quercus,
 Nedum tu possis spiritus iste leuis.
 Quare si pudor est, quàm primum errata fatere,
 Dicere quo pereas sæpe in amore iuuat.

A D G A L L V M

O lucunda quies, primo cion testis amori
 Affueram uestris conscius in lacrymis.

O noctem meminisse mihi iucunda uoluptas,
O quoties uotis illa uocanda meis.
Cum te complexa morientem Galle puella,
Vidimus, & longa ducere uerba mora.
Quamuis labentis premeret mihi somnus ocellos,
Et medijs coelo Luna ruberet equis,
Non tamen à uestro potui secedere lusu,
Tantus in alternis uocibus ardor erat.
Sed quoniam non es ueritus concedere nobis,
Accipe commissæ munera letitiæ.
Non solum uestros didici reticere dolores,
Est quiddam in nobis maius amice fide.
Possum ego diuisos iterum coniungere amantes,
Et dominæ tardas possum aperire fores.
Et possum alterius curas sanare recentis,
Nec leuis in uerbis est medicina meis.
Cynthia me docuit semper quæcunque petenda,
Quæq; cauenda forent, nonnihil egit amor.
Tu caue ne tristi cupias pugnare puellæ,
Ne ue superba loqui, ne ue tacere diu,
Neu siquid petijt, ingrata fronte negaris,
Neu tibi pro uano uerba benigna cadant.
Irritata uenit quando contemnitur illa,
Nec meminit iustas ponere læsa minas.
At quò sis humilis magis, & subiectus amori,
Hòc magis effecto sæpe fruarè bono.
Is poterit felix una remanere puella,
Qui nunquam uacuo pectore liber erit.

AD CYNTHIAM.
E Cquid te medijs cessantem Cynthia Baijs,

Quà iacet Herculeis semita littoribus,
Et modò Thesproti mirantem subditaregno
Proxima Misenis æquora nobilibus,
Nostri cura subit memores abducere noctes,
Ecquis in extremo restat amore locus?
An te nescio quis simulatis ignibus hostis
Sustulit e nostris Cynthia carminibus?
Atque utinam mage te remis confisa minutis
Paruula Lucrina cymba moretur aqua,
Aut teneat clausam tenuit tentantis in unda
Alternè facilis cedere lymphæ manu,
Quàm uacet alterius blandos audire susurros
Molliter in tacito littore compositam:
Vt solet amoto labi custode puella
Persida, communes nec meminisse deos.
Non quia perspecta non est mihi cognita fama,
Sed quòd in hac omnis parte timetur amor.
Ignoscas igitur, si quid tibi triste libelli
Attulerint, nostri culpa timoris eris.
An mihi non maior charæ custodia matris?
Aut sine te uitæ cura sit ulla meæ?
Tu mihi sola domus, tu Cynthia sola parentes,
Omnia tu nostræ tempora letitiæ.
Seu tristis ueniam, seu contrà lætus amicis,
Quicquid ero, dicam, Cynthia causa fuit.
Tu modò quàm primum corruptas desere Baias,
Multis ista dabunt littora dissidium,
Littora, quæ fuerant castis inimica puellis.
Ah pereant Baisæ crimen amoris aquæ.

A D C Y N T H I A M.

Quid mihi desidiæ non cessas fingere crimen,
 Quod faciat nobis conscia Roma morant?
 Tam multa illa meo diuisa est millia lecto,
 Quantum Hypanis Veneto dissidet Eridano.
 Nec mihi consuetos amplexu nutrit amores
 Cynthia, nec nostra dulcis in aure sonat.
 Olim gratus eram, non illo tempore cuiquam
 Contigit, ut simili posset amare fide.
 Inuidiæ fuimus, num me Deus obruit? an quæ
 Lecta Prometheis diuidit herba iugis?
 Non sum ego, qui fueram, mutat uia longa puellas.
 Quantus in exiguo tempore fugit amor.
 Nunc primum longas solus cognoscere noctes
 Cogor, & ipse meis auribus esse grauis.
 Felix qui potuit præsentis flere puellæ:
 Nonnihil aspersis gaudet amor lacrymis,
 Aut si despectus potuit mutare calores,
 Sunt quoque translato gaudia seruitio.
 Mi neque amare aliam, neque ab hac discedere fas est:
 Cynthia prima fuit, Cynthia finis erit.

A D G A L L V M.

TV, quod sepe soles, nostro latabere casu
 Galle, quod abrepto solus amore uacem.
 At non ipse tuas imitabor perfide uoces,
 Fallere te nunquam Galle puella uelit.
 Dum tibi deceptis augetur fama puellis,

Certus & in nullo quæris amore moram,
Perditus in quadam tardis pallescere curis
Incipis, & primo lapsus adire gradu:
Hæc erit illarum contempti poena doloris,
Multarum miseras exigit una uices.
Hæc tibi uulgares istos compescet amores,
Nec noua querendo semper amicus eris.
Hæc ego non rumore malo, non augure doctus,
Vidi ego: me, quæso, teste negare potes?
Vidi ego te toto uinctum languescere collo,
Et flere iniectis Galle diu manibus,
Et cupere optatis animam deponere uerbis,
Et quæ deinde meus celat amice pudor.
Non ego complexus potui diducere uestros,
Tantus erat demens inter utrosque furor.
Non sic Aemonio Salmonida mistus Enipheo
Tænarius facili pressit amore Deus.
Nec sic cœlestem flagrans amor Herculis Heben
Sensit in Oetæis gaudia prima iugis.
Vna dies omnis potuit præcurrere amantes:
Nam tibi non tepidas subdidit illa faces,
Nec tibi præteritos passa est succedere fastus,
Nec sinet abduci, te tuus ardor aget.
Ne mirum cum sit Ioue digna, & proxima Lede,
Et Ledæ partu gratior una tribus:
Illa sit Inachijs & blandior Heroinis,
Illa suis uerbis cogat amare Iouem:
Tu uerò quoniam semel es periturus amore,
Vtere, non alio limine dignus eras.
Quæ tibi sit felix, quoniam nouus incidit error,

Et quodcunque uoles, una sit ista tibi.

A D T V L L V M.

TV licet adiectus Tyberina molliter unda,
 Lesbia Mentoreo uina bibas opere,
 Et modò tam celeres mireris currere lyntres,
 Et modò tam tardas funibus ire rates,
 Et nemus omne satas intendat uertice syluas,
 Vrgetur quantis Caucasus arboribus,
 Non tamen ista meo ualeant contendere amorì.
 Nescit amor magnis cedere diuitijs.
 Nam siue optatam mecum trahit illa quietem,
 Seu facili totum ducit amore diem,
 Tunc mihi Pactoli ueniunt sub tecta liquores,
 Et legitur rubris gemma sub æquoribus,
 Tum mihi cessuros spondent mea gaudia reges.
 Quæ mancant, dum me fata perire uolent.
 Nam quis diuitijs aduerso gaudet amore?
 Nulla mihi tristi præmia sunt Venere.
 Illa potest magnas heroum infringere uires,
 Illa etiam duris mentibus esse dolor.
 Illa neque Arabium metuit transcendere limen,
 Nec timet ostrino Tulle subire toro,
 Et miserum toto iuuenem uersare cubili.
 Quid releuant uarijs serica textilibus?
 Quæ mihi dum placata aderit, non ulla uerebor
 Regna, nel Alcinoi munera despicere.

A D C Y N T H I A M.

SAepe ego multa tuæ leuitatis damna timebam,
 Hac tamen excepta Cynthia perfidia.

Aspice

Aspice me quanto rapiat fortuna periclo,
Tu tamen in nostro lenta timore uenis,
Et potes externos manibus componere crines.
Et longa faciem querere desidia,
Nec minus eois pectus uariare lapillis,
Ut formosa nouo quæ parat ire uiro.
At non sic Itaci digressu mota Calypso
Desertis olim fleuerat æquoribus.
Multos illa dies incomptis mœsta capillis
Sederat iniusto multa locuta salo.
Et quamuis unquam posthac uisura, dolebat
illa tamen longæ conscia letitiæ.
Alphesibœa suos ulta est pro coniuge fratres,
Sanguinis & chari uincula rupit amor.
Nec sic Aesoniden rapientibus anxia uentis
Hypsipyle uacuo constitit in thalamo.
Hypsipyle nullos post illos sensit amores,
Ut semel Aemonio tabuit hospitio.
Coniugis Euadne miseros elata per ignes,
Occidit Argiæ fama pudicitie.
Quarum nulla tuos potuit conuertere mores,
Tu quoque uti fieres nobilis historia.
Desine iam reuocare tuis periuria uerbis
Cynthia, & oblitos parce mouere Deos.
Audax ab nimium nostro dolitura periclo,
Siquid fortè tibi durius inciderit.
Multa prius uasto labentur flumina ponto,
Annus & inuersas duxerit antè uices,
Quàm tua sub nostro mutetur pectore cura,
Sis quodcunque uoles, non aliena tamen:

Quam'ue mihi uiles isti uideantur ocelli,
 Per quos sæpe mihi credita perfidia est.
 Hos tu iurabas, si quid mentita fuisses,
 Ut tibi suppositis exciderent manibus,
 Et contra magnum potes hos attollere solem?
 Nectremis admissæ conscia nequitiae?
 Quis te cogebat multos pallere colores,
 Et fletum inuitis ducere luminibus?
 Quis ego nunc pereo similes moniturus amantes,
 O' nullis tutum credere blanditijs.

V E R B A I A N V A E C O N -
 Q U E R E N T I S .

Q Væ fuerant magnis olim patefacta triumphis
 Ianua Tarpeiae nota pudicitiae,
 Cuius inaurati celebrarunt limina curru
 Captorum lacrymis humida supplicibus,
 Nunc ego nocturnis potorum saucia rixis,
 Pulsata indignis sæpe queror manibus.
 Et mihi non desunt turpes pendere corollæ,
 Semper & exclusis signa iacere faces.
 Nec possum infamis dominae defendere noctes
 Nobilis obscænis tradita carminibus.
 Nec tamen illa suæ reuocatur parcere famæ
 Turpior, & secl' uiuere luxuria.
 Has inter grauib' cogor deslere querelis
 Supplicis à longis tristior excubijs.
 Ille meos nunquam patitur requiescere postes
 Arguta referens carmina blanditia.

Ianua uel domina penitus crudelior ipsa,
Quid mihi tam duris clausa taces foribus?
Cur nunquam reſerata meos admittis amores,
Nescia furtiuas reddere mota preces?
Nulla'ne finis erit nostro conſeſſa dolori?
Turpis & in tepido limine ſomnus erit?
Me mediæ noctes, me ſydera plena iacentem,
Frigidaq; eoo me dolet aura gelu.
Tu ſola humanos nunquam miſerata dolores,
Reſpondes tacitis mutua cardinibus.
O' utinam traiecta cauamea uocula rima,
Percuſſas dominae uertat in auriculas,
Sit licet & ſaxo patientior illa Sicano,
Sit licet & ferro durior, & chalybe,
Non tamen illa ſuos poterit compeſcere ocellos,
Surget & inuitis ſpiritus in lacrymis.
Nunc iacet alterius felici nixa lacerto,
At mea nocturna uerba cadunt Zephyro.
Sed tu ſola mei tu maxima cauſa doloris
Viſta meis nunquam ianua muneribus,
Te non ulla meæ leſit petulantia linguæ,
Quæ ſolet irato dicere uerba loco,
Vt me tam longa raucum patiare querela,
Sollicitas triuio peruigilare moras.
At tibi ſepe nouo deduxi carmina uerſu,
Oſculaq; impreſſis nixa dedi gradibus.
Ante tuos quoties uerti me perfida poſtes,
Debitaq; oculcis uota tuli manibus?
Hæc ille, & ſi quæ miſeri nouiſtis amantes,
Et matutinis obſtrepit alitibus:

*Sic ego non dominæ uitij, & semper amantis
Fletibus æterna differor inuidia.*

AD CYNTHIAM DE MARIS
TEMPESTATE.

AT meritò, quoniam potui fugisse puellam,
Nunc ego desertas alloquor Alcyonas.
Nec mihi Castiope solito uisura carinam,
Omniaq; ingrato littore uota cadunt.
Quinetiam absenti profunt tibi Cynthia uenti,
Aspice quàm seuas increpat aura minas.
Nulla'ne placata ueniet fortuna procellæ?
Heccine parua meum funus arena teget?
Tu tamen in melius seuas conuerte querelas,
Sat tibi sit poenæ nox, & iniqua uada.
An poteris siccis mea fata reponere ocellis?
Ossaq; nulla tuo nostra tenere sinu?
Ah pereat quicumque rateis, & uela parauit
Primus, & inuito gurgite fecit iter.
Non'ne fuit melius dominæ peruincere mores?
Quamuis dura, tamen rara puella fuit,
Quàm sic ignotis circumdata littora syluis
Cernere, & optatos querere Tyndaridas?
Illic siqua meum sepelissent fata dolorem,
Ultimus & posito staret amore lapis,
Illa meo charos donasset funere crines
Molliter, & tenera poneret ossa rosa.
Illa meum extremo clamasset puluere nomen,
Ut mihi non ullo pondere terra foret.

At uos equoreæ formosa Doride natæ
 Candida felici soluite uela Noto:
 Si quando uestras labens amor attigit undas,
 Mansuetis socio parcite littoribus.

AD CYNTHIAM.

Hæc certè deserta loca, & taciturna querenti,
 Et uacuum Zephyri possidet aura nemus.
 Hic licet occultos proferre impune dolores,
 Si modò sola queant saxa tenere fidem.
 Vnde tuos primùm repetam mea Cynthia fastus?
 Quod mihi das flendi Cynthia principium?
 Qui modò felices inter numerabar amantes,
 Nunc in amore tuo cogor habere notam.
 Quid tantum merui? quæ te mihi carmina mutant?
 An noua tristitiæ causa puella tue?
 Sic mihi te referas leuis, ut non altera nostro
 Limine formosos intulit ulla pedes.
 Quamuis multa tibi dolor hic meus aspera debet,
 Non ita seuatamen uenerit ira mea,
 Vt tibi sim meritò semper furor, & tua flendo
 Lumina deiectis turpia sint lacrymis.
 An quia parua damus mutato signa calore?
 Et non ulla meo clamat in ore fides?
 Vos eritis testes, siquos habet arbor amores
 Fagus, & Arcadio pinus amata Deo.
 Ah quoties teneras resonant mea uerba sub umbras,
 Scribitur & uestris Cynthia corticibus.
 An tua quòd peperit nobis iniuria curas,

Quæ solùm tacitis cognita sunt foribus,
 Omnia consueui timidus perferre, superba
 Iussa, neque arguto facta dolore queri:
 Pro quo diuini fontes, & frigida rupes,
 Et datur inculto tramite dura quies,
 Et quodcunque meæ possunt narrare querelæ,
 Cogor ad argutas dicere solus aues.
 Sed qualiscunque es, resonent tibi Cynthia syluæ,
 Nec deserta tuo nomine saxa uacent.

A D C Y N T H I A M.

Non ego nunc tristes uereor mea Cynthia manes,
 Nec moror extremo debita fata rogo:
 Sed ne fortè tuo careat mihi funus amore,
 Hic timor est ipsis durior exequijs.
 Non adeò leuiter noster puer hæsit ocellis,
 Ut meus oblito puluis amore uacet.
 Illic Phylacides iucundæ coniugis heros
 Non potuit cæcis immemor esse locis:
 Sed cupidus falsis attingere gaudia palmis,
 Thessalis antiquam uenerat umbra domum.
 Illic quicquid ero, semper tua dicar imago,
 Traicit & fati littora magnus amor:
 Illic formosæ ueniant chorus heroinæ,
 Quas dedit Argiuis Dardana præda uiris,
 Quarum nullatua fuerit mihi Cynthia forma
 Grator, & tellus hoc ita iusta sinat.
 Quamuis te longæ remorentur fata senectæ,
 Chara tamen lacrymis ossa futura meis.

Que tu uiua mea possis sentire fauilla,
Tum mihi non ullo mors sit amara loco.
Quàm uereor ne te contempto Cynthia busto,
Abstrahat è nostro puluere iniquus amor,
Cogat & in uitam lacrymas siccare cadentes.
Flectitur assiduis certa puella minis.
Quare, dum licet, inter nos letemur amantes,
Non satis est ullo tempore longus amor.

A D G A L L V M.

Hoc pro continuo te Galle monemus amore,
Id tibi ne uacuo defluat ex animo.
Sæpe imprudenti fortuna occurrit amanti,
Crudelis Minijs dux erit Ascanius.
Est tibi non infra speciem, non nomine dispar
Thiodamantheo proximus ardor Hylæ.
Nunc tu siue leges umbrosæ flumina syluæ.
Siue Aniena tuos tinxerit unda pedes,
Siue gigantea spatiabere littoris ora,
Siue ubicunque uago fluminis hospitio,
Nympharum cupidas semper defende rapinas,
Non minor Ausonijs est amor in Dryadis.
Ne tibi sit durum montes, & frigida saxa
Galle, neque expertos semper adire lacus,
Que miser ignotis error perpeffus in oris
Herculis indomito fleuerat Ascanio.
Nanque ferunt olim Pagasæ naualibus Argon
Egressam longè Phasidos isse uiam,
Et iam præteritis labentem Athamantidos undis

Mysorum

Myſorum ſcopulis applicuiſſe ratem.
Hic manus heroum placidis ut conſtitit oris
Mollia compoſita littore fronde tegit :
At comes inuieti iuuenis proceſſerat ultra
Raram ſepoſiti quæreſe fontis aquam,
Hunc duo ſectati fratres aquilonia proles,
Hunc ſuper & Zethes, hunc ſuper & Calais,
Oſcula ſuſpenſis inſtabant carpere palmis,
Oſcula & alterna ferre ſupina fuga.
Ille ſub extrema pendens ſecluditur ala,
Et uolucres rano ſubmouet inſidias.
Iam Pandionie ceſſet genus Orithiæ.
Ab dolor ibat Hylas, ibat Hamadryas hinc :
Hic erat Arganti Phlegre ſub uertice montis
Grata domus nymphis humida Tynniacis.
Quam ſupra nulli pendebant debita cure
Roſida deſertis poma ſub arboribus,
Et circum irriguo ſurgebant lilia prato
Candida purpureis miſta papaueribus,
Quæ modò decerpens tenero pueriliter ungui,
Propoſito ſtorem prætulit officio :
Et modò formoſis incumbens neſcius undis
Errorem blandis tardat imaginibus.
Tandem haurire parat demiſſis flumina palmis.
Innixus dextro plena trahens humero,
Cuius ut accenſæ Dryades candore puellæ,
Miratæ ſolitos deſtituere choros,
Prolapſum leuiter facili texere liquore,
Tum ſonitum raptò corpore fecit Hylas,
Chi procul Alcides iterat reſponſa, ſed illi

Nomen ab extremis fontibus aura refert.
 His ò Galle tuos monitis seruabis amores
 Formosum nymphis credere uisus Hylam.

GALLVS LOQVITVR.

TV, qui consortem properas euadere casum,
 Miles ab Hetruscis saucius aggeribus,
 Quid nostro gemitu turgentia lumina torques?
 Pars ego sum uestrae proxima militie.
 Sic te seruato, ut possint gaudere parentes,
 Hæc soror acta tuis sentiat è lacrymis,
 Gallum per medios ereptum Caesaris enses,
 Effugere ignotas non potuisse manus,
 Et quicumque super dispersa inuenerit ossa
 Montibus Hetruscis, hæc sciat esse mea.

AD TVLLVM DE PA-
TRIA SVA.

QValis, et unde genus, qui sint mihi Tulle penates,
 Queris pro nostra semper amicitia.
 Si Perusina tibi patriæ sunt nota sepulchra,
 Italiae duris funera temporibus,
 Cum Romana suos egit discordia ciues,
 Sit mihi præcipue puluis Hetrusca dolor.
 Tu proiecta mei perpeffa es membra propinqui,
 Tu nullo miseri contegis ossa solo.
 Proxima supposito contingens Vbria campo
 Me genuit terris fertilis uberibus.

SEX. PROPERTII
AVRELII VMBRI ELE-
GIARVM LIBER
SECUNDVS.

AD MECOENATEM.



VAERITIS unde mihi toties scri-
bantur amores,

Vnde meus ueniat mollis in ora liber?
Non hæc Calliope, non hæc mihi can-
tat Apollo,

Ingenium nobis ipsa puella facit.

Sine togis illam fulgentem incedere Cois;

Hoc totum e Coa uesta uolumen erit,

Seu uidi ad frondem sparsos errare capillos,

Gaudet laudatis ire superba comis,

Siue lyre carmen digitis percussit eburnis,

Miramur faciles ut premat arte manus,

Seu ciam poscentes somnus declinat ocellos,

Inuenio causas mille poeta nouas,

Seu nuda erepto mecum luctatur amictu,

Tunc uerò longas condimus Iliadas,

Seu quicquid fecit, siue est quodcunque locuta,

Maxima de nihilo nascitur historia.

Quid mihi sit tantum Mecoenas fata dedissent,

Vt possem heroas ducere in arma manus?

Non ego Titanas canerem, non Ossan Olympo

Impositum, ut cœli Pelion esset iter.

Non ueteres Thebas, nec Pergama nomen Homeri,

Xerxis & imperio bina coisse uada,
Regna ue prima Remi, aut animos Cartaginis altæ
Cymbrorumq; minas, & bene facta mari,
Bellaq; resq; tui memorarem Cæsaris, & tu
Cæsare sub magno cura secunda fores.
Nam quoties Mutinam, aut ciuilia busta Philippos,
Aut canerem Sicula classica bella fuge,
Euerfosq; focos antiquæ gentis Hetruscæ,
Et Ptolemææ littora capta Phari,
Aut canerem Aegyptum, et nilum, cum tractus in urbem
Septem captiuis debilis ibat aquis,
Aut regnum auratis circumdata colla catenis
Actiaq; in sacra currere rostra uia.
Te mea Musa illis semper contexeret armis,
Et sumpta & posita pace fidele caput.
Theseus infernis, superi, testatur Achilles
Hic Ixioniden, ille Mœnetiaden.
Sed neque Phlegreos Iouis Enceladiq; tumultus
Intonet angusto pectore Callimachus,
Nec mea conuenit duro præcordia uersu
Cæsaris in Phrygios condere nomen auos.
Nauita de uentis, de tauris narrat arator,
Enumerat miles uulnera pastor oues.
Nos contra angusto uersamus prelia lecto:
Qua pote quisque in ea conterat arte diem.
Laus in amore mori, laus si datur altera in uno
Posse frui, fruar ò solus amore meo.
Si memini, solet illa leues culpæ puellas,
Et totam ex Helena non probat Iliada.
Sed mihi sint tangenda nouerçæ pocula Phædræ

Pocula priuigno non nociturna suo,
 Seu mihi Circeò pereundum est gramine, siue
 Colchis Colciacis urat ahena focis.
 Vna meos quoniam prædata est foemina sensus,
 Ex hac ducentur funera nostra domo.
 Omnes humanos sanat medicina dolores,
 Solus amor morbi non amat artificem.
 Tarda Philoctetæ sanauit crura Machaon,
 Phœnicis Chiron lumina Phillyrides,
 Et deus extinctum Chrcæsis Epidaurius herbis
 Restituit patrijs Androgeona focis,
 Nysus & Aemonia iuuenis, qua cuspide uulnus
 Senferat, hac ipsa cuspide sensit opem:
 Hoc si quis uitium poterit mihi demere solus
 Tantalea poterit tradere poma manu,
 Dolia uirgineis idem ille repleuerit urnis,
 Ne tenera assiduo colla grauentur aqua,
 Idem Caucasea soluet de rupe Promethei
 Brachia, & à medio pectore pellet auem.
 Quandoque igitur uitam mea fata repositent,
 Et breue in exiguo marmore nomen ero,
 Mecœnas nostræ spes inuidiosa iuuentæ,
 Et uitæ, & morti gloria iusta meæ,
 Si te forte meo ducet uia proxima busto,
 Effedacælatis siste Britanna iugis,
 Taliq; illacrymans mutæ iace uerba fauillæ,
 Huic misero fatum dura puella fuit.

CYNTHIAE PVELLAE LAVDES.

Liber eram & uacuo meditabar uiuere lecto.
 At me composita pace fefellit amor.

Cur hæc in terris facies humana moratur?

Iuppiter ignosco pristina furtiva tua.

Fulua coma est, longeq; manus, & maxima toto

Corpore, & incedit uel Ioue digna soror,

Aut cum Dulichias Pallas spatiat ad aras

Gorgonis anguifere pectus operta comis,

Qualis & Ischomache Lapithæ genus Heroine

Centauris medio grata rapina mero.

Mercurioq; Sais fertur Bæbeidos undis

Virgineum primò composuisse latus.

Cedite iam diuæ, quas pastor uiderat olim

Ideis tunicam ponere uerticibus.

Hanc utinam faciem nolit mutare senectus,

Et si Cumææ secula uatis aget.

ADVERSVM SE.

Qui nullum tibi dicebas iam posse nocere,
Hæsisisti, cecidit spiritus ille tuus.

Vis unum potes infelix requiescere mensem,

Et turpis de te iam liber alter erit.

Quærebam sicca si possit piscis arena,

Nec solitus ponto uiuere toruus aper,

Aut ego si possem studijs uigilare seueris.

Differtur, nunquam tollitur ullus amor.

Nec me tam facies, quamuis sit candida, cepit,

Lilia non domina sunt magis alba mea,

Et Mæotica nix minio si certet Hiberno,

Vtq; rosæ puro lacte natant folia,

Nec de more comæ per leuio colla fluentes,

Non oculi geminae sydera nostra faces,
Nec si qua Arabio lucet bombyce puella.

Non sum de nihilo blandus amator ego.

Quantum quod posito formose saltat Iaccho,

Egit ut euantes dux Ariadna choros,

Et quantum Aeolio cum tendat carmina plectro,

Par Aganippae ludere docta lyrae,

Et sua cum antiquae committit scripta Corinnae,

Carminaq; Erinnēs non putat æqua suis

Num tibi nascenti primis mea uita diebus

Aridus argutum sternuit omen amor?

Hæc tibi contulerunt cœlestia munera diui,

Hæc tibi ne matrem forte dedisse putes:

Non non humani sunt partus talia dona,

Ista decem menses non peperere bona.

Gloria Romanis una es tu nata puellis,

Romana accumbens prima puella Ioui,

Nec semper nobiscum humana cubilia uises,

Post Helenam hæc terris forma secunda redit.

Hæc ego non mirer flagret nostra iuuentus,

Pulchrius hæc fuerat Troia perire tibi

Olim mirabar, quod tanti in Pergama belli

Europæ, atque Asiæ causa puella fuit:

Nunc Pari tu sapiens, & tu Menelae fuisti,

Tu quia poscebas, tu quia lentus eras.

Digna quidem facies, pro qua uel obiret Achilles,

Vel Priamus, belli causa probanda fuit,

Si quis uult fama tabulas anteire uetustas,

Hic dominam exemplo ponat in antemeam:

Siue illam Hesperijs, ostendet Eois,

Vret & Eoos, uret & Hesperios.
 His saltem ut tenear iam finibus, aut mihi si quis
 Acrius ut moriar, uenerit alter amor.
 Ac ueluti primo taurus detrectat aratra,
 Post uenit assueto mollis ad arua iugo,
 Sic primo iuuenes trepidant in amore feroces,
 Debinc domiti posthæc equa, & iniqua ferunt.
 Turpia perpeffus uates est uincla Melampus
 Cognitus Iphicli subripuisse boues,
 Quem non lucra magis Pero formosa coegit
 Mox Amithaonia nupta futura domo.

AD AMANTEM.

Multa prius dominæ delicta queraris oportet,
 Sæpe roges aliquid, sæpe repulsus eas:
 Et sæpe immeritos corrumpas dentibus ungues,
 Et crepitum dubio suscitet ira pede.
 Ne quicquam perfusa meis unguenta capillis,
 Ibat & expenso planta morata gradu.
 Non hic herba ualet, non hic nocturna Citeis,
 Non per Medæa gramina cocta manus.
 Quippe ubi nec causas, nec apertos cernimus ictus,
 Vnde tamen ueniat tot mala, cæca uia est.
 Non eget hic medicis, non lectis mollibus æger,
 Huic nullum cœli tempus, & aura nocet.
 Ambulat, & subito mirantur funus amici,
 Sic est incautum quicquid habetur amor.
 Nam cui non ego sum fallace præmia uati?
 Quæ mea non decies somnia uersat anus?

Hostis si quis erit nobis, amet ipse puellas,

Gaudeat in puero si quis amicus erit:

Tranquilla tuta descendit flumine cymba.

Quid tibi tam parui littoris unda nocet?

Alter sepe uno mutat præcordia uerbo,

Alter a uix ipso sanguine mollis erit.

AD CYNTHIAM.

HOc uerum est totate ferri Cynthia Roma,
Et non ignota uiuere nequitia.

Hoc merui sperare, dabis mihi perfida poenas,

Et nobis Aquilo Cynthia uentus erit.

Inueniam tamen è multis fallacibus unam,

Quæ fieri nostro carmine nota uelit.

Nec mihi tam duris insultet moribus, & te

Vellicet, heu serò flebis amata diu.

Nunc est ira recens, nunc est discedere tempus.

Si dolor absuerit, crede redibit amor.

Non ita Carpathiæ uariant Aquilonibus undæ,

Nec dubio nubes uertitur atra Noto,

Quàm facile irati uerbo mutantur amantes,

Dum licet, iniusto subtrahere colla iugo.

Nec tu non aliquid, sed prima nocte dolebis.

Omne in amore malum (si patiare) leue est.

At tu per dominæ Iunonis dulcia iura

Parce tuis animis uita nocere tibi.

Non solum taurus ferit uncis cornibus hostem,

Verum etiam instanti læsa repugnat ovis.

Nec tibi periuro scindam de corpore uestes,

Nec mea præclusas fregerit ira fores,
Nec tibi connexos iratus carpere crines,
Nec duris ausim lædere pollicibus.
Rusticus hæc aliquis tam turpia prælia quærat,
Cuius non edere circummiere caput.
Scribam igitur quod non unquam tua deleat ætas,
Cynthia forma potens, Cynthia uerba leuis.
Crede mihi, quamuis contemnas murmura famæ
Hinc tibi pallori Cynthia uersus erit.

AD EANDEM.

Non ita complebant Ephyrææ Laidos ædes,
Ad cuius iacuit Græcia tota fores.
Turba Menandreæ fuerat nec Thaidos olim
Tanta, in qua populus lusit Erichthonius,
Nec quæ deletas potuit componere Thebas
Phyrne, tam multis facta beata uiris.
Quin etiam falsos fingis tibi sæpe propinquos,
Oscula nec desunt qui tibi iure ferant.
Me iuuenum facies pictæ, me nomina lædunt,
Me tener in cunis, & sine uoce puer,
Me lædet, si multa tibi dabit oscula mater,
Me soror, & cum qua dormis amica simul.
Omnia me lædent, timidus sum, ignosce timori,
Et miser in tunica suspicor esse uirum.
His olim (ut fama est) uitijs ad prælia uentum est,
His Troiana uidet funera principijs.
Aspera Centauros eadem dementia iussit
Frangere in aduersum pocula Pirithoum.

Cur exempla petam Graiūm? tu criminis autor

Nutritus duro Romule lacte lupæ,

Tu rapere intactas docuisti impune Sabinas,

Per te nunc Romæ quidlibet audet amor.

Felix admeti coniux, & lectus Vlyſſis,

Et quæcunque uiri fœmina limen amat.

Templa Pudicitæ quid opus statuiffe puellis,

Si cuius nuptæ quidlibet eſſe licet?

Quæ manus obſcœnas depinxit prima tabellas,

Et poſuit caſta turpia uiſa domo.

Illa puellarum ingenuos corrumpit ocellos,

Nequitieq; ſuæ noluit eſſe rudes.

Ah gemat in terris iſta qui protulit arte

Iurgia ſub tacita condita letitia.

Non iſtis olim uariabant teſta figuris,

Cum paries nullo crimine pictus erat:

Sed non immerito uelauit aranea fanum,

Et mala deſertos occupat herba deos.

Quos igitur tibi cuſtodes, quæ lumina ponam,

Quæ nunquam ſupra pes inimicus eat?

Nam nihil inuitæ triſtis cuſtodia prodeſt.

Quam peccare pudet, Cynthia tuta ſat eſt.

Vxor me nunquam, nunquam me ducet amica,

Semper amica mihi, ſemper & uxor eris.

AD CYNTHIAM.

Gaiſa eſt certè ſublatam Cynthia legem.

Qua quondam ediſta, ſlemus uterque diu,
Ni nos diuideret, quamuis diducere amanteis

Non

Non queat inuitos Iuppiter ipse Deos.
 At magnus Cæsar, sed magnus Cæsar in armis,
 Deuictæ gentes nil in amore ualent.
 Nam cuius paterer caput hoc discedere collo,
 Quam possem nuptæ perdere in ore faces.
 An ego transirem tua limina clausa maritus
 Respiciens udis perdita luminibus?
 Ah mea tum quales caneret tibi Cynthia cantus
 Tibia, funesta tristior illa tuba.
 Vnde mihi patrijs natos præbere triumphis?
 Nullus de nostro sanguine miles erit.
 Quod si uera meæ comitarem castra puellæ,
 Non mihi sat magnus Castoris iret equus.
 Hinc etenim tantum meruit mea gloria nomen,
 Gloria ad hybernos lata Boristenidas.
 Tu mihi sola places, placeam tibi Cynthia solus:
 Hic erit & patrio sanguine pluris amor.

AD AMICVM.

ERipitur nobis iam pridem chara puella.
 Et tu me lacrymas fundere amice uetas?
 Nullæ sunt inimiciæ, nisi amoris acerbæ,
 Ipsum me iugula, lenior hostis ero.
 Possum ego in alterius positam spectare lacerto?
 Nec mea dicetur, quæ modo dicta mea est?
 Omnia uertuntur, certe uertuntur amores.
 Vinceris, aut uincis, hæc in amore rota est.
 Magni sæpe duces, magni cecidere Tyranni,
 Et Thebæ steterant, altaq; Troia fuit.

Munera quanta dedi, uel qualia carmina feci,
Illa tamen nunquam ferrea dixit, amo.
Ergo iam multos nimium temerarius annos,
Improba qui tulerim teq; tuamq; domum.
Et quando ire tibi liber sum uisus? an usque
In nostrum iacies uerba superba caput?
Sic igitur prima moriere etate Properti.
Sed morere, interitu gaudeat illa tuo.
Exagitet nostros manes, sectetur & umbras,
Insultetq; rogis, calcet & ossa mea.
Quid non Antigones tumultu Boeotius Aemon?
Corripuit ipse suo saucius ense latus.
Et suacum miseræ permiscuit ossa puellæ,
Qua sine Thebanam noluit ire domum.
Sed non efficies, mecum moriaris oportet,
Hoc eodem ferro stilet uterque cruor.
Quamuis ista mihi mors est inhonesta futura,
Mors inhonesta quidem, tu moriere tamen.
Ille etiam abrepta desertus coniuge Achilles
Cessare in tectis pertulit arma sua.
Viderat ille fugattractos in littore Achiuos,
Feruere & Hectora Dorica castra face.
Viderat informem multa Patroclon arena
Porrectum, & sparsas cæde iacere comas.
Omnia formosam propter Briseida passus,
Tantus in erepto seuit amore dolor.
At postquam sera captiua est reddita pœna,
Fortem illum Acmonijs Hectora traxit equis.
Inferior multo cum sim uel Marte, uel armis,
Mirum si de me iure triumphat amor.

AD AMICAM DE RIVALI.

Iste quod est, ego sæpe fui, sed fors & in hora
Hoc ipso eiecto charior alter erit.

Penelope poterat his denuos salua per annos

Viuere, tam multis fœmina digna procis,

Coniugium falsa poterat differre Minerua,

Nocturno soluens texta diurna dolo.

Visura & quamuis nunquam speraret Vlysssem,

Illum expectando facta remansit anus.

Nec non exanimem amplectens Briseis Achillem

Candida uesana uerberat ora manu.

Et dominum lauit mœrens captiua cruentum,

Appositum fluijs in Simoenta uadis

Fœdauitq; comas, & tanti corpus Achillis,

Maximaq; in parua sustulit ossa manu,

Cum tibi nec Peleus aderat, nec cœrula mater.

Scyria nec uiduo Deidamia uiro.

Tunc igitur ueris gaudebat Græcia natis.

Tunc etiam felix inter & arma pudor.

At tu non una potuisti nocte uacare

Impia, non unum sola manere diem.

Quin etiam multo duxisti pocula luxu,

Forsitan & de me uerba fuere mala.

Hic etiam petitur, qui te prius ipse reliquit,

Dij faciant isto capta fruarè uiro.

Hæc mihi uota tuam propter salutem,

Cum capite hoc Stygiæ iam peterentur aquæ,

Et lectum flentes circumstaremus amici,

Hic ubi tum, prò dij, perfida, quis ue fuit?

Quid

Quid si longinquos retinere miles ad Indos?
Aut mea sistaret navis in Oceano?
Sed uobis facile est uerba, & componere fraudes,
Hoc unum didicit foemina semper opus.
Non sic incerto mutatur flamine Syrtes,
Nec folia hyberno tam tremefacta Noto,
Quam cito foemina non constat foedus in ira,
Siue ea causa grauis, siue ea causa leuis.
Nunc quoniam ista tibi placuit sententia, cedam,
Tela precor pueri figite acuta magis.
Figite certantes, atque hanc mihi soluite uitam:
Sanguis erit nobis maxima palma meus.
Sydera sunt testes, & matutina pruina,
Et furtim misero ianua aperta mihi,
Te nihil in uita nobis acceptius unquam,
Nunc quoque eris, quamuis sis inimica mihi.
Nec domina ulla meo ponet uestigia lecto,
Solutus ero quoniam non licet esse tuum.
Atque utinam si forte pios eduximus annos,
Ille uir in medio fiat amore lapis.
Non ob regna magis diris cecidere sub armis
Thebani media non sine matre duces,
Quam, mihi si media liceat pugnare puella,
Mortem ego non fugiam morte subire tua.

A D M V S A M.

Iam tempus lustrare alijs Helicon choreis,
Et campum Aemonio iam dare tempus equo.
Iam libet & fortes memorare ad praelia turmas,

Et Romana mei dicere castra ducis.
Quòd si deficient uires, audacia certè
Laus erit in magnis & uoluisse sat est.
Aetas prima canat ueneres, extrema tumultus
Bella canam, quando scripta puella mea est.
Nunc uolo subducto grauior procedere uultu:
Nunc aliam citharam me mea musa docet.
Surge anima ex humili iam carmine, sumite uires
Pierides magni nunc erit oris opus.
Iam negat Euphrates equitem post terga tueri
Partorum, & Crasos se tenuisse dolet.
India quin Auguste tuo dat colla triumpho,
Et domus intus te tremit Arabia.
Et si qua extremis tellus se subtrahit oris,
Sentiet illa tuas postmodò uicta manus.
Hæc ego castra sequar uates tua castra canendo.
Magnus ero, seruent hunc mihi fata diem.
Ut caput in magnis, ubi non est tangere, signis
Ponitur hic imos ante corona pedes,
Sic nos nunc inops laudis conscendere carmen
Pauperibus sacris uilia tura damus.
Nondum etiam Aschraeos norunt mea carmina fontes,
Sed modò Permessi flumine lauit amor.

AD CYNTHIAM.

Scribant de te alij, uel sis ignota licebit,
Ludet, qui sterili semina ponit humo.
Omnia (crede mihi) tecum uno munera lecto
Auferet extremi funeris atra dies.



*Et tua transibit contemnens ossa uiator,
Nec dicet, cinis hic docta puella fuit.*

D E A M O R E.

Q Vicunq; ille fuit, puerum qui pinxit Amorem,
Non ne putas miras hunc habuisse manus?
Is primum uidit sine sensu uiuere amantes,
Et leuibus curis magna perire bona.
Idem non frustra uentosas addidit alas,
Fecit & humano corde uolare Deum:
Scilicet alterna quoniam iactamur in unda,
Nostraq; non ullis permanet aura locis.
Et meritò hamatis manus est armata sagittis,
Et pharetra ex humero Gnosia utroque sonat.
Ante ferit quoniam, tuti quàm cernimus hostem,
Nec quisquam ex illo uulnere sanus abit.
In me tela manent, manet & puerilis imago,
Sed certè pennas perdidit ille suas.
Euolat è nostro quoniam de pectore nusquam,
Assiduusq; meo sanguine bella gerit.
Quid tibi iucundum siccis habitare medullis?
Si puer es, aliò traice tela tua.
Intactos isto satius tentare ueneno,
Non ego, sed tenuis uapulat umbra mea:
Quam si perdidideris, quis erit, qui talia cantet?
Hæc mea Musa leuis gloria magna tua est.
Quæ caput, & digitos, & lumina nigra puellæ,
Et canit ut soleant molliter ire pedes,

AD CYNTHIAM.

Non tot Achæmenijs armantur Susa sagittis,
Spicula quot nostro pectore fixit amor.

Hic me tam graciles uetuit contemnere Musas,

Iussit & Ascræum sic habitare nemus.

Non ut Pieriæ quercus mea uerba sequantur,

Aut possim Ismaria ducere ualle feras,

Sed magis ut nostro stupefiat Cynthia uersu:

Tunc ego sum Inachio notior arte Lino.

Non ego sum formæ tantum mirator honestæ,

Nec si qua illustres fœmina iactat auos,

Me iuuat in gremio doctæ legisse puellæ,

Auribus & puris scripta probasse mea.

Hæc ubi contigerint, populi confusa ualeto

Fabula, nam domina iudice tutus ero.

Quòd si forte bonas ad pacem uerterit aures,

Possim inimicitias tunc ego ferre Iouis.

Quandocunque igitur nostros mors claudet ocellos,

Accipe quæ serues funeris acta mei.

Nec mea tunc longa spatietur imagine pompa,

Nec tuba sit fati uana querela mei:

Nec mihi tunc fulcro sternatur lectus eburno,

Nec sit in Attalico mors mea nixa toro.

Desit odoriferis ordo mihi lancibus, adsint

Plebeij parue funeris exequiæ.

Sat sit magna mei, si tres sunt pompa libelli,

Quos ego Persephone maxima dona feram.

Tu uerò nudum pectus lacerata sequeris,

Nec fueris nomen lassæ uocare meum,

Osculaq;

Osculaq; in gelidis pones suprema labellis,
Cum dabitur Syrio munere plenus onyx.
Deinde ubi suppositus cinerem me fecerit ardor,
Accipiat manes paruula testa meos:
Et sit in exiguo laurus superaddita busto,
Quæ tegat extincti funeris umbra locum.
Et duo sint uersus, qui nunc iacet arida puluis,
Vnius hic quondam seruus amoris erat.
Nec minus hæc nostri notescet fama sepulchri,
Quam fuerant Phthij busta cruenta uiri.
Tu quoque, si quando uenies ad fata, memento
Hoc iter, ad lapides cana ueni memores
Interea caue sis nos aspernata sepultos.
Nonnihil ad uerum conscia terra sapit.
Atque utinam primis animam me ponere cunis
Iussisset quæuis de tribus una soror.
Nam quò tam dubiæ se ruetur spiritus horæ?
Nestoris est uisus post tria secla cinis.
Si tam longæuæ minuiisset fata senectæ
Gallicus Iliacis miles in aggeribus
Non ille Antilochi uidisset corpus humati,
Diceret aut, ò mors cur mihi sera uenis?
Tu tamen amisso nonnunquam flebis amico,
Fas est præteritos semper amare uiros.
Testis qui niueum quondam percussit Adonim
Venantem Idalio uertice durus aper
Illis formosum fleuisse paludibus, illuc
Diceris effusa tu Venus isse coma.
Sed frustra mutos reuocabis Cynthia manes,
Nam mea quid poterunt ossa minuta loqui?

L A E T E T V R P O T I
T V S A M I C A .

Non ita Dardanio gauisus Atrida triumpho est,
Cum caderent magnæ Laomedontis opes,
Nec sic errore exacto letatus Vlysses,
Cum tetigit chare littora Dulichie,
Nec sic Electra suum saluum cum aspexit Orestem,
Cuius falsa tenens fleuerat ossa soror,
Nec sic incolumem Minois Thesea uidit,
Dædaleum Lino cum duce rexit iter,
Quanta ego præterita collegi gaudia nocte:
Immortalis ero, si altera talis erit.
At dum demissis supplex ceruicibus ibam,
Dicebar sicco uilior esse lacu.
Nec mihi iam fastus opponere querit iniquos,
Nec mihi ploranti lenta sedere potest.
Atque utinam non tam serò mihi nota fuisset
Conditio, cineri nunc medicina datur.
Ante pedes cæcis lucebat semita nobis,
Scilicet insano nemo in amore uidet.
Hoc sensi prodesse magis, contemnite amantes,
Sic hodie ueniet, si qua negauit heri.
Pulsabant alij frustra, dominamq; uocabant,
Mecum habuit positum lenta puella caput.
Hæc mihi deuictis potior uictoria Parthis,
Hæc spolia, hæc reges, hæc mihi currus erunt.
Magna ego dona tua figam Cytherea columna,
Taleq; sub nostro nomine carmen erit:

Has pono ante tuas tibi diua Propertius ædes
 Exuuias tota nocte receptus amans.
 Tunc ad te mea lux ueniet mea littora nauis,
 Seruata an medijs fidat onusta uadis?
 Et si forte aliqua nobis mutabere culpa,
 Vestibulum iaceam mortuus ante tuum.

NARRAT VOLVPTA-
 TES SVAS.

O Me felicem, nox ò mihi candida, & ò tu
 Lectule delitijs facte beate meis.
 Quam multa apposita narramus uerba lucerna,
 Quantaq; sublato lumine rixa fuit.
 Nam modo nudatis mecum est luctata papillis,
 Interdum tunica duxit operta moram.
 Illa meos somno lassos patefecit ocellos,
 Ore suo, & dixit siccine lente iaces?
 Quàm uario amplexu mutamus brachia, quantum
 Oscula sunt labris nostra morata tuis.
 Non iuuat in cæco Venerem corrumpere motu,
 Si nescis, oculi sunt in amore duces.
 Ipse Paris nuda fertur perijsse Lacæna,
 Cum Menelaëo surgeret e thalamo.
 Nudus & Endymion Phœbi cepisse sororem
 Dicitur, & nude concubuisse deæ.
 Quòd si pertendens animo uestita cubaris,
 Scissa ueste meas experiere manus.
 Quin etiam si me ulterius prouexerit ira,
 Ostendes matri brachia læsa tuæ.

Necdum

Necdum inclinatæ prohibent te ludere manumæ,
Viderit hæc siquam iam peperisse pudet.
Dum nos fata sinunt oculos satiemus amores,
Nox tibi longa uenit, nec reditura dies.
Atque utinam hærentes sic nos uincire catena
Velles, ut nunquam solueret ulla dies.
Exemplo iunctæ tibi sint in amore columbæ,
Masculus & totum foemina coniugium.
Errat qui finem uesani quærit amoris,
Verus amor nullum nouit habere modum.
Terra prius falso partu deludet arantes,
Et citius nigros sol agitabit equos.
Fluminaq; ad caput incipient reuocare liquores,
Aridus & sicco gurgite piscis erit,
Quàm possim nostros aliò transferre calores,
Huius ero uiuus, mortuus huius ero.
Quòd mihi si tecum tales concedere noctes,
Illa uelit, uitæ longus & annus erit.
Si dabit hæc multas, fiam immortalis in illis,
Nocte una quiuis uel deus esse potest.
Qualem si cuncti uellent decurrere uitam,
Et pressi multo membra iacere mero,
Non ferrum crudele esset neque bellica nauis,
Nec nostra Actiacum uerteret ossa mare.
Nec toties proprijs circum oppugnata triumphis
Lassa foret crines soluere Roma suos.
Hæc certè meritò poterunt laudare minores,
Laserunt nullos pocula nostra deos.
Tu modo, dum licet, hunc fructum ne desere uitæ,
Omnia si dederis, oscula pauca dabis.

At ueluti folia arentes liquere corollas,
 Quæ passim calathis strata natæ uides,
 Sic nobis, qui nunc magnum speramus amantes,
 Forsitan includet crastina fata dies.

A D C Y N T H I A M.

P Rætor ab Illyricis uenit modo Cynthia terris
 Maxima prædat tibi, maxima cura mihi.
 Non potuit saxo uitam posuisse Cerauno:
 Ah Neptune tibi qualia dona darem.
 Nunc sine me plena fiunt conuiuia mensa,
 Nunc sine me tota ianua nocte patet.
 Quare si sapis oblatas ne desere messes,
 Et stolidum pleno uellere carpe pecus.
 Deinde ubi consumpto restabit munere pauper,
 Dic alias iterum nauiget Illyrias.
 Cynthia non sequitur fascēs, nec curat honores,
 Semper amatorum ponderat illa sinus.
 At tu nunc nostro Venus ò succurre dolori,
 Rumpat ut assiduis membra libidinibus.
 Ergo muneribus quiuis mercatur amicam:
 Iuppiter, indigna mercede puella perit.
 Semper in Oceanum mittit me querere gemmas,
 Et iubet ex ipsa tollere dona Tyro.
 Atque utinam Romæ nemo esset diues, & ipse
 Straminea posset dux habitare casa,
 Nunquam uenales essent ad munus amicæ,
 Atque una fieret cana puella domo.
 Non quia septenas noctes seiuncta cubaris

Candida tam fœdo brachia fusa uiro.
Non quia peccaris tēstor te, sed quia uulgò
Formosis leuitas semper amica fuit.
Barbarus excussis agit at uestigia lumbis,
Et subitò felix nunc mea regna tenet.
Aspice quid donis Eriphyla inuenit amaris,
Arserit & quantis nupta Creusa malis.
Nulla ne sedabit nostros iniuria fletus?
An dolor hic uitij nescit abesse suis?
Tot iam abiire dies, cum me nec cura theatri,
Nec tetigit campi, nec mea musa iuuat.
Ah pudeat certè, pudeat, nisi fortè, quod aiunt,
Turpis amor surdis auribus esse solet.
Cerne ducem, modo qui fremitu compleuit inani
Actia damnatis æquora militibus.
Hunc infamis amor uersis dare terga carinis
Iussit, & externo querere in orbe fugam.
Cæsaris hæc uirtus, & gloria Cæsaris hæc est,
Illa, qua uicit, condidit arma manu.
Sed quascunque tibi uestes, quoscunque smaragdos,
Quos uè dedit flauo lumine chrysolithos,
Hæc uideam rapidas in uanum ferre procellas,
Quæ tibi terra uelim, quæ tibi fiet aqua.
Non semper placidus periuros ridet amantes
Iuppiter, & surda negligit aure preces.
Vidist' in toto sonitus percurrere cœlo?
Fulminaq; ætheria desiluisse domo?
Non hæc Pleiades faciunt, neque aquosus Orion,
Nec sic de nihilo fulminis ira cadit.
Periuras tunc ille solet punire puellas,

Deceptus quoniam fleuit & ipse deus.
 Quare ne tibi sit tanti sidonia uestis,
 Ut timeas quoties nubilus Auster erit.

DE EXCLVSIONE.

MEntiri noctem, promissis ducere amantem,
 Hoc erit infestas sanguine habere manus.
 Horum ego sum uates: quoties desertus amaras
 Expleui noctes fractus uterque toro?
 Vel tu Tantalea mouere ad flumina sorte,
 Ut liquor arenti fallat ab ore sitim,
 Vel tu Sisyphios licet admirere labores,
 Difficile ut toto monte uoluet onus.
 Durius in terris nihil est quod uiuat amante,
 Nec modo, si sapias, quod minus esse uelis.
 Quem modo felicem inuidia admirante fereban
 Nunc decimo admittor uix ego quoque die.
 Nunc iacere è duro corpus inuat impia saxo,
 Sumere & in nostras trita uenena manus.
 Nunc licet in triuijs sicca requiescere luna,
 Aut per rimosas mittere uerba fores.
 Quod quamuis ita sit, & dominam mutare cauebo,
 Tum flebit, cum mihi senserit esse fidem.

AD CYNTHIAM.

A sfidue multis odium peperere querelæ,
 Frangitur in tacito foemina saepe uiro.
 Siquid uidisti, semper uidisse negato,

Aut si

Aut siquid doluit fortè dolere nega.
Quid si iam canis ætas mea candeat annis?
Et faceret scissas languida ruga genas?
At non Tithoni spernens Aurora senectam
Desertum Eoa passa iacere domo est.
Illum sæpe suis decedens fouit in ulnis,
Quàm prius adiunctos sedula lauit equos.
Illum ad uicinos cum amplexa quiesceret Indos,
Maturus iterum est quæsta redire dies.
Illa deos currum conscendens dixit iniquos,
Inuitum & terris præstitit officium:
Cum maiora senis Tithoni gaudia uiui
Quàm grauis amisso Memnone luctus erat.
Cum sene non puduit talem dormire puellam,
Et canæ toties oscula ferre comæ.
At tu etiam iuuenem odisti me perfida, cum sis
Ipsa anus haud longa curua futura die.
Quin ego diminuo curam, quòd sæpe Cupido
Huic malus esse solet, cui bonus antè fuit.
Nunc etiam infectos demens imitare Britannos,
Ludis & externo tincta nitore caput.
Vt natura dedit, sic omnis recta figura,
Turpis Romano Belgicus ore color.
Illi sub terris fiant mala multa puellæ,
Quæ mentita suas uertit inepta comas.
De me mi certè poteris formosa uideri:
Mi formosa satis, si modo sæpe uenis.
An si ceruleo quedam sua tempora fuco
Tinxerit, iacirco carula forma bona est?
Cum tibi nec frater, nec sit tibi filius ullus,

Frater ego, & tibi sim filius unus ego.
 Ipse tuus semper tibi sit custodia lectus,
 Nec nimis ornata fronte sedere uelis.
 Credam ego, narranti noli committere famæ,
 Et terram rumor transilit, & maria.

A D C Y N T H I A M.

E T si me inuito discedis Cynthia Roma,
 Lætor quòd sine me deuia rura colis.
 Nullus erit castis iuuenis corruptor in agris,
 Qui te blanditijs non sinat esse probam.
 Nulla neque ante tuas orietur rixa fenestras,
 Nec tibi clamata somnus amarus erit.
 Sola eris, & solos spectabis Cynthia montes,
 Et pecus, & fines pauperis agricolæ.
 Illic te nulli poterunt corrumpere ludi,
 Fanaq; peccatis plurima causa tuis.
 Illic assidue tauros spectabis arantes,
 Et uitem docta ponere falce comas.
 Atque ibi rara feres inculto tura sacello.
 Hædus ubi agrestes corruet ante focos.
 Protinus & nuda choreas imitabere sura.
 Omnia ab externo sint modo tuta uiro.
 Ipse ego uenabor, iam nunc mea sacra Dianæ
 Suscipere, & Veneri ponere uota iuuat.
 Incipiam captare feras, & reddere Pinu
 Cornua, & audaces ipse monere canes:
 Non tamen ut uastos ausim tentare leones,
 Aut celer agrestes comminus ire sues.

Hæc igitur mihi sit lepores audacia molles
 Excipere, & stricto figere auem calamo,
 Qua formosa sua Clitumnus flumina luco
 Integit, & niueos abluit unda boues.
 Tu quoties aliquid conabere uita, memento
 Venturum paucis me tibi luciferis.
 Sic me nec solæ poterunt auertere sylvæ,
 Nec uaga muscosis flumina fusa iugis,
 Quin ego in assidua mutem tua nomina lingua.
 Absenti nemo non nocuisse uelit.

AD CYNTHIAM.

Quid flet abducta grauius Briseïde? quid flet
 Anxia captiua tristius Andromacha?
 Quid ue mea de fraude deos insana fatigas?
 Quid quereris nostram sic cecidisse fidem?
 Non tam nocturna uolucris funesta querela
 Attica Cecropijs obstrepit in folijs.
 Nec tantum Niobe bis sex ad busta superba
 Sollicito lacrymans defluit à Sippylo.
 Me licet æratis astringant brachia nodis,
 Sint mea uel Danaës condita membra domo,
 Inte ego & æratas rumpam mea uita catenas,
 Ferratam Danaës transiliamq; domum.
 De te quodcunque ad surdas mihi dicitur aures,
 Tu modo ne dubita de grauitate mea.
 Ossa tibi iuro per matris, & ossa parentis,
 Si fallo, cinis heu sit mihi uterque grauis.
 Me tibi ad extremas mansurum uita tenebras,

Ambos una fides, auferet una dies.
 Quòd si nec nomen, nec me tua forma teneret,
 Possset seruitium mite tenere tuum.
 Septima iam plenæ deducitur orbita Lunæ.
 Cum de me, & de te compita nulla tacent.
 Interea nobis nonnunquam ianua mollis,
 Nonnunquam lecti copia facta tui.
 Nec mihi muneribus nox ulla est emptæ beatæ,
 Quicquideram hoc animi gratia magna tui.
 Cum te tam multi peterent, tu me una petisti.
 Possum ego naturæ non meminisse tuæ?
 Tunc me uel tragicæ uexetis Erinyes, & me
 Inferno damnes Aeace iudicio,
 Atque inter Tityi uolucres mea penna uagetur,
 Tumq; ego Sisyphio saxa labore geram.
 Nec tu supplicibus me sis uenerata tabellis,
 Vltima talis erit, quæ mea prima fides.
 Hoc mihi perpetuò ius est, quòd solus amator
 Nec citò desisto, nec temere incipio.

A D C Y N T H I A M D E
 P A N T H O .

A H quantum de me Panthi tibi pagina sinxit,
 Tantum illi Pantho non sit amica Venus.
 Sed tibi iam uideor Dodone uerior augur,
 Vxorem ille tuus pulcher amator habet.
 Tot noctes periere, nihil pudet, aspice cantat
 Liber, tu nimium credula sola iaces.
 Et nunc inter eos tu sermo es, te ille superbus

Dicit se inuito sæpe fuisse domi.
Differeam si quicquam aliud, quam gloria de te
Queritur, has laudes ille maritus habet.
Colchida sic hospes quondam decepit Iason:
Eiecta est, tenuit nanque Creusa domum.
Sic à Dulichio iuvene est elusa Calypso,
Vidit amatorem pandere uela suum.
Ab nimium faciles aurem præbere puellæ,
Discite desertæ non temere esse bonæ.
Huic quoque, qui restat, iam pridem queritur alter,
Experta in primo stulta cauere potest.
Nos quocunque loco, nos omni tempore tecum
Siue agra pariter, siue ualente sumus.

AD DEMOPHOONTEM.

SCis here mi multas pariter placuisse puellas,
Scis mihi Demophoon multa uenire mala.
Nulla meis frustra lustrantur compita plantis,
O nimis exitio nata theatra meo:
Siue aliquis molli deducit candida gestu
Brachia, seu uarios incinit ore modos.
Interea nostri querunt sibi uulnus ocelli,
Candida non tecto pectore siqua sedet:
Siue uagi crines puris in frontibus errant,
Indica quos medio uertice gemma tenet.
Quæ si fortè aliquid uultu mihi dura negarit,
Frigida de tota fronte cadebat aqua.
Queris Demophoon cur sim tam mollis in omnes.
Quod queris quare non habet ullus amor?

Cur

Cur aliquis sacris laniat sua brachia cultris?
Et Phrygis insanos cæditur ad numeros?
Unicuique dedit uitium natura creato,
Me fortuna aliquid semper amare dedit.
Me licet & Thamyrae cantoris fata sequantur,
Nunquam ad formosas inuide cæcus ero.
Sed tibi si exiles uideor tenuatus in artus,
Falleris, haud unquam est culta labore Venus.
Percontere licet, sepe est experta puella
Officium tota nocte ualere meum.
Iuppiter Alcmenæ geminas requieuerat arctos,
Et cœlum noctu bis sine rege fuit,
Nec tamen iccirco languens ad fulmina uenit:
Nullus amor uires eripit ipse suas.
Quid cum è complexu Briseidos iret Achilles,
Num fugere minus Theßala tela Phryges?
Quid ferus Andromachæ lecto cum surgeret Hector,
Bella Mycenæ non timuere rates?
Ille, uel hic classes poterat, uel perdere muros,
Hic ego Pelides, hic ferus Hector ego.
Aspice uti cœlo modò sol, modò luna ministret,
Sic etiam nobis una puella parum est.
Altera me cupidis teneat, foueatq; lacertis,
Altera, si quando est, non sinat esse locum.
Aut si fortè irata meo sit facta ministro,
Ut sciat esse aliam, quæ uelit esse mea.
Nam melius duo defendunt retinacula nauem,
Tutius & geminos anxia mater alit.
Aut si es dura, nega: sin es non dura, uenito.
Quid iuuat in nullo pondere uerba loqui?

Hic unus dolor est ex omnibus acer amanti,
 Speranti subito si qua uenire negat.
 Quanta illum toto uersant suspiria lecto?
 Cur recipi, cum non nouerit, illa uetat?
 Et rursus puerum querendo audita fatigat,
 Quem quæ scire timet, querere plura iubet.

DE AMORIS SER-
 VITUTE.

Cui fuit indocti fugienda hæc semita uulgi,
 Ipsa petita lacu nunc mihi dulcis aqua est.
 Ingenuus quisquam alterius dat munera seruo,
 Ut commissa suæ uerba ferat dominæ?
 Et querit toties, quænam nunc porticus illam
 Integit? & campo quo mouet illa pedes?
 Deinde ubi pertuleris, quos dicit fama labores
 Herculis, ut scribat muneris & quid habes?
 Cernere uti possis uultum custodis auari,
 Captus & immunda sepe latere casa.
 Quam carè, semel in toto nox uertitur anno.
 Ah pereant, si quos ianua clausa iuuat.
 Contrà reiecto quæ libera uadit amictu,
 Custodum & nullo septa timore, placet:
 Cui sepe immundo sacra conteritur uia focco,
 Nec sinit esse moram, si quis adire uelit.
 Differet hæc nunquam, nec poscet garrula, quæ te
 Astrictus ploret sepe dedisse pater.
 Nec dicet timeo, propera iam surgere queso,
 Infelix hodie uir mihi rure uenit.

Et quas Euphrates, & quas mihi misit Orontes,
 Me capiant, nolim furta pudica tori.
 Libertas quoniam nulli iam restat amanti,
 Nullus liber erit, si quis amare uolet.

DE CYNTHIA IN
 A E M V L V M.

TV loqueris, cum sit iam toto fabula libro;
 Et tua sit toto Cynthia lecta foro.
 Cui non his uerbis aspergat tempora sudor?
 Aut pudor ingenuus, aut reticendus amor?
 Quod si tam facilis spiraret Cynthia nobis,
 Non ego nequitia dicerer esse caput,
 Nec sic per totam infamis traducerer urbem,
 Vreret & quamuis nomine, uerba darem.
 Quare ne tibi sit mirum me querere uiles:
 Parcius infamant: num tibi causa leuis?
 Et modò pauonis caudæ flabella superbæ,
 Et manibus dura frigus habere pila,
 Et cupit iratum talos me poscere eburnos,
 Quæq; nitent sacra uilia dona uia.
 Ah peream, si me ista mouent dispendia, sed me
 Fallaci dominæ iam pudet esse iocum.
 Hoc erat in primis, quod me gaudere iubebas?
 Tam te formosam non pudet esse leuem?
 Vna, aut altera nox nondum est in amore peracta,
 Et dicor lecto iam grauis esse tuo.
 Me modò laudabas, & carmina nostra legebas.
 Ille tuus pennas tam citò uertit amor?

Contendat

Contendat mecum ingenio, contendat & arte,
In primis una discat amare domo.
Si libitum tibi erit, Lerneas pugnet ad Hydras,
Et tibi ab Hesperio mala dracone ferat.
Tetra uenena libens, & naufragus ebat undas,
Et nunquam pro te deneget esse miser.
Quos utinam in nobis uita experiare labores,
Iam tibi de timidis iste proteruius erit.
Qui nunc se in tumidum iactando uenit honorem,
Dissidium uobis proximus annus erit.
At me non ætas mutabit tota Sibyllæ,
Non labor Alcida, non niger ille dies.
Tu mea compones, & dices, ossa Properti
Hæc tua sunt, cheu tu mihi certus eras:
Certus eras cheu, quamuis nec sanguine auito
Nobilis, & quamuis non ita diues eras.
Nil ego non patiar, nunquam me iniuria mutat,
Ferre ego formosam nullum onus esse puto.
Credo ego non paucos ista perijsse figura,
Credo ego, sed multos non habuisse fidem.
Paruo dilexit spatio Minoida Theseus,
Phillida Demophoon, hospes uterque malus.
Iam tibi Iasonia nota est Medea carina,
Et modò seruato sola relictæ uiro.
Dura est, quæ multis simulatum fingit amorem,
Et se plus uni siqua parare potest.
Noli nobilibus, noli conferre beatis,
Vix uenit extremo qui legit ossa die.
Ii tibi nos erimus, sed tu potius, precor, ut me
Demissis plangas pectora nuda comis.

A D C Y N T H I A M.

VNica nata meo pulcherrima cura dolori,
 Excludit quoniam fors mea sepe, ueni.
 Ista meis fiet notissima forma libellis
 Calue tua uenia, pace Catulle tua.
 Miles depositis annosus secubat armis,
 Grandæuiq; negant ducere aratra boues.
 Putris & in uacua requiescit naus arena,
 Et uetus in templo bellica parma uacat.
 At me ab amore tuo deducet nulla senectus,
 Siue ego Tithonus, siue ego Nestor ero.
 Nonne fuit satius duro seruire Tyranno?
 Et gemere in tauro sæue Perylle tuo?
 Gorgonis & satius fuit obdurescere uultu?
 Caucasias etiam si pateremur aues?
 Sed tamen obscura teritur rubigine mucro
 Ferreus, & paruo sepe liquore silex.
 At nullo domine teritur sub limine amor, qui
 Restat, & immerita sustinet aure minas.
 Vltro contemptus rogat, & peccasse fatetur
 Læsus, & inuitis ipse redit pedibus.
 Tu quoque, qui pleno fastus assumis amore,
 Credule, nulla diu fœmina pondus habet.
 An quisquam in medijs persoluit uota procellis,
 Cum sepe in portu fracta carina natet?
 Aut prius infecto deposcit præmia cursu,
 Septima quàm metan triuerit arte rota?
 Mendaces ludunt flatus in amore secundi,
 Si qua uenit serò, magna ruina uenit.

Tu tamen

Tutamen interea, quamuis te diligit illa,
In tacito cohibe gaudia clausa sinu.
Nanque in amore suo semper sua maxima cuique,
Nescio quo pacto, uerba nocere solent.
Quamuis te persepe uocet semel ire memento,
Inuidiam quod habet, non solet esse diu.
Et si secula forent antiquis grata puellis,
Essem ego quod nunc tu, tempore uincor ego.
Non tamen ista meos mutabunt secula mores,
Vnusquisque sua nouerit ire uia.
At uos, qui officia in multos reuocatis amores,
Quantum sic cruciat lumina uestra dolor.
Vidistis pleno teneram candore puellam,
Vidistis fusco, dulcis uterque color.
Vidistis quandam Argiua prodire figura,
Vidistis nostras, utraque forma rapit.
Illaq; plebeio, uel sit sandycis amictu,
Hæc, atque illa mali uulneris una uia est.
Cum satis una tuis insomnia portet ocellis,
Vna sit & cuius foemina multa mala.

AD CYNTHIAM DE
somnia naufragij.

VIdi te in somnis fracta mea uita carina
Ionio lassas ducere rore manus,
Et quæcunque in me fueras mentita, fateri,
Nec iam humore graues tollere posse comas:
Qualem purpureis agitauit fluctibus Hellen,
Aurea quam molli tergore uexit ouis.

Quàm timui ne fortè tuum mare nomen haberet,
Atque tua labens nauita fleret aqua.
Que tum ego Neptuno, quæ tum cum Castore fratri,
Quæq; tibi excepti tum Dea Leucothoe.
At tu uix primas extollens gurgite palmas,
Sæpe meum nomen iam peritura uocas.
Quòd si fortè tuos uidisset Glaucus ocellos,
Esses Ionij facta puella maris.
Et tibi præ inuidia Nereides increpitarent,
Candida Nisæ, cerula Cymothoe.
Sed tibi subsidio Delphinum currere uidi,
Qui puto Arioniam uexerat antè lyram.
Iamq; ego conabar summo me mitere saxo,
Cum mihi discussit talia uisa metus.
Nunc admirentur, quòd tam mihi pulchra puella
Seruiat, & tota dicar in urbe potens.
Non, si Cambysæ redeant, & flumina Cræsi,
Dicat, de nostro surgì poeta toro.
Nam mea cum recitat, dicit se odisse beatos,
Carmina tam sanctè nulla puella colit.
Multum in amore fides, multum constantia prodest.
Qui dare multa potest, multa & amare potest.
Seu mare per longum mea cogitet ire puella,
Hanc sequar, & fidos una aget aura duos.
Vnum littus erit sopitis, unaq; tecto
Arbor, & ex una sæpe bibemus aqua.
Et tabula una duos poterit componere amantes,
Prora cubile mihi, seu mihi puppis erit.
Omnia perpetiar, sæuus licet urgeat Eurys,
Velaq; in incertum frigidus Auster agat,

Quicumque & uenti miserum uexastis Vlysses
Et danaium Euboico littore mille rates,
Et qui mouistis duo littora, cum rudis Argus
Dux erat ignoto missa columba mari.
Illa me istantum non unquam desit ocellis,
Incendat nauem Iuppiter ipse licet.
Certè ijsdem nudi pariter iactabimur oris,
Me licet unda ferat, te modò terra tegat.
Sed non Neptunus tanto crudelis amori,
Neptunus fratri par in amore Ioui:
Testis Amymonelatices cum ferret in aruis
Compressa, & Lernæ pulsa tridente palus.
Iam Deus amplexu uotum persoluit, at illi
Aurea diuinæ urna refudit aquas.
Crudelem & Boream rapta Orithyia negauit:
Hic Deus & terras, & maria alta domat.
Crede mihi nobis mitescet Scylla, nec unquam
Alternante uorans uasta Charibdis aqua.
Ipsaq; sydera erunt nullis obscura tenebris,
Purus & Orion, purus & Hædus erit.
Quòd mihi si ponenda tuo sit corpore uita,
Exitus hic nobis non inhonestus erit.

QVO'D INCERTA HO-
RA MORTIS.

A Tuos incertam mortales funeris horam
Queritis, & qua sit mors aditura uia.
Queritis & cælo Phœnicum inuenta sereno,
Quæ sit stella homini commoda quæq; mala.

Seu pedibus Parthos sequimur, seu classe Britannos,
 Et maris, & terræ cæca pericla iuæ
 Rursus & obiectum fletis capiti esse tumultum,
 Cum Mauors dubias miscet utrinque manus.
 Præterea domibus flammam, domibusq; ruinam,
 Ne subsueant labris pocula nigra tuis.
 Solus amans nouit quando periturus, & à qua
 Morte, neque hic Boreæ flabra, neque arma timet.
 Iam licet & Stygia sede at sub arundine remex
 Cernat & infernæ tristia uela ratis,
 Si modò clamantis reuocauerit aura puellæ,
 Concessum nulla lege redibit iter.

A D I O V E M P R O
 amica ægrotante.

I Vppiter affectæ tandem miserere puellæ,
 Tam formosa tuum mortua crimen erit.
 Venit enim tempus, quo torridus æstuat aer,
 Incipit & sicco feruere terra Canc:
 Sed non tam ardoris culpa est, neque crimina cœli,
 Quàm toties sanctos non habuisse Deos.
 Hoc perdit miseras, hoc perdidit ante puellas,
 Quicquid iurarunt, uentus & unda rapit.
 Num sibi collatam doluit Venus? illa peræquæ
 Præ se formosis inuidiosa Dea est.
 An contempta tibi Iunonis templa Pelasgæ?
 Palladis aut oculos ausa negare bonos?
 Semper formosæ non nostis parcere uerbis,
 Hoc tibi lingua nocens, hoc tibi forma dedit,

Sed tibi uexate per multa pericula uitæ,
Extremo uenit mollior hora die.
Iò uersa caput primos mugiuerat annos,
Nunc Dea, quæ Nili flumina uacca bibit.
Ino etiam primateras ætate uagata est,
Hanc miser imploret nauita Leucothoën.
Andromede monstribus fuerat deuota marinis,
Hæc eadem Persei nobilis uxor erat.
Calisto Arcadios errauerat ursa per agros,
Hæc nocturna suo sydere uela regit.
Quòd si fortè tibi properarint fata quietem,
Illa sepulturæ fata beata tuæ.
Narrabis Semele quo sit formosa periclo,
Credet & illa suo docta puella malo.
Et tibi Mæonidas, interq; Heroidas omneis
Primus erit, nulla non tribuente, locus:
Nunc ut cunque potes, fato gere saucia morem,
Et Deus, & durus uertitur ipse dies.
Hoc tibi uel poterit coniux ignoscere Iuno.
Frangitur & Iuno, si qua puella perit,
Deficiunt magico torti sub carmine Rhombi,
Et iacet excincto Laurus adusta foco:
Et iam Luna negat toties descendere cælo,
Nigraq; funestum condidit omen anus.
Vna ratis fati nostros portabit amores
Cæcula ad infernos uelificata lacus.
Si non unius, quæso miserere duorum.
Viua, si uiuet: si cadet illa, cadam.
Pro quibus optatis sacro me carmine damno,
Scribam ego, per magnum est salua puella Iouem.

Ante tuosq; pedes illa ipsa adoperta sedebit,
 Narabitq; sedens longa pericla sua.
 Hæc tua Persephone mane at clementia, nec tu
 Persephones coniux seuior esse uelis.
 Sunt apud infernos tot millia formosarum,
 Pulchra sit in superis scilicet una locis.
 Vobiscum est Iope, vobiscum candida Tyro,
 Vobiscum Europe, nec proba Pasiphae,
 Et quot Troia tulit, uetus & quot Achaia formas,
 Et Phœbi, & Priami diruta regna senis,
 Et quæcunque erat in numero Romana puella
 Occidit, has omnes ignis auaras habet.
 Nec forma æternum, aut cuique est fortuna perennis,
 Longius, aut propius mors sua quemque manet.
 Tu quoniam es mea lux magno demissa periclo,
 Munera Dianæ debita redde choro.
 Redde etiam excubias diue nunc ante iuuentæ.
 Votiuas noctes & mihi solue decem.

A D C Y N T H I A M.

Hesternæ mea lux cùm potus nocte uagarer,
 Nec me seruorum duceret ulla manus,
 Obuia nescio quot pueri mihi turba minuta
 Venerat, hos uetuit me numerare timor,
 Quorum alij faculas, alij retinere sagittas,
 Pars etiam uisa est uincla parare mihi.
 Sed nudi fuerant, quorum lasciuior unus,
 Arripite hunc, inquit, nam bene nostis eum.
 Hic erat, hunc mulier nobis irata reliquit,

Dixit,

Dixit, & in collo iam mihi nodus erat.
Hic alter iubet in medium propellere, & alter
Intereat qui nos non putat esse Deos.
Hæc te non meritum totas expectat in horas,
At tu nescio quas quæris inepte fores.
Quæ cum Sidoniæ nocturna ligamina mitræ
Soluerit, atque oculos mouerit illa graues,
Afflabunt tibi non Arabum de gramine odores,
Sed quos ipse suis fecit amor manibus.
Parcite iam fratres, iam certos spondet amores,
Et iam ad mandatam uenimus ecce domum.
Atque ita me iniecto duxerunt rursus amictu,
I nunc, & noctes disce manere domi.
Mane erat, & uolui si sola quiesceret illa
Visere, at in lecto Cynthia sola fuit.
Obstupui, non illa mihi formosior unquam
Visa, neque ostrina cum fuit in tunica.
Ibat & in casta narratum somnia ueste,
Neu sibi, ne'ue mihi quæ nocitura forent.
Talis uisa mihi somno demissa recenti,
Heu quantum per se candida forma ualet.
Quid tu matutinus ait speculator amicæ?
Me similem uestris moribus esse putas?
Non ego tam facilis, sat erit mihi cognitus unus,
Vel tu, uel si quis uerior esse potest.
Apparent non ulla toro uestigia presso,
Signa uoluptatis non iacuisse duos.
Aspice ut in toto nullus mihi corpore surgat
Spiritus, admissio notus adulterio.
Dixit, & opposita propellens suauia dextra,

Profilit in laxa nixa Pedem solea.
 Sic ego tam sancti custode recludor amoris,
 Ex illo felix nox mihi nulla fuit.

A D E A N D E M.

QUò fugis ah demens? nulla est fuga, tu licet usque
 Ad Tanaim fugias, usque sequetur amor.
 Non si pegaseo uerteris in aere dorso,
 Nec tibi si Persei mouerit ala pedes,
 Vel si te sectæ raptant talaribus auræ,
 Nil tibi Mercurij proderit alta uia.
 Instat semper amor supra caput, instat amanti,
 Et grauis ipse super libera colla sedet.
 Excubat ille acer custos, & tollere unquam
 Te patietur humo lumina capta semel.
 Et iam si pecces, Deus exorabilis ille est,
 Si modo præsentis uiderit esse preces.
 Ista senes licet accusant conuiuia duri,
 Nos modo proposuit uita teramus iter.
 Illorum antiquis onerentur legibus aures,
 Hic locus est, in quo tibia docta sones,
 Quæ non iure uado Mæandri iacta natasti,
 Turpia cum faceret Palladis ora tumor.
 Nunc iam dura paras Phrygias nunc ire per undas,
 Et petere Hyrcani littora nota maris,
 Spargereq; alterna communes cæde penates,
 Et ferre ad patrios præmia dira lares.
 Vna contentum pudeat me uiuere amica.
 Hoc si crimen erit, crimen amoris erit.

Mi nemo obijciat, libeat tibi Cynthia mecum

Rosida muscosis antra tenere iugis.

Illic aspicias scopulis hæerere sorores,

Et canere antiqui dulcia furtiva Iouis,

Vt Semele est combustus, ut est deperditus Iô,

Denique ut ad troiæ tecta uolarit auis,

Quòd si nemo extat, qui uicerit alitis arma,

Communis culpæ cur reus unus agor?

Nec tu uirginibus reuerentia moueris ora,

Hic quoque num nescit quid sit amare chorus?

Si tamen Oeagri quædam compressa figura

Bistonijs olim rupibus accubuit.

Hic ubi me prima statuent in parte choreæ,

Et medius docta cuspide Bacchus erit:

Tum capiti sacros patiar pendere corymbos:

Nam sine te nostrum non ualet ingenium:

AD CYNTHIAM.

QUæris cur ueniam tibi tardior? aurea Phæbi
Porticus à magno Cesare aperta fuit.

Tantã erat in speciẽ Pœnis digesta columnis,

Inter quas Danaï fœmina turba senis.

Hic equidem Phœbo uisus mihi pulchrior ipso

Marmoreus tacita carmen hiare lyra,

Atque aram circum steterant armenta Myronis

Quattuor artificis uiuida signa boues.

Tum medium claro surgebat marmore templum,

Et patria Phœbo charius Ortygia.

Auro Solis erat supra fastigia currus,

Et ualuae Libyci nobile dentis opus.
 Altera deiectos Parnassi uertice Gallos,
 Altera mœrebat funera Tantalidos.
 Deinde inter matrem Deus ipse interq; sororem
 Pythius in longa carmina ueste sonat.

A D E A N D E M.

Qui uidet, is peccat: qui non te uiderit, ergo
 Non cupiet: facti crimina lumen habet.
 Nam quid Prænestis dubias ò Cynthia sortes?
 Quid petis Acæi mœnia Thelegoni?
 Cur'ue te in Herculeum deportant effeda Tybur?
 Appia cur toties te uia ducit anum?
 Hoc utinam spatium loco, quocunque uagaris
 Cynthia, sed tibi me credere turba uetat,
 Cum uidet accensis deuotam currere tædis
 In nemus, & triuiae lumina ferre Deæ.
 Scilicet umbrosis sordet Pompeia columnis
 Porticus aulæis nobilis Atalicis,
 Et creber pariter platanis surgentibus ordo,
 Flumina sopito quæq; Marone cadunt.
 Et leuiter nymphis tota crepitantibus urbe,
 Cum subito Triton ore recondit aquam.
 Falleris, ista tui furtum uia monstrat amoris,
 Non urbem demens, lumina nostra fugis.
 Nil agis, insidias in me componis inanes,
 Tendis iners docto retia nota mihi.
 Sed de me minus est, samæ iactura pudicæ
 Tanta tibi misere, quanta mereris, erit.
 Nuper enim de te nostras me ledit ad aures
 Rumor, & in tota non bonus urbe fuit.

Sed tu non debes inimicæ credere linguae,
Semper formosis fabula poena fuit.
Non tua deprenso damnata est fama ueneno,
Testis erit puras Phœbe uidere manus.
Sin autem longo nox una, aut altera lusu
Consumpta est, non me crimina parua mouent.
Tyndaris externo patriam mutauit amore,
Et sine decreto est uiua reducta domum.
Ipsa Venus quamuis corrupta libidine Martis,
Nec minus in caelo semper honesta fuit.
Quamuis Ida Parim pastorem dicat amasse,
Atque inter pecudes accubuisse Deam.
Hoc & Hamadriadum spectauit turba sororum,
Sileniꝫ; senes, & pater ipse chori:
Cum quibus Idæo legisti poma sub antro,
Supposita excipiens Naica dona manu.
An quisquam in tanto struprorum exanime querit,
Cur hæc tam diues? quis dedit? unde dedit?
O' nimium nostro felicem tempore Romam,
Si contra mores una puella facit.
Hæc eadem ante illam impune & Lesbia fecit,
Quæ sequitur, certè est inuidiosa minus.
Qui querit Tacios ueteres, durosq; Sabinos,
Hic posuit nostra nuper in urbe pedem.
Tu prius & fluctus poteris siccare marinos,
Altaq; mortali deligere astra manu,
Quàm facere, ut nostræ nolint peccare puellæ.
Is mos Saturno regna tenente fuit,
Et cum Deucalionis aquæ fluxere per orbem,
Et post antiquas Deucalionis aquas.

Dis mihi quis potuit lectum seruare pudicum ?

Que Dea cum solo uiuere sola Deo ?

Vxorem quondam magni Minois (ut aiunt)

Corruptit torui candida forma bouis .

Nec minus ærato Danae circumdata muro

Non potuit magno casta negare Ioui .

Quod si tu Graias , seu sis imitata Latinas ,

Semper uiue meo libera iudicio .

AD CYNTHIAM.

Tristia iam redeunt iterum solennia nobis ,

Cynthia iam noctes est operata decem ,

Atque utinam Nilo pereat quæ sacra tepente

Misit matronis Inachis Ausonijs .

Que dea tam cupidos toties diuisit amantes ,

Quæcunque illa fuit , semper amara fuit .

Tu certè Iouis occultis in amoribus lō

Sensisti multas quid sit inire uias ,

Cum te iussit habere puellam cornua Iuno ,

Et pecoris duro perdere uerba sono .

Ah quoties quernis læsisti frondibus ora ,

Mansisti stabulis abdita pasta tuis .

An quoniam agrestem detraxit ab ore figuram

Iuppiter , iccirco facta superba Dea es ?

Antibi non satis est fuscis Aegyptus alumnis ?

Cur tibi tam longa Roma petita uia est ?

Quid ue tibi prodest uiduas dormire puellas ?

Sed tibi (crede mihi) cornua rursus erunt .

Aut nos è nostra te sæua fugabimus urbe ,

Cum Tyberi Nilo gratia nulla fuit .

At tu , quæ nostro nimium placata dolore es ,

Noctibus

Noctibus his uacui ter faciamus iter.
Non audis? & uerba sinis mea ludere, cum iam
Flectant Icarij sydera tarda boues.
Lenta bibis, mediæ nequeunt te frangere noctes.
An nondum est talos mittere lassâ manus?
Ah pereat quicumque mer acas repperit uuas,
Corruptiq; bonas nectare primus aquas.
Icare cecropijs meritò iugulate colonis,
Pampineus nosti quàm sit amarus odor.
Tu quoque ò Eurition uino Centaure peristi,
Nec non Ismario tu Polypheme mero.
Vino forma perit, uino corrumpitur ætas,
Vino sæpe suum nescit amica uirum.
Me miserum ut multo nihil es mutata Lyæo,
Iam bibe, formosa es, nil tibi uina nocent.
Cum tua præpendent demissa in pocula ferta,
Et mea deducta carmina uoce legis,
Largius effuso madeat tibi mensa falerno,
Spumet & aurato mollius in calice.
Nulla tamen lecto recipit se sola libenter,
Est quiddam, quod uos querere cogat amor.
Semper in absenteis felicior æstus amantes,
Eleuat assiduos copia longa uiros.

AD LYNCEVM POETAM.

CUr quisquam faciem dominæ iam credat amico?
Sic crepta mihi pene puella mea est.
Expertus dico, nemo est in amore fidelis.
Formosam raro non sibi quisque petit.
Polluit ille Deus cognatos, soluit amicos,

Et

Et bene concordēs tristia ad arma uocat.
Hospes in hospitium Menelao uenit adulter.
Colchis & ignotum non ne secuta uirum est?
Lyncēu tu'ne meam potuisti tangere curam?
Perfide non ne tuæ tunc cecidere manus?
Quid si non constans illa, & tam certa fuisset?
Posset & in tanto uiuere flagitio?
Tu mihi uel ferro pectus, uel perde ueneno,
A' domina tantum te modò tolle mea.
Te socium uitæ, te corporis esse licebit,
Te dominum admitto rebus amice meis,
Lecto te solū, lecto te deprecor uno:
Riualem possum non ego ferre Iouem.
Ipse meas solus (quod nil est) æmulor umbras
Stultus, quod stulto sæpe timore tremo.
Vna tamen causa est, qua crimina tanta remitto,
Errabant multo quòd tua uerba mero.
Sed nunquam uitæ me fallēt ruga seueræ,
Omnes iam norunt, quàm sit amare bonum.
Lyncēus ipse meus seros insanit amores,
Solū te nostros lætor adire Deos.
Quid tua Socraticis tibi nunc sapientia libris
Proderit? aut rerum dicere posse uias?
Aut quid Cretæi tibi profunt carmina lecta?
Nil iuuat in magno uester amore senex.
Tu satius memorem musis imitare Philetam,
Et non inflati somnia Callimachi.
Nam rursus licet Aetoli referas Acheloi
Fluxerit ut magno factus amore liquor,
Atque etiam, ut Phrygio fallax Mæandria campo

Errat, & ipsa suas decipit unda uias.
Qualis & Adraſti fuerit uocalis Arion:
Triftis ad Archemori funera uictor equus,
Non Amphiareæ profunt tibi fata quadrigæ,
Aut Capanæi grata ruina Ioui.
Deſine & Aefchyleo componere uerba cothurno,
Deſine, & ad molles membra reſolue toros.
Incipe iam anguſto uerſus includere torno,
Inq; tuos ignes dure poeta ueni.
Tu non Antimacho, non tutior ibis Homero,
Deſpicit & magnos teſta puella deos.
Sed non antè grauis taurus ſuccumbit aratro,
Cornua quàm ualidis hæſerit in laqueis,
Nec tu tam duros per te patieris amores,
Trux tamen à nobis antè domandus eris.
Harum nulla ſolet rationem querere mundi,
Nec cur fraternis luna laboret equis,
Nec ſi poſt Stygias aliquid reſtauerit undas,
Nec ſi conſultò fulmina miſſa tonent.
Aſpice me, cui parua domi fortuna reliſta eſt,
Nullus & antiquo Marte triumphus aui,
Vt regnem miſtas inter conuiuia puellas.
Hoc ego, quod tibi nunc, eleuor ingenio.
Me iuuat æternis poſitum languere corollis,
Quem tetigit iactu certus ad oſſa Deus.
Actia Vergilium cuſtodis littora Phebi,
Cæſaris & fortes dicere poſſe rates,
Qui nunc Aeneæ Troiani ſuſcit at arma,
Iacſtaq; Lauinis mœnia littoribus.
Cedite Romani ſcriptores, cedite Graij,

Nescio quid maius nascitur Iliade.
Tu canis umbrosi subter pineta Galesti
Thyrsin, & attritis Daphnin arundinibus:
Utq; decem possint corrumpere mala puellam,
Missus & impressis hœdus ab uberibus.
Felix qui uiles pontis mercaris amores,
Huic licet ingrata Tityrus ipse canat.
Felix intactum Corydon qui tentat Alexim
Agricole domini carpere delitias.
Quamuis ille sua lassus requiescat auena,
Laudatur facile is inter Hamadryadas.
Tu canis Ascræi ucteris præcepta poetæ,
Quo seges in campo, quo uiret uua iugo.
Tale facis carmen docta testudine, quale
Cynthius impositis temperat articulis.
Non tamen hæc ulli uenient ingrata legenti,
Siue in amore rudis, siue peritus erit.
Nec minor his animis, aut si minor ore canorus
Anseris indocto carmine cessit olor.
Hæc quoque perfecto ludebat Iasone Varro,
Varro Leucadiæ maxima flamma suæ.
Hæc quoque lasciuī cantarunt scripta Catulli,
Lesbia quæis ipsa notior est Helena.
Hæc etiam docti confessa est pagina Calui,
Cum caneret misere funera Quintiliæ.
Et modo formosa quàm multa Lycoride Gallus
Mortuus inferna uulnera lauit aqua.
Cynthia quin etiam uersu laudata Properti,
Hos inter si me ponere fama uolet.

SEX. PROPERTII
 AVRELII VMBRI ELE-
 GIARVM LIBER
 TERTIVS.



ALLIMACHI manes, & Coi sacra
 Philetæ

In uestrum quaeso me sinite ire nemus.
 Primus ego ingredior puro de fonte
 sacerdos

Itala per Graios orgia ferre choros.

Dicite quo pariter carmen tenuastis in antro,

Quo'ue pede ingressi, quam'ue bibistis aquam.

Ah ualeat, Phœbum quicumque moratur in armis,

Exactus tenui pumice uersus eat,

Quo me famaleuat terra sublimis, & à me

Nata coronatis Musa triumphat equis,

Et mecum in curru parui uectantur amores,

Scriptorumq; meas turba secuta rotas.

Quid frustra missis in me certatis habenis?

Non datur ad Musas currere lata uia.

Multi Roma tuas laudes annalibus addent,

Qui finem imperij Bactra futura canent:

Sed quod pace legas, opus hoc de monte sororum

Detulit intacta pagina nostra uia.

Mollia Pegasides uestro date ferta poetæ,

Non faciet capiti dura coronameo.

At mihi, quòd uiuo, detraxerat inuida turba,

Post obitum duplici scœnore reddet honos.

*Omnia post obitum fingit maiora uetustas,
Maius ab exequijs nomen in ora uenit.
Nam quis equo pulsas abiegnō nosceret arces?
Fluminaq; Aemonio comminus isse uiro?
Ideum Simoënta Iouis cunabula parui
Hectora per campos ter maculasse rotas?
Deiphobumq;, Helenumq;, & Polydamantas in armis,
Qualencunque Parin uix sua nossēt humus,
Exiguo sermone fores nunc Ilion, & tu
Troia bis Oetæi numine capta Dei.
Nec non ille tui casus memorator Homerus
Posteritate suam crescere sensit opus.
Meq; inter seros laudabit Roma nepotes.
Illum post cineres auguror esse diem.
Ne mea contempto lapis indicet ossa sepulchro,
Prouisum est Lycio uota probante Deo.
Carminis interea nostri redeamus in orbem,
Gaudeat ut solito tacta puella sono.
Orpheu te tenuisse seras, & concita dicunt
Flumina Threicia detinuisse lyra.
Saxa Cithæronis Thebas agitata per artem
Sponte sua in muri membra coisse ferunt.
Quin etiam Polypheme fera Galatea sub Aetna,
Ad tua rorantes carmina flexit equos.
Miremur nobis & Baccho, & Apolline dextro,
Turba puellarum si mea uerba colit.
Quod non Tænarijs domus est mihi fulta columnis,
Nec camera auratas inter eburna trabes,
Nec mea Phæacias æquant pomaria syluas,
Non operosarigat Martius antra liquor,*

At musæ

At musæ comites, & carmina chara legenti,
 Et defessa choris Calliopea meis,
 Fortunata meo si qua es celebrata libello,
 Carmina erunt formæ tot monumenta tuæ.
 Nam neque Pyramidum sumptus ad sidera ducti,
 Nec Iouis Elei cælum imitata domus,
 Nec Mausolei diues fortuna sepulchri
 Mortis ab extrema conditione uacat,
 Aut illis flamma, aut humber subducet honores,
 Annorum aut ictu pondera uicta ruent.
 At non ingenio quæsitum nomen ab æuo
 Excidet, ingenio stat sine morte decus.

PROPERTII SOMNIVM.

Visus eram molli recubans Heliconis in umbra
 Bellerophontei quæ fluit humor equi,
 Reges Alba tuos, & regum facta tuorum
 Tantum operis nervis hiscere posse meis,
 Paruaq; tam magnis admoram fontibus ora,
 Vnde pater sitiens Ennius ante bibit,
 Et cecinit Curios fratres, & Horatia pila,
 Regiaq; Aemilia uicta trophæa rate,
 Victricesq; moras Fabij, pugnamq; sinistram
 Cannensem, & uersos ad pia uota Deos,
 Annibalemq; lares Romana sede fugantes,
 Anseris & tutum uoce fuisse Iouem,
 Cum me Castalia specularis ex arbore Phœbus
 Sic ait aurata nixus ad antra lyra,
 Quid tibi cum tali demens est flumine? quiste

Carminis heroi tangere iussit opus ?
Non hic ulla tibi speranda est fama Properti,
Mollia sunt paruis prata terenda rotis.
Ut tuus in scamno iactetur saepe libellus,
Quem legat expectans sola puella uirum.
Cur tua praescripto senecta est pagina gyro ?
Non est ingenij cymba grauanda tui.
Alter remus aquas, alter tibi radat arenas,
Tutus eris, medio maxima turba mari est.
Dixerat, & plectro sedem mihi monstrat eburno,
Qua noua muscoso semita facta solo est.
Hic erat affixis uiridis spelunca lapillis,
Pendebantq; cauis tympana pumicibus.
Ergo musarum, & Sileni patris imago
Fictilis, & calami Pan Tegeæ tui.
Et Veneris dominæ uolucres mea turba columbæ
Tingunt Gorgoneo Punica rostra lacu.
Diuersaq; nouem sortitæ rura puellæ
Exercent teneras in sua dona manus.
Hæc ederas legit in thyrsos, hæc carmina neruis
Aptat, & illa manu textit utraque rosam:
E quarum numero me contigit una dearum
(Ut reor) à facie Calliopea fuit.
Contentus niueis semper uectabere cygnis,
Nec te fortis equi ducet ad arma sonus.
Nil tibi sit rauco prætoria classica cornu
Flere, nec Aonium cingere Marte nemus.
Aut quibus in campis Mariano prælia signo
Stent, & Teutonicas Roma refringat opes.
Barbarus aut sæuo persusus sanguine Rhenus

Saucia merenti corpora uectet aqua.
 Quippe coronatos alienum ad limen amantes,
 Nocturnæq; canes ebria signa fugæ.
 Ut per te clausas sciat excantare puellas,
 Qui uolet austeros arte ferire uiros.
 Talia Calliope, lymphisq; à fonte petitis
 Ora Philetea nostra rigauit aqua.

DESCRIPTIO TRI-
 VMPHI.

A Rma deus Cæsar dities meditatur ad Indos,
 Et freta gemmiferi findere classe maris.
 Magna uiri merces parat ultima terra triumphos,
 Tigris, & Eufrates sub tua iura fluent.
 Sera sed Ausonijs ueniet prouincia uirgis:
 Assuescent Latio partha trophæa Ioui.
 Ite agite expertæ bello date linthea proræ,
 Et solitum armigeri ducite munus equi,
 Omnia fausta cano, Crassos, cladesq; piæ,
 Ite, & Romanæ consulite historie.
 Mars pater, & sacræ fatalia lumina Vestæ.
 Ante meos oblitus sit precor illa dies.
 Qua uideam spolijs oneratos Cæsaris axes
 Aduulgi plausus sæpe resistere equos.
 Inq; sinu charæ nixus spectare puellæ
 Incipiam, & titulis oppida capta legam,
 Tela fugacis equi, & brachati militis arcus,
 Et subter captos arma sedere duces.
 Ipsa tuam prolem serua Venus, hoc sit in æuum,

Cernis ab Aenæa quod superesse caput.

Præda sit hæc illis, quorum meruere labores:

Mi sat erit media plaudere posse uia.

AD AMICAM IRATAM.

Pacis amor deus est, pacem ueneramur amantes,
Stant mihi cum domina prælia dura mea.

Nec tamen inuiso pectus mihi carpitur auro,

Nec bibit è gemma diuite nostra sitis.

Nec mihi mille iugis Campania pinguis aratur,

Nec miser æra peto classe Corinthæ tua.

O' prima infelix fingenti terra Prometheo,

Ille parum cauti pectoris egit opus:

Corpora disponens, mentem non uidit in arte,

Recta animi primum debuit esse uia.

Nunc maris in tantum uentis iactamur, & hostem

Querimus, atque armis nectimus arma noua.

Haud ullas portabis opes Acherontis ad undas,

Nudus ad infernas stulte uehère rates.

Victor cum uictis pariter miscebitur umbris,

Consule cum Mario capte Iugurtha sedes.

Lydus Dulichio non distat Croesus ab Hyro,

Optima mors parca quæ uenit apta die.

Me iuuat in prima coluisse Heliconæ iuuenta.

Musarumq; choris implicuisse manus.

Me iuuat & multo mentem uincire Lyæo,

Et caput in uerna semper habere rosa.

Atque ubi iam Venerem grauis interceperit ætas,

Spars'erit integras alba senectæ comas:

Tum mihi naturæ libeat perdiscere mores,

Quis deus hanc mundi temperet arte domum,
Quà uenit exoriens, quà deficit, unde coactis

Cornibus in plenum mēstrua Luna redit.
Vnde salo superant uenti, quid flamine captet

Eurus: & in nubes unde perennis aqua.
Si uentura dies, mundi quæ subruat arces,

Purpureus pluuias cur bibit arcus aquas.
Aut cur Perrhebi tremuere cacumina Pindi,

Solis & atratis luxerit orbis equis.
Cur seruus uersare boues, & plaustra Bootes,

Pleiadum spisso cur coit igne chorus.
Cur uē suos fines altum non exeat æquor,

Plenus & in partes quattuor annus eat.
Sub terris sint iura deū, & tormenta gigantum,

Thiſſiphones atro si furit angue caput.
Aut Alcmeoniæ furie, aut ieiunia Phinei,

Num rota, num scopuli, num sitis inter aquas:
Num tribus infernum custodit faucibus antrum

Cerberus, & Tityo iugera pauca nouem.
An ficta in miseras descendit fabula gentes,

Et timor aut ultrà quàm rogos esse potest.
Exitus hic uitæ superest mihi, uos, quibus arma

Grata magis, Crassi signa referte domum.

AD LYGDAMVM.

Dic mihi de nostra, quæ sentis, uera puella,
Sic tibi sint domine Lygdame dempta iuga.
Dum me letitia tumefactum fallis inani,

Hæc referens, quæ me credere uelle putas.
 Omnis enim debet sine uano nuntius esse,
 Maioremq; timens seruus habere fidem.
 Nunc mihi, si qua tenes, ab origine dicere prima
 Incipe, suspensis auribus ista bibam.
 Siccine eam incomptis uidisti flere capillis?
 Illius ex oculis multa cadebat aqua?
 Nec speculum strato uidisti Lygdame lecto?
 Ornabat niueas nulla uel gemma manus?
 Ac mœstam teneris uestem pendere lacertis?
 Scriniaq; ad lecti clausa iacere pedes?
 Tristis erat domus, & tristes sua pensa ministræ
 Carpebant, medio nebat & ipsa loco.
 Humidaq; impressa siccabat lumina lana,
 Retulit & querulo iurgia nostra sono.
 Hæc te teste mihi promissa est Lygdame merces?
 Est poenæ seruo rumpere teste fidem.
 Ille potest nullo miseram me linquere facto?
 Aequalem nulla dicere habere domo?
 Gaudet me uacuo solam tabescere lecto,
 Si placet insultet Lygdame morte mea.
 Improba non uicit me moribus illa, sed herbis.
 Staminea rhombi ducitur ille rota.
 Illum turgentis ranæ portenta rubetæ,
 Et lecta ex sectis anguibus ossa trahunt,
 Et strigis inuentæ per busta iacentia plumæ.
 Cinctaq; funesto lanea uitta uiro.
 Si non uana canunt mea somnia Lygdame, testor
 Poena erit ante meos sera, sed ampla, pedes.
 Putris & in uacuo texitur aranea lecto,

Noctibus illorum dormiet ipsa Venus.
Quæ tibi si ueris animis est quæsta puella,
Hac eadem rursus Lygdame curre uia.
Et mea cum multis lacrymis mandata reporta,
Iram, non fraudes esse in amore meo.
Me quoque consimili impositum torquerier igni,
Iurabo & bis sex integer esse dies.
Quòd mihi si tanto felix concordia bello
Extiterit, per me Lygdame liber eris.

DE MORTE PAETI OB
AVARITIAM.

ERgo sollicitæ tu causa pecunia uitæ es,
Per te inmatuum mortis adimus iter.
Tu uitæ hominum crudelia pabula præbes,
Semina curarum de capite orta tuo.
Tu Pætum ad Pharios tendentem linthea portus
Obruïs infano terq; quaterq; mari.
Nam dum te sequitur, primo miser excidit æuo,
Et noua longinquis piscibus esca natat.
Et mater non iusta piæ dare debita terræ,
Nec pote cognatos inter humare rogos.
Sed tua nunc uolucres adstant super ossa marinæ.
Nunc tibi pro tumulo Carpathium omne mare.
Infelix Aquilo raptæ timor Orithyie
Quæ spolia ex illo tanta fuere tibi?
Aut quidnam fracta gaudes Neptune carina?
Portabat sanctos alueus ille uiros.
Pæte quid ætatem numeras? quid chara natanti

Mater

Mater in ore tibi est? non habet unda deos.
Nam tibi nocturnis ad saxa ligata procellis
Omnia detrito uincula fune cadunt.
Sunt Agamemnonias testantia littora curas,
Qua notat Argini pœna minantis aquæ.
Hoc iuvene amisso, classem non soluit Atrides,
Pro qua mactata est Iphigenia mora.
Reddite corpus humo, positaq; in gurgite uita
Pætum sponte tua uilis arena tegas.
Et quoties Pæti transibit nauta sepulchrum,
Dicat, & audaci tu timor esse potes.
Ite rates curuæ, & leti quoque texite causas.
Ista per humanas mors uenit acta manus.
Terra parum fuerat, terris adiecimus undas,
Fortunæ miseras auximus arte uias.
Anchora te teneat, quem non tenuere penates?
Quid meritum dicas, cui sua terra parum est?
Ventorum est quodcunque paras, haud ulla carina
Consenuit, fallit & portus & ipse fidem.
Natura insidians pontum substrauit auaris,
Ut tibi succedat, uix semel esse potest.
Saxa triumphales fregere Capharea puppes,
Naufraga cum uasto Græcia tracta salo est.
Paulatim socium iacturam fleuit Vlysses,
In mare cui soli non ualuere doli.
Quòd si contentus patrio boue uerterat agros,
Verbaq; duxisset pondus habere mea,
Viueret ante suos dulcis conuiuia penates,
Pauper & in terra nil ubi flere potest.
Non tulit hic Pætus stridorem audire procelle,
Et duro

Et duro teneras lædere fune manus.
Sed Thix thalamo, aut Oricia terebintho,
Et fultum pluma uersicolore caput.
Huic fluctus uiuo radicitus abstulit ungues,
Et miser inuisam traxit hiatus aquam.
Hunc paruo ferri uidit nox improba ligno,
Pætus ut occideret tot coiere mala.
Elens tamen extremis dedit hæc mandata querelis,
Cum moribunda niger clauderet ora liquor.
Dij maris Aegæi quos sunt penes æquora uenti,
Et quæcunque meum degrauat unda caput,
Quò rapitis miseros primæ lanuginis annos?
Attulimus longas in freta uasta manus.
Ah miser halcyonum scopulis affigat acutis,
In me cæruleo fuscina sumpta deo est.
At saltem Italiæ regionibus euehat æstus.
Hoc de me sat erit, si modo matris erit.
Subtrahit hæc fantem torta uertigine fluctus.
Ultima quæ Pæto noxq; diesq; fuit.
O'centum æquoreæ Nereo genitore puellæ,
Et tu materno tacta dolore Thetis.
Vos decuit lasso supponere brachia mento,
Non poterat uestras ille grauare manus.
At tu seuæ Aquilo nunquam mea uela uidebis,
Ante fores domine condar oportet iners.

AD CYNTHIAM.

DUlcis ad extremas fuerat mihi rixa lucernas,
Vocis & insane tot maledicta tuæ.

Cum

Cum furibunda mero mensam propellis, & in me
Projicis insana cymbia plena manu.
Tu uerò nostros audax inuade capillos,
Et mea formosis unguibus ora nota.
Tu minitare oculos subiecta exurere flamma,
Fac mea rescisso pectora nuda sinu.
Nimirum ueri dantur mihi signa caloris,
Nam sine amore graui foemina nulla dolet.
Quæ mulier grauida iactat conuitia lingua,
Et Veneris magnæ uoluitur ante pedes.
Custodum gregibus circum se stipat euntem,
Seu sequitur medias, mænas ut acta, uias,
Seu timidam crebrò dementia somnia terrent,
Seu miseram in tabula picta puella mouet.
His ego tormentis animi sum uerus aruspex,
Nam didici certo sæpe in amore notas.
Non est certa fides, quam non iniuria uersat.
Hostibus eucniat lenta puella meis.
In morso æquales uideant mea uulnera collo,
Me doceat liuor mecum habuisse meam.
Aut in amore dolere uolo, aut audire dolentem,
Siue meas lacrymas, siue uidere tuas,
Tecta supercilijs siquando uerba remittis,
Aut tua cum digitis scripta silenda notas.
Odi ego quæ nunquam pungunt suspiria somnos.
Semper in iratam pallidus esse uelim:
Dulcior ignis erat, Paridicium grata per arma
Tyndaridi poterat gaudia ferre suæ.
Dum uincunt Danaï, dum restat barbarus Hector,
Ille Helenæ in gremio maxima bella gerit.

Aut tecum, aut pro te mihi cum rivalibus arma
 Semper erunt, in te pax mihi nulla placet.
 Gaude quòd nulla est æquè formosa, doleres
 Siqua foret, nunc sis iure superbalicet.
 At tibi qui nostro tendisti retia lecto,
 Sit socer, æternum nec sine matre domus,
 Cui nunc siqua data est furandæ copia noctis,
 Infensa illa mihi, non tibi amica dedit.

AD MECOENATEM.

M Ecce nas eques Hetrusco de sanguine regum,
 Intra fortunam qui cupis esse tuam,
 Quid me scribendi tam uastum mittis in æquor?
 Non sunt apta meæ grandia uelarati.
 Turpe est quod nequeas capiti committere pondus,
 Et pressum inflexo mox dare terga genu.
 Omnia non pariter rerum sunt omnibus apta,
 Fama nec ex æquo ducitur ulla iugo.
 Gloria Lysippo est animosa effingere signa,
 Exactis calamis se mihi iactat equis.
 In Veneris tabula summam sibi ponit Apelles,
 Parrhasius parua uindicat arte locum.
 Argumenta magis sunt Mentoris addita formæ,
 At Myos exiguum flectit acanthus iter.
 Phidiacus signo se Iuppiter ornat eburno,
 Praxitelem Parius uindicat arte lapis.
 Sunt quibus Eleæ concurret palma quadrigæ,
 Sunt quibus in celeres gloria nata pedes.
 Hic satus ad pacem, hic castrensibus utilis armis,

Naturæ

Naturæ sequitur semina quisque suæ.
At tua Mecœnas uitæ præcepta recepi,
Cogor & exemplis te superare tuis.
Cum tibi Romano dominas in honore secures,
Et liceat medio ponere iura foro,
Vel tibi Medorum pugnaces ire per hostes,
Atque onerare tuam fixa per arma domum,
Et tibi ad effectum uires det Cæsar, & omni
Tempore tam faciles insinuentur opes,
Parcis, & in tenues humilem te colligis umbras.
Velorum plenos subtrahis ipse sinus.
Crede mihi magnos æquabunt ista Camillos
Indicia, & uenies tu quoque in ora uirum.
Cæsaris & famæ uestigia iuncta tenebis.
Mecœnatis erunt uera trophæa fides.
Non ego uelifera tumidum mare findo carina,
Tota sub exiguo flumine nostra mora est.
Non flebo in cineres arcem sedisse paternos
Cadmi, nec semper prælia clade pari,
Nec referam Scæas, & Pergama Apollinis arces,
Et Danaum decimo uere redisse rates,
Mœnia cum Graio Neptunia pressit aratro
Victor Palladiæ ligneus artis equus.
Inter Callimachi sat erit placuisse libellos,
Et cecinisse modis Coë poëta tuis.
Hæc curant pueros, hæc curant scripta puellas,
Meq; Deum clament, & mihi sacra ferant.
Te duce uel Iouis arma canam, cœloq; minantem
Cæum, & Phlegræis Oromedonta iugis,
Celsaq; Romanis decepta palatia tauris

Ordiam,

Ordiam, & caeso moenia firma Remo,
 Eductosq; pares syluestri ex ubere reges,
 Crescet & ingenium sub tua iussa meum,
 Prosequar & currus utroque ab littore ouantes
 Parthorum, astutæ tela remissa fugæ,
 Castraq; Pelusii Romano subruta ferro,
 Antoni; graues in sua fata manus.
 Mollis tu cæptæ fautor cape lora iuuentæ,
 Dextraq; immisissis da mihi signarotis.
 Hoc mihi Meccenas laudis concedis, & à te est,
 Quòd ferar in partes ipse fuisse tuas.

DE NATALI AMICAE SVAE.

Mirabar quid nam misissent mane cancenæ
 Ante meum stantes sole rubente torum.
 Natalis nostræ signum miscere puellæ,
 Et manibus faustos ter crepuere sonos.
 Transeat hic sine nube dies, stent aëre uenti,
 Ponat & in sicco molliter unda minas.
 Aspiciam nullos hodierna luce dolentes,
 Et Niobe lacrymas supprimat ipse lapis.
 Halcyonum positis requiescant ora querelis,
 Increpet absumptum nec sua mater Itym.
 Tuq; ò chara mihi felicibus edita pennis
 Surge, & poscentes iusta precare Deos
 Ac primum pura somnum tibi discute lympa,
 Et nitidas presso pollice finge comas:
 Dein qua primum oculos cepisti ueste Properti
 Indue, nec uacuum flore relinque caput,

Et pete,

Et pete, qua polles, ut sit tibi forma perennis,
 Inq; meum semper stent tua regna caput:
 Inde coronatas ubi ture piaueris aras,
 Luxerit & tota flamma secunda domo,
 Sit mensæ ratio, noxq; inter pocula curret,
 Et crocino nares murrheus ungat Onyx.
 Tibia nocturnis succumbat rauca choreis,
 Et sint nequitiae libera uerba tuæ:
 Dulciaq; ingratos adimant conuiuia somnos,
 Publica uicina perstrepat ara uie.
 Sit fors & nobis talorum interprete iactu,
 Quem grauibus pennis uerberet ille puer.
 Cùm fuerit multis exacta trientibus hora,
 Noctis & instituet sacra ministra Venus,
 Annua soluamus thalamo & solennia nostro,
 Natalisq; tui sic peragamus iter.

FOEMINAS IMPERARE
 AMANTIBVS.

Quid mirare meam si uersat fœmina uitam?
 Et trahit addictum sub sua iura uirum?
 Criminaq; ignaui capitis mihi turpia fingis,
 Quòd nequeam fracto rumpere uincla iugo.
 Venturam melius præfagit nauita mortem,
 Vulneribus didicit miles habere metum,
 Ista ego præterita iactaui uerba iuuenta,
 Tu nunc exemplo disce timere meo.
 Colchis flagranteis adamantina sub iuga tauros
 Egit, & armigera prælia scuit humo.

Custodisq;

Custodisq; feros clausit serpentis hiatus,
Iret ut Aesonias aurea lana domos.
Ausä ferox ab equo quondam oppugnare sagittis
Mæotis Danaüm Penthesilea rates.
Aurea cui postquam nudauit cassida frontem
Vicit uictorem candida forma uirum.
Omphale in tantum formæ processit honorem
Lydia Gygeō tincta puella lacu,
Vt qui pacato statuisset in orbecolumnas,
Tam dura traheret mollia pensa manu.
Persarum statuit Babylona Semiramis urbem,
Vt solidum cocto tolleret aggere opus.
Et duo in aduersum misit per mœnia currus,
Ne possent tacto stringere ab axe latus.
Duxit & Eufratem medium quā condidit arces,
Iussit & imperio surgere Bactra caput.
Nam quid ego eroas, quid raptē in crimine diuos?
Iuppiter infamat seq; suamq; domum.
Quid modò quæ nostris opprobria uexerit armis,
Et famulos inter scœmina trita suos?
Coniugis obsceni pretium Romana poposcit
Mœnia, & addictos in suaregna patres,
Noxia Alexandrina dolis aptissima tellus
Et toties nostro Memphi cruenta malo,
Tres ubi Pompeio detraxit arena triumphos.
Tollet nulla dies hanc tibi Roma notam.
Issent Phlegreō melius tibi funera campo,
Vel tua si focero colla daturus eras,
Scilicet incesti meretrix regina Canopi
Vna Philippeo sanguine adusta nota.

Aufa Ioui nostro latrantem opponere Anubim,
Et Tyberim Nili cogere ferre minas,
Romanamq; tubam crepitanti pellere sistro,
Bari dos & contis rostra Liburna sequi,
Fœdaq; Tarpeio Canopea tendere saxo,
Iura dare statuas inter, & arma mari.
Quid nunc Tarquini fractas iuuat esse secures,
Nomine quem simili uita superba notat?
Si mulier patienda fuit, cape Roma triumphum,
Et longam Augusto salua precare diem.
Fugisti tamen in timidi uaga flumina Nili.
Accepere tuæ Romula uincla manus.
Brachia spectauis sacris admorsa colubris,
Et trahere occultum membra soporis iter.
Non hæc Roma fuit tanto tibi ciue uerenda
Dixit, & assiduo lingua sepulta mero.
Septem urbs alta iugis, toto quæ præsidet orbi,
Fœmineas timuit territa Marte minas.
Annibalis spolia, & uicti monimenta Siphacis,
Et Pirrhi ad nostros gloria fracta pedes.
Curius expletis statuit monimenta lacunis.
At Decius misso prælia rupit equo.
Coclitis abscissos testatur semita pontes,
Et cui cognomen Coruus habere dedit.
Hæc dij condiderant, hæc dij quoque moenia seruant.
Vix timeat saluo Cesare Roma Iouem.
Nunc ubi Scipiadae classes? ubi signa Camilli?
Aut ubi Pompeia Bosphora capta manu?
Leucadius uersas acies memorabit Apollo,
Tantum operis belli sustulit una dies.

At tu siue petes portus, seu nauita linques:
Cæsaris in toto sis memor Ionio.

AD POSTHVMVM
DE GALLA.

Posthume plorantem potuisti relinquere Gallam?
Miles & Augusti sortia signa sequi?
Tanti' ne ulla fuit spoliati gloria Parthi,
Ne faceres Gallamulta rogante tua?
Si fas est omnes pariter pereatis auari,
Et quisquis fido prætulit arma toro.
Tu tamen iniecta tectus uestane lacerna
Potabis galea fessus Araxis aquam:
Illa quidem interea fama tabescet inanî,
Hæc tua ne uirtus fiat amara tibi,
Ne' ue tua Medæ letentur cæde sagittæ,
Ferreus aurato neu cataphractus equo,
Ne' ue aliquid de te stendum referatur in urna,
Sic redeunt, illis qui cecidere locis.
Ter, quater in casta felix ò Posthume Galla,
Moribus his alia coniuge dignus eras.
Quid faciet nullo munita puella timore,
Cum sit luxuriæ Roma magistratua?
Sed securus eas, Gallam non munera uincent,
Duritiæq; tuæ non erit illa memor.
Nam quocunque die sanum te fata remittent.
Pendebit collo Galla pudica tuo.
Posthumus alter erit miranda coniuge Vlysses,
Non illi longæ tot nocuere moræ,

Castra decē annorum, & Ciconum mons, Ismara, Calpe,
 Exustaēq; tuæ mox Polypheme genæ,
 Et Circe fraudes, lotosq; herbæq; tenaces.
 Scyllaq; & alternas scissa Charybdis aquas,
 Lampetie Ithacis uerubus mugisse iuuenços,
 Pauerat hos Phœbo filia Lampetie,
 Et talamum Aëæ flentis fugisse puellæ,
 Totq; hyemis noctes, totq; natasse dies,
 Nigrantesq; domos animarum intrasse silentum,
 Sirenum surdo remige adisse lacus.
 Et ueteres arcus leto renouasse procorum,
 Errorisq; sui sic statuisse modum,
 Nec frustra, quia casta domi persederat uxor.
 Vincit Penelopes Lælia Galla fidem.

D E A V A R I T I A
P V E L L A R V M.

Q Væritis unde audis nox sit prætiosa puellis,
 Et Venerē exhaustæ damna queratur opes.
 Certe equidem tātis causa est manifesta ruinis,
 Luxuriæ nimium libera facta uia est.
 Inda cauis aurum mitti formica metallis,
 Et uenit è rubro concha Erycina salo,
 Et Tyros ostrinos præbet Cadmea colores,
 Cinnamon, & multi pastor odoris Arabs.
 Hæc etiam clausas expugnant arma pudicas,
 Quæq; terunt fastus Icarioti tuos.
 Matrona incedit census induta nepotum,
 Et spolia opprobrij nostræ per ora trahit.

Nulla est poscendi, nulla est reuerentia dandi:

Aut si qua est, pretio tollitur ipsa mora.

Felix Eois lex funeris una maritis,

Quos aurora suis rubra colorat equis.

Nanque ubi mortifero iacta est fax ultima lecto,

Vxorum fustis stat pia turba comis,

Et certamen habent leti, quæ uiua sequatur

Coniugium, pudor est non licuisse mori.

Ardent uictrices, & flammæ pectora præbent,

Imponuntq; suis ora perusta uiris.

Hic genus infidum nuptarum, hic nulla puella,

Nec fida Euadne, nec pia Penelope.

Felix agrestum quondam pacata iuuentus,

Diuitiæ quarum messis, & arbor erant.

Illis pompa fuit decussa cydonia ramo,

Et dare puniceis plena canistrarubis,

Nunc uiolas tondere manu, nunc mista referre

Lilia, uirgineos lucida per calathos.

Et portare suis uestitas frondibus uuas,

Aut uariam plumæ uersicoloris auem.

His tum blanditijs furtiua per antra puellæ

Oscula syluicolis empta dedere uiris,

Atque hinuli pellis totos operibat amantes,

Altaq; natiuo creuerat herba toro.

Pinus & incumbens latas circumdabat umbras,

Nec fuerat nudas poena uidere deas.

Corniger Idei uacuam pastoris in aulam,

Dux aries saturas ipse reduxit oues.

Dijq; deæq; omnes, quibus est tutela per agros.

Præbebant uestris uerba benigna focis.

Et leporem quicumque uenis uenaberis hospes,
 Et si forte meo tramite quaeris auem,
 Et me Pana tibi comitem de rupe uocato,
 Siue petas calamo præmia, siue cane.
 At nunc desertis cessant sacraria lucis,
 Aurum omnes uicta iam pietate colunt.
 Aurea nunc uerè sunt secula, plurimus auro
 Venit honos: auro conciliatur amor.
 Aureo pulsa fides, auro uenalia iura,
 Aurum lex sequitur, mox sine lege pudor.
 Torrida sacrilegum testantur lumina Brennum:
 Dum petit intonsi Pythia regna dei.
 At mons laurigero concussus uertice duras
 Gallica Parnassi sparsit in arma niues,
 Et scelus accepto Thracis Polymnestoris auro,
 Nutrit in hospitio non Polydore pio.
 Tu quoque ut auratos gereres Eriphila lacertos.
 Dilapsis nusquam est Amphiaræus equis.
 Proloquar, atque utinam patriæ sim uerus aruspex.
 Frangitur ipsa suis Roma superba bonis.
 Certa loquor, sed nulla fides, neque enim illa quondam
 Verax Pergameis mænas habenda malis.
 Sola Parim Phrygiæ fatum componere, sola
 Fallacem patriæ serpere dixit equum.
 Ille furor patriæ fuit utilis, ille parenti,
 Experta est ueros irrita lingua deos.

A D S P A R T E N D E

ludis Laconicis.

M Vltæ tuæ Sparte miramur iura palæstræ,
 Sed mage uirginei tot bona gymnasii:

Quod

Quòd non infames exercet corpore laudes
Inter luctantes nuda puella uiros.
Cum pila ueloces fallit per brachia iactus,
Increpat & uersi clauis adunca trochi.
Puluerulentaq; ad extremas stat foemina metas,
Et patitur duro uulnera pancratio.
Nunc ligat ad caestum gaudentia brachia loris,
Missile nunc disci pondus in orbe rotat.
Gyrum pulsat equis, niueum latus ense reuincit,
Virgineumq; cauo protegit ære caput.
Qualis Amazonidum nudatis bellica mammis,
Thermodoonteis turba lauatur aquis.
Et modo Taygeti crines aspersa pruina,
Sectatur patrios per iuga longa canes,
Qualis & Eurotæ Pollux & Castor arenis,
Hic uictor pugnis, ille futurus equis,
Inter quos Helenæ nudis capere arma papillis
Fertur, nec fratres erubuisse deos.
Lex igitur Spartana uetat secedere amantes,
Et licet in triuijs ad latus esse suæ.
Nec timor, aut ulla est clausæ tutela puellæ,
Nec grauis austeri pœna cauenda uiri.
Nullo præmisso, de rebus tute loquaris
Ipse tuis, longæ nulla repulsa moræ.
Non Tyriæ uestes errantia lumina fallunt,
Est neque odoratæ cura molestia domi.
At nostra ingenti uadit circumdata turba,
Nec digitum angusta est inseruisse uia.
Nec quæ sint facies, nec quæ sint uerba rogandi
Inuenias, cæcum uersat amator iter.

Quòd, si iura fores, pugnasq; imitata Laconum,
Charior hoc esses tu mihi Roma bono.

AD CYNTHIAM DE
LYCINNA.

Sic ego non ullos iam norim in amore tumultus,
Nec ueniat sine te nox uigilanda mihi.

Vt mihi prætectæ pudor est uelatus amictu,

Et data libertas noscere amoris iter.

Illa rudes animos per noctes conscia primas

Imbuit, heu nullis capta Lycinna datis.

Tertius, haud multò minus est, cum ducitur annus,

Vix memini nobis uerba coisse decem.

Cuncta tuus sepeliuit amor, nec foemina te

Vlla dedit collo dulcia uincla meo.

Testis erit Dyrce tam uero crimine seua,

Nycteos Antiopen accubuisse Lyco.

Ab quoties pulchros traxit regina capillos,

Molliaq; immites fixit in ora manus.

Ab quoties famulam pensis onerauit iniquis,

Et caput in dura ponere iussit humo.

Sæpe illam immundis passa est habitare tenebris,

Vilem ieiunæ sæpe negauit aquam.

Iuppiter Antiopæ nusquam succurris habenti

Tot mala: corrumpit dura catena manus.

Si deus es, tibi turpe tuam seruire puellam.

Inuocet Antiopæ quem nisi uincta Iouem?

Solat aamen, quæcunque aderant in corpore uires,

Regales manicas rupit utraque manu:

Inde Cithæronis timido pede currit in arces,
 Nox erat, & sparso triste cubile gelu:
 Sæpe uago Asopi sonitu permota fluentis
 Credebat domina ponere uenire pedes,
 Et durum Zethum, & lacrymis Amphiona mollem
 Experta est stabulis mater abacta suis.
 Ac ueluti magnos cum ponunt æquora motus,
 Eurus in aduersos desinit ire Notos.
 Littore sic tacito sonitus rarefcit arena,
 Sic cadit inflexo lapsa puella genu.
 Seratamen pietas, natis est cognitus error,
 Digne Iouis natos qui tueare senex.
 Tu reddis pueris matrem, pueriq; trahendam
 Vinxerunt Dircen sub trucidis ora bouis
 Antiope cognosce Iouem, tibi gloria Dirce
 Ducitur in multis mortem habitura locis.
 Prata cruentantur Zeti, uictorq; canebat
 Peana Amphion rupe Aracynthe tua.
 At tu non meritam parcas uexare Licynnam,
 Nescit uestra ruens ira referre pedem.
 Fabula nulla tuas de nobis concitet aures,
 Te solam & lignis funeris ustus amem.

DE IMPERIO AMICAE.

Nox media & domine mihi uenit epistola nostra,
 Tybure me missa iussit adesse mora,
 Candida quæ geminas ostendunt culmina turres,
 Et cadit in patulos lymphæ Aniæ lacus.
 Quid faciam? obductis comitam me ne tenebris?

Vt timeam audaces in mea membra manus?
 At si hæc distulero nostro mandata timore,
 Nocturno fletus sæuior hoste mihi.
 Peccarem semel, & totum sum pulsus in annum,
 In me mansuetas non habet illa manus.
 Nec tamen est quisquam, sacros qui lædat amantes,
 Scyronis media si licet ire uia.
 Quisquis amator erit, Scythicis licet ambulet oris,
 Nemo adeò, ut noceat barbarus esse uolet.
 Luna ministrat iter, demonstrant astra salebras.
 Ipse amor accensus percutit ante faces.
 Sæua canum rabies morsus auertit hianteis,
 Huic generi quouis tempore tuta uia est.
 Sanguine tam paruo quis enim spargatur amantis
 Improbis? exclusis sit comes ipsa Venus.
 Quòd si certa meos sequerentur funera casus,
 Talis mors pretio uel sit emenda mihi.
 Afferet huc unguenta mihi, fertisq; sepulchrum
 Ornabit custos ad mea busta sedens.
 Dij faciant, mea ne terra locet ossa frequenti,
 Quà facit assiduo tramite uulgus iter.
 Post mortem tumuli sic infamantur amantum.
 Me tegat arborea deuia terra coma,
 Aut humet ignotæ cumulus uallatus arenæ,
 Non iuuat in media nomen habere uia.

A D B A C C H V M.

Nunc ò Bacche tuis humiles aduoluimur aris,
 Da mihi pacato uela secunda pater.

Tu potes insane Veneris compescere fastus,
Curarumq; tuo sit medicina mero.
Per te iunguntur, per te soluuntur amantes:
Tu uitium ex animo dilue Bacche meo.
Te quoque enim non esse rudem testatur in astris
Lyncibus in cœlum uecta Ariadna tuis.
Hoc mihi quod ueteres custodit in ossibus ignes,
Funera sanabunt, uel tua uina malum.
Semper enim uacuos nox sobria torquet amantes,
Spesq; timorq; animo uersat utroque modo.
Quod si Bacche tuis per feruida tempora donis,
Accersitus erit somnus in ossa mea,
Ipse seram uites, pangamq; ex ordine colles,
Quos carpant nullæ me uigilante fera.
Dum modo purpureo spument mihi dolia musto,
Et noua pressanteis inquinet uua pedes.
Quod superest uitæ, per te, & tua cornua, uiuam,
Virtutisq; tuæ Bacche poëta ferar.
Dicam ego maternos Aetnæo fulmine partus,
Indica Nyssæis arma fugata choris.
Vesanumq; noua nequicquam in uite Lycurgum,
Pentheos in triplices funera grata greges,
Curuaq; Tyrrhenos Delphinum corpora nautas,
In uada pampinea dissiluisse rate.
Et tibi per mediam beneuolentia flumina Naxon,
Vnde tuum potant Naxia turba merum.
Candida laxatis onerato colla corymbis,
Cinget Bassaricas Lydia mitra comas.
Leuis odorato ceruix manabit oliuo,
Et feries nudos ueste fluente pedes.

Mollia Dircae pulsabunt tympana Thebæ,
 Capripedes calamo Panes hiantes canent.
 Vertice turrigero iuxta dea magna Cybelle
 Fundet ad Ideos cymbala rauca choros.
 Ante fores templi crater antisibitis auro,
 Libatum fundens in tua sacra merum.
 Hec ego non humili referam memoranda cothurno,
 Qualis Pindarico spiritus ore tonat.
 Tu modo seruitio uacuum me siste superbo,
 Atque hoc sollicitum uince sopore caput.

M O R T E M E S S E I N =
 E V I T A B I L E M .

Clausus ab umbroso quæ ludit pontus Auerno
 Humida Baiarum stagna tepentis aquæ,
 Quæ iacet & Troie tubicen Misenus arena,
 Et sonat Herculeo structa labore uia.
 Hic ubi mortaleis dextra cum quæreret urbes,
 Cymbala Thebano concrepuere deo:
 At nunc inuisæ magno cum crimine Baie,
 Quis deus in uestra constitit hostis aqua?
 His pressus Stygias uultum dimisit in undas,
 Erat & in uestro spiritus ille lacu.
 Quid genus, aut uirtus, aut optima profuit illi
 Mater, & amplexum Cæsaris esse focos.
 Aut modo tam pleno fluitantia uela theatro,
 Et per maternas omnia gesta manus?
 Occidit, & misero steterat uigessimus annus?
 Tot bona tam paruo clausit in orbe dies.

I nunc, tolle animos, & tecum finge triumphos,
 Stantiaq; in plausum tota theatra iuuent.
 Attalicas supera uestes, atque omnia magnis
 Gemmea sint ludis, ignibus ista dabis.
 Sed tamen huc omnes, huc primus, & ultimus ordo,
 Est mala, sed cunctis ista terenda uia est.
 Exoranda canis tria sunt latrantia colla,
 Scandenda est torui publica cymba senis.
 Ille licet ferro cautus se condat, & ære,
 Mors tamen inclusum protrahit inde caput.
 Nireæ non facies, non uis exemit Achillem,
 Cræsum aut Pactoli quas parit humor opes:
 Hic olim ignaros luctus populauit Achiuos,
 Atride magno cum stetit alter amor.
 At tibi nauta, piæ hominum qui traiecis umbras,
 Huc animæ portent corpus inane tuæ,
 Quæ Siculæ uictor telluris Claudius, & quæ
 Cæsar ab humana cessit in astra uia.

DE MULIERVM IN-
 CONTINENTIA.

O Bijcitur toties à te mihi nostra libido,
 Crede mihi, uobis imperat illa magis.
 Vos ubi contempti rupistis fræna pudoris,
 Nescitis captæ mentis habere modum.
 Flamma per incensas citius sedetur aristas,
 Fluminaq; ad fontis sint reditura caput,
 Et placitum Syrtes portum, & bona littora nautis
 Præbeat hospitio seuæ Malea suo:

Quàm possit uestros quisquam reprehendere cursus,
Et rapide stimulos frangere nequitie.

Testis Cræteï fastus quæ passa iuueni

Induit abięnæ cornua falsa boui.

Testis Thessalico flagrans Salmonis Enipeo,

Quæ uoluit liquido tota subire Deo.

Crimen & illa fuit patria succensa senecta

Arboris in frondes condita Myrrha nouæ.

Nam quid Medea referam, quo tempore matris

Iram natorum cæde piavit amor?

Quid'ue Clytemnestræ, propter quam tota Mycenis

Infamis stupro stat Pelopea domus?

Tuq; ò Minoa uenundata Scylla figura

Tondens purpurea regna paterna coma.

Hanc igitur dotem uirgo desponderat hosti.

Nise tuas portas fraude reclusit amor.

At uos innuptæ felicius urite tædas,

Pendet Cretæa tracta puella rate.

Non tamen immeritò Minos sedet arbiter Orci,

Victor erat, quamuis æquus in hoste fuit.

DE CONTEMPTO

re amicæ,

CRedis eum iam posse tuæ meminisse figuræ.

Vidisti à lecto quem dare uela tuo?

Durus, qui lucro potuit mutare puellam.

Tantis ne in lacrymis Affrica tota fuit?

At tu stulta Deos, tu fingis inania uerba.

Forſitan ille alio pectus amore terit.

Est tibi forma potens, sunt castæ Palladis artes,
Splendidaq; à docto fama refulget auro.
Fortunata domus, modò sit tibi fidus amicus.
Fidus ero, in nostros curre puella toros.
Tu quoque, qui æstiuos spatiosius exigis ignes,
Phœbe moraturæ contrahere lucis iter.
Nox mihi prima uenit, primæ data tempora noctis,
Longius in primo Luna morare toro.
Fœdera sunt ponenda prius, signandaq; iura,
Et scribenda mihi lex in amore nouo.
Hec amor ipse suo constringit pignora signo,
Testis sydereæ torta corona Deæ,
Quàm multæ antè meis cedant sermonibus horæ,
Dulcia quàm nobis concitet arma Venus.
Nanque ubi non certo uincitur fœdere lectus.
Non habet ultores nox uigilanda Deos,
Et quibus imposuit soluit nox uincla libido.
Contineant nobis omnia prima fidem.
Ergo qui pactas in fœdera ruperit aras,
Pollueritq; nouo sacra marita toro,
Illi sint quicunque solent in amore dolores,
Et caput argutæ præbeat historiæ,
Nec flenti dominæ patefiant nocte fenestræ,
Semper amet, fructu semper amoris egens:

AD CYNTHIAM.

M Agnum iter ad doctas proficisci cogor Athenas,
Vt me longa graui soluat amore uia.
Crescit enim assidue spectando cura puellæ,

Ipse

Ipse alimenta sibi maxima præbet amor.
 Omnia sunt tentata mihi, quacunque fugari
 Possit at ex omni me præmit ipse Deus.
 Vix tamen aut semel admittit, cum sepe negavit,
 Seu uenit, extremo dormit amica toro.
 Vnum erit auxilium mutatis Cynthia terris,
 Quantum oculis, animo tam procul ibit amor.
 Nunc agite ò socij propellite in æquora nauem,
 Remorumq; pares ducite sorte uices,
 Iungit eq; extremo felicia lintea malo,
 Nam liquidum nautis aura secundat iter.
 Romanæ tures, & uos ualeatis amici,
 Qualiscunque mihi tuq; puella uale.
 Ergo ego nunc rudis Adriaci uehar æquoris hospes,
 Cogar & undifonos nunc prece adire Deos.
 Deinde per Ionium uectus cum fessa Lechæo
 Sedarit placida uela phaselus aqua,
 Quod superest, sufferte pedes, properate laborem,
 Isthmus quâ terris arcet utrinque mare.
 Inde ubi Pirei capient me littora portus,
 Scandam ego Thesææ brachia longa uiæ.
 Illic uel studijs animum emendare Platonis
 Incipiam, aut hortis docte Epicuræ tuis,
 Persequar aut studium lingue, Demosthenis arma,
 Librorumq; tuos docte Menandre sales,
 Aut certè tabulæ capient mea lumina pictæ,
 Siue ebore exactæ, seu magis ære manus,
 Aut spatia annorum, aut longa interualla profundi
 Lenibunt tacito uulnera nostra sinu.
 Seu moriar fato non turpi fractus amore,

Atque

Atque erit illa mihi mortis honesta dies.

AD TVLLVM.

F Rigida tam multos placuit tibi Cizicus annos
 Tulle Propontiaca quâ fluit Isthmos aqua,
 Dindymus, & sacræ fabricata inuenta Cybellæ,
 Raptorisq; tulit quæ uia Ditis equos.
 Si te fortè iuuant Helles Athamantidos urbes,
 Et desiderio Tulle mouere meo,
 Tu licet aspicias cœlum omne Atlanta gerentem,
 Sectaq; Persea Phorcydos ora manu,
 Geryonæ stabula, & luctantum in puluere signa
 Herculis Antæiq; , Hesperidumq; choros,
 Tuq; tuo Colchon propellas remige Phasin,
 Peliacæq; trabis totum iter ipse legas,
 Quâ rudis Argoa notat inter saxa columba
 In faciem proræ pinus addacta nouæ,
 Et quâ Gigei uisenda est ora Caistri,
 Et quâ septenas temperat unda uias,
 Omnia Romanæ cedent miracula terræ,
 Natura hîc posuit quicquid ubique fuit.
 Armis apta magis tellus, quàm commoda noxæ,
 Famam Roma tuæ non pudet historie.
 Nam quantum ferro, tantum pietate potentes
 Stamus, uictrices temperat ira manus.
 Hic Anio Tyburte fluis, Clitumnus ab Umbro
 Tramite, & æternum Martius humor opus.
 Albanus lacus, & socij Nemorensis ab unda,
 Potaq; Pollucis lymphæ salubris equo.

At non squamoso labuntur uentre ceraſtæ,
 Itala portentis nec fuit una nouis.
 Non hîc Andromeda reſonant pro matre catenæ,
 Nec tremis Auſonias Phœbe fugate dapes:
 Nec cuiquam abſentis arſerunt in caput ignes,
 Exitium nato matre parante ſuo.
 Penthea non ſæuæ uenantur in arbore Bacchæ,
 Nec ſoluit Danaus ſubdita cerua rates.
 Cornua nec ualuit curuare in pellice Iuſo,
 Aut faciem turpi dedecorare boue.
 Arboreasq; cruces Scinis, & non hospita Graijs
 Saxa, & curuatas in ſua fata trabes.
 Hæc tibi Tullie parens, hæc eſt pulcherrima ſedes.
 Hic tibi pro digna gente petendus honos.
 Hic tibi ad eloquium ciues, hic ampla nepotum
 Spes, & uenturæ coniugis aptus amor.

DE TABVLIS PERDITIS.

ERgo tam doctæ nobis periere tabellæ,
 Scripta quibus pariter tot periere bona.
 Has quondam noſtris manibus detriuerat uſus,
 Qui non ſignatas iuſſit habere fidem,
 æ iam ſine me norant placare puellas,
 Et quædam ſine me uerba diſerta loqui.
 Non illas fixum charas effecerat aurum,
 Vulgari buxo ſordida cera fuit.
 Qualeſcunque mihi ſemper manſere fideles,
 Semper & effectus promeruere bonos.
 Forſitan hæc illis fuerant mandata tabellis,

Irascor quoniam es lente moratus heri.
 An tibi nescio quæ uisæ sit formosior? an tu
 Non bona de nobis crimina ficta iacis?
 Aut dixit uenies hodie, cessauimus unâ.
 Hospitium tota nocte parauit amor,
 Et quæcunque dolens reperit non stulta puella
 Garrula, cum blandis ducitur hora dolis.
 Me miserum his aliquis rationem scribit auari,
 Et ponit duras inter ephemeridas.
 Quis si quis mihi rettulerit, donabitur auro.
 Quis pro diuitijs ligna retenta uelit?
 I puer & citus hæc aliqua propone columna,
 Et dominum Exquilis scribe habitare tuum.

AD CYNTHIAM
superbientem.

Falsa est ista tuæ mulier fiducia formæ
 Olim oculis nimium facta superba meis:
 Noster amor tales tribuit tibi Cynthia laudes,
 Versibus insignem te pudet esse meis.
 Mistam te uaria laudaui sepe figura,
 Ut quod non esses, esse putaret amor,
 Et color est toties roseo collatus eoo,
 Cum tibi quesitus candor in ore foret:
 Quod mihi non patrij poterant auertere amici,
 Eluere aut uasto Thessala saga mari,
 Hæc ego non ferro, non igne coactus, & ipsa
 Naufragus Aegæa uerba fatebor aqua,
 Correptus seuo Veneris torrebam abeno,

Victus eram uersas in mea terga manus.
 Ecce coronatæ portum tetigere carinæ,
 Traiectæ Syrtes, anchora iacta mihi est.
 Nunc demum uasto fessi respiscimus æstu,
 Vulneraq; ad sanum nunc coiere mea.
 Mens bona siqua Dea es, tuam in sacraria dono.
 Exciderent surdo tot mea uota loui,

A D A M I C A M.

R ifus eram positus inter conuiuia mensis,
 Et de me poterat quilibet esse loquax.
 Quinque tibi potui seruire fideliter annos.
 Vingue meam morso sæpe querere fidem.
 Nil moueor lacrymis, ista sum captus ab arte.
 Semper ab insidijs Cynthia flere soles.
 Flebo ego discedens, sed fletum iniuria uincit,
 Tu bene conueniens non finis esse iugum.
 Limina iam nostris ualeant lacrymantia uerbis,
 Nectamen irata ianua fracta manu.
 At te celatis ætas grauis urgeat annis,
 Et ueniat formæ ruga sinistra tuæ.
 Vellere cum cupies albos à stirpe capillos
 A speculo rugas increpitante tibi,
 Exclusa inq; uicem fastus patiare superbos,
 Et quæ fecisti, facta queraris anus.
 Has tibi fataleis cecinit mea pagina diras,
 Euentum formæ disce timere tuæ.

SEX.

SEX. PROPERTII
AVRELII VMBRI ELE
GIARVM LIBER
QVARTVS.

DE VRBE ROMA.



OC quodcunque uides hospes quàm
maxima Roma est,
Ante Phrygem Aeneam collis, & her-
ba fuit:
Atque ubi nauali stant sacra palatia
Phœbo,

Euandri profugæ procubuerunt boues.
Fictilibus creuere deis hæc aurea templa.
Non fuit opprobrio facta sine arte casa.
Tarpeiusq; pater nuda de rupe tonabat,
Et Tyberis nostris aduenabubus erat.
Quo gradibus domus ista Remi se sustulit olim,
Vnus erat fratrum maxima regna focus.
Curia, prætexto quæ nunc nitet alta senatu,
Pellitos habuit rustica corda patres.
Buccina cogebat priscos ad uerba Quirites.
Centum illi in prato sæp: senatus erat.
Nec sinuosa cauo pendebant uela theatro.
Pulpita solenneis non oluere crocos.
Nulli cura fuit externos querere diuos,
Cum tremere patrio pendula turba sacro,
Annuaq; accenso celebrare Palilia fœno,
Qualia nunc curto lustra nouantur equo.

Vesta coronatis pauper gaudebat asellis,
Ducebant macrae uilia sacra boues.
Parua saginati lustrabant compita porci,
Pastor & ad calamos exta litabat ouis.
Verbera pellitus setosa mouebat arator,
Vnde licens Fabius sacra Lupercus habet.
Nec rudis infestis miles radiabat in armis,
Miscebant ustra praelia nuda sude.
Prima Galeritus posuit pratoria Lygmon,
Magnaq; pars Tatio rerum erat inter oues.
Hinc Titiens, Ramnesq; uiri, Luceresq; coloni:
Quattuor hinc albos Romulus egit equos.
Quippe suburbanæ parua minus urbe Bouillæ,
Et qui nunc nulli, maxima turba Gabij.
Et stetit Alba potens albæ suis omine nata,
Hæc ubi Fidenas longè erat ire uias.
Nil patrium nisi nomen habet Romanus alumnus,
Sanguinis altricem nunc pudet esse lupam.
Huc melius profugos misisti Troia penates,
O' quali uecta est Dardana puppis aue.
Iam bene spondebant tunc omnia, quod nihil illam
Læserat abiegni uenter apertus equi.
Cùm pater in nati tremulus ceruice pependit,
Et uerita est humeros urere flamma pios:
Tunc animi uenere Decij, Brutiq; secures,
Vexit & ipsa sui Cæsaris arma Venus,
Arma resurgentis portans uictricia Troiæ,
Felix terra tuos cepit lule Deos,
Si modò Auernalis tremule cortina Sibyllæ
Dixit Auentino rura pianda Remo,

Aut si Pergamee serò rata carmina uatis
Longeuum ad Priami uana fuisse caput.
Vertite equum Danaï, malè uincitis: illa tellus
Viuet, & huic cineri Iuppiter arma dabit.
Optima uentricum nostri is Lupa Martia rebus,
Qualia creuerunt moenia lacte tuo.
Moenia nanque pio conor disponere uersu,
Hei mihi quòd nostro est paruius in ore sonus.
Sed tamen exiguo quodcunque è pectore riuui
Fluxerit, hoc patrie seruiat omne mee.
Ennius hirsuta cingat sua dicta corona,
Mi folia ex edera porrige Bacche tua,
Vt nostris tunefacta superbiat Umbria libris,
Umbria Romani patria Callimachi.
Scandentes si quis cernet de uallibus arces,
Ingenio muros æstimet ille meo.
Roma faue, tibi surgit opus, date candida ciues
Omina, & inceptis dextera canteat auis.
Sacra, diesq; canam, & cognomina prisca locorum.
Has meus ad metas sudet oportet equus.
Quò ruis imprudens uage dicere facta Properti?
Non sunt à dextro condita sila celo.
Accersis lacrymis cantus, auersus Apollo,
Poscis ab inuita uerba pigenda lyra.
Certa feram certis autoribus, aut ego uates
Nescius ærata signa mouere pila.
Me creat Archite soboles Babylonius Horops
Horon, & à proauo ducta Conone domus.
Dij mihi sunt testes, non degenerasse propinquis,
Inq; meis libris nil prius esse fide.

Nunc pretium fecere Deos, & fallitur auro
Iuppiter obliquæ signa iterata rotæ.
Felicesq; Iouis stellas, Martisq; rapacis,
Et graue Saturni sydus in omne caput,
Quid moueant pisces, animosaq; signa Leonis,
Lotus & Hesperia quid Capricornus aqua,
Dicam Troia cades, & Troica Roma resurges,
Et maris, & terræ longa sepulchra canam.
Dixi ego cum geminos perduceret Arrianatos,
Illa dabat natis arma uetante Deo,
Non posse ad patrios sua pila referre penates,
Nempe meam firmant nunc duo busta fidem,
Quippe Lupercus equi dum saucia protegit ora,
Heu sibi prolapsò non bene cauit equo.
Gallus at in castris dum credita signa tuetur,
Concidit ante aquilæ rostra cruenta suæ,
Fatales pueri duo funera matris auaræ.
Vera sed inuito contigit ista fides.
Idem ego cum Cynaræ traheret Lucina dolores,
Et facerent uteri pondera lenta moram,
Iunonis uotum facite impetrabile dixi,
Illa parit, libris est data palma meis.
Hoc neque arenosum Lybici Iouis explicat antrum,
Aut sibi commissos fibra locuta Deos,
Aut si quis mutas cornicis senferit alas,
Vmbraq; nec magicis mortua prodit aquis,
Aspicienda uia est cœli, uersusq; per astra
Trames, & ab zonis quinque petenda fides.
Exemplum graue erit Calchas, nanque Aulide soluit
Ille bene hærentes ad pia saxa rates.

Idem Agamemnoniæ ferrum ceruice puellæ
Tinxit, & Atrides uela cruenta dedit.
Nec rediere tamen Danaï: tu diruta fletum
Supprime, & Euboicos respice Troia sinus.
Nauplius ultores sub noctem porrigit ignes,
Et natat exuuijs Græcia pressa tuis,
Victor Oilide rape nunc, & dilige uatem,
Quam uetat auelli ueste Minerua sua.
Hactenus historiæ, nunc ad tua deuehor astra,
Incipe tu lacrymis æquus adesse nouis.
Umbria te notis antiqua penatibus edit,
Mentior? an patriæ tangitur ora tuæ?
Quà nebulosa cauo rorat Meuania campo,
Et lacus æstiuus intepet Umber aquis,
Scandentisq; axis consurgit uertice murus,
Murus ab ingenio notior ille tuo,
Ossaq; legisti non illa ætate legenda
Patris, & in tenues cogeris ipse lares.
Nam tua cùm multi uersarent rura iuueni,
Abstulit excultas pertica tristis opes.
Mox ubi bulla rudi demissa est aurea collo,
Matris & ante Deos libera sumpta toga,
Tum tibi pauca suo de carmine dictat Apollo,
Et uetat insano uerba tonare foro.
Et tu finge elegos fallax opus, hæc tua castra,
Scribat ut exemplo cætera turba tuo.
Militem Veneris blandis patiære sub annis,
Et Veneris pueris utilis hostis eris:
Nam tibi uictrices, quasunque labore parasti,
Eludat palmas una puella tuas,

Et bene cum fixum mento discusserit uncum,
 Nil erit hoc, rostro te premet ansa suo.
 Illius arbitrio noctem, lucemque uidebis,
 Gutta quoque ex oculis non nisi iussa cadet.
 Nec mille excubiae, nec te signata iuuabunt
 Limina, persuase fallere rima sat est.
 Nunc tua uel medijs puppis luctetur in undis,
 Vel licet armatis hostis inermis eas,
 Vel tremefacta cauo tellus deducat hiatum,
 Octipedis cancri terga sinistra time.

F A B V L A V E R T V M N I.

Quid mirare meas tot in uno corpore formas?
 Accipe Vertumni signa paterna Dei.
 Thuscus ego, Thuscis orior, nec paenitet inter
 Prælia Volscinos deseruisse focos.
 Nec me turba iuuat, nec templo lator eburno,
 Romanum satis est posse uidere forum.
 Hæc quondam Tyberinus iter faciebat, & aiunt
 Remorum auditos per uada pulsa sonos:
 At postquam ille suis tantum concessit alumniis,
 Vertumnus uerso dicor ab anne Deus:
 Seu quia uertentis fructum percepimus anni,
 Vertumni rursus credidit esse sacrum.
 Prima mihi uariat liuentibus una racemis,
 Et coma lactenti spicæ fruge tumet.
 Hic dulces cerasos, hic autumnalia pruna
 Cernis, & æstiuo mora rubere die.
 Instor hic soluit pomosa uota corona,
 Cum pyrus inuito stipite mala tulit.
 Mendax fama nocet, alius mihi nominis index,

De se narranti tu modò crede Deo.
Opportuna mea est cunctis natura figuris,
In quacunque uoles uerte, decorus ero.
Indue me Cois, fiam non dura puella,
Meq; uirum sumpta quis neget esse toga?
Da falcem, & torto frontem mihi comprime fœno,
Iurabis nostra gramina secta manu.
Armatuli quondam, & memini, laudabar in illis,
Corbis & imposito pondere, messor eram.
Sobrius ad lites, at cùm est imposta corona,
Clamabis capiti uina subisse meo,
Cinge caput mitra, speciem furabor Iacchi,
Furabor Phœbi, si modò plectra dabis.
Cassibus impositis uenor, sed arundine sumpta
Faunus plumoso sum Deus aucupio.
Est etiam aurigæ species Vertumnus, & eius
Traicit alterno qui leue pondus equo.
ppet at, hoc pisces calamo prædabor, & ibo
Mundus demissis institor intunicis.
Pastorem ad baculum possum curare, uel idem
Serpiculis medio puluere ferre rosam.
Nam quid ego adijciam, de quo mihi maxima fama est,
Hortorum in manibus dona probata meis?
Ceruleus cucumis, tumidoq; cucurbita uentre
Me notat, & iunco brassica uincta leui.
Nec flos ullus biat pratis, quin ille decenter
Impositus fronti langueat antè mee.
At mihi quòd formas unus uertebat in omnes,
Nomen ab euentu patria lingua dedit.
At tu Roma meis tribuisti præmia Thyseis,

Vnde

Vnde hodie uicus nomina Thuscus habet.
 Tempore quo socij uenit Lycomedius armis,
 Atque Sabina ferri contudit arma Tati,
 Vidi ego labentes acies, & tela caduca,
 Atque hostes turpi terga dedisse fugæ.
 Sed facias diuûm sator, ut Romana per æuum
 Transeat ante meos turba togata pedes.
 Sex superant uersus, te, qui ad uadimonia curris,
 Non moror, hæc spatij ultima meta meis.
 Stipes acernus eram properanti falce dolatus,
 Ante Numam grata pauper in urbe Deus,
 At tibi Mamuri formæ celator abenæ
 Tellus artifices ne terat Osca manus,
 Qui me tam docilis potuisti funderè in usus,
 Vnum opus est, operi non datur unus honos.

E P I S T O L A A R E T H U S A E
 A D L Y C O T A M.

Hæc Arethusa suo mittit mandata Lycotæ,
 Cum toties absis, si potes esse meus.
 Siquatamen tibi lecturo pars oblita deerit,
 Hæc erit è lacrymis facta litura meis,
 Aut siqua incerto fallet te littera tractu,
 Signa meæ dextræ iam morientis erunt.
 Te modò uiderunt iteratos Bactra per ortus,
 Te modò munito sericus hostis equo,
 Hybernîq; Getæ, pictoq; Britannia curru,
 Vstus & Eoa discolor Indus aqua.
 Hæc ne marita fides, & pactæ sunt mihi noctes,
 Cum rudis urgenti brachia uicta dedi?

*Quæ mihi deductæ fax omen prætulit, illa
Traxit ab everso lumina nigra rogo.
Et Stygio sparsa lacu, nec recta capillis
Vita data est, nupsi non comitante Deo.
Omnibus heu portis pendent mea noxia uota.
Texitur hæc castris quarta lacerna tuis.
Occidat, immerita qui carpsit ab arbore uallum,
Et struxit querulas rauca per ossa tubas.
Dignior obliquo funem qui torqueat oculo,
Aeternusq; tuam pascat aselle famem.
Dic mihi num teneros urit lorica lacertos?
Num grauis imbelles atterit hasta manus?
Hæcnoceant potius, quàm dentibus ulla puella
Det mihi plorandas per tua colla notas.
Diceris & macie uultum tenuasse, sed opto
E' desiderio sit color iste meo.
At mihi cùm noctes induxit uestper amaras,
Siqua relictæ iacent, osculor arma tua,
Tum queror in toto non sidere pallia lecto,
Lucis & autores non dare carmen aues.
Noctibus hybernis castrensia pensa laboro,
Et Tyria in gladios uellera secta suos.
Et disco qua parte fluat uincendus Araxes,
Quot sine aqua Parthus millia currat equus.
Cogor & etabula pictos ediscere mundos,
Qualis & hæc docti sit positura Dei,
Quæ tellus sit lenta gelu, quæ putris ab estu,
Ventus in Italiam qui bene uela ferat.
Assidet una soror, curis & pallida nutrix
Peierat hyberni temporis esse moras.*

Felix Hippolyte nuda tulit arma papilla,
Et texit galea barbara molle caput.
Romanis utinam patuissent castra puellis,
Essem militie sarcina fida tue.
Nec me tardarent Scythie iuga, cum pater altas
Africus in glaciem frigore necit aquas.
Omnis amor magnus, sed aperto in co iuge maior.
Hanc Venus, ut uiuat, uentilat ipsa facem.
Nam mihi quo Pœnis tibi purpura fulgeat ostris,
Crystallusq; tuas ornet aquosa manus,
Omnia surda tacent, rarisq; assueta calendis,
Vix aperit clausos una puella lares.
Graucidos, & catule uox est mihi grata querentis,
Illa tui partem uendicat una tori.
Flore sacella tego, uerbenis compita uelo,
Et crepat ad ueteres herba Sabina focos,
Siue in finitimo gemuit stans noctua tigno,
Seu uoluit tangi parca lucerna mero,
Illa dies hornis cadem denuntiat agnis,
Succinctæq; calent ad noua lucra popæ.
Ne precor ascensis tanti sit gloria Baetris,
Raptæue odorato carbasa lina duci,
Plumbea cum tortæ sparguntur pondera funde,
Subdolus & uersis increpat arcus equis.
Sed tua si domitis Parthæ telluris alumnis,
Pura triumphanteis hasta sequatur equos.
Incorrupta mei conserua fœdera lecti,
Hac ego te sola lege redisse uelim,
Armæq; cum tulero portæ uotiua Capenæ,
Subscribam saluo grata puella uiro.

FABVLA TARPEIÆ.

TArpeium nemus, & Tarpeiæ turpe sepulchrum
Fabor, & antiqui limina capta Iouis.

Lucus erat felix & derofo conditus antro,

Multaq; nativis obstrepit arbor aquis,
Sylvani ramosa domus, quò dulcis ab æstu

Fistula poturas ire lubebat oues.

Hunc Tatiùs fontem uallo præcingit acerno,

Fidaq; suggesta castra coronat humo.

Quid tum Roma fuit, tubicen uicina Curetis

Cùm quateret lento murmure saxa Iouis?

Atque ubi nunc terris dicuntur iura subactis,

Stabant Romano pila Sabina foro.

Murus erant montes, ubi nunc est curia septa,

Bellicus ex illo fonte bibebat equus,

Hinc Tarpeia Deæ fontem libavit, at illi

Vrgebat medium fictilis urna caput.

Et satis una male potuit mors esse puellæ,

Quæ uoluit flammæ fallere Vesta tuas.

Vidit arenosis Tatium perludere campis,

Pictaq; per flauas arma leuare iubas.

Obstupuit regis facie, & regalibus armis,

Interq; oblitus excidit urna manus.

Sæpe illa immerite causata est omnia Luna

Et sibi tingendas dixit in amne comas.

Sæpe tulit blandis argentea lilia nymphis,

Romula ne faciem laderet hasta Tati.

Dumq; subit primo capitolia nubila fumo,

Rettulit hirsutis brachia secta rubis,

Et sua Tarpeia residens ita fleuit ab arce

Vulnere

Vulnera uicino non patienda Ioui,
Ignes castrorum, & Tatiæ prætoris turmæ,
Et formosa oculis arma Sabina meis,
O' utinam ad uestros sedeam captiua penates,
Dum captiua mei conspicer esse Tati.
Romani montes, & montibus addita Roma,
Et ualeat probro Vesta pudenda meo.
Ille equus, ille meos in castra reponet amores,
Cui Tatius dextras collocat ipse iubas.
Quid mirum in patrios Scyllam sæuisse capillos?
Candidaq; in sæuos inguina uersa canes?
Prodita quid mirum fraterni cornua monstri,
Cùm patuit lecto stamine torta uia?
Quantum ego sum Ausonijs crimen factura puellis,
Improba uirgineo lecta ministra foco.
Pallados extinctos siquis mirabitur ignes,
Ignoscat, lacrymis spargitur ara meis.
Cras (ut rumor ait) tota pugnabitur urbe,
Tu cape spinosi rosida terga iugi.
Lubricata tota uia est, & perfida, quippe tacentes
Fallaci celat limite semper aquas.
O' utinam magicæ nossem cantamina Musæ,
Hæc quoque formoso lingua tulisset opem.
Te toga picta decet, non quem sine matris honore
Nutrit inhumane dura papilla lupæ.
Sic hospes patiare tua regina sub aula
Dos tibi non humilis prodita Roma uenit.
Sin minus, at raptæ ne sint impune Sabinae,
Merape, & alterna lege repende uices.
Commisssas acies ego possum soluere, nuptæ

Vos medium palla foedus inite mea.
Adde Hymenæe modos, tubicen fera murmura conde,
Credite uestra meus molliet armatorus.
Et iam quarta canit uenturam buccina lucem,
Ipsaq; in oceanum sydera lapsa cadunt,
Experiar somnum, de te mihi somnia quæram,
Fac uenias oculis umbra benigna meis.
Dixit & incerto permixt brachia somno
Nescia nefarijs accubuisse nouis.
Nam Vesta Iliacæ felix tutela fauillæ
Culpam alit, & plures condit in ossa faces
Illa ruit qualis celerem prope Thermodoonta,
Stymonis abscisso fertur aperta sinu.
Urbi festus erat, dixere Palilia patres.
Hic primus cœpit manibus esse dies.
Annua pastorum conuiuia lusus in urbe
Cum pagana madent fercula diuitijs,
Cumq; super raros fœni flammantis acervos
Traijcit immundas ebria turba dapes
Romulus excubias decreuit in otia solui,
Atque intermissa castra silere tuba.
Hoc Tarpeia suum tempus rata, conuenit hostem,
Pacta ligat, pactis ipsa futura comes.
Mons erat ascensu dubius, festoq; remissus.
Nec mora uocales occupat ense canes.
Omnia præbebant somnos, sed Iuppiter unus
Decreuit poenis inuigilare tuis.
Prodiderat portæq; fidem, patriamq; iacentem,
Nubendiq; petit, quem uelit ipsa, diem.
At Tatijs (neque enim sceleri dedit hostis honorem)

Nube, ait, & regni scande cubile mei.
 Dixit, & ingestis comitum super obruit armis,
 Hec uirgo officijs dos erat apta tuis.
 A' duce Tarpeio mons est cognomen adeptus,
 O' uigil iniustæ præmia sortis habes.

A D L E N A M.

Terra tuum spinis obducatur lena sepulchrum,
 Et tua, quod non uis, sentiat umbra sitim,
 Nec sedcant cineri manes, & cerberus ultor
 Turpia ieiuno terreat ossa sono,
 Docta uel Hyppolytum Veneri mollire negantem,
 Concordiæq; toro pessima semper auis.
 Penelopen quoque neglecto rumore mariti
 Nubere lasciuo cogeret Antinoo.

Illauelit, poterit magnes non ducere ferrum,
 Et uolucris nidis esse nouerca suis.

Quippe & collinas ad fossam mouerit herbas,

*Stantia *Stagnaq; currenti dilucentur aqua.

Audax cantate leges imponere Lunæ,

Et sua nocturno fallere terga lupo.

Possset & intentos astu cæcare maritos.

Cornicum immeritas eruit ungue genas.

Consuluitq; striges nostro de sanguine, & in me

Hippomanes foetæ semina legit equæ.

Exornabat opus uerbis ceu blanda perurat,

Saxosamq; terat sedula culpa uiam,

*Debataturq; Si te Eoa iuuat, *Doroξαντὺνq; aurea ripa,

Et quæ sub Tyria concha superbit aqua,

Eurypiliq; placet Coæ textura Mineræ,

Sectaq; ab Attalicis putria signa toris,

Seu quam palmiferae mittunt uenalia Thebe,
Murrheaq; in Parthis pocula cocta focis,
Sperne fidem, prouolue Deos, mendacia uincant.
Cedant damnosae iura pudicitiae.
Et simulare uirum pretium facit, utere caussis.
Maior dilata nocte recurret amor.
Si tibi forte comas uexauerit utilis ira,
Post modò mercata pace premendus erit.
Denique ubi amplexu Venerem promiseris empto,
Fac simules puros Isidis esse dies.
Ingerat apriles sole tibi, tundat Amycle
Natalem Maijs idibus esse tuum.
Supplex ille sedet, posita tu scribe cathedra
Quidlibet. has artes si pauet ille, tenes.
Semper habe morsus circa tua colla recentes,
Litibus alternis quos putet esse datos.
Non te Medae delectent probra sequacis,
Nempe tulit fastus ausa rogare prior,
Sed potius mundi Thais pretiosa Menandri,
Cum ferit astutos comica moecha Getas.
In mores te uerte uiri, si cantica iactat,
I comes, & uoces ebria iunge tuas.
Ianitor ad dantes uigilet, si pulset inanis,
Surdus in obductam somniet usque senam.
Nec tibi displiceat miles modò factus amori,
Nauta nec attrita si ferat aera manu,
Aut quorum titulus per barbara colla pependit,
Caelati medio cum saliere foro.
Aurum spectato, non quae manus afferat aurum.
Versibus auditis, quid nisi uerba feres?

Qui uersus Coæ dederit nec munera uestis,
 Ipsius tibi sit sueda sine arte lyra.
 Dum uernat sanguis, dum rugis integer annus,
 Vtere, nequis eat liber amore dies.
 Vidi ego odorati uictura rosaria Pæsti
 Sub matutino cocta iacere Noto.
 His animos nostræ dum uersat Acanthis amicæ,
 Per tenues ossa sunt numerata cutes.
 Sed cape torquata Venus ò regina columbæ,
 Ob meritum ante tuos guttura secta focos.
 Vidi ego rugoso tuissim concrescere collo,
 Sputaq; per dentes ire cruenta cauos,
 Atque animam in tegetes putrem expirare paternas.
 Horruit argenti pocula curua foco.
 Exequiæ fuerant rari furtiua capilli
 Vincula, et immundo pallida mitra situ,
 Et canit in nostros nimis experrecta dolores,
 Cum fallendameo pollice claustra forent.
 Sit tumulus lenæ curto uetus amphora collo.
 Vrgeat hunc supra uis caprifice tua.
 Quisquis amat, scabris hoc bustum cedito saxis,
 Mistaq; cum saxis addito uerba mala.

D E P V G N A A C T I A C A
 N A V A L I.

S Acra facit uates, sint ora fauentia sacris,
 Et cadat ante meos iccta iuuenca focos,
 Cera Phileteis certet Romana corymbis,
 Et Cyrenæas urna ministret aquas,

Costum molle date, & blandi mihi turis honores.

Terq; foveum circa laneus orbis eat.

Spargite me lymphis, carmenq; recentibus aris

Tibia Mygdonijs libet eburna cadis.

Ite procul fraudes, alio sint aëre noxæ,

Pura novum vati laurea mollit iter.

Musa Palatini referemus Apollinis ædem,

Res est Calliope digna favore tuo.

Cæsaris in nomen ducuntur carmina, Cæsar

Dum canitur, quæso Iuppiter ipse uaces.

Est Phœbi fugiens Athamania ad littora portus,

Quæ sinus Ionie murmura condit aque,

Actia Iuleæ pelagus monumenta carinæ

Nautarum votis non operosa uia.

Huc mundi coiere manus, stetit æquore moles

Pinea, nec remis æqua faucebat avis.

Alterà classis erat tenero damnata Quirino,

Pilaq; foeminea turpiter apta manu.

Hinc Augusta ratis plenis Iovis omine uelis,

Signaq; iam patriæ uincere docta suæ.

Tandem acies geminos Nereus lunarat in arcus,

Armorum & radijs picta tremebat aqua,

Cum Phœbus linguens stantem se uindice Delon,

Nam tulit iratos mobilis una Notos,

Astitit Augusti puppem super, & noua flamma

Luxit in obliquam ter sinuata facem.

Non ille attulerat crines in colla solutos,

Aut testudineæ carmen inerme lyra,

Sed quali aspexit Pelopeum Agamemnona uultu,

Egessitq; audis Dorica castra rogis,

Aut qualis flexos soluit Pythona per orbes
Serpentem, imbelles quem timuere lyrae.
Mox ait, ò longa mundi seruator ab Alba
Auguste, Hectoreis cognite maior auis.
Vince mari, iam terra tua est, tibi militat arcus,
Et fauet ex humeris hoc onus omne meis.
Solue metu patriam, quæ nunc te uindice freta,
Imposuit proræ publica uota tuæ,
Quam nisi defendes, murorum Romulus augur
Ire Palatinas non bene uidit aues.
Et nimum remis audent propè turpe Latinis
Principe te fluctus regia uela pati.
Nec te quòd classis centenis remiget alis
Terreat, inuito labitur illa mari,
Quodq; uehunt proræ centaurica saxa minante,
Tigna caua, & pictos experiare metus.
Frangit, & attollit uires in milite causa,
Quæ nisi iusta subest, excutit arma pudor.
Tempus adest, committe rates, ego temporis autor
Ducam laurigera Iulia rostra manu.
Dixerat, & pharetræ pondus consumit in arcus.
Proxima post arcus Cæsaris hasta fuit.
Vincit Roma, fide Phœbi, dat foemina poenas,
Sceptra per Ionias fracta uehuntur aquas.
Et pater Idalio miratus Cæsar ab astro.
Sum deus, & nostri sanguinis ista fides.
Prosequitur cantu Triton, omnesq; marine
Plauserunt circa libera signa Deæ.
Illa petit Nilum cymba male nixa fugaci,
Hoc unum iussu non moritura die.

Dij melius, quantus mulier foret una triumphus
 Ductus erat per quas antè lugurtha uis.
 Actius hinc traxit Phœbus monimenta, quòd eius
 Vna decem uicit missa sagitta rates.
 Bella satis cecini, citharam iam poscit Apollo
 Victor, & ad placidos exuit arma choros.
 Candida nunc molli subeant conuiuia ludo,
 Blanditiæq; fluant per mea colla rosæ,
 Vinaq; fundantur praelis elisa Falernis,
 Terq; lauet nostras spica Cilissa comas.
 Ingenium potis irritet Musa poëtis.
 Bacche soles Phœbo fertilis esse tuo.
 Ille paludosos memoret seruire Sicambros,
 Cepheam hic Meroën, fuscaq; regna canat,
 Hic referat sero confessum foedere Parthum,
 Reddat signa Remi, mox dabit ipse sua.
 Siue aliquid pharetris Augustus parcat Eois,
 Differat in pueros ista trophæa suos.
 Gaude Crasse, nigras siquid sapis inter arenas,
 Ire per Eufraten ad tua busta licet.
 Sic noctem patera, sic ducam carmine, donec
 Inijciat radios in mea uina dies.

A D C Y N T H I A M.

S Vnt aliquid manes, letum non omnia finit,
 Lucidaq; euictos effugit umbra rogos.
 Cynthia nanque meo uisa est incumbere fulcro.
 Murmur ad extremæ nuper humata uiæ.
 Cum mihi ab exequijs somnus penderet amoris,
 Et quereretur lecti frigida regna mei,

Eosdem habuit secum, quibus est elata capillos.

Eosdem oculos, lateri uestis adusta fuit.

Et solitum digito beryllon adederat ignis,

Summaq; Lethæus triuerat ora liquor,

Spiranteisq; animos, & uocem misit: at illi

Pollicibus fragiles increpuere manus.

Perfide nec cuiquam melior sperande puellæ,

In te iam uires somnus habere potest:

Iam ne tibi exciderant uigilantis furt a suburræ,

Et mea nocturnis trita fenestra dolis?

Per quam demisso quoties tibi fune pependi

Alternata ueniens in tua colla manu.

Sæpe Venus triuio commista est pectore misto,

Fecerunt tepidas pallia nostra uias.

Fœderis heu taciti cuius fallacia uerba

Non audituri diripuerunt Noti.

At mihi non oculos quisquam inclinauit eunteis,

Vnum impetrassem te reuocante diem.

Nec crepuit fixa me propter arundine custos,

Læsit & obiectum tegula curta caput.

Denique quis nostro curuum te funere uidit?

Atram quis lacrymis incaluisse togam?

Si piguit portas ultra procedere, at illuc

Iussisset lectum lentius ire meum.

Cur uentos non ipse rogis ingratis petisti?

Cur nardo flammæ non oluere meæ?

Hoc etiam graue erat nulla mercede hiacynthos

Inijcere, & fracto busta piare cado.

Lygdamus uratur, candescat lamina uernæ.

Sensit ego, cum insidijs pallida uina bibi.

Aut Nomas arcanas tollat uersuta saluas,
Dicet damnatas ignea testa manus.
Quæ modò per uiles inspecta est publica noctes,
Hæc nunc aurata cyclade signat humum.
Et grauiora rependit iniquis pensa quasillis,
Garrula de facie siqua locuta mea est.
Nostraq; quòd Petale tulit ad monumenta corollæ,
Codicis immundi uincula sentit anus.
Ceditur & Lalage tortis suspensa capillis,
Per nomen quoniam est ausa rogare meum,
Te patiente meæ conflauit imaginis aurum,
Ardent è nostro dotem habitura rogo.
Non tamen insector, quamuis mereare, Properti.
Longa mea in libris regna fuere tuis.
Iuro ego fatorum nulli reuocabile carmen,
Tergeminusq; canis sic mihi molle sonet,
Me seruasse fidem: si fallo, uipera nostris
Sibilet in tumultis, & super ossa cubet:
Nam gemina est sedes turpem sortita per annem.
Turbaq; diuersa remigat omnis aqua.
Vna Clytemnestræ stuprum uehit, altera Cressæ
Portat mentis lignea monstra bouis.
Ecce coronato pars altera parta phaselo,
Mulcet ubi Elysias aura beata rosas
Quà numerosa fides, qua queritur unda Cybelles,
Mitratisq; sonant Lydia plectra choris,
Andromedeq; & Hypermestres sine fraude maritæ,
Narrant historie pectora nota suæ.
Hæc summa æternis queritur liuere catenis
Brachia, nec meritis frigida saxa manus.

Narrat Hypermestrate magnum ausas esse sorores
In scelus, hoc animum non ualuisse suum.
Sic mortis lacrymis uitæ sanamus amores,
Celo ego perfidiæ crimina multa tue.
Sed tibi nunc mandata damus, si forte moueris,
Si te non totum Chlorydos herba tenet.
Nutrix in tremulis nequid desideret annis,
Parthenie patuit, nec tibi auara fuit.
Delitiæq; meæ Latris, cui nomen ab usu est,
Ne speculum dominæ porrigat illa nouæ.
Et quoscunque meo fecisti nomine uersus,
Vre mihi, laudes desine habere meas.
Pelle ederam tumulo, mihi quæ pugnante corymbo
Mollia contortis alligat ossa comis.
Ramosis Anio quæ pomifer incubat aruis,
Et nunquam Herculeo numine pallet ebur.
Hoc carmen media dignum me scribe columna,
Sed breue quod currens uector ab urbe legat.
Hac Tyburtina iacet aurea Cynthia terra.
Acceßit ripæ laus Aniene tue.
Nec tu sperne pijs uenientia somnia portis,
Cum pia uenerunt somnia pondus habent.
Nocte uagæ ferimur, nox clausas liberat umbras,
Errat & abiecta Cerberus ipse sera.
Luce iubent leges Lethæa ad stagna reuerti,
Nos uehimur, uectum nauta recenset onus.
Nunc te possideant aliæ, mox sola tenebo.
Mecum eris, & mistis ossibus ossa teram.
Hæc post, quàm querula mecum sub uoce peregit,
Inter complexus excidit umbra meos.

DE CYNTHIA, ET DE
DRACONE.

Disce quid exquiliis hac nocte fugarit aquosus,
Cum uicina meis turba cucurrit agris.

Lanuuium annosi uetus est tutela Draconis,

Hic ubi tartareæ non perit hora moræ,

Quà sacer abripitur cæco descensus hiatu,

Quà penetrat uirgo tale iter omne caue.

Ieiuni serpentis honos cum pabula poscit

Annua, & ex ima sibilatorquet humo.

Talia demissæ pallent ad sacra puellæ,

Cum temere anguino creditur ore manus.

Ille sibi aduotas à uirgine corripit escas,

Virginis in palmis ipsa canistra tremunt.

Si fuerint castæ, redeunt in colla parentum,

Clamantq; agricolæ, fertilis annus erit.

Huc mea detonsis aucta est Cynthia mannis,

Causa fuit Iuno, sed mage causa Venus.

Appia dic queso, quantum te teste triumphum

Egerit effusis per tua saxa rotis,

Turpis in arcana sonuit cum rixa taberna,

Si sine me, famæ non sine labe meæ.

Spectaculum ipsa sedens primo temone pependit,

Ausa per impuros fræna mouere locos,

Serica nam taceo Volsi carpenta nepotis,

Atque armillatos colla molossa canes,

Qui dabit immundæ uenalia farta saginæ,

Vincet ubi erasas barba pudenda genas.

Cum fieret nostro toties iniuria lecto,

Mutato uolui castra mouere toro.

D E P R E H E N S V M P R O P E R.

tium cum Phyllide, & Theia amicis à

Cynthia, uapulasseq; ab ea om-

nes uehementer.

Phyllis Auentina quædam est uicina Dianæ
Sobria grata parum, cum bibit omne decet.

Altera Tarpeios est inter Theia lucos

Candida, sed potæ non satis unus erit.

His ego constitui noctem lenire uocatis,

Et Venere ignota furtæ nouare mea.

Vnus erat tribus in secreta lectulus herba,

Queris concubitus? inter utranque fui.

Lygdamus ad cyathos, utrique æstiuæ supellex,

Et Methymnei grata salina meri.

Nile tuus tibicen erat coralistria Phyllis.

Et facilis spargi munda sine arte rosa.

*Mimus *Nanus & ipse suos breuiter concretus in artus,

Iactabat truncas ad caua buxæ manus.

Sed neque suppletis constabat flamma lucernis,

Decidit inq; suos mensa supina pedes.

Me quoque per talos Venerem quærente secundos,

Semper damnosi subfluere canes.

Cantabant surdo, nudabant pectora cæco,

Lanuuij ad portas heu mihi solus eram,

Cum subito rauci sonuerunt cardine postes,

Et leuia ad primos murmura facta lares,

Nec moras cum totas resupinat Cynthia ualuæ

Non operosa comis, sed furibunda decens,

Poculâ mi digitos inter cecidere remissos,

Palluerantq; ipso labra soluta mero.

Fulminat illa oculis, & quantum scemina seuit,
Spectaclum capta nec minus urbe fuit.
Phyllidos iratos in uultum conijcit ungues,
Territa uicinas Theia clamat aquas.
Lumina sopitos turbant elata Quirites,
Omnis & insana semita nocte sonat.
Illas direptisq; comis, tunicisq; solutis,
Excipit obscuræ primataberna uia.
Cynthia in exuijs gaudet, uictrixq; recurrit,
Et mea peruersa sauciat ora manu.
Imponitq; notam collo, morsuq; cruenta,
Præcipueq; oculos, qui meruere, ferit.
Atque ubi iam nostris lassauit brachia plagis,
Lygdamus ad plutei fulcra sinistra iacens
Exuitur, geniumq; meum prostratus adorat.
Lygdame nil potui, tecum ego captus eram.
Supplicibus palmis tum demum ad fœdera ueni,
Cum uix tangendos præbuit illa pedes,
Atque ait, admisse si uis me ignoscere culpæ,
Accipe quæ nostræ formula legis erit.
Tu neque Pompeia spatiaberis cultus in umbra,
Nec cum lasciuum sternet arena forum.
Colle caue inflectas ad summum obliqua theatrum,
Aut lectica tuæ sudet aperta moræ.
Lygdamus in primis omnis mihi causa querelæ
Veneat, & pedibus uincula bina trahat.
Indixit leges, respondi ego, legibus utar.
Riserat imperio facta superba dato.
Dein quemcunque locum externæ tetigere puellæ
Sufficit, & pura limina tergit aqua.

Imperat & totas iterum mutare lacernas,
 Terq; meum tetigit sulfuris igne caput.
 Atque ita mutato per singula pallia lecto,
 Respondi, & toto soluimus arma toro.

D E H E R C U L E , E T
 M O R T E C A C I .

Ampitryoniades qua tempestate iuuenkos
 Egerat à stabulis ò Erythræatuis,
 Venit ad inuectos pecorosa palatia montes,
 Et statuit fessos fessus & ipse boues.
 Quà Velabra suo stagnabant flumine, quaq;
 Nauta per urbanas uelificabat aquas.
 Sed non infido manserunt hospite Caco
 Incolumes, furto polluit ille locum.
 Incola Cacus erat, metuendo raptor ab antro,
 Per tria partitos qui dabat ora sonos,
 Hic ne certa forent manifestæ signa rapinæ,
 Auerfos cauda traxit in antra boues.
 Nec sine teste deo, furem sonuere iuueni,
 Furis & implacidas diruit ira fores.
 Menalio iacuit pulsus tria tempora ramo
 Cacus, & Alcides sic ait, ite boues,
 Herculis ite boues nostræ labor ultime clauæ,
 Bis mihi quesitæ, bis mea præda boues.
 Aruq; mugitu sancite boaria longo,
 Nobile erit Romæ pascua nostra forum.
 Dixerat, & sicco torret sitis ora palato,
 Terraq; non ullas foeta ministrat aquas.
 Sed procul inclusas audit ridere puellas,
 Lucus ab umbroso fecerat orbe nemus,

Fœmineæ loca clausa deæ, fontesq; piandos,
Impune & nullis sacra resecta uiris,
Deuia puniceæ uelabant limina uitte,
Putris odorato luxerat igne casa.
Populus & longis ornabat frondibus ædem,
Multaq; cantantes umbra tegebat aues.
Huc ruit in siccam congesto puluere barbam,
Et iacit ante fores uerba minora deo:
Vos præcor ò luci sacro quæ luditis antro,
Pandite defessis hospita uestra uiris,
Fontis egens erro, circaq; sonantia lymphis,
Et caua suscepto flumine palma sat est.
Audistis 'ne aliquem, tergo qui sustulit orbem?
Ille ego sum, Alcidem terra recepta uocat.
Quis facta Herculeæ non audit fortia clauæ?
Et nunquam ad natas irrita tela feras?
Atque uni Stygias hominum luxisse tenebras
Accipite hæc, fesso uix mihi terra patet.
Quòd si Iunoni sacrum faceretis amaræ,
Non clausisset aquas ipsa nouerca suas.
Sin aliquam uultusq; meus, setæq; leonis
Terrent, & Libyco sole perusta coma,
Idem ego Sidonia feci seruilia palla
Officia, & Lydo pensa diurna colo,
Mollis & hirsutum cepit mihi fascia pectus,
Et manibus duris apta puella fui.
Talibus Alcides: at talibus alma sacerdos
Punico canas stamine uincta comas,
Parce oculis hospes, lucoq; abscede uerendo,
Cede agedum, & tuta limina linque fuga,

Interdicta

Interdicta uiris metuenda lege piatur,
 Quæ se summota uindicat ara casa.
 Magnam Tyresias affexit Palla uates,
 Fortia dum posita Gorgone membra lauat.
 Dij tibi dent alios fontes, hæc lympha puellis
 Auia secreti liminis una fuit.
 Sic anus ille humeris postes concussit opacos,
 Nec tulit iratam ianua clausa sitim.
 At postquam exhausto iam flumine uicerat æstum,
 Ponit uix siccis tristia iura labris.
 Angulus hic mundi nunc me mea fata trahentem
 Accipit, hæc fesso uix mihi terra patet.
 Maximaq; gregibus deuota est ara repertis,
 Ara per has, inquit, maxima facta manus,
 Hæc nullis unquam pateat ueneranda puellis,
 Herculis eximij ne sit inulta sitis.
 Sancte pater salue, cui iam fauet aspera Iuno,
 Sancte uelis libro dexter inesse meo.
 Nunc quoniam manibus purgatum sanxerat orbem,
 Sic sanctum Tatiae composuere Cures.

Q V A R E I V P I T E R

Feretrius dictus.

Nunc Iouis Incipiam causas aperire Feretri,
 Armaq; de ducibus trina recepta tribus.
 Magnum iter ascendo, sed dat mihi gloria uires.
 Non iuuat ex facili lecta corona iugo.
 Imbuis exemplum primæ tu Romule palmæ
 Huius, & exuijs plenus ab hoste redis,
 Tempore quo portas Cennium Acrona petentem
 Victor in euersum cuspide fundis equum.

Acron Hercules Cenina ductor ab arce
 Roma tuis quondam finibus horror erat.
 Hic spolia ex humeris ausus sperare Quirini,
 Ipse dedit, sed non sanguine sicca suo.
 Hunc uidet ante cauas uibrantem spicula turres
 Romulus, & uotis occupat ante ratis:
 Iuppiter hæc hodie tibi uictima corruet Acron:
 Vouerat, & spoliū corruit ille Ioui.
 Urbis, uirtutisq; parens sic uincere suevit,
 Qui tulit aprico frigida castra lare.
 Idem eques, & frænis, idem fuit aptus aratris,
 Et galea hirsuta compta lupina iuba.
 Picta nec inducto fulgebat parma Pyropo,
 Præbebant cæsi baltea lenta boues.
 Cossus at insequitur Veientis cæde Tolumni,
 Vincere cum Veios posse laboris erat.
 Necdum ultra Tyberim belli sonus, ultima præda
 Nomentum, & captæ iugera pauca Coræ,
 Et Veij ueteres & uos tum præda fuistis,
 Et uestra posita est aurea sella foro.
 Nunc intramuros pastoris buccina lenti
 Cantat, & in uestris ossibus arua metunt.
 Fortè super portæ dux Veius astitit arcem,
 Colloquiumq; sua fretus ab urbe dedit.
 Dumq; aries murum cornu pulsabat abeno,
 Vineaq; inductum longa tegebat opus,
 Cossus ait, forti melius concurrere campo:
 Nec mora fit, plano sistit uterque gradu.
 Dij Latias iuuere manus, desecta Tolumni
 Cervix, Romanos sanguine lauit equos.



Claudius à Rheno traiectos arcuit hostes,
 Belgica cum uasti parma relata ducis.
 Vir domari genus hic Rheno iactabat ab ipso
 Nobilis erectis fundere gesa rotis.
 Illi uirgatis iaculantis ab inguine braccis
 Torquis ab incisa decedit unca gula.
 Nunc spolia in templo tria condita. causa feretri,
 Omine quod certo dux ferit ante ducem:
 Seu quia uicta suis humeris hæc arma ferebant,
 Hinc feretri dicta est ara superba Iouis.

A D P A V L V M.

DEsine Paule meum lacrymis urgere sepulchrum,
 Panditur ad nullas ianua nigra preces.
 Cum semel infernas intrarunt funera leges,
 Non exorato, stant adamante uie.
 Te licet orantem fusca Deus audiat aule,
 Nempe tuas lacrymas littora surda bibent.
 Vota mouent superos, ubi portitor æra recepit,
 Obserat herbosos lurida porta rogos.
 Sic mœstæ cecinere tubæ, cum subdita nostrum
 Detraberet lecto fax inimica caput.
 Quid mihi coniugium Pauli? quid currus auorum
 Profuit? aut famæ pignora tanta meæ?
 Num minus immites habuit Cornelia Parcas?
 Et sum quod digitis quinque leuatur onus.
 Damnatae noster, et uos uada lenta paludes,
 Et quæcunque meos implicat unda pedes.
 Immatura licet, tamen huc non noxia ueni:

Det pater hic umbræ mollia iura meæ,
Aut si quis posita iudex sedet Acacus urna,
In mea sortita iudicet ossa pila,
Asideant fratres iuxta Minoia sella,
Eumenidum intento turba seuera foro.
Sisyphæ molle uaces, taceant Ixionis orbes,
Fallax Tantaleo corripere liquor.
Cerberus & nullas hodie petat improbus umbras,
Et iaceat tacita lapsa catena fera.
Ipsa loquor pro me (si fallor) pena sororum
Infelix humeros urgeat urna meos.
Si cui fama fuit per auita trophæa decori,
Aera Numantinos regna loquuntur auos.
Altera maternos exæquat turba Libones,
Et domus est titulis utraque fulta suis.
Mox ubi iam facibus cessit prætexta maritis,
Vinxit & acceptas altera uitta comas,
Iungor Paule tuo sic discessura cubili,
In lapide hoc uni nupta fuisse legar.
Testor maiorum cineres tibi Roma colendos,
Sub quorum titulis Africa tonsa iaces,
Et Persen proauæ simulantem pectus Achillis,
Quiq; tuas proauus fregit Achille domos,
Me neque censuræ legem moluisse, nec ulla
Labe mea nostros erubuisse focos.
Non fuit exuijs tantis Cornelia damnum,
Quin & erat magnæ pars imitanda domus.
Nec mea mutata est ætas, sine crimine tota est.
Viximus insignes inter utranque facem.
Mi natura dedit leges à sanguine ductas,

Ne possim melior iudicis esse metu.
Quelibet austeras de me ferat urna tabellas,
Turpior assensu non erit ulla meo.
Vel tu, quæ tardam mouisti fune Cybellen,
Claudia turritæ rara ministra Deæ,
Vel cui commissos cum Vesta reposceret ignes,
Exhibuit uiuos carbasus alba focos.
Nec te dulce caput mater Scribonia læsi,
In me mutatum, quid nisi fata uelis?
Maternis laudor lacrymis, urbisq; querelis,
Desleta & gemitu Cæsaris ossa mea.
Ille sua nata dignam uixisse sororem
Increpat, & lacrymas uidimus esse Deo:
Et tamen emerui generosos uestis honores,
Nec mea de sterili facta rapina domo.
Te lepide, & te Paule meum post fata leuamen.
Condita sunt uestro numina nostra sinu.
Vidimus & fratrem sellam geminasse curulem,
Consule quo facto tempore rapta soror.
Filia tu speciem censuræ nacta paternæ
Fac teneas unum nos imitata uirum.
Et serie fulcite genus, mihi cymba uolenti
Soluatur aucturis tot mea fata malis.
Hæc est foeminei merces extrema triumphî,
Laudat ubi meritum libera fama rogam.
Nunc tibi commendo communia pignora natos,
Hæc cura & cineri spirat iniusta meo.
Fungere maternis uicibus pater, illa meorum
Omnis erit collo turba ferenda tuo.
Oscula cum dederis tua flentibus, adijce matris,

Tota domus cœpit nunc onus esse tuum.
Et siquid doliturus eris sine testibus illis,
Cum uenient, siccis oscula falle genis.
Sat tibi sunt noctes, quas de me Paule fatiges,
Somniâq; in faciem credita sæpe meam.
Atque ubi secretò nostra ad simulachra loquêris,
Ut responsuræ singula uerba iace.
Seu tamen aduersum mutarit ianua lectum.
Sederit & nostro cauta nouerca toro,
Coniugium pueri laudate, & ferte paternum:
Capta dabit uestris moribus illa manus.
Nec matrem laudate nimis: collata priori
Vertet in offensas libera uerba suas.
Seu memor ille mea contentus manserit umbra,
Et tanti cineres duxerit esse meos,
Discite uenturam iam nunc sentire senectam,
Celibis ad curas nec uacet ulla uia.
Quod mihi detractum est uestros accedat ad annos,
Prole mea Paulum sic iuuat esse senem.
Et bene habet, nunquam mater lugubria sumpsi,
Venit in exequias tota caterua meas.
Causa perorata est, flentes me surgite testes,
Dum pretium uitæ grata rependit humus.
Moribus & cœlum patuit, sim digna merendo,
Cuius honoratis ossa uehuntur aquis.

F I N I S.

CN. CORNELII GAL

L I V I T A.



CORNELIVS Gallus Foroiuliensis, Ora-
tor, ac Poeta clarissimus, ex infima fortuna
in Augusti amicitiam susceptus, Aegyptum
provinciam Romanorum primus obtinuit:
mox quum quædam in conuiuio per merum
fassus esset, in suspicionem coniurationis ad-
ductus, dammandusque senatui traditus, ob
pudorem, propria se manu interfecit, anno ætatis suæ LXIII.
Hunc P. V. Maro usque adeo sibi amicissimum habuit, ut Buc-
lica & Georgica in eius laudibus terminarit. Verum quia in
Georgicis pleniores de eo laudes continebantur, iubente Augu-
sto, in Aristei fabulam commutauit. Scripsit Cornelius Gallus
Elegiarum libros IIII. de Cytheride quadam, P. Volumini
liberta, quam ficto nomine Lycorida appellauit: inque iis imita-
tus est Euphorionem Chalcidicum poetam. Lasciuusculus sem-
per fuit: in compositione tamen cæteris, qui elegiam Latine scri-
ptitarunt, durior à Fabio non temere iudicatus. Eius scripta
penitus interciderunt, præter hunc unum libellum, quem pau-
lo ante mortem in Aegypto uisus est perscripisse. Nam quum
ibi Græcam quandam puellam adamasset, nec propter ingrau-
scentem iam ætatem eius libidini satis facere potuisset: materia
satis opportunè oblata est, ut senectutis incommoda describens,
iuueniles suos amores recenseret, sequè in suis carminibus, mul-
to melius, quàm in nummo, spectandum effingeret. Nam quòd
fuerit Hetruscus, quòd Orator, quòd Poeta, quòd etiam uino-
lentus, quòd Lycorida adamarit, quòd Legatus Aegypto præ-
fuerit, hinc manifestissime colligitur: quæ si quis diligenter ani-
maduertat, fatebitur hunc libellum Corneliij Galli, non alterius
fuisse, ut quidam parum prudenter existimarunt.

C. N. CORNELII

GALLI POETAE CLARIS-

simi, ex ijs quæ colligi potuerunt fragmen-
tis, Elegiarum Libellus.



EMVLA cur cessas fia-
nē properare Senectus?
Cur & in hoc fesso corpo-
re tarda sedes?
Solue precor miseram tali
de carcere uitam,
Mors est iam requies, uiue-
re pœna mihi.

Non sum qui fueram : periit pars maxima nostri:
Hoc quoque, quod superest, languor, & horror habet,

Lux grauis in luctu, rebus mœstissima lætis.

Quodq; omni est peius funere, uelle mori.

Dum iuuenile decus, dum mens, sensusq; manebat

Orator toto clarus in orbe fui.

Sæpe poëtarum mendacia dulcia finxi,

Et ueros titulos res mihi ficta dedit.

Sæpe perorata percepi lite coronam,

Et data sunt linguæ præmia digna meæ,

Quæ cum defunctis iam sunt immortua membris:

Heu senibus uitæ portio quanta manet?

Nec minor his aderat sublimis gratia formæ:

Quæ, uel si desint cætera multa, placet.

Quinetiam VIRTUS fuluo pretiosior auro,

Per quam præclarum plus micat ingenium.

Si placuit canibus densos circumdare saltus,
Occubuit telis præda petita meis.
Si libuit celeres arcu tentare sagittas,
Prostravi multas non sine laude feras.
Dulce fuit madidam si fors uersare palæstram,
Implicui ualidis lubrica membra toris.
Nunc agili cursu cunctos anteire solebam:
Nunc tragicos cantus exuperare meo.
Augebat meritum dulcis mixtura bonorum:
Vt semper uarium plus mieat artis opus.
Nam quæcunque solent per se perpensa placere:
Alterno potius uincta decore placent.
Has inter uirtutis opes, tolerantia rerum
Spernebat cunctas insuperata minas.
Vertice nudato uentos pluuiasq; ferebam:
Non mihi solstitium, nec graue frigus erat:
Innabam gelidas Tybirini fluminis undas:
Nec metui dubio credere membra freto.
Quamuis exiguo poteram requiescere somno,
Et quamuis modico membra fouere cibo.
At si me subito uinosus repperit hospes,
Aut lenis fecit sumere uina dies,
Cessit & ipse pater Bacchus, stupuitq; bibentem.
Et quicumque solet uincere, uictus abit.
Haud facile est animum tantis inflectere rebus,
Vt res oppositas mens ferat una duas.
Hoc quoque uirtutum quondam certamine magna
Socratem palmam promeruisse ferunt.
Hinc etiam rigidum memorant ualuisse Catonem:
Non res in uitium, sed male facta cadunt.

Intrepidus quæcunque forent, ad utrumque ferebar:
Cedebant animo tristia cuncta meo.
Pauperiem, modico contentus, semper amaui:
Et rerum dominus nil cupiendo fui.
Tu me sola tibi subdis miseranda Senectus,
Cui cedit quicquid uincere cuncta potest.
In te corruimus: tua sunt quæcunque fatiscunt:
Vltima quæque tuo conficis ipsa malo.
Ergo his ornatum meritis Hetruria nostris
Optabat natis me sociare suis:
Sed mihi dulce magis resolutio uiuere collo,
Nullaq; coniugij uincula grata pati.
Ibam per mediam uernali corpore Romam,
Spectandus cunctis undiq; uirginibus.
Quæq; peti poterat, fuerat uel fortè petita,
Erubuit uultus uisa puella meos.
Et nunc subridens latebras fugitiua petebat,
Non tamen effugiens, tota latere uolens.
Sed magis ex aliqua cupiebat parte uideri:
Letior hoc multo, quòd malè tecta foret.
Sic cunctis formosus ego, gratusq; uidebar
Omnibus, & sponsus sic genialis eram.
Sed tantum sponsus: nam me natura pudicum
Fecerat, & casto pectore durus eram.
Nam dum præcipuè cupio me iungere formæ,
Permansi uiduo frigidus usque toro.
Omnis fœda mihi, atque omnis mihi rustica uisa est,
Nullaq; coniugio digna puella meo.
Horrebam tenues, horrebam corpore pingues:
Nec mihi grata breuis, nec mihi longa fuit.

Cum media tantum dilexi ludere forma:

Maiores enim medijs gratia rebus inest.

Corporis has nostri mollis lasciuias partes

Incolit: has sedes mater amoris habet.

Querebam gracilem, sed non quæ macra fuisset:

Carnis ad officium carnea membra placent.

Sic quod in amplexu delectat stringere corpus,

Ne lædant pressum quælibet ossa latus.

Candida contempsit, nisi quæ suffusa rubore

Vernarent proprijs ora serena rosis.

Hunc Venus ante alios sibi uendicat ipsa colorem,

Diligit & florem Cypris ubique suum.

Aurea Casaries, demissaq; lactea ceruix,

Vultibus ingenuis uisa sedere magis.

Nigra supercilia, & frons libera, lumina nigra,

Vrebant animum sæpe notata meum.

Flammea dilexi, modicumq; tumentia labra,

Quæ mihi gustanti basta plena darent.

In tereti collo uisum preciosius aurum,

Gemmaq; iudicio plus radiare meo.

Singula turpe seni quondam quæ sita referre:

Et quod tunc decuit, iam modo crimen habet.

Diuersos diuersa iuuant: non omnibus annis

Omnia conueniunt: res prius apta, nocet.

Exultat leuitate puer, grauitate senectus:

Inter utrumque manens stat iuuenile decus.

Hunc tacitum, tristemq; decet. fit clarior ille

Lætitia, & linguæ garrulitate suæ.

Cuncta trahit secum, uertitq; uolubile tempus:

Nec patitur certa currere quenque uia.

Nunc quia longa mihi grauis est, & inutilis ætas,
Viuere quum nequeam, sit mihi posse mori.
O' quàm dura premit miseros conditio uitæ:
Nec mors humano subiacet arbitrio.
Dulce mori miseris: sed mors optata recedit:
At quum tristis erit, præcipitata uenit.
Me uerò heu tantis defunctum partibus olim,
Tartareas uiuum constat inire uias.
Iam minor auditus, gustus minor, ipsa minora
Lumina, uix tactu noscere certa queo.
Nullus dulcis odor, nulla est iam grata uoluptas,
Sensibus expertem quis superesse putet?
En Lethæa meam subeunt obliuia mentem,
Nec confusa, sui iam meminisse potest.
Ad nullum consurgit opus, cum corpore languet:
Atque intentata suis obstupet ipsa malis.
Carmina nulla cano: cantandi summa uoluptas
Heu fugit, & uocis gratia uera perit.
Non fora sollicito: nec blanda poemata fingo:
Litibus heu rapidis commoda dura sequor.
Ipsaq; me species quondam dilecta reliquit:
Et uideor formæ mortuus esse meæ.
Pro niueo, rutiloq; prius, nunc inficit ora
Pallor, & exanguis, funereusq; color.
Aret sicca cutis, rigidi stant undique nerui,
Et lacerant uncæ tabida membra manus.
Quondam ridentes oculi: nunc fonte perenni
Deplangunt poenas nocte, dieq; suas.
Et quos grata prius ciliorum ferta tegebant,
Desuper incumbens hispida sylua premit.

Ac uelut inclusi cæco conduntur in antro:
Nescio quid toruum, uel furiale uident.
Iam pauor est uidisse senem: nec credere possis
Hunc hominem, humana qui ratione caret.
Si libros repeto, duplex se littera findit,
Largior occurrit pagina nota mihi.
Claram per nebulas uideor mihi cernere lucem:
Nubila sunt oculis ipsa serena meis.
Eripitur sine nocte dies: caligine cæca
Septum tartareo quis neget esse loco?
Talia quis demens homini persuaserit autor,
Ut cupiat uoto turpior esse suo?
Iam subeunt morbi, subeunt discrimina mille:
Iam dulces epulæ, delitiæq; nocent.
Cogimur à gratis animum suspendere rebus,
Atque ut uiuamus, uiuere destinimus.
Et iam me, dudum cui nulla aduersa nocebant,
Ipsa quibus regimur, nunc alimenta grauant.
Esse libet saturum, saturum mox esse pigebit:
Præstat ut abstineam, ast abstinuisse nocet.
Quæ modo profuerat, contraria redditur esca:
Fastidita iacet, quæ modo dulcis erat.
Non Veneris sunt grata mihi, nec munera Bacchi,
Nec quicquid uitæ fallere damna solet.
Sola iacens natura manet, quæ sponte per horas
Solutur, & uitio carpitur ipsa suo.
Non potus, experta mihi medicamina, profunt,
Non ægris quicquid ferre solebat opem.
Sed cum materia pereunt quæcunque parantur,
Fit magis & damnis tristior urna meis.

Non secus instantem cupiens fulcire ruinam,
Diuersis contrà nititur obicibus.
Donec longa dies, omni compage soluta,
Ipsam cum rebus subruat auxilium.
Quid, quòd nulla leuant animum spectacula rerum,
Nec mala tot uitæ dissimulare licet?
Turpe seni uultus nitidi, uestesq; decore,
Atque etiam est ipsum uiuere turpe senem:
Crimen amare iocos, crimen conuiuia, cantus,
O' miseri, quorum gaudia crimen habent.
Quid mihi diuitiæ, quarum si demeris usum,
Quamuis largus opum, semper egenus ero?
Imò etiam poena est partis incumbere rebus,
Quas quum possideas, est uiolare nephas.
Non aliter sitiens uicinas Tantalus undas
Captat, & appositis abstinet ora cibus.
Efficior custos rerum magis ipse mearum,
Conseruans alijs, quæ periere mihi.
Sicut in auricomis pendentia plurimus hortis
Peruigil obseruat non sua poma draco.
Hinc me sollicitum torquent super omnia curæ,
Hinc requies animo non datur ulla meo.
Querere quæ nequeo, semper retinere laboro,
Et retinens semper nil tenuisse puto.
Stat dubius, tremulusq; senex, semperq; malorum
Credulus, & stultus quæ facit ipse timet.
Laudat præteritos, præsentis despicit annos:
Hoc tantum rectum, quod sapit ipse, putat.
Se solum doctum, se iudicat esse peritum,
Et quòd sit sapiens, desipit inde magis.

Multa licet nobis referens, eademq; reuoluens
Horret, & alloquium conspuit ipse suum.

Deficit auditor, non deficit ipse loquendo:

O sola fortes garrulitate senes.

Omnia nequicquam clamoris uocibus implet:

Nil satis est, horret, quæ placuere modo.

Arridet de se ridentibus: ac sibi plaudens,

Incipit opprobrio letior esse suo.

Hæ sunt primitiæ mortis, his partibus ætas

Defluit, & pigris gressibus ima petit.

Non habitus, non ipse color, non gressus cunctis,

Non species eadem, quæ fuit antè, manet.

Labitur ex humeris demisso corpore uestis,

Quæq; breuis fuerat, iam modo longa mihi est,

Contrahimur, miroq; modo decrescimus ipsi,

Diminui nostri corporis ossa putes.

Nec cælum spectare licet, sed prona senectus

Terram, à qua genita est, & reditura, uidet.

Fitq; tripes, prorsusq; quadrupes, ut paruulus infans,

Et per sordentem flebile serpit humum.

Ortus cuncta suos repetunt, matremq; requirunt,

Et redit ad nihilum, quod fuit antè nihil.

Hinc est quòd baculo incumbens ruitura senectus,

Aßiduo pigram uerbere pulsat humum.

Et numerosa mouens certo uestigia passu,

Talia rugato creditur ore loqui:

Suscipe me genitrix, nati miserere laborum,

Membra uelis gremio fessa fouere tuo:

Horrent me pueri, nequeo uelut antè uideri,

Horrendos, partus cur finis esse tuos?

Nil mihi cum superis, expleui munera uitæ,
Redde, precor, patrio mortua membra solo.
Quid miseros uarijs prodest suspendere pœnis?
Non est materni pectoris ista pati.
His dictis, trunco titubantes sustinet artus,
Neglecti repetens stramina dura tori.
Quo postquàm iacuit, misero quid funere differt?
Heu tantum attriti corporis ossa uides.
Quumq; magis iaceam semper uiuamq; iacendo:
Quis sub uitali me putet esse loco?
Iam pœna est totum quod uiuimus: urimur æstu,
Officiunt nebulae, frigus, & aura nocet.
Ros lædit, modicoq; etiam corrumpitur hymbre
Veris: & Autumnus lædit amœna dies.
Hinc miserum scabies, hinc tussis anhela fatigat:
Continuos gemitus ægra senectus habet.
Hos superesse rear, quibus & spirabilis aër,
Et lux, qua regimur, redditur ipsa grauis?
Ipsa etiam cunctis requies gratissima somnus
Abuolat, sera uix mihi nocte redit.
Vel si lassatos nunquam dignabitur artus,
Turbidus in quantis horret imaginibus?
Mollia fulcra tori duris sunt cotibus æqua:
Parua licet, magnum pallia pondus habent.
Cogor per mediam turbatus surgere noctem,
Multaq; ne patiar deteriora, pati.
Vincimur infirmi defectu corporis: & qua
Noluerò, infelix, hac ego parte trahor.
Omnia naturæ soluuntur uiscera nostræ,
Et tam præclarum quod malè mutat opus.

His ueniens onerata malis inopina senectus,

Cedere ponderibus se docet ipsa suis.

Ergo quis has cupiat per longum ducere penas?

Paulatimq; anima deficiente mori?

Morte mori melius, quam uitam ducere mortis.

Et sensus membris sic sepelire suis.

Non queror heu longi quod totum soluitis anni.

Improba naturæ dicere iura nefas.

Deficiunt ualidi longæuo tempore tauri:

Et quondam pulcher, qui modo turpis, equus.

Fracta diu rabidi compescitur ira Leonis:

Lentaq; per senium Cassia tigris erit:

Ipsa etiam ueniens consumet saxa uetustas:

Et nullum est quod non tempore cedat opus.

Sed mihi uenturos melius præuertere casus,

Atque infelices anticipare dies.

Pœna minor, certam subito perferre ruinam,

Quod timeas grauius sustinuisse diu.

At quos fert alios quis possit dicere casus?

Hoc quoque difficile est commemorasse seni.

Iurgia, contemptus, uiolentaq; damna sequuntur,

Nec quisquam ex tantis præbet amicus opem.

Ipsi me pueri, atque ipsæ sine lite puellæ,

Turpe putant dominum iam uocitare suum.

Irrident gressus, irrident denique uultum,

Et tremulum, quondam quod timuere, caput.

Quumq; nihil uideam, tamen hoc spectare licebit,

Vt grauior misero pœna sit ista mihi.

Felix qui meruit tranquillam ducere uitam,

Et lætos stabili claudere sine dies.

Dura satis miseris memoratio prisca bonorum,
Et grauius summo culmine missa ruunt.

EN dilecta mihi nimium formosa Lycoris,
Cum qua mens eadem, res fuit una mihi.

Post multos quibus indiuisi uiximus annos,
Respuit amplexus heu stupefacta meos.

Iamq; alios iuuenes, aliosq; requirit amores:
Me uocat inbellem, decrepitumq; senem.

Nec meminisse uolet transactæ dulcia uitæ,
Nec quod me potius reddidit ipsa senem.

Imò etiam causas ingrata, perfida ac fingit,
Ut spretus uitio iudicer esse meo.

Hæc me præteriens quim dudum fortè uideret,
Expuit, obductis uestibus ora tegens.

Hunc ego dilexi? meq; hic complexus amauit?
Huic ego sæpe, nefas, oscula blanda dedi?

Nauseat: & priscum uomitu ceu fundat amorem,
Imponit capiti plurima dira meo.

Heu quid longa dies nunc affert? ut sibi quisquam
Quondam dilectum prodere turpe putet?

Nonne fuit melius tali me tempore fungi,
Quo nulli merito despiciendus eram?

Quam postquam perijt quicquid fuit antè decoris,
Extinctum meritis uiuere criminibus?

Iam nihil est totum quod uiximus: Omnia secum
Tempus præteriens, horaq; summa trahit.

At mea iam niuei circundant tempora cani,
Et iam ceruleus inficit ora color.

Præstat adhuc, nimiumq; sibi speciosa uidetur,

Atque annos mecum despicit illa suos.
Et fateor, primæ retinet monumenta figuræ,
Atque inter cineres condita flamma manet.
Vt uideo, pulchris etiam uos parcitis annis,
Nec ueteris formæ gratia tota perit.
Reliquijs ueterum iuuenes pascuntur amorum,
Sed siquid nunc est, quod fuit antè, placet.
Ante oculos statuunt primæui temporis actus,
Atque in præteritum luxuriantur opus.
Et quia nos totus membrorum deserit usus,
Nullos amplexus, quos remoretur, habet.
Sed miseris solus superest post omnia luctus:
Quot bona tunc habui, tot modò damna fleo.
Ergo uelut pecudum præsentia sola manebunt?
Nil de transactis, quod memoretur, erit?
Quum fugiant & bruta nouos animalia campos,
At repetant celeres pascua nota greges,
Sub qua decubuit requiescens diligit umbram
Taurus, & amissum quærat ouile pecus,
Dulcius in solitis cantet philomela rubetis,
Sitq; suum rapidis dulce cubile feris,
Tu tantum bene nota tibi, atque experta relinquis
Hospitia, & potius non manifesta petis?
Non ne placet melius certis confidere rebus?
Euentus uarios res noua semper habet.
Sum grandæuus ego, nec tu minus alba capillis,
Par ætas animos conciliare solet.
Si modò non possum, quondam potuisse memento:
Si satis ut placeam, me placuisse prius.
Permanet in ualidis reuerentia prisca colonis,

Quod

Quod fuit in uestulo milite, miles amat.
Rusticus expertum deflet cecidisse iuuentum,
Cum quo consenuit miles honorat equum.
Nec me adeò primus spoliauit floribus ætas:
En facio uersus, & mea dicta cano.
Sit grauitas, sitq; ipsa tibi ueneranda senectus:
Sit quòd te nosti uiuere uelle diu.
Quis suam in alterius condemnct crimine uitam?
Et quò præ tendit claudere certet iter?
Dicere si fratrem, seu dedignaris amicum,
Dic patrem, affectum nomen utrumque tenet.
Vincat honor luxum, pietas succedat amori:
Plus ratio, quamuis cæca, ualere solet.
His lacrymis longos, quantum fas, fleuimus annos:
Est graue quod doceat commemorare diu.

Nunc opere prætium est quædam memorare iuuentæ,
Atque senectutis pauca referre meæ:
Quò lector mentem rerum uertigine fractam
Erigat, & moestum noscere curet opus.
Captus amore tuo demens Aquilina ferebar,
Pallidus, & tristis, captus amore tuo.
Nondum, quid sit amor, uel quid Venus ignea, noram:
Torquebar potius rusticitate mea.
Nec minus illa mea percussa à cuspide, flagrans
Errabat, tota non capienda domo.
Carmina pulsa procul, nimium dilecta, iacebant,
Solut amor cordi, curaq; semper erat.
Nec reperire uiam, qua cæcum pasceret ignem,
Docta, nec alternis reddere uerba notis.

Tantum in conspectu studio perstabat inani,
Anxia uel solo lumina corde fouens.
Pedagogus adit me, illam tristissimam mater
Seruabat, tanti poena secunda mali.
Prensabantq; oculos, nutusq; per omnia nostros,
Quiq; solet mentis ducere signa color.
Dum licuit, uotum tacite compressimus ambo,
Et uaria dulces teximus arte dolos.
At postquam teneram rupit uerecundia frontem,
Nec ualuit penitus flamma recepta tegi,
Mox captare dolos, & tempora cepimus ambo,
Atque supercilijs, luminibusq; loqui.
Fallere sollicitos, suspensos ponere gressus,
Et tota nullo currere nocte sono.
Nec longo, genitrix furtiuum sensit amorem,
Et medicare parans uulnera uulneribus,
Increpitat, ceditq; : ignes in pectore crescunt,
Ut solet adiecto crescere flamma rogo.
Concipiunt geminum flagrantia corda timorem,
Et sic permixto saeuit amore dolor.
Tunc me uisceribus perterrita quærit anhelis,
Emptum supplicijs quem putat esse suis.
Nec memorare pudet, turpesq; reuoluere uersus,
Imò etiam gaudens imputat illa mihi.
Pro te susceptos iuuat, inquit, ferre labores,
Tu pretium tanti dulce cruoris eris.
Sit modò certa fides, atque inconcussa uoluptas,
Quæ nihil imminuit passio, nulla fuit.
His egomet stimulis angebar semper, & ardens
Languēbam : nec spes ulla salutis erat.

Prodere non ausus carpebar uulnere cæco,
Sed stupor, & macies uocis habebat opus.
Hic mihi, magnarum scrutator maxime rerum,
Solut Bobeti fers miseratus opem.
Nam quum me curis intentum sæpe uideres,
Nec posses causam noscere tristitiæ:
Tandem prospiciens tali me peste teneri,
Mitibus alloquijs pandere clausa iubes.
Dicito & unde nouo correptus carperis igne?
Dic precor, & dicti sume doloris opem.
Non intellecti nulla est curatio morbi,
Vt magis inclusis ignibus ante fremunt.
Dum pudor est tam fœda loqui, uitiumq; sateri,
Agnouit, tanti conscia lingua mali.
Mox ait, occultæ satis est res prodita causæ,
Pone metum, ueniam uis tibi tanta dabit.
Prostratus pedibus uerecunda silentia rupi,
Cum lacrymis referens ordine cuncta suo.
Fare, ait, ut placidæ potiariis munere formæ
Responde: pietas talia uelle fugit.
Soluitur in risum, exclamans, proh mira uoluptas:
Castus amor Veneris dicito quando fuit?
Parcere dilectæ iuuenis desiste puellæ,
Impius huic fueris, si pius esse uoles.
Vnguibus, & morsu teneri pascuntur amores:
Vulnera non refugit, res magis apta plagæ.
Interea donis permulcet corda parentum,
Et pretio faciles in mea uota trahit.
Auri cæcus amor natiuum uincit amorem:
Coeperunt natæ crimen amare suæ.

Dant uitijis furtisq; locum : dant iungere dextras,

Et totum ludo concelebrare diem.

Permissum fit uile nefas, fit languidus ardor:

Vicerunt morbum languida corda suum.

Illa nihil quæsitâ uidens procedere, causam

Odit, et illeso corpore tristis abit.

Proieci uanas sanato pectore curas,

Et subito didici quàm miser antè fui.

Salue sancta inquam, semperq; intacta maneto

Virginitas, per me plena pudoris eris.

Quæ postquàm perlata uiro sunt omnia tuto,

Meq; uidet fluctus exuperasse meos:

Maestè, inquit, iuuenis proprij dominator Amoris,

En de contemptu sume trophæa tuo.

Arma tibi Veneris, cedantq; Cupidinis arcus,

Cedat et armipotens ipsa Minervatibi,

Si tibi peccandi studium permissa potestas

Abstulit, atque ipsum talia uelle fugit.

Ingrati, tristes pariter discessimus ambo,

Disidij ratio uita pudica fuit.

Restat adhuc alios, turpesq; reuoluere casus,
Atque aliquo molli pascere corda ioco.

Conueniunt etenim deliræ ignaua senectæ,

Aptaq; sunt operi carmina uana meo.

Sic uicibus uarijs, alternis uoluimur annis,

Et mutata magis tempora grata mihi.

Virgo fuit, species dederat cui candida nomen,

Candida, diuersis sat bene compta comis.

Huic ego per totum uidi splendentia corpus

Cymbala multiplices edere pulsa sonos.
Nunc niueis digitis, nunc pulsans pectine chordas,
Arguto quicquid murmure dulce loqui.
Hanc ego saltantem subito correptus amavi,
Et coepi tacitus uulnera grata pati.
Sic me diuersis tractum de partibus, una
Carpebat uarijs pulchra puella modis.
Singula uisa semel, semper memorare libebat,
Hærebatq; animo nocte dieq; meo.
Sæpe uelut uise letabar imagine formæ,
Et procul absenti uoce, manuq; fui.
Sæpe uelut præsens fuerit, mecum ipse loquebar,
Cantabam dulces quos solet illa modos.
O quoties demens, quoties sine mente putabar,
Nec puto fallebar, nec bene sanus eram.
Certè difficile est abscondere pectoris astus,
Panditur & clauso sæpius ore furor.
Nam subito inficiens uultum pallorq; ruborq;
Interdum certæ uocis habebat opus.
Nec minus ipsa meas prodebant somnia curas,
Somnia secreti non bene fida mei.
Nam quum sopitos premerent obliuia sensus,
Confessa est facinus conscia lingua suum.
Candida clamabam propera: cur candida cessas?
Nox abit, & furtis lux inimica uenit.
Proximus ut genitor mecum comitatus amatæ
Virginis, in gelida fortè iacebat humo:
Illius ad nomen turbatos excitat actus:
Exilit, & natam credit ad esse suam.
Omnia collustrans, toto me corde solutum

Prospicit afflantem, nec meminisse mei.
Vana putas? an uera sopor ludibria iactat?
Et te uerus, ait, pectoris ardor habet?
Credo equidem assuetas animo remeare figuras,
Et fallax studium ludit imago suum.
Stat tamen attonitus, perplexa^q; murmura captat,
Et tacitis precibus dicere plura rogat.
Sic ego, qui cunctis sanctæ grauitatis habebam,
Proditus indicio sum miser ipse meo.
Et nunc infelix tota est sine crimine uita,
Et peccare senem non potuisse pudet.
Descrimur uitij, fugit indignata uoluptas:
Et quod non possum, non potuisse iuuat.
Hoc etiam meminisse licet, quod serior ætas
Intulit, & gemitus quos mihi leta dedit.
Has sed quis possit naturæ astringere partes?
Gnarus, & ut sapiens noxia sepe uelit?
Interdum rapimur uitij, trahimur^q; uolentes,
Et quæ non capiunt, pectora bruta uolunt,

Missus ad Eoas legati munere functus,
Tranquillum cunctisnectere pacis opus,
Dum studeo geminæ componere fœdera pacis,
Inueni cordis bella nefanda mei.
Hic me suscipiens Hetruscæ gentis alumnum,
Inuoluit patrijs Graia puella dolis.
Nam quum se nostro captam simularet amore,
Me potius uero fecit amore capi.
Peruigil ad nostras adestabat mane fenestras,
Nescio quid Græco murmure dulce canens.

Nunc aderant lacrymæ, gemitus, suspiria, pallorq;

Et quicquid nullum fingere posse putes.

Sed uelut afflicto nimium miseratus amore,

Efficior potius tunc miserandus ego.

Hæc erat egregia forma, uultusq; sereni,

Grata, micans oculis, nec minus arte placens.

Docta loqui digitis, et carmina fingere docta,

Et responsuram sollicitare lyram.

Illam Sirenijs stupefactus cantibus æquans,

Efficior demens alter Vlysses ego.

Et quia non poteram tantas enadere moles,

Nescius in scopulos, et uada cæca feror.

Quid referam gressus certa se lege mouentes?

Suspensosq; nouis passibus ire pedes?

Grande erat inflexos gradibus numerare capillos,

Grande erat in niueo pulchra colore coma.

Vrebant oculos duræ, stantesq; papillæ,

Et quas astringens clauderet una manus.

Ah quantum mentem stomachi futuramouebat,

Atque sub exhausto pectore pingue femur.

Vrebar teneros astringere fortiter artus,

Visa per amplexus ossa sonare meos.

Grandia clamabam nimium me brachia lædunt.

Non tolerant pondus subdita membra tuum.

Dirigui, quantusq; fuit calor ossa reliquit,

Et nata est ueniæ causa pudenda mee.

Non sic lac tenerum permixta coagula reddunt,

Nec liquidi mellis spuma liquoris erit.

Succubui fateor, Graiæ tum nescius artis.

Succubui Thusca simplicitate senex.

Qua defensa suo superata est Hector Troia,
Unum non poterat fraus superare senem?
Muneris iniuncti curam, studiumq; reliqui,
Deditus imperijs sæue Cupido tuis.
Nec memorare pudet tali me uulnere uictum,
Subditus his flammis Iuppiter ipse fuit.
Sic mihi prima quidem nox affuit, & sua soluit
Munera: grande uo uix subcunda uiro.
Proxima destituit uires, uacuiusq; recessit
Ardor, & in Venerem segnis ut antè fui.
Illa, uelut proprium repetens infesta tributum,
Instat, & increpitans, debita reddis? ait.
Sed nihil hic clamor, nil sermo mitis agebat:
Quod natura negat, reddere nemo potest.
Erubui, stupuiq; , omnes uerecundia motus
Abstulit, & blandum terror ademit opus.
Contractare manu coepit frigentia membra,
Meq; etiam digitis sollicitare suis.
Nil mihi torpenti, nil tactis profuit illis,
Restitit in medio frigus ut antè foco.
Quæ te crudelis rapuit mihi fœmina? dixit,
Cuius ab amplexu fessus ad arma redis?
Iurabant curis animum mordacibus uri,
Nec posse ad luxum tristitia corda trahi.
Illa dolum credens, Non fallies, inquit, amorem,
Plurima cæcus amor lumina semper habet.
Quin potius placido noli unquam parcere ludo,
Proijce tristitias, & renouere iocis.
Obtundunt siquidem curarum pondera sensus:
Intermissa minus sarcina pondus habet.

Tunc egomet toto nudatus corpore lecto,
Effusis lacrymis talia uerba dedi.
Cogimur heu segnes crimen, uitiumq; fateri,
Ne meus extinctus fortè putetur amor.
Me miserum, cuius non est culpanda uoluptas,
Iudicor infelix debilitatis ope.
En longo confecta situ tibi tradimus arma,
Arma ministerijs quippe dicata tuis.
Fac quodcunque potes, nos cedimus: hoc tamen ipse
Grandior est hostis, quo minus ardet amor.
Protinus Argiuas admouit turpiter artes,
Meq; cupit flammis uiuificare suis.
Ast ubi dilecti pensensit funera membri,
Nec uelut expositum surgere uidit opus,
Erigitur, uiduoq; toro laniata recumbens,
Vocibus his luctus, & sua damna fouet:
Mentula festorum cultrix operosa dierum,
Quondam diuitiæ, delitiæq; meæ,
Quo te deiectam lacrymarum gurgite plangam?
Quæ de tot meritis carmina digna feram?
Tu mihi flagranti succurrere sepe solebas,
Atque æstus animi ludificare mei.
Tu mihi per totam custos gratissima noctem,
Confors letitiæ, tristitiæq; meæ.
Conscia secreti semper fidißima nostri,
Adstans in nostris peruigil obsequijs.
Quò tibi feruor abit, per quem feritura placebas?
Quò tibi cristatum, uulniferumq; caput?
Nempe iaces nullo, ut quondam, suffusa rubore?
Pallida demisso uertice nempe iaces.

Nil tibi

Nili tibi blanditiæ, nil dulcia carmina prosunt,
Non quicquid mentem sollicitare solet.
Sic uelut exposito meritam te funere plango,
Occidit assiduo quod caret officio.
Hæc ego cum lacrymis deducta uoce canentem
Irridens, dictis talibus increpui:
Dum desles nostri languorem scœmina membri,
Ostendis morbo te grauiore premi.
Vade in quam felix, semper felicibus apta,
Vtere cognatis utere delicijs.
Illa furens, credo quod nescis perfide dixit,
Non fleo priuatim, sed generale chaos.
Hæc genus humanum, pecudum, uolucrumq; ferarumq;
Et quicquid toto spirat in orbe, creat.
Hæc sine diuersi nulla est concordia sexus,
Hæc sine coniugij gratia summa perit.
Hæc geminastanto constringit fœdere mentes,
Vnius ut facit corporis esse duos.
Pulchra licet pretium si desit, scœmina perdit,
Hæc si defuerit, uir quoque turpis erit.
Hæc si gemma micans rutilum non conterat aurum,
Aeternum fallax, mortiferumq; genus.
Tecum pura fides, secretaq; certa loquuntur,
O uerè precium, fructiferumq; bonum.
Cedunt cuncta tibi, quodq; est sublimius, ultro
Cedunt imperijs maxima quæque tuis.
Nec subtracta gemunt, sed se tibi subdere gaudent,
Vulnera sunt iræ prosperiora tuæ.
Ipsa etiam totum moderans sapientia mundum,
Porrigit inuitas ad tua iura manus.

Sternitur icta tuo uotiuo uulnere uirgo,
Et percussa nouo leta cruore iacet.
Flet tantum, ridetq; suum laniata dolorem,
Et percussori plaudit amica suo.
Non tibi semper iners, non mollis conuenit actus,
Mixtaq; sunt ludis fortia facta tuis.
Nam nunc ingenio, magnis nunc uiribus usa,
Nunc his quæ inueni sunt inimica malis.
Nam tibi peruigiles impendunt sæpe dolores,
Hymbres, insidiæ, iurgia, damna, pudor.
Tum mihi sæpe feri commendas corda tyranni,
Sanguineus per te Mars quoque mitis erit.
Tu post extinctos, debellatosq; gigantes,
Excutis irato tela trifulca Ioui.
Tu cogis rapidas affectus discere tigres,
Per te blandus amans redditur ipse leo.
Mira tibi uirtus, mira est patientia, uictos
Diligis, & uinci, uincere sæpe uolens.
Quum superata iaces, uires, animosq; resumis,
Atque iterum uinci, uincere rursus amans.
Ira breuis, longa est pietas, recidiua uoluptas,
Et quum posse perit, mens tamen una manet.
Conticuit tandem longo satiata dolore,
Ac uelut expletis desinit exequijs.

Claude precor miseras ætas uerbosa querelas,
Nunquid adhuc uitium uis reserare tuum?
Sit satis indignum leuiter tetigisse pudorem,
Contrectata diu crimina crimen habent.
Omnibus est eadem leti uia: non tamen unus

Est uitæ cunctis, exitijq; modus .
Hac pueri, atque senes pariter, iuuenesq; ferentur,
Hac par diuitibus pauper egenus erit.
Ergo quod astrictum, quodq; est uitabile nulli,
Festino gressu uincere præstat iter.
Infelix ceu iam desicto funere surgo,
Hac me defunctum uiuere parte puto .

F I N I S.

S E Q U E N S L Y R I C V M

quia à plerisque Cor. Gallo attribuitur, hic adijcere libuit.


LIDIA bella puella, candida,
Quæ bene superas lac, & lilium,
Albamq; simul rosam rubidam,
Aut expolitum ebur Indicum.
Pande puella, pande capillulos
Flauos, lucentes ut aurum nitidum.
Pande puella collum candidum,
Productum bene candidis humeris.
Pande puella stellatos oculos,
Flexaq; super nigra cilia.
Pande puella genas roscas,
Perfusas rubro purpuræ Tyriæ.
Porrige labra, labra corallina,
Da columbatim mitia basia:
Sugis amentis partem animi:

Cor mihi penetrant hæc tua basta.
 Quid mihi sugis uiuum sanguinem?
 Conde papillas, conde gemipomas,
 Compresso lacte quæ modò pullulant.
 Sinus expansa profert cinnama:
 Vndique surgunt ex te deliciae.
 Conde papillas, quæ me sauciant
 Candore, & luxu niuci pectoris.
 Sæua non cernis quòd ego langueo?
 Sic me destituis iam semim ortuum?

F I N I S.







БОНТОМОВА
"БОНТОМОВА ПИСМА"
КОЛЛЕКЦИЯ БОНТОМОВА ПИСМА

1 2430

COLLEGIO CONVITTO VESCOVI
"GUGLIELMO MARCONI"
PORTOGRUARO

15
5430







RESTAURATORE

Angelo Pandimiglio

Roma

li

